



ჩვენი მწერალი


გამოდის თვეში ორჯერ პარასკეობით

ფასი 1,50 ლარი

18 ოქტომბერი 2013

№21 (203)

მანანა ჩიტიშვილის ლირიკა
 სად არის აქ საზოგადოება?!
 მსახურება ღვთისა და ერისა
 დიდი ჯიხაიშიდან წერაქვამდე
 ოთარ ჩხეიძის შერისხული რომანი
 მაკა კვერენჩილაძის იტალიური დღიურები
 ფიროსმანის ფერწერის თავისებურებანი
 ბულგაკოვის წარწერები მანუეტებზე
 ინტერვიუ ნინო ხომასურიძესთან
 ვანო ჩხიკვაძის მცირე პროზა
 მარტოობის სევდის პოეზია



შინაარსი

თქმა მართლისა	2	იოსებ ქუმბურიძე სად არის ამ საზოგადოება?!
სამართლმცოდნის გზავნა	4	ივანე ამირხანაშვილი ორი ნარკვევი ერთ თემაზე
მსარეს-ინტერვიუ	8	ნინო ხომასურაძე „ბედნიერებაა, როდესაც ცხოვრობ და გიხარია...“
პროზა	9	ვანო ჩხიკვაძე მცირე პროზა
პოეზია	16	მანანა ჩიტიშვილი ჩემი ლოცვა და სხვა ლექსები
პროზის გზავნა	19	მაკა კვერენჩხილაძე-კარტაიზერი იტალიური დღიურები
პოეზიის ერთი ლექსი	23	იოჰან ვოლფგანგ გოეთე ველზე ვარდი
დაუთმებული სახელები	24	გურამ ბენაშვილი ლიტერატურული ვიტრაჟები (გერონტი ქიქოძე, აკაკი განდრელია, აკაკი ბაქრაძე, თამაზ ჩხენკელი, ვახტანგ როდონია)
სოციალური ალკოჰოლიზმი	29	სოლომონ ბრეგვაძე ნავთობის ნიჟნები ტყიბულის რაიონში
მარადი ხალხობა	30	გურამ ჯავახიშვილი შერნერის ტექნიკის თვისებანი და ფიროსმანის შემოქმედების ატრიბუცია
მომგონებათა სივრდი	33	ეკა ბუჯიაშვილი ჩემი პატარა ქალაქი (კარლო ფაჩულია)
კრიტიკა	38	გია ხოფერია „მეჩინი“ მეჩინა არ გარიყულა
წერილი რედაქციას	41	რეზო ესაძე შინაგანად ვინერ პირჯვარს
წუთები და წლები	42	როსტომ ჩხეიძე მართლმადიდებლის სეპდის პოეზია
ლიტერატურული ცხოვრება	49	ნინო დეკანოიძე მაჩაბლის 13 — პოეზიის მასპინძელი
ახალი თარგმანები	50	მიხაილ ბულგაკოვი ნარწარები მანქანებზე
ახალი წიგნები	64	ელისო კალანდარიშვილი სანიმუშო — ამ ყაიდის გამოკვლევები
საორბი	67	გივი გამრეკელი მატჩი მსოფლიო პირველობაზე 5 ნომბარს: ანანდი — კარლსენი
ნაკვეთები	69	მასვილსიტყვაობის ნიმუშები
მოზაიკა	71	შექსპირი ნიურნბერგის პროცესზე



ორკვირული ჟურნალი

მისამართი: თბილისი, ჩუბინაშვილის #41

რედაქცია: (995 32) 296 20 62

რეკლამა: (995 93) 65 93 68

გავრცელება: (995 92) 25 94 94

ელ-ფოსტა: info@mtserloba.ge



www.facebook.com/chveni.mtserloba

„ჩვენი მწერლობის“ მომდევნო ნომერი გამოვა 1 ნოემბერს

დაარსებულია
ომეგა ჯგუფის მიერ
2000 წლის ივლისში

დამფუძნებელი
ზაზა ოქუაშვილი



დაბეჭდილია სტამბაში
ომეგა თბილისი

პ.სარაჯიშვილის ქუჩა 17,
თბილისი საქართველო
ტელ: 00 995 32 53 12 77
ფაქსი: 00 995 32 53 08 33
ელ-ფოსტა: orders@omegategi.ge
www.omegategi.ge

მთავარი რედაქტორი	როსტომ ჩხეიძე
პროზის რედაქტორი	ივანე ამირხანაშვილი
პოეზიის რედაქტორი	მაკა ჯოხაძე
კრიტიკისა და თარგმანის რედაქტორი	თამაზ ნატროშვილი
მხატვრული რედაქტორი	კარლო ფაჩულია
დიზაინერი	მალხაზ იაშვილი
სტილისტ-კორექტორი	ნინო დეკანოიძე
კომპიუტერული უზრუნველყოფა	თენგიზ რობიტაშვილი
ოპერატორი	თამარ ჩიხლაძე
სარეკლამო მენეჯერი	ეკა ბუჯიაშვილი
გავრცელების სამსახური	ლევან კვიციანი

გარეკანზე: გიორგი (კახა) კახაბრიშვილი, ფოტო ჯონ ჰენშლისა
ლუსერნი (შევიცარია), ფოტო სანდრო მალრადისა

იოსებ ჭუმბურიძე

საზოგადოებრივი საკომუნიკაციო

სად არის აქ საზოგადოება?!

(ღიალოგი რეჟანიტა და ინტერვიუებით)

„ნაციონალური“ კურიოზი

დავინყოთ ფაქტით, რომელიც „ნაციონალური“ ხელისუფლების პირობებში კურიოზად სულაც არ აღიქმებოდა: საქართველოს საზოგადოებრივი მაუწყებლის გენერალური დირექტორის თანამდებობაზე კენჭს იყრიდა ამ დარგის ცნობილი პროფესიონალი. რა თქმა უნდა, არ აირჩიეს. არც უკითხავს, რატომ. მოგვიანებით, შემთხვევით ჩაუვარდა ხელში ოქმი, სადაც ეწერა: „გაეცნო რა კანდიდატის ბიოგრაფიას, კომისიამ კანდიდატურის განხილვა საჭიროდ აღარ ჩათვალა“.

ღანუგაული გომბრაფიის რამდენიმე ფაქტი

გიორგი (კახა) კახაბრიშვილი; დაიბადა თბილისში, ანჩისხატის ეკლესიის ეზოში; თეატრალურ ინსტიტუტში მიხეილ თუმანიშვილის მონაფე იყო;

23 წლისამ დადგა ჭეშმარიტად უბერებელი სატელევიზიო სპექტაკლი „ჯერ დაიხრცნენ, მერე იქორწინეს“ (რასაც შემდეგ მოჰყვა „უჩინაჩინის ქუდი“, „ხორუმი ქართული ცეკვა“, „გვადი ბიგვა“, „მტრედის მოტანილი ბარათები“...);

35 წელი იმუშავა საქართველოს სახელმწიფო ტელევიზიაში;

1994-99 წლებში იყო ტელერადიოკორპორაციის თავმჯდომარის მოადგილე და სამხატვრო ხელმძღვანელი.

„გაეცნო რა კანდიდატის ბიოგრაფიას“...

შენიშვნა: საქართველო ერთადერთი ქვეყანაა, სადაც ნაციონალური აღარ ნიშნავს ეროვნულს.

უხსკეპი... სხვენი

ასეთ ცნობებს ოფიციალურ ავტობიოგრაფიებში (ე.წ. CV) არასოდეს წერენ. არადა, ეს გაცილებით უფრო მნიშვნელოვანია:

„დედაჩემი ტაბახმელიდან იყო. იმ დროს, როცა მისმა მშობლებმა მარიამმა და დავითმა იქორწინეს, კომუნისტებმა სოფელში მდგარი პატარა ბაზილიკა დაანგრეს და საეკლესიო ინვენტარი ხევში გადაყარეს.“

ბებია და პაპა ღამით ჩუმად მიდიოდნენ, გადაყრილ ნივთებს „იპარავდნენ“ და სხვენში ინახავდნენ. ასეთი სხვენის ქვეშ ხშირად მეძინა ბავშვობაში. ბევრჯერ ავმძვრალვარ კიდევ იქ და მინახავს, მაგალითად, ოქროს ოლარი...“

ამ ჭერქვეშ ჩემმა ბებომ და პაპამ ცხრა შვილი გაზარდეს — 6 ქალი და 3 ვაჟი.

დედაჩემის ძმამ, შალვა პაპაშვილმა ითავა და, და-ძმებისა და თანასოფელთა დახმარებით ბოლშევიკების მიერ დანგრეული ის ეკლესია აღადგინა.

„გაეცნო რა კანდიდატის ბიოგრაფიას“...

— ბატონო გიორგი, მაინც რა არის ასეთი ეს საზოგადოებრივი მაუწყებელი, საქართველოში მისი ჩამოყალიბება ვერა და ვერ რომ მოხერხდა?

— ვერ კი არა, არ მოხერხდა. საქმე ის არის, რომ დამოუკიდებელმა საქართველომ ევროკავშირის წინაშე რამდენიმე ვალდებულება იკისრა. ერთ-ერთი სახელმწიფო ტელევიზიის საზოგადოებრივ მაუწყებლად გარდაქმნა იყო.

საზოგადოებრივი მაუწყებელი, მით უფრო, ჩვენისთანა პატარა ქვეყნისთვის, არ არის მხოლოდ მასშედი. ის, იმავდროულად, კულტურის კერაც უნდა იყოს. ასეა ყველა ნორმალურ ქვეყანაში — მაგალითად, საფრანგეთში, გერმანიაში.

— მოდი, ერთ-ერთ ქვეყანაზე შევჩერდეთ. როგორია, მაგალითად, საზოგადოებრივი მაუწყებლის გერმანული მოდელი?

— კი, ბატონო. გერმანიაში, საერთოდ, მაუწყებლობის მხოლოდ ორი ფორმაა: საზოგადოებრივი და კერძო. d (გერმანიის მეორე ტელევიზია) საზოგადოებრივი მაუწყებლობაა. მას მართვის სამი ორგანო აქვს: სატელევიზიო საბჭო, ადმინისტრაციული საბჭო და ხელმძღვანელი (ინტენდანტი).

სატელევიზიო საბჭოში 77 წევრია (ისინი ამისთვის ხელფასს არ იღებენ). აქ წარმოდგენილია ქვეყნის მოსახლეობის თითქმის მთელი სპექტრი.

ადმინისტრაციული საბჭო ანუ იგივე „ბორდი“ 14 წევრისგან შედგება. მათგან მხოლოდ ექვსია ხელისუფლების წარმომადგენელი. მათ ირჩევენ 5 წლის ვადით. საბჭო აკონტროლებს ხელმძღვანელის საქმიანობას, განიხილავს მის მიერ წარმოდგენილ ბიუჯეტს და დასამტკიცებლად წარუდგენს სატელევიზიო საბჭოს.

ხელმძღვანელს (ინტენდანტს) ასევე 5 წლის ვადით ირჩევს ადმინისტრაციული საბჭო, ფარული კენჭისყრით, შემადგენლობის სამი მესხუთედით და დასამტკიცებლად წარუდგენს სატელევიზიო საბჭოს. ხელმძღვანელი პასუხს აგებს d-ის საქმიანობაზე, სატელევიზიო პროგრამების შექმნის ჩათვლით. ადმინისტრაციულ საბჭოსთან შეთანხმებით ნიშნავს მოადგილეს და საკვანძო მიმართულებათა ხელმძღვანელებს.

— მივადექით ერთ-ერთ მნიშვნელოვან საკითხს: დაფინანსებას.

— მსოფლიოში საზოგადოებრივი მაუწყებლის დაფინანსების სხვადასხვა ფორმა არსებობს. ზოგიერთ ქვეყანაში „ტელეგადასახადი“ ელექტროენერჯის საფასურში შედის, ზოგან — საზღვარგარეთიდან შემოტანილი აპარატურის ღირებულებაში... გერმანიაში შემოღებულია პირდაპირი სააბონენტო გადასახადი. სხვათა შორის, მსგავსი რამ საბჭოთა კავშირშიც არსებობდა. შემდეგ ტელევიზორი „რეკორდი“ გააძვირეს და ხსენებული გადასახადი მის საფასურში შეიტანეს.

— ახლა კი უფრო მთავარზე ვთქვათ, ანუ საზოგადოებრივი მაუწყებლის მართვაზე, მასში ჩაურევლობაზე. უცხოეთში ეს პრობლემა როგორ გვარდება?

— დემოკრატიულ ქვეყნებში ეს პრობლემა არც არსებობს. იქ დაუშვებელია, საზოგადოებრივი მაუწყებელი რომელიმე პარტიის ან დაჯგუფების ინტერესებს ემსახურებოდეს. მისი ვალია ქვეყანაში მიმდინარე მოვლენების ობიექტურად მიტანა მაყურებელამდე და პრობლემური საკითხების პარიტეტული პრინციპით გაშუქება.

არსებობს რადიო და ტელემაუწყებლობის მსოფლიო საბჭოს მიერ მომზადებული და იუნესკოს ეგიდით გამოცემული ნიგნი, სადაც აღნიშნულია, რომ „საზოგადოებრივი

რადიოსა და ტელევიზიის ძირითადი სამსახურების საქმიანობის წრე სამი ამოცანისაგან შედგება: მიაწოდოს ინფორმაცია, გაანათლოს და გაართოს“.

ამავე წიგნში ხაზგასმულია კიდევ ერთი მეტად მნიშვნელოვანი და პრინციპული მომენტი — ის, რომ „საზოგადოებრივი რადიოსა და ტელევიზიის პროგრამები უფრო მეტად ეროვნული უნდა იყოს, ვიდრე სხვა სამაუწყებლო არხების პროგრამები. და რომ საზოგადოებრივი მაუწყებლის ერთ-ერთი უმთავრესი მისია ეროვნული თვითმყოფადობის განმტკიცებისათვის ხელშეწყობაა.

ეს ყოველივე პირდაპირ ეხმიანება საუბრის დასაწყისში თქმულს, საზოგადოებრივი მაუწყებელი არა მხოლოდ მასმედია, კულტურის კერაც უნდა იყოს. სხვათა შორის, ასეთი იყო სახელმწიფო ტელევიზია და იყო იმ ავად სახსენებელ საბჭოთა ეპოქაში...

კომუნისტური პარადოქსი

— დიახ, ეს ნამდვილი პარადოქსია, მაგრამ ფაქტია, რომ კომუნისტურ ეპოქაში სახელმწიფო ტელევიზია ქართულ კულტურას ემსახურებოდა. ჯანსუღ კახიძე ტელევიზიით კლასიკური მუსიკის გაკვეთილებს ატარებდა; თემურ ქვეციანი ქართულ ხალხურ სიმღერას ასწავლიდა; ანზორ ერქომაიშვილი სოფელ-სოფელ აგროვებდა მუსიკალური ფოლკლორის ნიმუშებს და შემდეგ ტელეაუდიტორიას აცნობდა; ვახუშტი კოტეტიშვილი ხალხური პოეზიის საღამოებს მართავდა...

ესეც ხომ ფაქტია:

საქართველოს სახელმწიფო ტელერადიოკორპორაციის შემადგენლობაში შედიოდა მსოფლიოში სახელგანთქმული ტელეფილმების სტუდია, სატელევიზიო თეატრი, სიმფონიური ორკესტრი, საესტრადო-სიმფონიური ორკესტრი; ქართულ ხალხურ საკრავთა ორკესტრი, ანსამბლი „ქართული ხმები“, ბავშვთა გუნდი...

— **მართლაც, შთაბეჭქდავი ჩამონათვალა. მაგრამ დღეს? აქედან რაიმე შემორჩა?**

— არაფერი.

ტელეპულკი და ეკრანიანი რადიო

— **და მაინც, ალბათ, არ შეიძლება ითქვას, რომ საქართველოში სულ არაფერი გაკეთებულა საზოგადოებრივი მაუწყებლის ჩამოსაყალიბებლად. უკანასკნელ ხანს შესაბამის კანონში შეტანილი ცვლილებებიც ხომ რეალობაა.**

— საზოგადოებრივი მაუწყებლის იდეა და მოდელი დაიბადა მეორე მსოფლიო ომის შემდეგ, როცა მთელი მსოფლიო თანამეგობრობა შეთანხმდა, რომ გებელსის ფაშისტური რადიოს მსგავსად, ამიერიდან არცერთ ხელისუფლებას, არც ბუნჩულასა და კარგს და არც ცუდს, არ უნდა ჰქონოდა გავლენა მასობრივი ინფორმირების საშუალებებზე.

დღეს რა ვითარება გვაქვს საქართველოში? — პარლამენტი ირჩევს სამეურვეო საბჭოს, სამეურვეო საბჭო კი — გენერალურ დირექტორს. სად არის აქ საზოგადოება?

პარლამენტი რა, ხელისუფლება არ არის?

საქართველო, საზოგადოება, ფაქტობრივად, მოტყუებული აღმოჩნდა.

ისიც გავიხსენოთ, როგორ დაიწყო საქართველოს სახელმწიფო ტელევიზიის საზოგადოებრივ მაუწყებლად გადაკეთება — თანამშრომელთა შევიწროებით. ხელშეკრულებას უფორმებდნენ თითო თვით. თვის ბოლო რომ მოახლოვდებოდა, აწრდილებით დადიოდნენ, შეშინებულნი, არ იცოდნენ, კონტრაქტს გაუგრძელებდნენ თუ არა. როცა ქალაქში ცენტრალური გათბობა მოიშალა, არჩილ გოგელიას თავმჯდომარეობის დროს, ავტონომიური საქვავებ გავაკეთეთ და ჩვენს კორპუსებში არ ციოდა.

ახალმა ხელმძღვანელობამ გათბობა გამოართო, რომ თანამშრომლებს თავი კომფორტულად არ ეგრძნოთ. როცა სტუდიებსა და საოპერატოროებში ნყალი ჩამოვიდა, სახურავი კი არ შეაკეთეს, ფული პლასტიკური ბარათების დაბეჭდვაზე დახარჯეს, არასასურველი თანამშრომლები შენობაში რომ ვერ შემოსულიყვნენ. მაშინ „თეატრონის“ ხელმძღვანელი ვიყავი და ჩემს ერთ თანამშრომელს შარი რამდენიმე წუთით დაგვიანებაზე მოსდეს. არადა, ჩვენი სამუშაო დრო ხომ არანორმირებულია. ვინ დამითვლის მე იმ საათებს, გარიჟრაჟზე რომ ავმდგარვარ, მზის ამოსვლის გადასაღებად?

ასე, ბუნებრივია, საზოგადოებრივი მაუწყებელი ვერ შეიქმნებოდა...

— **სამხატვრო ხელმძღვანელი, მთავარი რეჟისორი... რამდენადაც ვიცი, ეს თანამდებობებიც გამქრალია.**

— დიახ, ასეა. დღეს ტელევიზიაში რეჟისორი არ სჭირდებათ. ამიტომაც გვაქვს ეკრანიანი რადიოები და არა ტელევიზიები. მთელი დღე სტუდიაში სხედან და ლაპარაკობენ. მოქმედება აღარ არსებობს. არადა, ჩემმა სტუდენტებმაც კი იციან, რომ ტელევიზია არის არა მხოლოდ მასმედია, არამედ ინფორმირების ელექტრონული საშუალება და, იმავდროულად, სანახაობა. მე რომ ტელევიზიაში მივდი, მის დერეფნებში დადიოდნენ მიხეილ თუმანიშვილი, რეზო ჩხეიძე, გიგა ლორთქიფანიძე, მერაბ კოკოჩაშვილი... დულდა შემოქმედებითი ცხოვრება.

დღეს ტელევიზიებში მომრავლდა ფულის მკეთებელი ხალხი. მე მათ ტელეპულკებს ვეძახი. „პულო“ ბერძნული სიტყვაა და ვაჭარს ნიშნავს. ასეთი მდგომარეობაა ქართულ კინოშიც: ფილმს იღებს არა ნიჭიერი, არამედ ის, ვინც ფულს შოულობს.

— **ბატონო გიორგი, მაინც რა არის საჭირო იმისათვის, რომ საქართველოში ნამდვილი საზოგადოებრივი მაუწყებელი შეიქმნას?**

— ნება!

— **ვთქვით არის ნება, ანუ ეს ხელისუფლებასაც სურს და საზოგადოებასაც. მაგრამ რაკი დამფინანსებელი ხელისუფლება იქნება, ეს კვლავაც პრობლემას არ შექმნის? ვინც ფულს იხდის...**



გიორგი (კახა) კახაბრიშვილი

— მაგრამ ეს ფული ვისია? საზოგადოების, ხალხის არ არის? ასე რომ, პრობლემა ნებაშია.

— კადრები? არსებობენ პროფესიონალები, ვინც ამას შეძლებენ?

— რა თქმა უნდა, არსებობენ. უბრალოდ, მათ არ იყენებენ. პროფესიონალი არაერთია. ერთიც რომ იყოს, ისიც მოახერხებს. ისევ კინოსთან გავაგვლებ პარალელს. თითქმის ყველა (თენგიზ აბულაძის გარდა), ვინც ქართული კინოს ფენომენს ქმნიდა, ცოცხალია, დიდი ქართული კინო კი აღარ არსებობს. რატომ? მერედა, რა კინო?! „უბრალო“ მაგალითი: ლუიჯი პირანდელოს ცნობილი ნოველა თვითონ იტალიელებსაც აქვთ გადაღებული, მაგრამ ქართული „ქვეყრი“ რომ ნახეს, ხელები ანიეს — თქვენი უკეთესიაო...

ოცნება და უფულობა

— ფილმს ის იღებს, ვინც ფულს შოულობსო. თქვენ? შეუძლებელია, ახლის შექმნაზე არ ფიქრობდეთ, არ ოცნებობდეთ?

— ვოცნებობ. თუ საჭირო თანხას მოვიძიებ, ნიკოლოზ გაბაონის „აივნიანი ქალაქის“ გადაღება მინდა.

— საინტერესოა, მაგრამ ამ რომანს, ალბათ, ერთ და ორ სერიაში ვერ ჩაატვით...

— რა თქმა უნდა. დაახლოებით 30 სერია უნდა იყოს... მანამდე, უფრო „ახლო“ ჩანაფიქრიც მაქვს: გიორგი ლეონიძის „ღვინჯუა“. ეს პატარა ნოველაა და მინდა, მისი გადაღება ახალ წლამდე მოვასწრო. არსებობს ჩანაწერი, სადაც გიორგი ლეონიძე ამბობს, ღვინჯუა განსაკუთრებით მიყვარს, რადგან ავტობიოგრაფიულ თვისებებს ატარებსო.

აქედან გამომდინარე, ფილმის დასაწყისიც მოფიქრებული მაქვს: დათოვლილი ალაზნის ველი. შორს გედევით მოჩანს ალავერდის ტაძარი. ისმის ქარის სუსტი სისინი, „ოროველა“ და გიორგი ლეონიძის ხმა.

— რამდენადაც ვიცი, ღვინჯუა თქვენს ავტობიოგრაფიულ თვისებებსაც ატარებს. ამბობენ, რომ თქვენც განთქმული თამადა ხართ...

— გიორგი ლეონიძეს ნამდვილად ვერ შევედრები...

— ღვინჯუას?

— მასთან შედარება კიდევ შეიძლება...

ისპ პარადოქსი

საქართველოს საზოგადოებრივ მაუწყებელში ერთი გენერალური დირექტორი უკვე ორჯერ მოხსნეს.

თვითონ საზოგადოებრივი მაუწყებელი კი ჯერ არა გვაქვს.

არადა, ერთი პროფესიონალიც რომ იყოს დარჩენილი, ისიც კი შეძლებსო...

„გაეცნო რა კანდიდატის ბიოგრაფიას...“

ივანე ამირხანაშვილი

ორი ნარკვევი ერთ თემაზე

2001 წლის ოქტომბერში იმერეთის ღირსშესანიშნაობები დავათვალიერე „ჩვენი მწერლობის“ (მაშინ გაზეთი იყო) რედაქციის თანამშრომლებთან ერთად. შთაბეჭდილებები რამდენიმე წერილში აღვწერე, დავბეჭდე რეპორტაჟი ქუთაისიდან და ნარკვევები ჩუწემისა და სიმონეთის სახლ-მუზეუმების შესახებ. ბევრი ფოტოსურათი გადაიღო მურმან ჩაჩუამ. დიდი ნაწილი ჟურნალ „ომეგაში“ გამოაქვეყნა...

შემდეგ იყო კიდევ ოქტომბერი. 2004 წელი. თამაზ ჩხენკელის წყალობით აღმოვჩნდი ნერაქვეში. ლიტერატურის მუზეუმიდან გავედით კომფორტული, მშვიდი, თითქმის ცარიელი ავტობუსით, რომელსაც მხოლოდ იზა ორჯონიკიძის ხმა ავსებდა.

ნერაქვეში დავგვხვდა ჯავახიშვილის მუზეუმის დირექტორი ირმა წულეისკირი. ახლახან გავიგე, გარდაცვლილა ეს სათნო ქალბატონი. ციხის კაღრების ყურებისას გული გასკდომია.

ლამაზი დღეები იყო, თბილი, უმფოთველი, ცოტა სევდიანიც. დამჩრა ვალად, ვალდებულებად, განუხორციელებელ ჩანაფიქრად — დიდი ჯიხაიში და ნერაქვი. ამ ზაფხულს მივუბრუნდი და გავაცოცხლე ჩანაწერები.

დაბოლოს, რაღა თქმა უნდა, ნარკვევები ეძღვნება თამაზ ჩხენკელის, იზა ორჯონიკიძის, მურმან ჩაჩუას და ირმა წულეისკირის ხსოვნას.

საქციელის კაცი

დიდი ჯიხაიშის სახლ-მუზეუმის მეორე სართულზე, ერთ-ერთ ვიტრინაში გამოფენილია ნიკო ნიკოლაძის ფრაკი, ჟილეტი და შარვალი. ევროპული კოსტიუმის ქსოვილის სიმტკიცე, მკაცრი, შავი ფერი და შთაბეჭდავი ზომები ატარებს თვალმისაცემ რაღაც ნიშანს, რომელშიც იგრძნობა ნებელობის ძლიერი, ენერჯული, მრავლისმეტყველი აური.

იქვე კიდია ჩოხა-ახალუხი, რომელიც, როგორც ეტყობა, ნიკოს ვაჟის, გიორგი ნიკოლაძისაა. ქართული სამოსელის რაინდული უშუალობისა და ევროპული კოსტიუმის მკაცრი რაციონალიზმის შეერთება სრულიად ეკლექტიკურად წარმოგვიდგებოდა, რომ არ გვცოდნოდა ამ დიდი ოჯახის ისტორიის ვერტიკალები.

აქ არის შემხვედრი მოძრაობა საგნებისა და დროისა: მემორიალური ნივთი როგორც სიტყვა, ვიტრინა — მესხიერების სარკე.

მუზეუმის დაგეგმარებაშიც შემჩნევა ტრადიციისა და სიახლის შერწყმის ტენდენცია. პალმებისა და მარადმწვანე მცენარეების გრძელი ხეივანი თავისი ლამაზი პერსპექტივით წარმოადგენს იმერული ყაიდისა და ევროპული გემოვნების შერწყმას.

ერთი მხრივ, მოგზაურობა დროში. გზა აწმყოდან წარსულისაკენ, სადაც მომავლის იდეური ხატიც ილანდება; მეორე მხრივ, სვლა მშობლიური წიაღისაკენ, დედაშვილური გრძნობის გასაგნება (დიდი ჯიხაიში ნიკო ნიკოლაძის დედულეთია). ეს ორსართულიანი თეთრი სახლი ნიკომ ააშენა 1886 წელს. შემდეგ არაერთხელ გადააკეთა, მიაშენა ოთახები, აივნები, სათავსოები. ხის სახლი თანდათან ქვითკირის ნაგებობად გადაიქცა.

1921 წელს, ვიდრე ჩამოართმევდნენ, თვითონ გადასცა სახელმწიფოს. 1926 წელს აქ სასოფლო-სამეურნეო სკოლა გაიხსნა, რომელიც 1930 წელს ტექნიკუმად გადაკეთდა.

მუზეუმი 1948 წელს დაარსდა. 1951 წლის 1 ივლისს საზეიმოდ გაიხსნა ნიკო ნიკოლაძის მუზეუმიც და მისი ბიუსტიც, რომლის ავტორია მოქანდაკე ვლადიმერ ჩხეიძე.

პირველი ექსპოზიცია ბიბლიოგრაფმა თამარ მაჭავარიანმა მოაწყო.

პირველი სართული. სამუშაო კაბინეტი. ლოხანიდან ჩამოტანილი სავარძელი, ვენური სკამები, ჭადრაკის მაგიდა, მზის საათი. ნიკოს ნაყიდი წიგნების კარადა. „კოდაკის“ ფირმის ფოტოაპარატი. შანდლებიანი ფორტეპიანო. წმინდა გიორგის ხატი, ფელიქს ხოდოროვიჩის მიერ დამზადებული, რომელიც უნინ ჭიშკარზე იყო დავანებული.

ექსპოზიციები — ნიკო ნიკოლაძის მოღვაწეობა ფოთში, პრაქტიკულ-საზოგადოებრივი საქმიანობა, ურთიერთობა რევოლუციურ-დემოკრატიულად,

თერგდალეულებთან, ფრანგ კომუნისტებთან — მეტყველი სურათი მოლვანის ცხოვრების, აზროვნებისა და საქმის მასშტაბებისა.

„უღმრთელი საქმის კაცი“ — ასე უწოდა მას არჩილ ჯორჯაძემ. მართლაც, არ განხორციელებულა საქართველოში მეტ-ნაკლებად მნიშვნელოვანი პროექტი, ნიკოს რომ არ მიეღოს მონაწილეობა: ქვანახშირი და მარგანეცი, რკინიგზა და ბანკი, გამოცემლობა და პოლიგრაფია, ქალაქმშენებლობა და თვითმმართველობა.

ფოტოს დღესაც ეტყობა მისი ინტელექტისა და ნებისყოფის კვალი. არქიტექტურული დაგეგმარება, უნიკალური მოვლენა ქართულ სინამდვილეში! მერე რა, რომ პარიზის ანალოგიაა, სამაგიეროდ, ზუსტია, ქართულ-ქრისტიანულ მრწამსს მორგებული.

ნიკო ნიკოლაძის ცხოვრება რაღაცნაირად ასოცირებულია სიუჟეტთან, დრო-სივრცით სტრუქტურასთან, რომელიც გარკვეული სახით დღესაც არსებობს, დღესაც ინარჩუნებს მნიშვნელობას. მისი ცხოვრება ისტორიულობის ის მომენტია, სადაც თავს იყრის დროის სამივე განზომილება.

მან საგანთა რიგი შეცვალა პროგრესის სასარგებლოდ.

თავიდანვე ცხადი იყო, რომ ამდენ რამეს თავისთვის კი არა, ქვეყნისთვის აკეთებდა.

ნიჭითა და პრაქტიკული უნარით ილია ჭავჭავაძეს ადარებდნენ. ეს არც იყო შემთხვევითი. საზოგადოებრივ ღირებულებათა იერარქიულ წყობაში ილიასაც და ნიკოსაც თავთავიანთი ცვლილებები შექმნდათ, თითოეულს თავისი მრწამსის, თავის შეხედულებათა მიხედვით.

მართალი იყო ვახტანგ კოტეტიშვილი, რომელიც წერდა:

„ერთ მხარეს ილია ჭავჭავაძე, თავისი სატირით და სიმტკიცით, მეორე მხარეს ნიკო ნიკოლაძე, მოურიდებელი სიახლით და გრანდიოზული პრაქტიკული გეგმებით. ესენი იყვნენ, რომ დედაბოძებდა შეუდგნენ ჩვენს ცხოვრებას და გაამაგრეს კიდევ ჩვენი არსებობის შერყეული კედლები“.

ისინი ირჩევდნენ ბედს და ბედი ირჩევდა მათ, ოღონდ სხვადასხვა გზით მიდიოდნენ ერთი მიზნისკენ.

ილია ქართველების გულს ალეღვებდა, ნიკო — გონებას, თუმცა მათი „სიცოცხლის პაროლი“ ერთი იყო: დაუდგრომლობა, ბრძოლა, თავგანწირვა.

ბუნებით ილია ინდივიდუალისტი იყო, ნიკო — კოლექტივისტი. მიუხედავად ამისა, ვერც ერთს გაუგეს და ვერც მეორეს. საბოლოოდ ორივე საზოგადოებისგან გარიყული აღმოჩნდა.

იქ, სადაც ნიკო სკეპტიკოსი იყო, ილია ოპტიმიზმს იჩენდა და პირიქით, სადაც ნიკო იმედიანად იყო, ილია სკეპტიკოსობდა.

ილიამ ნიკო ნიკოლაძეში დაინახა თავისი მეორე მე, რომელსაც დიდხანს ებრძოდა.

ილია თავისი შინაგანი განვითარებით ვერტიკალს მიჰყვებოდა, ნიკო — ჰორიზონტალს; ილიას თვალსაწიერს ჰქონდა სიმაღლე, ნიკოსას — სიფართოვე.

ილიას მაღალი, ყოვლისმომცველი აზროვნება ეროვნულ საზღვრებშია მოქცეული, უიმისოდ საგნები და მოვლენებიც ქართულ პრობლემატიკაში შემოაქვს. მხოლოდ ქართველ კაცთან აქვს საქმე, თავის სისხლსა და ხორცს ესაუბრება.

ნიკო ნიკოლაძე ევროპული მასშტაბების პირველი ქართველი ჟურნალისტი, რომელიც 40-ზე მეტ გამოცემაში იბეჭდებდა. ურთიერთობა აქვს ისეთ მოაზროვნეებთან, რომლებიც განსაზღვრავენ ეპოქის ლიტერატურულ, საზოგადოებრივ და პოლიტიკურ დონეს. კერძოდ, ესენი არიან ვიქტორ ჰიუგო, ალფონს დოდე, ემილ ზოლა, კარლ მარქსი, ლუი ბლანი, პოლ ლაფორგი, გერცენი, ჩერნიშევსკი, სალტიკოვ-შჩედრინი და სხვები.

ილიამ და ნიკომ კარგად იცოდნენ ერთმანეთის ფასი. კარგად ხედავდნენ ერთმანეთის ადგილს საქართველოს საზოგადოებრივ ცხოვრებაში. ნიკოლაძის ინიციატივა იყო ჩამოეყვანათ ილია ჭავჭავაძე დუშეთიდან და დაენიშნათ საადგილმამულო ბანკის ხელმძღვანელად; ილია ჭავჭავაძე იყო ის, ვინც 1873 წელს პეტერბურგიდან სწერდა ნიკოს, არ დაეტოვებინა სამშობლო და განეგრძო საქვეყნო საქმე.

ილიას არ იყოს, ნიკოსაც ხშირად სწამებდნენ ცილს, აბრალებდნენ ერის მტრობას, ღალატს, გამცემლობას.

ესეც ბუნებრივი იყო და ბუნებრივი იყო ისიც, რომ ერთმანეთი დუელში გაიწვიეს. თითოეული მათგანის მხრიდან ფაქტობრივად ეს იყო დუელი საკუთარ თავთან, უფრო სწორად, ბრძოლა მეორე მე-სწინააღმდეგ. ღმერთმა აცხონოს ივან სიმბორსკის, პოლონური წარმოშობის რუსი პოეტის სული. მისი დამსახურებაა, რომ დუელი შერიგებით დამთავრდა.

ადამიანი, პიროვნება, ინდივიდი, უპირველეს ყოვლისა, საქციელია.

საქციელის კაცი იყო ნიკო ნიკოლაძე, მებრძოლი, უკომპრომისო, თავისუფალი.

უდოგმატო კაცი და ყველაზე თავისუფლად მოაზროვნე

სკეპტიკოსი უწოდა გერონტი ქიქოძემ. შესანიშნავი დახასიათებაა, ზუსტი, ლაკონიური, არსებითი.

ნიკო ნიკოლაძეს ჰქონდა მორალური უფლებაც და გამბედაობაც, სამშობლოსათვის მიემართა ისე უშუალოდ, როგორც ერთ-ერთ ჩანაწერში მიმართავს: „მას აქეთ, რაც მე ჩემს თავს ვიცნობ, ერთი წადილის მეტი არა მიქონია, ერთი ღმერთის გარდა სხვისთვის თავყვანი არ მიცია... მე შენ მიყვარდი, შენ მწამდი, შენ ვემსახურებოდი ავად თუ კარგად, როგორც შემეძლო, როგორც ჭკუა მიჭრიდა“.

მის ცხოვრებაში არის ერთი უჩვეულო ამბავი, რომელმაც შეიძლება მიგვახვედროს, თუ რაოდენ ბუნებრივად შემოვიდა მასში მშობლიური მიწის შეგრძნება.

ექვსი თუ შვიდი წლისა იქნებოდა, ბაბუა მამუკა გახდა ავად, ლოგინად ჩავარდა, ვერანაირი წამალი ვერ შეველოდა. „ეს იმის ბრალია, რომ სალოცავები დავივიწყეთ“, — თქვა მამამ, იქირავა კამერის ურემი, ჩაანვინა შიგ მომაკვდავი მოხუცი, დასვა კოფოზე თავისი და სალომე, მოუსვა გვერდით პატარა ნიკო და გზას გაუყენა.

ნიკოლაძეებს სამი სალოცავი ჰქონდათ: ჩხარის წმინდა გიორგი, სკანდეს ეკლესია — იმერეთში და გორიჯვარი — ქართლში. სამივე ტაძარი მოიხილეს, მოლოცეს, შემწეობა სთხოვეს და შინ მშვიდობით დაბრუნდნენ, მაგრამ ბაბუას მაინც არ ეშველა...

რამდენი ხანი იარეს, ერთი თვე, ორი თვე თუ მეტი, ნიკოს არ ახსოვდა, მაგრამ გონებაში სამუდამოდ ჩაებეჭდა იმერეთისა და ქართლის გზები, ღამაზი წყალ-ჭალები, ჭრელი მინ-



ნიკო ნიკოლაძის სახლ-მუზეუმი დიდ ჯიხაშიში მურმან ჩაჩუას ფოტოკოლექციიდან

დორ-ველები, დევისხელა მთები, დაბურული ტყეები და შესვედრები უცნობ ადამიანებთან, რომლებიც უშურველად უნაწილებდნენ თავიანთი კერის სითბოს.

მთელი ცხოვრება ვერ ივიწყებდა, თვითონაც უკვირდა, როგორ იარა ამხელა გზებზე. თუმცა რა იყო მისი ცხოვრება, თუ არა გზა, ერთი გრძელი, უსასრულო გზა.

მწარე და ძვირფასი

2004 წლის 30 ოქტომბერი. სოფელი წერაქვი, მიხეილ ჯავახიშვილის დაბადებიდან 124-ე წელი.

ქვემო ქართლში ეს ის დროა, როდესაც თრიმლებს „ცეცხლი უკიდიათ“, ტყისპირები კი ჟირაფივით არის აჭრელებული. ღრუბლიანი, მაგრამ თბილი დღე იყო. ერთი-ორჯერ თქორი წამოუშინა, მაგრამ მალევე გადაიღო.

თავაზიანად დაგვხვდა მუზეუმის დირექტორი ირმა წულეისკირი, მწერალ ნოდარ წულეისკირის ქალიშვილი. მის თავაზიანობაში იგრძნობოდა შეფარული რიდი, მოკრძალება, სიფრთხილე.

აქტიურობდა იზა ორჯონიკიძე, პოეტი, ლიტერატურის მუზეუმის დირექტორი. მგონი მასპინძლადაც თვლიდა თავს. ეს არც უნდა ყოფილიყო გასაკვირი, ვინაიდან სწორედ მან დასვა საკითხი საქართველოს მთავრობისა და მარნეულის რაიონის ხელმძღვანელობის წინაშე, რათა გახსნილიყო ჯავახიშვილის მუზეუმი. ეს მოხდა მწერლის დაბადების მე-100 წლისთავზე, 1980 წელს. თუმცა ხუთი წელი დასჭირდა იმას, რომ საქმე ადგილიდან დაძრულიყო.

1985 წლის 26 ივნისს საძირკველი გაიჭრა. პროექტის ავტორი — არქიტექტორი იოსებ ჩხეიძე; სამუშაოების მწარმოებელი 6 სამშენებლო ტრესტი. მმართველი როლანდ იოსელიანი. მშენებლობა ორ წელიწადში დასრულდა. 1987 წელს მუზეუმი ოფიციალურად გაიხსნა.

ოფიციალურად კი გაიხსნა, მაგრამ რეალურად ვერ იმუშავა. დაიხურა და 1998 წელს ხელმეორედ გაიხსნა. მანამდე, ერთი წლით ადრე, ეზოში დაიდგა მიხეილ ჯავახიშვილის ძეგლი (მოქანდაკე გოგი წულაძე).

ექსპოზიცია გიორგი ლეონიძის სახელობის ლიტერატურის მუზეუმის თანამშრომლებმა თეა თვალავაძემ და ნინო ხოფერიამ მოაწყვეს. ცალკე ოთახი დაეთმო რეპრესიების თემას: „სისხლიანი საქართველო“. გამოიფინა ფოტომასალა, რომლის შინაარსი ისეთივე მძიმეა, როგორც იყო მწერლის ცხოვრება. ნაცრისფერი და შავ-თეთრი ტონები. ერთ მხარეს ლენინი, სტალინი, ბერია და მისთანანი. მეორე მხარეს — ტიციან ტაბიძე, პაოლო იაშვილი, ნიკოლო მინიშვილი, ვახტანგ კოტეტიშვილი. ნივთები არ ჩანს. ერთადერთი მემორიალური ნივთი ტანსაცმლის საკიდაა, რომელიც წერაქვის სკოლის დირექტორს უჩუქებია მუზეუმისთვის.

ცხადია, იმ დღესაც გაიმართა საზეიმო კონცერტი. ამფითეატრზე წარმოიქმნა სიტყვები, გამოვიდნენ რაიონის ვოკალური, ქორეოგრაფიული და დრამატული გუნდები. იმღერეს, იცეკვეს, ილექეს. მაგრამ ჩვენი ყურადღება სხვა რამემ მიიპყრო. თამაზ ჩხენკელმა შემთხვევით აღმოაჩინა და შემდეგ ჩვენც გაგვაცნო წერაქველი კაცი, მიხეილ ჯავახიშვილის დედის ძმის შვილიშვილი ფრიდონ ბურნაძე, რომელსაც ასოსვდა მიხეილისა და მისი ძმის ფიდოს ჩამოსვლა წერაქვში.

არადა, მიხეილ ჯავახიშვილი ავტობიოგრაფიულ ჩანაწერში წერს, 1902 წლის შემდეგ სოფელს თავი მივანებე და იქ ერთხელაც აღარ ჩავსულვარო.

ფრიდონ ბურნაძე კი დაბეჯითებით ამტკიცებდა, რომ 1936 წელს, როდესაც 7-8 წლის იყო, წერაქვში ნახა მიხეილი და ფილო. მიხეილმა ხელშიც ამიყვანაო, — ამბობდა, — მისი მოკლე წვერი და ფიდოს აკვარნილი უღვაშები მახსოვსო.

— რად გინდა ამდენი მტკიცება, მჯერა, — ეუბნებოდა თამაზ ჩხენკელი.

სიხარულისგან სახე გაუნათდა ფრიდონ ბურნაძეს. ეტყობოდა, გულწრფელი იყო. სხვაგვარად არც შეიძლებოდა, კაცი ბურნაძეობით ამაცობდა, მეც იმათი ვარ, იმათი სულის ნატეხიო.

ამ კაცის სიმართლეს დოკუმენტიც ადასტურებს. ქეთევან ჯავახიშვილის ნიგნში „მიხეილ ჯავახიშვილის ცხოვრება“ მოყვანილია 1937 წლის 3 აგვისტოთი დათარიღებული წერილი. მიხეილი მიმართავს შინაგან საქმეთა სახალხო კომისარს გოგლიძეს და სთხოვს ობიექტურად გამოიძიონ მისი ძმის ფიდოს საქმე. იქვე, სხვათა შორის, წერს, რომ 34 წლის მანძილზე არ ყოფილა მშობლიურ სოფელში და პირველად ერთი წლის წინათ, 1936 წელს ჩასულა.

ეს ისე, ლიტერატურის მეისტორიეებისთვის და მათთვისაც, ვისაც ისტორიის შეცვლა სურთ. მაგრამ მომხდარს ვინღა შეცვლის. ისტორია არ შეიცვლება. ისტორიამ შეიძლება შეგვეცვალოს...

„მე ბორჩალოში დავიბადე, — წერდა მიხეილ ჯავახიშვილი, — თრიალეთ-საბარათიანო ყრმობაშივე დავიარე და იქაურ თავად-აზნაურთა ოჯახებში ვტრიალებდი, რომელთაც უწინდელი ცხოვრების დალი ჯერ კიდევ მკაფიოდ ემჩნეოდათ. ჩემი სოფელი წერაქვი ბარათაშვილს ეკუთვნოდა და ისეთ მივარდნილ ალაგას იყო გაშენებული, რომ აქაურებს ჯერ არც კი ენახათ რკინის გზა, რუსული ფარაჯა, ნავთის ლამპა, ჩაი, შაქარი, სალდათი და მოსამართლე (ყოველივე ეს ჩემ თვალწინ შემოდიოდა). ჩემი ბავშვობის დროინდელი და იქაური ერთი წელიწადი ქალაქურ ათ წელიწადს უდრიდა.“

ერთი წელიწადი, როგორც ათი, ათზე გადამრავლებული, გავრცობილი, განეწილი დრო, რომელსაც ქმნის სივრცე და საგანთა უძრაობა.

უძრაობა წარმოშობს მოძრაობას, როგორც უსამართლობა პროტესტს. თანმიმდევრული „პროტესტანტი“ იყო საჭირო და ის აქედან, ბორჩალოდან მოვევლინა ქართულ ლიტერატურას 1880 წლის 8 ნოემბერს.

მწერლებად იბადებიან, წერას კი ცხოვრება ასწავლით. ცხოვრება უბიძგებთ, ავალებთ, აიძულებთ. მწერალს შთაგონებისთვის სჭირდება გაღიზიანება, გაბრაზება, ალშფოთება. ეს მხოლოდ ცხოვრებას შეუძლია. ცხოვრება სთავაზობს ზღვრულ სიტუაციებს, მწერალი გამოწვევებს ტექსტებად გარდაქმნის. მიხეილ ჯავახიშვილის სამწერლო პოტენციალს მამოძრავებელი ძალა მისცა ადგილის კოლორიტი და ცხოვრებისეულმა მიზეზებმა, რომელთაგან აღსანიშნავია რამდენიმე ფაქტორი, კერძოდ: მამა, დედა, პაპა, ბავშვობისდროინდელი ფათერაკები და ოჯახის სისხლიანი ტრაგედია.

მამა — საბა ტოკლიკიშვილი. თხუთმეტი წლისა იყო, შინიდან რომ გაიპარა. მამის უჯიათობას ვერ გაუძლო. თავისუფლება ყველაფერს ერჩია. ზემო მაჩხანაიდან თბილისში ჩავიდა, იქიდან შულავერში გადავიდა, შულავერიდან სადახლოში. მოჯამაგირეობდა, მუშაობდა მებაღედ, მევენახედ, მოურავად. გვარიც გამოიცვალა, ადამაშვილი გახდა, მამის სახელის მიხედვით. ათი წელი გაატარა ბორჯვა-ხეტიალში. ბოლოს წერაქვში დაფუძნდა. ანდრო ბურნაძეს ჩაესიძა. ცოლად შეირთო მისი თექვსმეტი წლის ასული.

მთელი ცხოვრება ეძებდა ადამ ტოკლიკიშვილი დაკარგულ შვილს და მაინც მიაგნო. საბამ პატივით მიიღო მოხუცი მამა, თავისთან დაიტოვა, უპატრონა, ანუგეშა. როცა ამქვეყნიდან გავიდა, იქვე, შულავერში მიუჩინა სამუდამო განსასვენებელი.

დავით კასრაძის ჩანაწერებში არის ერთი ასეთი ადგილი. მიხეილ ჯავახიშვილი ეუბნება დავითს:

— წერაქვი ერთადერთი ქართული სოფელია გაღმა ბორჩალოში. მეორე სოფელი მამაჩემმა გააშენა წერაქვის მახლობლად და სიონი დაარქვა.

— სიონი? — კვირობს დავითი, — ალბათ დიდი მორწმუნე იყო, რომ ბიბლიური სახელი ამოურჩევია.

— პირიქით, დიდი ათეისტი იყო, ხელმოჭერილი ქიზიყელი, საკმაოდ მკლავმაგარი და იმდროინდელ კვალობაზე კარგა შეძლებული გლეხი, — ამბობს მიხეილი.

შეიძლება საბა მართლაც ათეისტი იყო, მაგრამ თეისტებზე ნაკლებ პატივს არ მიაგებდა საკულტო ტრადიციას. იცოდა, რასაც არქმევდა სოფელს. აქაურობაში ბოლნისის სიონის მადლს აცოცხლებდა. აქ ახლაც არსებობს საყდარი, რომელსაც „ბოლნისის ძმას“ ეძახიან.

სოფელ სიონის ღვთისმშობლის სახელობის ეკლესიაში ასვენია მარმარილოს ფილა, რომელზეც ვკითხულობთ: „ამავე სოფლისა მიზეზი აშენებისა აქა მდებარე გვამი ჩემი საბა ადამაშვილი. ნამკითხველნი და მხილველნი, გთხოვთ შენდობა გვიბრძანოთ. დავიბადე 1842 წ. თებერვლის 2. გარდაიცვალე 19...“ (თარიღი არ წერია, რადგან სიცოცხლეში, თავისი ხელით გაუმზადებია ეპიტაფია. უნდა ეწეროს „1901 წ. იანვრის 18.“)

დედა — ელენე ბურნაძე. საშუალოზე მაღალი, შავგვრემანი, ემხიანი, მუდღეური იერის ქალი, რომელიც სადაც უნდა მისულიყო, ყველგან ყურადღების ცენტრში ექცეოდა.

შვილების აღზრდას განსაკუთრებულ ყურადღებას აქცევდა. ზნეობას მაგალითებით ასწავლიდა. თხრობის ოსტატი იყო. ზღაპრის ან ამბის მოყოლას რომ დაიწყებდა, ყველა სულგანაბული უსმენდა. ბავშვები მოუთმენლად ელოდნენ საღამოს დადგომას, რომ დედისგან მოესმინათ ფერადოვანი ამბები, რომელთა შორის ყველაზე დასამახსოვრებელი იყო არსენა ოძელაშვილის გამირობანი.

პაპა — ანდრო ბურნაძე. დედის მამა. შფოთიანი კაცი. ახოვანი, ჯანლონით სავსე. ნამდვილი ქვაკაცი. ამავე დროს, გულკეთილი, სამართლიანი, მიმტყვებელი.

ერთხელ, ახტალობა დღეს, ეკლესიაში სალოცავად მიმავალთ ყაჩაღები დაესხნენ თავს. ყველა შეშინდა და გაიტრუნა. მარტო ანდრო შეებრძოლა შიშველი ხელებით, უიარალოდ. თავპირდამტვრეული გაუშვა ავაზაკები;

მეორედ კაცი დაჭრა ჩხუბის დროს; შემდეგ კოლა ბარათაშვილს სცემა სახრით. სამი თვე ციხეში იჯდა.

ამ კაცის გვერდით იზრდებოდა პატარა მისა. პაპა გვერდიდან არ იშორებდა შვილიშვილს, ყველა სურვილს უსრულებდა, ანებივრებდა. კვიცი გვარზე ხტისო. მიხეილი ხასიათით ანდროს დაემსგავსა. 30-იან წლებში ბედისწერასთან მოთამაშე მწერალი ალიკვალი პაპაა, პაპის ქცევას იმეორებს.

ამ უცნაური ვაჟკაცის სახე „არსენა მარაბდელშია“ უკვდავოფილი. ღვთისავარი ეს იგივე ანდრო ბურნაძეა, შესაძლოა ქაქუცა ჩოლოყაშვილიც. რატომაც არა.

ფათერაკები.

მშობლები დაჰკანკალდებდნენ, თავს ევლებოდნენ, ანებივრებდნენ. მგრძნობიარე და გულჩვილი, ცელქი და დაუდგარი ბავშვი იყო. შეზღუდვებს ვერ იტანდა. კერპობითა და ანჩხლობით თავისი გაჰქონდა. გაჯიუტებულს ცხრა უღელი ხარკამეჩი ვერ აკავებდა. თავის გაფრთხილება არ იცოდა. ხიფათს არაფრად აგებდა. პატარაობაშივე არაერთხელ დამდგარა სიკვდილის პირისპირ.

„ბევრჯერ შემებრძოლა სიკვდილი, ბევრჯერ თვითონ მე გამოვიყვანე საფალავნოდ,“ — წერდა მიხეილ ჯავახიშვილი.

ექვსი-შვიდი წლისა იქნებოდა, ცხვრის ფარას გაჰყვა მთაში. მწყემსებმა მაშინლა შენიშნეს, როცა სოფელს კარგა მანძილზე გასცდნენ. დატუქსეს და უკან გამოისტუმრეს. გზაში შემოალამდა. გულს სტვენითა და სიმღერით იმაგრებდა. გზა აებნა. აღარ იცოდა, საით წასულიყო. გადანწყვიტა ტყეში გაეთენებინა. ძველი, დანგრეული საწნახელი დაინახა და შიგ მოკალათდა. უცებ მგლის ყმუილი შემოესმა. სასწრაფოდ ხეზე აძვრა. დილით, რიყრაყზე, მუხის ტოტზე მძინარეს ვილაც გლეხი გადაეყარა, ჩამოიყვანა და მშობლებს მიჰგვარა.

ერთხელ ხიდიდან ადიდებულ მდინარეში გადავარდა. დახრჩობას მეურმეებმა გადაარჩინეს.

სიფრთხილე არც ცხენთან იცოდა. ბევრჯერ გადმოვარდნილა ჭენების დროს. ერთხელ თავი ისე ძლიერად დაარტყა, რამდენიმე დღის განმავლობაში უგონოდ იწვა.



მიხეილ ჯავახიშვილის ძეგლი წერაქვიში მირიან კილაძის ფოტოკოლექციიდან

ნადირობისას გარეული ღორი გამოეკიდა, ის იყო, პირი უნდა ეტაცა, რომ ბიძამისმა მიუსწრო და გადაარჩინა.

შულავერზე თევზაობისას კინალამ დინამიტი აუფეთქდა. ცეცხლნაკიდებული პატრუქი და ანკესის ბანარი ერთმანეთში აებლანდა და ბოლო წამსლა შეძლო დინამიტის გადაგდება. აფეთქების ტალღამ წააქცია და გონება დააკარგვინა.

ერთხელ რალაც შეეყარა. ისე დაავადდა, რომ სიცოცხლის ნიშანწყალი აღარ ეტყობოდა. ექიმებმა მკურნალობაზე ხელი აიღეს. პაპა ადამამ ზემო მაჩხანაში წასწავლი მჩხიბაობა გაიხსენა: შავი ქათამი დაკლა, შეულოცა და ნაღველა ბავშვს თავზე დაადო. ამან უშველა თუ სხვა რამემ, მოიკეთა და სრულიად გამოჯანმრთელდა.

ყველაზე მძიმე წამი: ყირიმი. იალტის საბალოსნო და მეღვინეობის სასწავლებელი. 1901 წლის ზამთრის საღამო. ვილაცამ მშობლებისაგან ამანათი მიიღო. გაიმართა სმა-ჭამა. მიხეილმა აიღო გაზეთის ნაგლეჯი, რომელშიც ხილი იყო გახვეული. კითხულობს: „დეკემბრის ბოლოს, ბორჩალოს მაზრაში

საზარელი მკვლელობა მოხდა. ავაზაკმა დახოცა დედა-შვილი...“ ეს ნამდვილი ღვთის რისხვა იყო. მერე უკვირდა, გული როგორ არ გაუსკდა. გაზეთი მისი დისა და დედის მკვლელობას იუნწყებოდა...

მას შემდეგ სამუდამოდ მიატოვა მშობლიური კუთხე. აღარ უნახავს ალგეთი, ხრამი, დებედა, ლელვარის თოვლიანი მთა, გოლგოთის ქედი, კვირაცხოვლის წყარო, სიონის საყდარი. როგორც იტყვა, ერთადერთხელ, ერთადერთი დღით ესტუმრა სიონსა და წერაქვს, მაგრამ მის შემოქმედებით წარმოსახვას არასოდეს დაუტოვებია აქაურობა, მშობელ მინაში ღრმად ჰქონდა ფესვები გადგმული, ადგილის დედა კვებავდა მის მდიდარ ფანტაზიას, აქედან იღებდა ცხოვრებისეულ მასალას, აქაური მისი აბდულ ქერიმი („მართალი აბდულაჰ“) და მამა-დი პასანი („ლამბალო და ყაშა“), სოფელი ლამბალო სადახლოს გადაღმა; აქაურია პავლეც („ტყის კაცი“) და, რაღა თქმა უნდა, არსენაც აქვეა, სადმე გორულის კოშკის სიახლოვეს...

ლამაზია წერაქვი შემოდგომაზე. უხილავი მხატვარი ფერებს არ იშურებს იმის გამოსახატავად, რაც თვალსაც ახარებს და გულსაც.

მწერლის სულიც აქ ტრიალებს, ეს არის მისი სამშობლოც და მისი პარნასიც, სიკვდილივით მწარე და სიცოცხლესავით ძვირფასი.

ნინო ხომასურდიძე

„ბედნიერებაა, როდესაც ცხოვრობ და გიხარია...“

— თქვენი აზრით, რა არის უკიდურესი გაჭირვებული მდგომარეობა?

— როდესაც ისეთი გაჭირვებული ხარ, რომ სხვა გაჭირვებულს ვერ ეხმარები...

— სად ისურვებდით ცხოვრებას?

— სადაც ვცხოვრობ.

— რა არის უმაღლესი ბედნიერება?

— ბედნიერებაა, როდესაც ცხოვრობ და გიხარია...

— თქვენი საყვარელი ლიტერატურული პერსონაჟები?

— სწორება არცერთ ლიტერატურულ გმირზე არა მაქვს, ისე კი მომწონს აიეტი და ილარიონი.

— თქვენი საყვარელი ისტორიული პერსონაჟები?

— ბიძინა ჩოლოყაშვილი, შალვა და ელიზბარ ერისთავები.

— თქვენი საყვარელი მხატვარი?

— გაბაშვილი.

— თქვენი საყვარელი კომპოზიტორი?

— ვივალდი.

— რომელ თვისებას აფასებთ, ყველაზე მეტად მამაკაცში?

— თვისება არის ის, რაც არ იცვლება არა? მაშინ თუ ასეა, — სიცოცხლის სიყვარულს...

— რომელ თვისებებს აფასებთ ყველაზე მეტად ქალში?

— სილამაზეს.

— რომელი ადამიანური სათნოებაა თქვენთვის უფრო მომხიბლავი?

— ალტრუიზმი.

— თქვენი საყვარელი საქმიანობა?

— ახალ-ახალი იდეების ანალიზი

— თქვენთვის ნაცნობი რომელი ადამიანი გინდობდათ ყოფილიყავით?

— არცერთი.

— თქვენი ხასიათის მთავარი თვისება?

— ოპტიმიზმი.

— რას აფასებთ ყველაზე მეტად მეგობრებში?

— ადამიანურობას და თქვენ იგულისხმეთ, რაც გასურთ...

— თქვენი მთავარი ნაკლი?

— თითქმის ვერასდროს ვახორციელებ იმ იდეებს, რაც მსურს.

— თქვენი წარმოდგენა ბედნიერებაზე?

— ბედნიერებაა, როცა შენი გაკეთებული საქმე წარმატებით დაგვირგვინდება. ბედნიერებაა, როდესაც დათესავ და მიიღებ.. თუმცა, არც ეს მოიცავს სრულად ბედნიერების განსაზღვრებას...



— რა იქნებოდა თქვენთვის ყველაზე დიდი უბედურება?

— ომი, ნგრევა და ყველაფერი, რაც მას მოჰყვება.

— როგორი გინდობდათ ყოფილიყავით?

— უფრო წარმატებული.

— თქვენი საყვარელი ფერი?

— წითელი.... (თუკი არსებობს)

— ყვავილი, რომელიც ყველაზე მეტად გიყვართ?

— ვარდი.

— თქვენი საყვარელი ფრინველი?

— ხობობი.

— თქვენი საყვარელი მწერალი?

— ბულგაკოვი.

— თქვენი საყვარელი პოეტები?

— გალაკტიონი.

— საყვარელი ლიტერატურული გმირი ქალები?

— ბულგაკოვის მარგარიტა.

— საყვარელი გმირები რეალურ ცხოვრებაში?

— რეალურ ცხოვრებაში გმირები არა მყავს...

— საყვარელი გმირი ქალი ისტორიაში?

— ქეთევან წამებული.

— საყვარელი სახელები?

— არა მაქვს.

— რას ვერ იტანთ ყველაზე მეტად?

— შეურაცხყოფას.

— ისტორიული პიროვნება, რომელმაც თქვენი ზიზღი დაიმსახურა?

— ლენინი.

— საომარი მოქმედება, თქვენი აზრით, ღირსი მეტანაკლები ალტაცებისა?

— სამასი არაგველის გმირობა.

— რეფორმა, რომელსაც თქვენ განსაკუთრებით უმაღლეს შეფასებას აძლევთ?

— „პერესტროიკა“.

— ნიჭი, რომელსაც გინდათ ფლობდეთ?

— მინდა ვმღეროდე.

— როგორი გინდათ რომ გარდაიცვალოთ?

— ჯანმრთელი.

— თქვენი სულიერი მდგომარეობა ამჟამად?

— მშვიდი.

— ქმედებანი, რომლებიც თქვენს შემწყნარებლობას იმსახურებენ?

— ნარკომანობა, მრუმობა.

— თქვენი დევიზი?

— არა მაქვს.

— თუკი ოდესმე შეხვდებოდით ღმერთს, რას ისურვებდით, რომ მას თქვენთვის თქვა?

— არ ვიცი...

ვანო ჩხიკვაძე

მცირე პროზა

საზღვრის დამრღვევი

რა გინდა, ბიჭო, მიტია, საით მიმადუგძულებ... შე ღმერთ-გამწყრალო, შენა. შენ პატრონებს აღარა აქვთ ჭკუა და ამ უგონო დეკეულს რა მოვთხოვო. დაადო თავი და გადმოვიდა... რათა? რა ვიცი, „თავი რო ექცეს ქვათა,“ რათა, თქვენა ჰკითხეთ, იქნება პირუტყვებმა პირუტყვს უკეთესად გაუგოთ!.. ნუ მიღერებ მაგ „კალაშნიკოვს,“ შვილო, შენი ხსენებაც არ იყო, მაგნიური ხელში რო მეჭირა და ჩიტის ოლეში, ჩინეთის საზღვართან ვიდექი... აი, მაშინ, შენსავით პირტიტველა რო ვიყავი, რა მომადუგძულებდა მტრად თუ მომიხტებოდი, ზედ ჩემ სათიბთან საზღვარს გამიტარებდით და მერე ამ საზღვრის დარღვევისათვის კიდევ დამიჭერდით... დაფიქრდი, მიტია... რაო, ვანია გქვია! ჰო, რა მნიშვნელობა აქვს, ან ერთი იქნები, ან მეორე, პაპაჩემ იორამას სახელს ხო არ დაგარქმევდნენ — ყველაზე პატარა კაცი კი ხარ, მაგრამ მაინც დაფიქრდი, ბიჭო, ტყეები წაიღეთ და საძოვარი შუაზე გამიყავით... ან შემა ან თივა არ მიწა, ანდა თონის ასაპრიალებელი სათონე ფიჩხი? ისიც მაგარი გყოლიათ, რო უფროსობდა, ხელები გაუკარითო! თქვე უღმერთოებო, თქვენა, ამ ჩემ ხელს კიდევ გაკვრა და გადაგრეხვა უნდათ — აქედან თქვენ მომადექით და იქიდან ჩემი უვარგისი მთავრობა! გამსრისეთ და ეგ არის, მეტი რაღა გინდათ!

ქრისტიანები არა ხართ? ესეთი ცოდვებით დამძიმებულებმა როგორ უნდა იაროთ, ვის მოხსულში დააბოტებთ, ვის ღობებესა ჰქელავთ, ნადით, რა, იმხელა მთა-ველი გაოხრიათ, ჩემი სოფელი კი არა, მთელი საქართველო ხელისგულზე რო დაისვათ, ჭიამიად არ გამოჩნდება, სირცხვილი აღარა გაქვთ?

მოიცა, ბიჭო, ერთხელ მაინც შებრუნდი, აქ მავთულხლართს რა უნდა, გადახედე, რა სილამაზეა, ერთიანი, მთლიანი, ვინ მოგცათ ამ სილამაზის გაყოფის უფლება, განა შეიძლება მშვენიერება დააქუცმაცო, გადათხარო, მიურ-მოურიო?..

ის დალოცვილი მახარაშვილი ცოცხალი რო ყოფილიყო, არ გეტყოდით, „ნი პახალ, ნი საჟალ,“ ვის მამულში მოეთრევიო?.. ისე კი მაგრად დააკერა იმ შენს წინაპარს და ვაზებში გააგორა! ღირსი არ იყო? ჩვენებური კაცის გარდა, სხვამ ვინ გაბედა, რუსულ ტანკებს უკან ვინ დაახევინა?..

მაღალმა ღმერთმა დააბრმავოს ვინც ჩვენი სიკეთე ვერ დაინახოს!

მოილუშე, მოილუშე...

დედა ვაცხონე იმისი და — მამა!..

მომისმინე, ვანია, ჩვენებურებს მეტსახელად ნიბლიებს გვეძახებდნენ:

დაკრძალვაზე არიან თურმე ესენი, ჩვენებურები, კახეთისკენ, რომელიც სოფელში. იქაურებს სასაფლაო შორს ჰქონიათ. გაინელა გზა და მოუწიათ ამათაც კუბოს აწევა. იქაურებს შეეხიდნენ სტუმარი ჩვენებურები, შეუდგეს მხარი საკაცეს და მიაქვთ. ეს დროა, გაზაფხულის მინურული, ყვავის ბუნება, იფურჩქნება გასაფურჩქნი და იკოკრება დასაკოკრი. გაიარეს მინდორი, შეუდგნენ აღმართს.

უცებ, გზისპირზე ჩაყოლებული ნარეკალიდან, ბოლოქანქარა ჩიტი ამოუფრთხილდათ და აედევნათ ფრენა-ფრენით, თანაც სულ ხელის აწვდენაზე, თავზემთ დასტრიალებთ.

არიქა, ბიჭო, ნიბლიაო, წამოიძახა თურმე ერთმა ჩვენებურმა.

„ნიბლიაო“, ამის თქმა იყო, შეთანხმებულებივით, მაშინვე დადგეს კუბო და ოთხივე ჩიტს გაეკიდა.

ნიბლიაც ხო არ გაუჩერებოდით, ხან ერთ ნარეკალზე შემოჯდა, ხან მეორეზე, მერე ახლადამონვერილი ყანისკენ გადაინაცვლა და ესენიც ჟივილ-ხივილით მიჰყვნენ. ის მამაძალე ჩიტიც მაღლა-მაღლა კი არ წავიდა, ცხვირწინ, ლამის ხელებში ჩაუფრინდათ, ლაღობს, ეთამაშებათ... ამათაც აიკეცეს შარვლის ტოტები და მისდევნენ, მისდევნენ... სახტად დარჩა დიდპატარა. ვილას ახსოვს მიცვალეული, გასაკვირს არის ქალი და კაცი, ჭირისუფალი.



„ნიბლიაო და ნიბლიაო,“ ჯერ თავშეკავებულად გაეცინათ, მერე ყანის პირას მომდგარი ჯამაათი თანდათან ხმამაღლა აფხუქუნდა.

თან ინტერესით მისჩერებიან ოთხ დამთხვეულს, კითხულობენ ვინ არიან და სადაურებიო.

უყურეს, უყურეს და, მკვდარს დაუმარხავს ხო არ დატოვებდნენ, გაახსენდათ ჭირისუფლებსაც გლოვა რო უფრო შეპვროდათ — ისევ ჩამოიშალეს შავი პირბადეები, ამოუშვეს ზარი, მაგრამ გზა და გზა, ისეთი ხმები გაერეოდათ, სიცოცხლისაგან ვერ გამოარჩევდით...

ამის მერე, ჩვენებურებს, ნიბლიები შეგვეკრქვა... რაო? ჩიტი რა იქნა? აგე, დაარღვია საზღვარი და თუ ბიჭი ხარ, მიდი, გაკოჭე! ჩიტი სილაღა, სილაღე კი, ცარიელი ხელით, ვის დაუჭერია?.. ეგ ავტომატი რო არ გეოხროს, ძალა არა გქონდეს, ჩემი დამტყვევებელი ან მამულის გამყოფი იყავი?.. იმათაც გაუსხლტათ, ნიბლია წავიდა მაღლა-მაღლა, გაქრა ცაში...

განა ეს ჩვენი სიცოცხლეც ეგრე არ გვეთამაშება? იფრთხილებს, იფრენს და... ადრე თუ გვიან თავის ნაჩუქარს ისე უფალი დაიბრუნებს... ტყუილად არ მეძალავები? რა გინდათ, სად მიგყვართ, თქვენი მკვდარი იტირეთ, თქვენი!.. რამდენ ხანს, ან სადამდე მატარებ, ჩვენა ნიბლიები ვართ, გითხარი, სილაღე ვის დაუჭერია-მეთქი...

ეჰ, ბიჭო, მიტია, სად მიმადუგძულებ, შე ჩემი ცოდვით სავსე...

სიმინდის მონატრება

სიმინდი როგორც კი ამოინვერებოდა, შემოვუთოხნიდით, ძირზე მოდებულ ღიჭა ბალახის ტყვეობიდან დავიხსნიდით, მინას შემოუფხვიერებდით, მერე რუს წყალს მივუგდებდით, ისიც დაუვლიდა მოალონიერებდა, დაავაჟუკებდა, სიმინდიც ყლორტებს გაიტანდა, წელზე ტარო გამოენასკვებოდა, ჩვილივით გაახვევდა მწვანე ფურცლებში. მზეზე თანდათან ფერს შეიცვლიდა, გაიზრდებოდა, თავზე ოქროსფერ, სურნელოვან „ქოჩორს“ გადაიყრდა და ამ ქოჩორზე რომ მოეფერებოდი, ხელისგულს დილის ნამის სიგრილე აჰყვებოდა...

ზაფხულის მინურულს, ყვითლად შემჭქნარს, ფრჩხილის სიმსხო მარცვალში ჩამდგარი რძე გაუმკვრივებოდა, გაფშეკილი უღვაში აქეთ-იქით დაეკიდებოდა...

რამდენჯერ, ღამით, უქარო ამინდში, ფიქრებში გართულს, ხმელი, აუჩაღავი ღერების შემრიალება შეგვაკრობდა ხოლმე...

რა უნდოდათ, რას ჩურჩულებდნენ, რაზე ბაასობდნენ ღამის მღუმარებაში გასუსულები... ეგებ ავსულები დაშლივინებდნენ და ვაი იმას, ვისაც გადაეყრებოდნენ...

არსებობისათვის ბრძოლა, კაცისა და მიწის ჭიდილი შობს იმ სიყვარულს, რომლის გარეშეც კაცს ჯიგარი როგორ დაეწვის, ოჯახზე, სამშობლოზე, ან აიმი გადავლილ ღრუბელზე, ხელისგულივით რომ დაეფინება ხოლმე პიტალო, გახურებულ კლდეებს, თითქოს შვილს შუბლზე სიცხეს უსინჯავასო.

რა ვქნა, მე ჩემი მახსოვს და მენატრება: ახლად ფუჩიგაცლილ ტაროს გამლილ ჭილოფზე რომ დავახორავებდით, თითო-ოროლა, შემორჩენილ ჭყინტებს ცეცხლს მიფუფიცებდით, დანარჩენს კი მზეზე გავშლიდით, გავანიავებდით და წყლის წისქვილში ჩამოვფეკავდით.

მახსოვს, იმ დოლაბის ნებიერი ლულუნი, ხვიშირიდან კისრისტეხით გადმომხტარი მარცვლები და ქვედა დოლაბის პირთან მიდგმული ხის ამბარი ფქვილის თეთრი, თბილი ნამქერით როგორ ივსებოდა. ბოლო მარცვალზე რომ ისკუპებდა, ხის ბრტყელი ასაკრეფით „ამოვხაპავდით“, დავაცარიელებდით ამბარს. შინ მიტანილ ფქვილს გაცრიდნენ, ნელთბილ წყალში მოზელდნენ. ჩააკრავდა თონეში ბებიაჩემი, ნააფარებდა ფიცრებს და რამდენიმე წუთში ამოყრიდა ყუადაბრანულ, თავისი ნათითურებით დამშვენებულ ჭადებს.

ფაფაც როგორი გემრიელი იცოდა ჩვენი ურწყავის სიმინდმა — თუჯის ქვაბში ჩახარშული ღერლილი, გაბუტულივით რომ ბუმტავდა ტუჩებს, ამოიფშვენდა, ამოიხვნეშებდა, ერთხანს ითუხთუხებდა და გადმოდგამდნენ მაგიდაზე.

ვიდრე ჩამოარიგებდნენ, თეფშის შუაგულში ფაფას მისწევ-მოსწევდნენ, „ჩაჩვრტდნენ“ და ერბოს ან კარაქს ჩადებდნენ...

კიდევ რა მახსენდება? გახურებულ ნანვერალში გაბრაზებული ყვავი ჩამოჰყრის ყრანტალს, მწყერს წამოაფრენს ჩვენი ყიჟინა. გასროლილი „ყურშმანგი“ თავზემით გაიფეგებს, შეაჟღარუნებს ერთმანეთს დაჯახებულ ფოლადის მავთულებს...

კიდევ, ცაზე მოდგება, პირდაბანილი, გაცინებული მნათობი, პირველი სხივი სარკმელზე აელვარდება, თვალეში შემოგიჭყიტინებს, ძილს დაგიფრთხოვს, ქანდარაზე აფართხალეზულ მამალს დასაყვილებლად ნააქეზებს, სანახიროსაკენ დაფუზარავებულ ძროხას ჩვილი ხბო აედევნება, დვინილებზე დაექიჩმარება და თბილი, მოწველის მერე ცურში დარჩენილი რძით ყელს ჩაიკოკლოზინებს...

ან...

ტროტუარზე ამობლოტებული, მანქანის საჭეზე მორგევით თავჩამოდებული, „ახალი ქართველი“ გაბოროტებული მიყურებს, თითქოს ის კი არა, მე ვიჯდე კონდიციონერით გაგრილებულ, უკანასკნელი (ჰა-ჰა, უკანასკნელისწინა) მოდელის „ჯიპში“.

თუმცა, რა გასაკვირია, აღრენილი რომ მიყურებდეს, ამ ბლენძს ახლა თოხის, სიმინდის და მიწის აპოლოგია უნდა? განა არ იცის, რომ არც მე მისკდება გული მისი სიყვარულით?

რა ვქნა, მიყუროს, ემანდ თვალი არ მცვს! ქალაქის გუგუნში, აქედან შორს, ლეხურას გაყოლებულ ციციქნა ნაკვეთებში ამონვერილი სიმინდი რატომ მომაგონდა: დედაქალაქში ჩამოსვლამდე, მთელი გზა, გაპარტახებულ ქართლის მინდვრებს ვუყურებდი.

ერთ დროს აქაურობა იყო ხილის, მარცვლეულის, ბოსტნეულის ბედელი.

ამ მინდვრებს ახლა მთის ხეობებიდან, ფესვებიდან მოგლეჯილი მუხის კორომებივით მომზღვლეული ლტოლვილთა უსახური ბანაკები შეუხიზნავთ...

მძიმე დრო შემოგვაპარეს — ვილას აქვს ჩემი წუნუნის მოსმენის გულისადგილი — რაც იყო, იყო!

თუმცა იქნებ არაფერი არც ყოფილა, „იდილიური“ წარსული სიზმარში ვნახეთ, მოგვალანდა ჩვენმა წამიერმა, თითებში ლამივით გაპარულმა ცხოვრებამ?

ვინ იცის... ვინ იცის!..

სარეცხი

დაუბერავს ფიფქვარეული დეკემბრის ქარი, აჭრიალდება აივანი და აქანავდებიან სარეცხით დამძიმებული თოკები. ჯერ ნელა, მძიმე-მძიმედ შეტოკდებიან, მერე თანდათან აუჩქარებენ და გარბიან ყინვით გაფხუკული შარვლები, ხალათები, პერანგები, მუხლებთან დაბერილი სპორტული პიჯამოები, ღამის პერანგები, ქარით აცეკვებული წინდები. გარბის ყველა, დიდები, პატარები, ბერიკაცის საცვლები და ფეხაუდგმელი ჩვილების მკლავებგამოხილი ფლანელის ხალათები... გარბიან, გარბიან, თვითონ ჰგონიათ რომ გარბიან, თორემ ადგილზე ტრიალებენ, კისრებში ჩაფრენილ სარტყებიდან თავის დაღწევას ამოად ღამობენ. ერთმანეთს ფეხებში ედებიან, უსწრებენ, ჩამორჩებიან, ისევ უსწრებენ... დეკემბრის ქარი კი სიამოვნებისაგან ღმუის, ამხელა ჯამათს თავის ჭკუაზე ათამაშებს და რა გასაკვირია, რომ უხარია, აზარტს აყოლილი გულშემატიკვიარევით აქეზებს, გვერდებიდან თუ ზურგიდან მუჯღუგუნებით მიერეკება მართონელებს...

აივანზე როდის-როდის გამოვა შალმობევეული დედაკაცი. იატაკის ჯოხით თავისკენ სათითაოდ მოიწვეს თოკებს.

გათოშილი თითები ჩქარ-ჩქარა ჩამოხსნიან, ჩაკეცავენ სარეცხს პლასტმასის კალათში.

გაფხუკული სარეცხი ახლა თბილ ლოჯიაში, მაგიდაზე დახვავდება. ტალღებივით აფოფრილი თეთრეული თანდათან ჩაცხრება, დარბილდება, დაიჩუტება, მწარე ნაჩქმეტივით მალე დაუამდება სარტყების ნაკბილარები. შარვლის ტოტებში გაყურსული ქარი დროს იხელთებს და უჩუმრად ისევ გარეთ გაიპარება.

ფიფქების ბოლო გაბრწყინება თვალს მოსჭრის დიასახლისს.

თეთრეულზე უთოს ცხელი, ტკიცინა კვალი გაივლის და ცხელი ორთქლი მაჯას მოელამუნება.

გარეთ, თოკებზე გამობმული ქარი, კიდევ კარგა ხანს ისევ აღმა-დაღმა ირბენს, იყფებებს, ვიდრე ძალა გამოცლილი არ მიყურდება.

ფოთლის დაწვა

ტკაცუნობენ გამხმარ ნარეკალზე თუ სიმინდა ბალახზე შემორჩენილი ნაზამთრალი ნიჟარები. ცარიელები, გამოფშუტულები. ლოკოკინები აღარ გამოდიან ნიჟარის ციხე-დარბაზებიდან ლორწოვანი, თიმთიმა ტანის რხევით.

ხრჩოლავს ფოთოლი, პატარა ბულულად აგროვებული ბალახი, იწვიან ზამთრის ქარებით ჩამოყრილი, ხეებს ჩამოტეხილი ხმელი ტოტები. შავი კვამლი, დუქარდით ახლად გადაპარსული მატყლივით ჭუჭყიანი, მძიმე, დაბურულ ხვეულებად იგრავნება და მალლა-მალლა მიიწვეს.

ბევრს აღარ ეხახვება ახლა ბუნების აღწერა, მაგრამ რაც თვალს მოსწონს და ახარებს, როგორ შეიძლება ფურცლებსაც არ გაანდო.

სადაც უხვირო, მეჩხერი ხეივანი მთავრდება, კაკლის ქვემოთ, ერთ ბარისპირა შემალღებაზე, ფურისულები ბლუჯაბლუჯად ჩაქცეულან — მწვანე და ლურჯი, თითქოს შენსკენ ხელჩაკიდებული დედა-შვილი მოიჩქაროდნენ!

გაჭიანურებული ზამთრის შემდეგ პირველი დღეა, გაზაფხულმა რომ დაათბო.

შინდს ხომ ვერაფერი დაასწრებს — უკვე ყვითლად დაყვავილებული გადმოეკიდა მავთულის ღობეს.

გუშინ მამაჩემი გარდაიცვალა. თვითონ ამბობდა, ოცდაექვსიანი ვარო.

საბუთებით ორი რვიანი მოხაზა და... პირველ მარტს დაიბადა, ოცდაათერთმეტში გარდაიცვალა.

ყველაფერში იდუმალ სიმბოლოთა ლოგიკას ვეძებთ, რა-
ღაც ჩაუნვლომელის ნასკვის გახსნას ვცდილობთ.

ვისაც ვუთხარი, გაუკვირდა:
„უყურე შენ?“

დადექი და უყურე!
ალბათ მე რომ მასიამოვნონ, იმიტომ იკვირებენ.

გასაოცარი რა არის? არც არაფერი — თვის დასაწყისში
დაიბადა, ბოლოში აღესრულა, მორჩა და გაათავდა.

დავიცუცქე.
საჩვენებელი თითით, მამაჩემი ღიღუქვით პერანგის საყე-
ლოს რომ მოიხალვათებდა ხოლმე, ფურისულას ბლუჯას ძირი
ეგრე შემოვუთხარე, „მოუხალვათე“ მინა, ფესვებიანად წყლი-
ან ჯამში ჩავდებ და მიცვალებულს თავით დავუდგამ-მეთქი.

მინის კაცი იყო, ნამდვილი ბუ-
ნების შვილი, რამდენჯერ მინახავს
ნაბარში ჩამდგარი, ჩაფიქრებული,
გარინდებული, თითებში ბელტის
ნატებს რომ დაჰყურებდა და აფხვი-
ერებდა.

იქნებ ესაუბრებოდნენ ერთმა-
ნეთს?

სათქმელი კი რამდენი ჰქონდათ!
ახლა, რომ შეეძლოს, ვიცი, იყვი-
რებდა, ეს უმსგავსი, საყვავილეების
გვირგვინები და ხელოვნური, სათ-
ბურის „ნაბუშრები“ მომაცილებოთ,
რადგან სძაგდა ყველაფერი არაბუ-
ნებრივი, მოგონილი.

მაგრამ მაინც ჩემი გადაწყვეტი-
ლება უცებ შევცვალე და ფურისუ-
ლას ფესვებს ისე მინა მივყარე:

ყვავილი ისეთი გულბურყვილო,
კამკამა თვალებით მიყურებდა, რომ
შემეცოდა, ვაითუ არ ესაიამოვნოს
და მიცვალებულმა დააფრთხოს-
მეთქი.

მეც ხომ ასეთი ვარ — როცა
მოგკვდები, მჯერა საკუთარი თავი-
საც შემეშინდება...

ლობის ძირებში, ზემოდან დაფე-
ნილი ხმელი, მშრალი ფოთლის ქვეშ,
ვიცი შავად ლაპლაპებს ძველი, ნესტიანი დამძიმებული, სველი,
ლიფლიფა ნეშომპალა.

ესეც ხომ მიცვალებულია, რატომ მისი არ მეშინია?
ოხერი ცეცხლი, ხმელი რომ ააპრიალა, მერე დანარჩენსაც
აუტეხა ტკაცუნის, შემპარავად შეენთო, შემოურბინა, გაა-
ფიცხა და ყველა მხრიდან მოედო.

ღმერთო, როგორი გაზაფხულის დღეა!
ნეტავი მამაჩემი თუ გრძნობს!

როგორც ახლა უყვართ თქმა, ამ „ტექსტს“ ბალახში ნა-
პოვნ სქელი ფურცლის ნაგლეჯზე ვწერ.

ასეთ ქალაქს ხილის ჩასაწყობ ყუთებში ჩასაფენად იყე-
ნებდნენ.

მამაჩემი, ყუთის ძირის ზომაზე, „რულონს“ ქალაქს ჩა-
მოახვედა ხოლმე, კოხტად ჩაკეცავდა, დადგამდა ვაშლის
ხროვასთან, არჩევდა, აწყობდა საღ ნაყოფს და ხილის ყუთ-
ში წითლად ჩაგუბდებოდა ხოლმე გამძლე, ყინვის ამტანი კე-
ხურა.

ხილის მწკრივები ყუთს რომ ამოავსებდნენ, ზევიდანაც
ქალაქს დააფენდა, თხელ ფიცრებს, თავსა და ბოლოში, „სა-
იაშიკე“ ორ-ორ ლურსმანს დაჰკრავდა, დააჭედებდა...

ეს ქალაქი მაშინდელი შემორჩენილი იქნება.
მიკვირს, აქამდე დანვას როგორ გადაურჩა.
მას, ახლა უკვე გაციებული მამაჩემის ხელების სითბო აქვს.

ვაშლი

რამდენი ხანია გულაღმა დაწოლილს ცისთვის არ ამიხე-
დავს. არა, ფეხზე მდგომი ხშირად ვყოფილვარ ზეცის „სტუმარ-
ი“, მაგრამ თავქვემ ხელებამოდებული, პატარა-პატარა
ღრუბლების ქულებით ამოძრავებულ ცას რომ შეჰყურებ, მა-
ინც სულ სხვაა. თითქოს ამხელა ზეცა სულ შენს მკერდზე გა-
დადის, მჩატე, სიფრიფანა, თვალშეუდგამ უსასრულობაში
გარჩენილი ნავივით წყნარად მიიწრევი ისე, რომ ხოფების
მოსმაც არ გჭირდება.

სიონში, მინი-ზღვად დაგუბებულ იორს, მთებშორის მოქ-
ცეული სოფლები, ხევები და ღრმულები, რომ დაუფარავს,
ამოუფსია, მეგობრის კარ-მიდამოდან გადაყურებ — ეს წყა-
ლი, მზე, სხივების ციმციმი, სანაპი-
როზე მოთევზავე, მიმწუხრის მზეს
მიფიცხებული დამსვენებლების
ხილვა მიცხრობს ზღვის მონატრე-
ბის ოცნიან წყურვილს.

ჩვენ აღარ გვეკუთვნის „ზღვა
რომელიც შორია“, არც ის — რომე-
ლიც ნავართვეს და არც ის — რო-
მელიც ვითომ ჩვენია, მაგრამ ქართ-
ველების დიდი ნაწილისათვის, მათი
ჯიბის შესაძლებლობების გამო ისიც
დაკარგულია.

თუმცა, რა დროს ეს არის, ეს გა-
საოცარი ცა ჩემში და მე — ზეცაში.
მხრებით ვგრძნობ გამთბარი ბალა-
ხის მოფერებას. ჩემი გონებიდან
ნელ-ნელა იბერტყება ჟანგი და
ჭვარტილი, რაღაც უჩვეულო, ლამის
გადავიწყებულ სიანკარეს გრძნობ-
ენ ფილტვები.

ბაღჩიდან მზესუმზირები მილი-
მიან.

შეუნამლავი ვაშლის ლოყანითე-
ლი ნაყოფი ხმაურით წყდება, ფერ-
დობზე მოგორავს და ჩემს ახლოს,
ერთი ხელის განვდენაზე ჩერდება.
ნესტოები გრძნობენ მის სურ-
ნელს.

კბილები — მომყავო-მოტკპო წვენი ჩუხჩუხს.
თითებს ბალახში მივაცოცებ, ვეპარები და სადაცაა ვაშლს
ნაწვდები.

მეორე დღეა, მეზობელი სახლის აივანზე, ვილაც „დაჩნი-
კი“ ევა გადმოდგება ხოლმე და ჩემზე არანაკლები ინტერე-
სით, აქეთკენ იყურება.

— ოჰ, ევა, დამაცა, ჯერ ეს ვაშლი ჩაკვებიო და მერე შენი
დღე ნახე!

ცოტაც და, ხელისგულით გაკრიალებული, ბიბლიური
„შაფრანი“ პირთან მიმაქვს.

რა იცის ევამ, ტყუილი მუქარა რომ არ მიყვარს!

სარწყავში

კიტრის კვალში წყალი მივუშვი. რეზინის მილიდან გად-
მოჩქეფილმა ნაკადმა უცებ მიაგნო წინასწარ მონიშნულ
გზას, ფხვიერი მინა ჩააღბო, ცხელ შეჭამანდში ჩაფშენილ,
ხმელი თონის პურივით ჩაფაშრა, გაანედლა ყვითელი ყვავი-
ლით დაწინკლული კიტრის ღერები, თანდათან უფრო ქვე-
მოთ ჩაინაცვლა და ტკბილად ალიკლიკდა.

ჩემთან ერთად დაცუცქეული კატა აფარფატებულ ფო-
თოლს ეთამაშება.



მხატვარი გიორგი ჩაჩანიძე

ჩემი მასპინძლის, ვაჟას ოთახიდან ხმაანული ტელევიზორი ბობოქრობს.

როგორც ცარიელ ქვასანაყში ფილთაქვა უხათქუნო, ეგრე ისმის დიქტორის და მოწვეული ექსპერტების გაბმული, მონოტონური ყბედობა.

ამდენი ბრძენი და ჭკუის დამრიგებელი კაცობრობას ჯერ არ ჰყოლია.

საერთო ჩარბუზანას ჩვენც ხომ არ ჩამოვრჩებით...

ლაპარაკობენ მსოფლიო წესრიგზე და რა არის ეს „წესრიგი“, თუ არა ის დომხალი, რომლის აბლაბუდაშიც გაბოჭეს, გაახვიეს დედამინა. სიყვარულზე ლაპარაკობენ და სინამდვილეში ზიზღს, უნდობლობას, უპატივცემულობას თესვენ, აღვივებენ. უფლის მიერ გამოქერნილი ადამიანის კლასიკური მოდელი, აღნაგობის თანამიმდევრობა — გონი (თავი), გული, კუჭი, — რიგითობა აურიეს და სათავეში კუჭი მოაქციეს.

მასხოვს, ბუშმა, განცვიფრება იმით კი არ გამოხატა უნიკალური, გამორჩეული ხალასი კულტურა, ქვეყანა რომ ნახა, მუცელზე დაირტყა ხელი, ხინკლით კმაყოფილი კუჭს მოეფერა.

დაირღვა ღვთით ბოძებული წესრიგი. ჭკუიდან გადაიყვანეს მსოფლიო, ქვეყანა ქვეყანას, შვილი მშობელს, მეზობელი მეზობელს გადაჰკიდეს... ყალბისმწენლები, ქილერები, დაქირავებული ბანდები ურღვევენ ადამიანებს მონატრებულ სიმშვიდეს. გასული საუკუნეების მხატვრების, მწერლების, მუსიკის ტონებში, სიტყვებში, ბგერებში ჩარჩა იდილიური ყოფა, აუმღვრეველობა კაცთა სულისა.

რომელ მსოფლიო წესრიგზე, კეთილდღეობაზე ლაპარაკობენ, მხოლოდ ერთეულებს რომ ერგოთ მილიონების უბედურების ხარჯზე? სულ ეს არის კაპიტალისტური დემოკრატიის მონაპოვარი? „რკინის ფარდის“ ჩამოგლეჯის მომლოდინეს, დანარჩენი სამყარო უფრო მეტად საინტერესო და კეთილშობილი მეგონა.

თხილამურებზე შემდგარი „პირველი პირი“ ბაკურიანის სიკეთეზე ლაპარაკობს და გვპირდება, ისეთი კარგი და სასარგებლოა ჯანრთელობისათვის, შვილები სულ აქ უნდა ვატარო.

ღმერთმა ხელი მოუმართოს, მაგრამ ამ უხეიროდ აწყობილმა ახმახმა, თავის გუნდთან ერთად, „დანელთა საჩუქარივით“ რომ შემოგვატყუეს უცხოელმა კეთილისმყოფელებმა, კი უნდა იცოდეს, რომ ბაკურიანი ჯანმრთელობას აკაჟებს, მაგრამ გაუმადურებულ, გაქსუებულ, ფორმა და შინაარს დაკარგულ სულს ვერაფერს შეეღოს! — დანარჩენებმა რა ვქნათ, სხვებს შვილები არ გვყავს?

ბავშვობაში, სოფელში, ქალაქიდან ჩამოსულ ერთი შეძლებული ოჯახის შვილიშვილს, სულ ეჭირა ხოლმე ჯოხზე წამოცმული, წითელი, კარამელის „მამალო“.

აუსვამდა ენას, ატლექავდა კანფეტს და ფანჯრიდან გვანანიებდა ნერწყვორეულ ბავშვებს.

ესეც ასე, თავისი წყალობით ქვეყნის გაღატაკებულ, დაჩლუნგებულ გასაცოდავებულ საზოგადოებას წითელ „მამალოს“ ცხვირწინ უტრიალებს...

ადრე თუ გვიან ყველაფერი მთავრდება — როგორც იქნა გაბედა, ამოხეთქა უკმაყოფილო ხალხის რისხვამ, ყვარყვარეს გადატენილი საკნების შიშმა უკან დაიხია და ლამის გამოანგრიოს ტელევიზორი.

ჩემი მასპინძელი, რომლის შვილიც საერთო გაუგებრობის მსხვერპლი გახდა, გინებით გულს იოხებს და სიგარეტის ღერი ყუამდე დაჰყავს...

ქმეხის, მაგრამ ამ მონატრებულ სიმშვიდეს, პატარა ბოსტანმა რომ მარუქა, როგორ მივატოვებ — წყალი ისევე მილიკიკებს, მესაუბრება, თითებზე მეფერება, რალაცას მიამბობს, მიყვება, ძალიან ძველს და ძალიან ახალს.

მისი გულისხნადების ნაკითხვა რომ შემეძლოს, გავიგებდი ფშავის მთებში, უღრანების ნოტიო სიმყუდროვეში დაბადებულმა წყაროსთვალმა, რა გზა გამოიარა, როგორ ჩამოივარა, ვიდრე ლეკვივით ხელისგულზე ენას ამისვამდა, ჭკნობაშეპარულ ჩითილებს გამოაცოცხლებდა...

ჩვენი ენერგიაც ასე უნდა აპოხიერებდეს მარჩენალ მიწას. მაგრამ რა ვქნათ, როცა უგზო-უკვლოდ მიგვაქანებს ფარას გაძლოლილი „ჯიხვების“ გულცივობა, გულდედლობა, ვითომ ქართველებისა, რომელთაც, გარდა ძალაუფლებისა და გვარ-სახელებისა, არაფერი საერთო არა აქვთ თავიანთ უბედურ სამშობლოსთან.

ჩემს წინაპარს ესმოდა ამ წყლის, ბალახის, გაზაფხულის მზის პირველ სხივებზე გაღვიძებული კვირტების და, რაც მთავარია, თავისი შემნახავი მიწის, რომელიც ნერგივით თვითონაც ასაზრდოებდა, შვილიშვილებით და შვილთაშვილებით ახარებდა, ინახავდა, რომ ბოლოს, კენწეროდან მოწყვეტილი ფოთოლივით თავისთან დაებრუნებინა, ვალმოხდილი ჩაეხუტებინა.

კიტრის გვერდით პომიდვრის კვლებია, უფრო ქვემოთ — წინაკის, ახალწამოქორილი მწვანილეულის პატარ-პატარა, მწვანე კუნძულები...

ყოველი მათგანი თავის რიგს ელოდება. ცოტა ხანში რეზინის მილს ადგილს მოეუნაცვლებ, წინ ნავნევ, დავანინაურებ.

ლეკვივით მოუსვენარი ნაკადი ახლა პომიდვრებს მიუხტება, ჩაუვლის, ჩაეხვევა მოწყურებულ ფესვებს.

კიდევ კარგი აქ მაინც არის წესრიგი, თანხმობა, ერთმანეთის გასაჭირის გაგება-თანადგომა, არ ირღვევა უფლის მიერ აწყობილი სინქრონი.

ყველაფერი ნელა, მაგრამ ბეჯითი მონდომებით მიიწვებს მთავარი მიზნისკენ — ადამიანმა უნ და მიიღოს თავისი შრომის ნაყოფი.

ბუნების კეთილი განზრახვა მარტივია და ადვილად გასაგებია. მთავარია მის ასრულებაში ხელი არ შევეშალოთ...

რეზინის მილი გრილი ოფლით იცვარება.

ღრობით გაჭირვებული

ჭაჭვავაძეზე, უნივერსიტეტის სიახლოვეს, რომელიღაც მდარე,სულელური კონცერტის მაუწყებელი აფიშის ფონზე დგას, მალალი, ხმელი, შავი სათვალით და ნიკაპით ხელს დაყრდნობილი, თუ არ შეირხა, შეიძლება ქანდაკებაც კი გეგონოს.

რალაცნაირი „დგომი“ აქვს, თბილისურ-ძველბიჭურ-ინტელიგენტური, იქნებ თავადურიც, მთელი მამულები ორთაქალის ბაღებში რომ შემოეჭამა და ეს გაფუყული, ამპარტავნული გარეგნობადა შეერჩა. იცოცხლე, ამასაც გაყიდა, დააგირავებდა მუშტარი რომ ეშოვა, მაგრამ მეჯღანუაშვილებს და მანთაშოვებს, რა თავში სახლელად უნდოდათ.

კაცის გამომეტყველებით თუ ვიმსჯელებთ, გაზეთის ნაგლეჯამოტყვევებული, იტალიური თუ ესპანური ლურჯი ბერეტიც, სამათხოვროდ რომ ამოპირქვავებულა, ვითომ მას არ ეკუთვნის, ვითომ თვალებით ერთხელაც არ გადაუთვლია ქუდის ძირზე ცრემლებივით მზინავი, ახალმოჭრილი მონეტები.

თან ისეთი ტიპია, მხოლოდ „ქველმოქმედებას“ კი არა, გამოლაპარაკებასაც რომ მოგანდომებს.

ვინ იცის, იქნებ პირველად არ ვხვდებით, იქნებ სტუდენტობისდროინდელ, ჩვენი შესაძლებლობებისათვის ხელმისაწვდომ სასადილო-სასაუზმეებში, იაფფასიანი „გარეჯით“ გაბრუნებულებს ერთმანეთი გადაგვიპატიჟებია კიდევ.

უფალმა ხომ ღარიბი, მაგრამ ღამაში ახალგაზრდობით „დაგვაფინანსა“, ღვთის წყალობას თავგანწირვით დავენაფეთ და ისე ვხარჯეთ, გულის მოსაოხებლად „გროშიც“ კი არ დავიტოვეთ.

რომ დამეტოვა ხომ, დღეს, ეს კარგი კაცი რომ განვიკითხო, ჯიბის საგულდაგულოდ მოჩხრეკვა არ დამჭირდებოდა (ისე, ბევრმა არ იცის — მოჩხრეკვა პურის მცხოვრებელთა ან იმათი ტერმინია, ვისაც ცეცხლთან აქვს საქმე: — „ლუმელს გამოუჩხრიკე, ცეცხლი არ ჩაქრეს“, „ნაკვერჩხალი მოჩხრიკე, თონე არ განელდეს.“).

ქუდისკენ დაიხარე და ნახევრადყრუც გაიგონებდა, ისე ჩაივლიაპარაკე:

— ეჰ, იყო ბედნიერი დრო, როდესაც თბილისს ქართველი მათხოვარი არ ჰყავდა-მეთქი.

— მერე, რა იცი რომ ქართველი ვარ!

— ეგრე დარდიმანდულად, სხვა ერის კაცი ვერ დადგება.

— ე. ი. პოზა მყიდის?

— რა ვიცი, პოზას დაარქმევ თუ ცუდმედიდურობას...

— ყვავი ნეხვზე რომ იჯდა და ზედ ბოლოს არ დებდა, მაგას გულისხმობთ?

— ჰო, ეგებ მაგასაც.

— რა ვქნა, ქართველი ვარ, თანაც ისეთი გვარის, ბარე ორს შემურდება.

— თუნდაც ამ მდგომარეობაში რომ გნახოს?

— თუნდაც... — მერე მოკაუჭებული საჩვენებელი თითი დამიქნია, — ეგეთი რა მდგომარეობა შემამჩნიე?

— ხელი რომ გაქვს გამყვერილი!

— ეე, ძალიან ცდები ძმაო, მე? ხელგამყვერილი? ეგეთი რამე ჩემთვის არავის უკადრებია! ყველაფერი გამოიცანი, გარდა მთავარისა...

— მიბრძანე, რაში შევცდი?

— მე მათხოვარი არა ვარ!

— აბა?

— დროებით გაჭირვებული და დახმარება მესაჭიროება... როგორც წინა ღამის გამოყოლილ „პუხოის“ ჭიქა არაყი მიანოდო, ეგრე, რა... განა იმას ერთ სირჩას დააყვედრი, „ველიამინოვის“ სახინკლემი, სასადლო „ყაზბეგში“ ან ობლების „ზაბეგალოვკაში“ ყელგამშრალი, ყანყრატოართოლებული მუდარის თვალებით რომ მოგაჩრდებდა?... ჰოდა, ეგრე, ტერმინებს ფრთხილად მოხმარება უნდა, გარჩევა უნდა ისწავლო, ვის როგორ მიმართო! დაიხსომე, დროებით გაჭირვებული ვარ-მეთქი! — დამიმარცვლა და ხელმეორედ დამიქნია ის კაუჭა, არისტოკრატული თითი.

— რა სახელს დავარქმევთ, რა მნიშვნელობა აქვს, ისტორიული ძეგლის რესტავრაციაზე რომ არ მუშაობ, ყველა ხედავს... იქნებ შეყვარებული გოგო-ბიჭი, შენ სიახლოვეს, პაემანსაც უნიშნავენ ერთმანეთს, აი, იქაო, აფიშსთან მათხოვარი რომ დგასო და არა დროებით გაჭირვებულიო...

— რა ვქნა, ამ გაბოროტებულ ქვეყანაში, ოღონდ ვინმეს ვინმე უყვარდეს და ჯანდაბას ჩემი თავი, მიწოდონ რაც უნდათ, მითუმეტეს ახალგაზრდობისაგან ავიტან... შენ ნუ იტყვი, შენ ნუ გადამივლი, გამიგე, ძმაო? შენ არ იფიქრო, ეგრე... სახელს რას დავარქმევთ, ძალიანაც დიდი მნიშვნელობა აქვს, როგორც გულისტკივილით აღნიშნე, მათხოვრობის გზაზე დამდგარი ქართველი კაცისათვის...

— ბევრ სხვა „სიკეთესთან“ ერთად, „პილიგრიმობის“ ეს სახეობაც ამ საუკუნის მონაპოვარია...

— ჰო, საშოვარზე, ცხრა მთას იქით წასული ცოლი და ქუჩა-ქუჩაზე გაშვებული ქართველი კაცი... „ლომო შე ლომის მოკლულ...“ ეხლა მაინც გაიგებს გამოსირებული ქმარი, ვის მხარბეჭს დასტირის გაგარეულებული ცოლი? ამ ნაბიჭვრების ხელში კიდევ ბევრი საოცრების მონმე გავხვდებით.

— აბა, აბა, პოლიტიკურ დომხალში არ გამრიო!.. მოკლედ, გამოდის რომ ქართველ მათხოვრებს სახელიც გინდათ და სახრავიც.

— ეგრე, კომფორტისთვის დაბადებული ერი ვართ. იმიტომ დაგვითმო, სამუდამო მფლობელობაში, უფალმა, თავისი აგარაკი.

— დაგვითმო, თორემ აგვისტოში არ გაანიავე.

— მე გავანიავე? — მკერდი ჩაიფიქრა და გაცეცხულმა სათვალე ასწია, დაბინდულ, ამღვრეულ თვალებში ჩამახედა, — მაგის განმნავებლისაც და დამბრალებლისაც... არ მათქმევინო, გაიგე?... არ გადამაყოლე ამ ორმოცდაათეთერიანს? კიდევ კარგი პროკურორი არ ხარ თორემ ამ ბოზიშვილების ცოდვებს სულ საცოდავ ხალხს არ წამოჰკიდებდი?... მალადეც, რა!.. — გაბუტული გვერდზე შებრუნდა, სიგარეტს მოუკიდა და აფიშს მიაბოლა, — ერთი ეს პადოფილება, რა! —

ისევე ჩემკენ შემობრუნება არჩია, — მოკლედ, ასეა, ძმაო, დადგება დრო და ვალს ყველას დაეუბრუნებ, — გაპარწყა საჩვენებელ და შუა თითს შორის გარჭობილი სიგარეტისანი ხელი, — იმათაც კი, ვისაც თეთრიანიც არ ჩაუგდია ამ ჩემს ყულაბაში, — მსუბუქად ნაპკრა ფეხსაცმლის წვერი ბერეტს.

— მაშ დააბრუნებ?

— უეჭველად!

— ამ ჩემს სიმწრით ნამოვნ ორმოცდაათ თეთრიანსაც?

— ათმაგად, ძმაო, ათმაგად.

— მერე, სად უნდა მოგნახო?

— მუხათგვერდში, კუკიაზე ან სადმე, „სწრაფი კვების“ ობიექტის სიახლოვეს... აბა პანთონში ხომ არ მომიქნები?... სადღაც ამ მიდამოებში... თუ არ მოკვდი, არსადაც არ მივდივარ, ამ ქალაქის ჩიტი ვარ და გადამფრენ ფრინველებს არ ვეკუთვნი ასე, რომ ამის ჯავრი არა გქონდეს, საიმედო ხელშია, — მანიშნა ბერეტში, „არიოლზე“ დამჯდარ ვერცხლისფერ მონეტაზე.

— კარგი, არ მექნება! — წასვლა დავაპირე.

— კიდევ როდის გამოივლი?

— ფულს როგორც კი ვიშოვნი.

— ორმოცდაათიანის შოვნას რა უნდა, — გაეცინა.

— შენთვის — არაფერი, აყუყუე მაგ კედელს მხატვრის „ნატურასავით“ და...

— მაგარი ენამწარე იქნები, სახლში როგორ გიძლებენ.

— მეტი რა გზა აქვთ, ორმოცდაათეთერიანი თუ უნდათ, უნდა გამოიძლონ.

— შენც ხელისუფლება ხომ არა ხარ, სხვა არჩევანის უფლებას რომ აღარ გვაძლევ...

— არა ხართ ღირსები!

— ისიც ზუსტად ასე ფიქრობს, აი! — თითი აიშვირა ცისკენ. დასავლეთისკენ გეზაღებული ვერტმფრენის მოტორის ხმა თითქოს ცა გახერხა და გაიარა ყურებში.

— იმ სანჯავის საფასური მაინც რომ მოგეცა, ბათუმში „საგულაოდ“ მიმავალი, ერთ წასვლა-წამოსვლაზე რომ ხარჯავს, დროებით ორივეს გვეშველებოდა...

— ჩვენ გვეშველებოდა, მაგრამ იმათ რა ვუყოთ, მთელ ქალაქში ასობით შენაირი რომ დგას.

— ისინიც ჩემი სადარდებელია? — გამიბრაზდა, — ხელისუფლებას რეისების მეტი რა აქვს, იმათ თავისი ინატრონი!.. ვაჰ, მიდიხარ? ჩვენი ესე დაშორება შეიძლება, ჰა?..

— მეჩქარება, სხვა დროს...

— რა ვიცით, სხვა დრო მოვა კი? — სახე მოუნალვლიანდა.

— მოვა, მაშ სად ჯანდაბაში წავა.

— მერე ჩვენ აქ დავხვდებით?...

— ვილაც ხომ დავხვდება.

— „ვილაც“ არა, ღირსების დამფასებელი ადამიანი მინდა რომ დახვდეს... იცი, ბალზაკს, რა უნერია?... კაცი იმდენი ღირს, რამდენიც თავისი ჰალსტუხიო...

— ეტყობა, იმ დროს, ჰალსტუხის ლეჭვა არ იყო მოდაში.

— ეტყობა! — ხელი ისევე ნიკაპთან ამოიღო, ჩვეული პოზა მიიღო და მიმახვედრა, რომ აუდიენცია დამთავრდა.

ვერტმფრენის ხმა ახლა უკვე ძალიან სუსტად ისმოდა. რკინის ფრინველის ჩრდილი სადღაც მცხეთის სანახების გასწვრივ, თრიალეთის მთებზე მიფრინავდა და გვეგონა, რომ გზა და გზა, ფეტვის მარცვალავით, ორმოცდაათეთერიანებს კენკავდა.

იცნობს!

ერთი დედაქალაქელი ძველი ნაცნობი მელაპარაკა, ტელევიზიით გიყურე, ბ-ს მხარდამჭერ შეხვედრაზე სიტყვით რომ გამოხვედი, გაგიმართლა, თორემ ძველებს რომ გაემარჯვათ თავზე ხელს არ გადაგისვამდნენ... ისე, რომ იცოდე, ბ. მეც კარგად მიცნობსო (ვითომ მე „ნაცნობობის“ გამო გამოვედი). თუ კარგად „გიცნობს“, მაშ ვერ იქნება შენი საქმე კარგად-მეთქი.

გამეფხორა, არ ესია მოვანა!
რა ვქნა, ღირსი არ იყო?

შემოქმედი უფრო გამომსარჩლებელი, გონიერი შუამავალი უნდა იყოს, ვიდრე ბრალმდებელი, მაგრამ ერის ცხოვრებაში დგება წუთები, როდესაც სასულიერო პირიც კი განიძარცვება ანაფორისაგან და მახვილს იღებს ხელში, არღვევს ერთ-ერთ უმთავრეს მცნებას: „არა კაც ჰკლა!“

ასე, რომ ერთი ხელი ჯაჭვის პერანგი ყველას უნდა გვექონდეს გადანახული, რა ვიცით რა ხდება.

მე მწერალი ვარ და ყველანაირ ხელისუფლებას ვჭირდები, მაგრამ მე არ მჭირდება ყველანაირი ხელისუფლება.

გუშინ, თბილისში, ნაძალადევაში, ხმის მისაცემად ადრინად ჩავედი. საარჩევნო უბანზე, ჩემს წინ, ხელეპაკანკალბუღი, ჯოხს დაყრდნობილი დედაბერი იდგა.

საარჩევნო, ხელმოსანერი ფურცლები და კალამი რომ მიანოდეს, ფურცლები გამოართვა, მაგრამ „პასტა“ თავისი დააძრო.

მაგიდასთან მჯდომ ქალბატონს ენყინა, რაო, დეიდა, კალამი რატომ არ გამომართვით, არ გვენდობო.

არაო! — უპასუხა ხაზგასმული უკმეხობით მოხუცებულმა და ხელის ცახცახით გამოიყვანა თავისი გვარის გასწვრივ ასოები.

მაშინ კიდევ უფრო მტკიცედ ვირწმუნე, რომ ჩვენი საერთო უბედურების „ავტორები“, ამ უილაჯო, მაგრამ კერპ დედაკაცს მკლავს ვერ გადაუღუნავდნენ.

მართლაც, წუხელის, ჩვენი ერის ცხოვრებაში ერთი დიდი, მზიანი ღამე გათენდა.

კელაპტარივით აენთო ოქტომბრის პირველი.

დღეს კი, უთენია, გორის ციხისკენ მივიჩქარი, აღმოსავლეთის გოდოლიდან უნდა შევევებო მზის ამობრძანებას.

მოენატრა ჩემს სამშობლოს ასეთი მზის ამობრწყინება.

ამ ამობრწყინებას თავისი ავტორები — ქართველი ერი და შეუპოვარი ჩუქურთმის მჭრელი ჰყავს.

ღმერთო, ორივეს გაუმარჯვე!

ეს კიდევ, თავზე ხელს არ გადაგისვამდნენო!

მერე, ვინ ელოდებოდა:

წინა ხანებში ფარულად, თუ აშკარად, სატელეფონო „მესიჯებში“ არც მალავდნენ, ჩემს მოფერებას რომ არ აპირებდნენ.

სულელები! კითხვასთან მწყურადად რომ არ ყოფილიყვნენ, ერთ საკანს, აქამდე, არც მე დამამადლიდნენ.

კომბლებს იმიტომ თლის მწერალი, რომ ჭერიდან დროულად ჩამოიღოს...

თუ დაავიანა, რალა ფასი ექნება!..

ეჰ, მაგრად გავუტიე, ტრანაბახის ტუსის სუნი ცხვირში მეცა. სულ ჩემი ნაცნობის ბრალია.

გორის ციხის მისადგომებთან მობორიალე მანანწალები უხალისო ღაფრავით მიმაცილებენ.

ვჩქარობ, არ მინდა იმ დროს იქ არ ვიდგე, როცა მზის პირველი სხივი, დრო-ჟამით ჩაყვითლებულ ქონგურს აკოცებს.

მრიცხველი

„სოჩიკმა“ გარეკა.

ციფრები რომ ამოვწერე, ისეთი თანხა იყო, მეც ლამის „გაგრეკე.“

თანაც როდის, შინ მარტო რომ ვარ, დანარჩენები დედაქალაქში რომ არიან და მუდმივად მხოლოდ მაცივარია ჩართული.

სავარაუდო ხუთი—ექვსი ლარის ნაცვლად, ოცდაცამეტი და „სჩემტა“.

ზღაპრულად დაფინანსებულ „სმკს“ ხომ საქმე გადასარევადა აქვს აწყობილი — კი ბატონო, შეიძლება მრიცხველიც ტყუოდეს, ვნახავთ, შევაკეთებთ, მაგრამ რაც დაწერა უნდა გადაიხადოთო, ხელებს მიშლის უბნის ინკასატორი.

რათა, კაცო?

ეგრეა!

რაც არ დამიხარჯავს, იმის რად უნდა გადავიხადო, მითუმეტეს თუ მრიცხველი სცოდავს.

რა ვქნა, იმათა ჰკითხე.

ეს — „იმათა“ ერთი ენერგოკომპანიის კანტორა კი არ არის, სადაც სიმართლეს იპოვნი, მძიმე, ქვეყანაზე ჩამოწოლილი შავი ღრუბელის ნაწილია, ლაბირინთი, სადაც თავი თუ შერგე, სამუდამოდ დაიკარგები — აქ მიხვდები, რა დონეზე აქვთ ჩვენი ნერვების დაწყვეტის საქმე დამხეცებული — ადგილზე განცხადებასაც არ დაიტოვებენ, რკინის ქალამანი უნდა ჩაიცვა და დედაქალაქს ეახლო.

ან იქ რისთვის — გიჟი ქალაქს მიდიოდა, რა მიჰქონდა, რა მოჰქონდა.

შემომხმების შემდეგ, როცა გაირკვა, რომ მართლაც მრიცხველი სცოდავდა, ვცადე ბედი — ახლა ინკასატორების უფროსთან მივედი.

მერე იმის ზემდგომთან.

გაგიგონია? რას ეძებ, რა დაგკარგვია.

ხალხო, გამაგებინეთ, რა შეხება მაქვს შუშებიან ყუთში ჩაკეტილ მრიცხველთან-მეთქი.

— რა ვქნათ, ეგრეა!

ჩვენთვის ნარმოუდგენელი ხელფასების პატრონებს, მეტი პასუხი არა აქვთ!

სამაგიეროდ აქვთ თავთავისი, პერსონალური კომპიუტერები, სამუშაო დღის დამთავრებამდე თავი რომ შეიქცეონ.

ხომ ხედავთ, გაგიჟდა, გადაირია მრიცხველი, მოიშალა მექანიზმი, მთავრობამ ადამიანები გადაიყვანა ჭკუიდან და მრიცხველს რომ რამე დამართოვოდა, გასაკვირია? — ხმასაც ავუშალე, მაგრამ აქვთ შემომიტივევენ:

ეგეთ თემებზე ხმადაბლა.

არა.

ჰო.

ჰო.

არა...

გული რომ გაგისკდეს და ფეხი გაჭიმო, მიქელგაბრიელს დააბრალებენ.

თანაც, რის გამო —

„მრიცხველმა“ დაუსტვინა!

ომარას განაჩენი

გორის ციხის კიბეზე ვხვდებით.

ის ამოდის, ჩვენ, უკვე ნავარჯიშელები, ქვემოთ ჩავდივართ.

ზემოდან ვხედავდით, ასაკის მიუხედავად ყოჩაღად მოუყვებოდა ჯერ ქვაფენილს, მერე, ჩვენ რომ შეგვინძნა, უფრო ცქვიტად შემოუდგა დაცერავებულ საფეხურებს.

თავზე ნაქსოვი, სპორტული ქუდი ახურავს და ორი ნარბი, აბალახებული მიჯნასავით, ქუდის კიკირტოს ჩრდილში ღალანებენ.

ძველ, ყოფილ მოკრივეს ცხვირიც შესაფერისი აქვს, ახლადრჩინჩლული დედალის ბიბილოსავით მოშვებული და ნითლად დაღუდულებული..

— ეს საქმე ეგრეა! — ვითომ დაწყებულ საუბარს ვაგრძელებდით, — ბევრი ვიფიქრე და, მაგის სახსენებელი კი არა, სახელიც უნდა გავაუქმოთ.

არ ვეკითხებით, ვისზეა საუბარი, ტონზე ვხვდებით, ვინც შემოაგდო ჩვენი საერთო განსჯის „საგანად“.

— მგონი, ასეთი უკიდურესობა მეტისმეტია... რამდენი კარგი მიშა ამ ქვეყანაზე, იმათ რალას ვერჩით.

— არა, ვთქვი და გავათავე, — ხელი ხელს დაჰკრა, — ეგრე უნდა იყოს!

ჩემი თანამგზავრები ახმაურდნენ, ზოგი ომარას უჭერს მხარს, ზოგი — არა.

— კაცო, ან გამოკითხვა, ან რეფერენდუმი... აგე, ევროპა, დემოკრატია... ლეზბიანკებსა და მამათმავლებს კოჭს უგო-

რებენ, ერთსქესიანებს ქორწინების უფლებას უკანონებენ და სახელის გაუქმებას ვინ გვაპატიებს.

— რა რეფერენდუმი, რის დემოკრატია, მთელი ღამე თეთრად გავათენე მაგაზე ფიქრში...

ახლა სხვა გზა ვცადე:

— აბა, მიიხედ-მოიხედე, ხომ ვიცი არ გესწავლება, ამ კედლებს რამდენი სისხლისღვრა უნახავთ...

— მერე? — თვალმოჭუტულმა ქვემოდან უნდობლად ამომხედა.

— მერე ის, რომ იმათ შორის, ვინც ამ ციხის წასართმევად გვებრძოდნენ, ვინ მოთვლის რამდენი მომხდური ომარი იქნებოდა! მამ შენი სახელიც უნდა გავაუქმეთ, განაჩენი გამოვუტანოთ და ანათემას გადავცეთ...

ჩაფიქრდა, დაადუნა ჩემმა არგუმენტმა და, რომ მეგონა გამარჯვება უნდა ვიზეიმოთ-მეთქი, თავი ისევ მალლა, ყინვად შეაფლო.

— არა, ისინი ათი იმდენი რომ ყოფილიყვნენ და იმაზე მეტი დანაშაულიც ჩაედინათ, რაც ჩვენს წინაპრებს თავს დაატეხეს, ამის ცოდვებს მაინც ვერ გადასწონიდნენ... კაცო, ტარანი თვლით არ არის? — მოიმარჯვა თითები ჩამოსათვლელად, — კოდორი და ახალგორი ძალით შეტენა რუსებს? შეტენა!.. ოცი წელიწადი, გმირულად რომ იდგნენ ცხინვალისგან როკამდე, ის ხალხი, ის სოფლები ორ-სამ დღეში ააყრევინა, ამოძირკვა ქართველი და ქართველის სახსენებელი და ყველანი ლტოლვილებად აქცია? აქცია! ახლა დაჭერები, ძელზე გასმა გამიგონია, მაგრამ ცოცხზე გასმა? შიშით ლოგინში ცოლს ვერ დაელაპარაკებოდი!..

— ეე, აბა შენცა ხარ... ლოგინში ცოლი სალაპარაკოდ გინდა?

— რა ვქნა, ჩემს ასაკში ეგრეა.

— აა, გამოტყდი, ბებერო, შენ იმდენს ვარჯიშობ, ჯერ კიდევ ისეთი ენერჯის პატრონი ხარ, არც იმ საწყალ ქალს მოასვენებ! — ექილიკება ერთი ჩემი თანამგზავრი.

— მერე, მერამდენე ცოლი ჰყავს თუ იცით, მესამე თუ მეოთხე, იქნებ მესუთეც, სათვალავი ამერია, — მხარი აუბა მეორემ.

— აბა რა ომარა იქნება, ჰარემი თუ არ ეყოლება!

— მე საქვეყნო საქმეს ვჩივი, თქვენა კიდევ... — ხელს ჩაიქნევს და ასაკთან შეუფერებელი სისხარტით კიბეზე აკუნტ-რუშდება...

*

— არა, ეგ საქმე უკვე ცაშია გადანყვეტილი! — იგივე დროს, იმავე ადგილზე, მეორე დღეს უკვე მარტოს მხვდება.

— რა საქმე?

— უნდა ამოვიღოთ ლექსიკონიდან!

— მაშინ, რაც აქ ჩალმიანი ომარას თავი გაგორებულა...

— ომარას თავი დაანებე, გეუბნები...

ისე ვშორდებით ერთმანეთს, კონსენსუსამდე ვერ მივალ-ნიეთ, ის ზემოთ გარბის, მე — ქვემოთ...

გადამრევს ამ კაცის ახირება, არა და არაო, ჩვენ თუ არ ვქენით, მომავლის საქართველო მაინც იზამსო.

ჩვენ შორის დარჩეს და, მართლაც ისე როგორ უნდა იცხოვრო, რომ ვიღაც ჭკუათმყოფელმა შენი სახელის გაუქმებაც კი მოინდომოს, ვფიქრობ ჩემთვის, მაგრამ ომარასთან ხმამალა როგორ ვიტყვი...

საბაჟოს

მასხოვს, ქუჩაში მივდიოდით. ვანიკომ უცებ ხელზე ჩამოქაჩა, შემაჩერა და სერიოზულად მითხრა, მამა, მე შენით ვამაყობო(!?)

პირველკლასელი შვილის ნათქვამმა გამაკვირვა, დამაბნია, ამაღელვა და მგონი გამანითლა კიდევ.

ვერ გავიგე, ასე უცებ, მოულოდნელად რა „სიამაყეობა“ აუტყდა, რამ უბიძგა ამ დითირამბის აღსავლენად და ხოტბის შესასხმელად.

მივიხედ-მოვიხედე, ხომ არავინ გაიგონა-მეთქი.

„ეცადე, ისეთი კაცი დადგე, ისე იცხოვრო, რომ შენითაც მხოლოდ მე კი არა, მთელმა ქვეყანამ იამაყოს!“ — ესლა ჩავილულულე და აბრეშუმით რბილ, დამყლ თმაზე მოვეფერე.

„ნეტავი, როგორ ამაყობს, ანდა მომავალშიც, როცა გაიზრდება, მაშინაც თუ იამაყებს“, — სუფთა, გულწრფელ თვალეში ჩავყურებდი, რომელთა სიკამკამემი იდუმალი, შეუცნობელი სევდის სიმიც ირხეოდა.

13.08.2008

დაპრობილი ქალაქის თითქმის მთელი მოსახლეობა ატენის ხეობაში, ტანას გასწვრივ, სათავისაკენ აიხვეწა, ნაცნობებს თუ უცნობებს შეეფარნენ, თავი გადირჩინეს, სამაგიეროდ, მათი ყოფნა უცებ დაეტყო აქაურობას — ორიოდ დღეში, ამ პატარა, კრიალა, ცოცხალ და მხიარულ მდინარეს ამოხადეს სული, უცებ დააბინძურეს, ჩვეული დაუდევრობით გაავსეს საკვების ნარჩენებით, ორივე ნაპირს დაატყვევეს თავიანთი დროსტარების მსახვრალი ხელი.

წყალს ზემოდან ყოველგვარი სისაძაგლე მოაქვს, რისი ზიდვაც კი ტანას დინებას შეუძლია — დაკლული ცხვრისა თუ ციკნის თავ-ფეხი, ცულოვნებში გამოკრული საჭმლის ნახორხმალი, ფაშვები, ნაწლავები, პამპერსები... გაქსუებული, სინდისდაკარგული ადამიანების სახედაკარგული კოლტი, ომს რომ გამოექცა, სიკვდილის შიშს რომ გამოერიდა, თავად სიკვდილს თესავს, შხამავს, აბინძურებს. ვერ ხვდება, რომ ესეც თავდასხმაა, ძალადობაა ბუნებაზე, ხეზე, ყვავილზე, ბალახზე, ნაკადულზე, წყაროზე, ფოთოლზე, ღვთის ნაბოძებ თავშესაფარზე, მოპიკირე თვიმფრინავებს რომ დაუმალა, შეუნიღბა მათი თუ გამოქცეული რეზერვისტების სამყოფელი, ბევრი მათგანი ოჯახებში სამოქალაქო ტანსაცმელს რომ თხოულობდნენ, რუსებმა სამხედრო ფორმაში თუ გვნახეს, დაგვტოცავენო.

მართლაც აღარ ვიცოდი, უნდა გვეტირა თუ გვეცინა, გვეყენოდა თუ გაგვხარებოდა ჯარის ამგვარი სულისკვეთება, ყველაფერზე ნამსვლელი, გადარჩენის ინსტინქტი.

თუმცა, სახელდახელოდ შეკრებილ რეზერვისტებს რა უნდა მოვთხოვოთ, როცა ამათ უფროსებმა ჯარისკაცებს გამოასწრეს და დედაქალაქს შეეფარნენ, აღარაფერს ვამბობ გაურკვეველი მისიით დანიშნულ თავდაცვის მინისტრზე, რომელიც თავისი ჰაბიტუსითა და გაქანებიდან გამომდინარე, სავაჭრო ქარავნის მენეჯერობას უფრო იმსახურებდა.

განიე და გაფხრინე — მცირე გამონაკლისის გარდა, ეს არის ჩვენი საზოგადოება და შედეგიც ადეკვატური — იმის მაგივრად, რომ სინდისმა შეანზოთ, ამ თავზარდამცემ დღეებშიც კი არ ღალატობენ თავიანთ ბუნებას, ხასიათს...

ომი, მიუხედავად თავისი საშინელი შედეგებისა, ხშირად განსანმენდელად იქცევა ხოლმე.

ამათთვის არა!

ა — რა!

კერკეტი კაკლები არიან და იმიტომ!

უცებ დაავინყდათ, სასწრაფოდ, მანქანის სათავსოებში ჩატენილი განძეულით ჩასვრილები რომ გამორობდნენ.

ოხრად ნაშოვნი ფული აქაც გამოადგათ — კიდევ ერთხელ განათდა მათი სულის ჯოჯოხეთი:

შორიასლო ყარს მწვანე ბუზდახვეული ფაშვი და მიტოვებული ნასუფრალი.

ტანას ნაპირებთან დაჩქაფუნებული, სიპზე შემომხტარი ტალღა, შემომცინებს, ჩამავალი მზის სხივებზე ასხმარტალდება და წავა, სამუდამოდ თვალს მიეფარება.

ალბათ, ერთმანეთს ველარასოდეს შევხვდებით.

ანდა ვინ იცის, იქნებ ოდესმე წვიმად მოსულმა, „გულ-მკერდზე ია-ვარდიც ამიყოვოს“ და ეს დღე გამახსენოს...



მანანა ჩიტიშვილი

ჩემი ლოცვა

მე ისეთი რა უნდა ვთქვა, არსად არვის არ გაეგოს, რას შევწვედები ყივჩაღის ლექსს, „ვეფხვს და მოყმეს“ ან „შავლეგოს“, ვინაც თავი გაუტოლა, სულწაწყმედით გარდაეგო, მინაზე ხომ გარდაქარდა, ცაშიც ჯოჯოხეთი ერგო.

ვინა ვართ და საით მოველთ ან სად მივალთ სადაური, ზოგისა თუ ლექსი ამბობს, ზოგის — მხოლოდ სათაური. გამდლობთ, ღმერთო, შენ მიბოძე ეს სიმდიდრე, — სულის პური, თუმც არც დიდებული ვიყავ და არც ტახტის აზნაური.

ღარიბ ქოხში დაბადებულს ქარი მიმღეროდა ნანას, სულ მეგონა, ეს საწუთრო ჩემთვის აფხავებდა დანას, ქართულ სიტყვამ მიპატრონა, დამითესა ლექსის ყანა, ფიცრულიდან ზეცისმიერ სასახლეში ამიყვანა.

ხელისგულზე ლექსი მიზის, როგორც ღვთაებრივი ბარტყი, აღარც ქარის მეშინია, აღარც — ელვა-მეხის დარტყმის, უცხო სხივით კოშკი ვაგე, ვზომე მზის და მთვარის ღარტყით, ღვთის და ქვეყნის სიყვარული გარს ქვიტკირად შემოვარტყი.

აჰა, ჩემი გულის დარდი, სულის ჩემის ამოკვნესა, ჩვენ გადავრჩით, ჟამმა ბევრი უმჯობესი ამოფესვა, ღმერთო, ღმერთო, ვინც განაგებ ქვეყანას და ზესთა-ზესა, ერს და მამულს მიმფარველე, სხვას არა გთხოვ არაფერსა.

არ შემიტყვი

მეზობლად ქალი ჩასცქერის ყავას, თითქოს შემდორდა დროის დინება, რა სანყენია, მე როცა წავალ, შენ არაფერი გეცოდინება.

ქარს ჩაეკითხე და არ მიპასუხა,

ქარისთვის დარდი ბევრჯერ მითქვია... ძალიან ვწუხვარ, ისე წასულხარ, მე არაფერი არ შემიტყვია.

ნამცვრავი

* გავიდა ზაფხული და შენც შეწყვიტე სიმღერა. ან ვილასთვის უნდა გემღერა, — ჩიტები და ყვავილები გადახვეწილიყვნენ.

* ჩემი სიმაღლე უხილავია, შენი — ხილული, ერთმანეთს როგორ შევეტოლებით?!

* სამკვიდრო წამართვეს, კერა დამიქციეს, დაინგრა ჩემი სალოცავი და ჩემს საფლავებს ნარ-ეკალმა გადაუარა. ზოგ-ზოგნი კი მსაყვედურობენ: „შენს ლექსებში სევდამ იმატაო“.

* მზეო, დედასთან მიმავალო, ვიცი, გეჩქარება, გემუდარები, ერთ ხანს შეიცადე, მეც დედა ვარ და ჩემს შვილს ველოდები.

* მთვარე — ბებოჩემის ყვითელი კრუხი, მთელი ღამე ვარსკვლავებს ჩეკავს.

* მოდგა სიბერე — ჩემი ზამთარი და უნებურად უცხო მხარეში გასაფრენად გავშალე ფრთები.

* როცა ჩემი შვილი სახლიდან მიდის, მის მოსვლამდე ამგვარად ვრჩები — მუშტისოდენად მოკუმშული

რა არის მანანა ჩიტიშვილის ლექსის საიდუმლო? აშკარად რიტორიული კითხვაა, მაგრამ იძულებული ხარ მაინც დასვა ეს შეკითხვა, ვინაიდან გინდა და თან ვალდებულები ხარ რალაცნაირად შეეხო სრულყოფილების იმ განცდას, რომელსაც მისი ლექსების ნაკითხვა ბადებს.

სტაბილურობა და თანაბრობა ახასიათებს მის ლექსს. იშვიათია პოეტი, ესოდენ დიდხანს და მტკიცედ იცავდეს ლიტერატურულ ხარისხსა და სიმაღლეს.

უქვევლია, თანაბრობა ნიჭის ნიშანია, სიმაღლის შენარჩუნების უნარი კი — სიდიდისა.

დიდმა ფრინველებმა იციან ბოინი — ფრთებს გაშლიან და ლივლივებენ ნებისად ერთ სიმაღლეზე.

რალაც მსგავსი პოეტური „სიურპლასის“ მონმენი ვართ ბოლო წლებში მანანა ჩიტიშვილის მკითხველები. მან იცის თავისი სიმაღლე და შეუძლია თავი შეიმარგოს ამ სიმაღლეზე.

მას აქვს ყველაზე ძნელად მისაღწევი რამ — ინდივიდუალური სტილი.

მანანა ჩიტიშვილის ლექსი ალმასივით არის დამუშავებული. აქ ზედმეტი არაფერია. ყოველი ბგერა, სიტყვა, ინტონაცია, ფრაზა, აზრი ჩნდება იქ, სადაც საჭიროა. ელემენტთა თანხმობა და თანხმიერება ქმნის ტექსტს. ურთიერთსაჭიროების სულისკვეთება აკავშირებს მათ ერთმანეთთან.

რიტმი და რითმა აყალიბებს ბგერისმიერ, ხმოვან აზრს.

არის იდეა, იდეალი, აზრი და არის მათი გამოხატულება.

უჩვეულო ძალა განაგებს სამეტყველო კომპონენტების დალაგებასა თუ განლაგებას.

ლამის ფიზიკურად გრძნობ ტკივილს, რასაც პოეტი განიცდის და სულის თრთოლით გადმოსცემს.

შენ თვალწინ ხდება პოეტური სასწაული — ფონეტიკა, ბგერის სიმაღლე, რომელიც ბადებს აზრს.

თუმცა ისიც უნდა ითქვას, რომ პოეტური აზრი არ ნიშნავს განსჯას, აღწერას, განხილვას, არამედ ეს არის ემოციათა გადმოცემის ფორმა, ჯანსაღი პათეტიკა, რომელსაც სიყალბესთან გამავალი საზღვრები მტკიცედ აქვს ჩაკეტილი.

ერთი სიტყვით, საიდუმლო თუ გნებავთ, აქ არის, სიმაღლესა და ინდივიდუალობაში.

და ჩუმ ვედრებით
ღვთისმშობლის კაბის
თბილ კალთაზე
თავმიდებული.

*
ნუ შეგეშინდება,
რომ სიყვარული წავა
და მარტო დარჩები,
აბა შეხედე მინდვრის კიდიდან
მაყვლის ის ბუჩქი
რა მოელვარე,
მუგუზალის თვალით გიცქერის.

*
მამაჩემი რომ
გარდაიცვალა,
იმ გაზაფხულზე
ჩვენი სახლის
კუნჭულ-კუთხეში
მერცხლებმა აღარ დაიბუდეს.

*
როცა სიკვდილის
პირისპირ დავრჩი,
მაშინლა მივხვდი,
რანაირად მარტო ვყოფილვარ.
თვალსანიერზე
ჩემი შვილის ჯერ ისევ ნედლი,
გამოუცდელი მხრების გარდა
არც არა ჩანდა,
არავინ იყო,
თუნდა ნუთით
რომ მივყრდნობოდი.

*
რას მელაპარაკება
ნეტავ ეს შაშვი, —
მუდამ თალხებით შემოსილი
ბებიჩემი?!
რას შემომჩივის
გონთგადასული,
რა ტკივილზე მესაუბრება?!
არაფერი მესმის,
თვალეზე კი
ცრემლი მომადგა.

ისევ მოვა მალე მარტი

უამური, ცივზე ცივი ქარი ქროდა,
გამშვიდებდი — ისევ მოვა მალე მარტი
და იების დაგშვენდება ლურჯი ქობა,
ვით შუშანიკს სადედოფლო პალეკარტი.

არ ვიცოდი, ვინ იყავი, სადაური,
არ მიკითხავს სალოცავი ანდა რჯული,
გიხდებოდა პენჯაბური ხატაური
და თვალეები, ვეფხვის მზერით დახანჯლული.

მთვარის გზებით მოდიოდა მთებში ღამე,
ძლივს მოგაგენ, შემეცვალა ალბათ მხარი,

აღსარების ცრემლით კალთა დაგინამე
და შენ მაინც ერთი სიტყვაც არ მითხარი.

დრო გავიდა.
ყანა უკვე სამკელია,
ზოგჯერ მაკრთობს მოლოდინი ავი სეტყვის,
ნუთუ ჩემთვის საამბობი დაგელია,
ნუთუ დღესაც აღარაფერს აღარ მეტყვი.

შენთან მოსვლა არ მქონია განზრახული,
იცის ღმერთმა, უნებურად მოვყვე ბადეს,
დამინოდე დროის რტოდან გაზაფხული,
რომ მწყურვალე იმედები ამიყვავდეს.

გახსოვს ის დრო, როცა ცივი ქარი ქროდა,
გამშვიდებდი — ისევ მოვა მალე მარტი
და იების დაგშვენდება ლურჯი ქობა,
ვით შუშანიკს სადედოფლო პალეკარტი.

ატენთან

ვუსმენ ატენთან
ყაყაჩოს სიცილს,
იდუმალ ჩურჩულს
ქართლის მინდორთა,
შენ ხომ არ იცი,
შენ ხომ არ იცი,
მე დაბრუნება
როგორ მინდოდა.

თუმც ცრემლში ვანე
სუყველა ლუკმა
და გულსაც შენზე
ოცნებით ვლლიდი,
იმ მდინარეზე,
რაც დამრჩა უკან,
აღარ მოჩანდა
არც ერთი ხიდი.

ლარგვისის მონატრება

ტყისპირს ვერცხლის წყარო ცივი,
დედის ცრემლებივით წმინდა,
გზად გულთეთრა მერცხალივით
მონასტერი ამიფრინდა.

დალენილი ციხის კარი,
განყვეტილი დროის ბანდი,
ვაი, რომ ვერ მოგისწარი,
ვაი, რა დროს დაგვვიანდი.

უცხო მზერას ვემალეები,
ჩუმი მონატრებით ვთბები,
ჩამომსხდარან მწვერვალები,
როგორც პაპიჩემის ძმები.

აქ მასწავლეს, ვინ და რა ვარ,
მზე თვალს როგორ უხელს ვარდებს,
ღმერთო, ოღონდ დაღმა მავალს
სანუთრო არ გამიმწარდეს.

ვიდრე ძარღვში ფეთქავს სისხლი,
სხვა სატკივარს აღარ ვჩივი, —
ამიფრინეთ კვლავ ლარგვისი
ცად გულთეთრა მერცხალივით.

კორიდა

რა მშვენიერი ჩანდა შორიდან
ცხოვრება, მძიმე დროით ნატორი,
ჩვენი სიცოცხლე ჰგავდა კორიდას —
შენ — ნიქარა, მე — ტორეადორი.

რომ დამტკბარიყო შენი დაცემით
და სულს ებრუნა ვნების მორევთან,
„ოლე!“ — გრგვინავდა ბრბო აღტაცებით
და შენს საკლავად სისხლს მიჩქროლებდა.

ნუთუ ყველა გზა აქ მოგილიეს,
მაკრთობდა შენი მზერა გამჭოლი
და სიტყვებს, როგორც ბანდერილიებს,
სისხლით დანრეტილ გულთან გარჭობდი.

ამგვარად სჯიდა არსთაგამრიგე —
ვის სულის ხდომა,
ვისთვის — კორიდა,
მე ვთამამობდი და ვერც გავიგე
სიკვდილი შენთან როგორ მოვიდა.

უამინდოვა

შორით მოისმის ურმის ღრიჭინი,
სულ სხვაა ზეცა, ვიდრემდე დილით
და წნულ ღობეზე ანცი ბიჭივით
გადმოდის ალვის თამამი ჩრდილი.

ფრიალებს მთაზე ნისლის მარმამი,
თითქოს ქალწული გვიხმობდეს გაღმით
და ოქროსფერად მბრწყინავ ყანაში
ფეთქდება უცებ ჩიტების ნაღმი.

ამ წელს ვერ ვნახე ქართლის ბალები
ვაშლებმა თეთრად როგორ დაათოვეს,
ასე იოლად და ხელალებით
სიკვდილს პირისპირ ვით შემატოვეთ.

ჩაიზრიალეს ზამთრის ზარებმა,
წვიმა ასველებს ერდოზე ყავარს,
მე ველოდები გამოდარებას,
იამინდებს და ჩემი გზით წავალ.

თებრონე

იმგვარი ჰქონდა სურნელი თივას,
მთელი ცარგვალი თავზე დამემხო,
მე თებრონე ვარ და წყალზე მივალ,
რომ შემომხვდე და კოკა გავტეხო.

განფენილია მწვანე მაუდად
მიწა და მარტში თეთრად ენძელობს,

თებრონეს აბა ქალაქს რა უნდა,
მე სოფელ-სოფელ უნდა მეძებო.
უნინ ზღაპრების მკვიდრი მეგონე,
ამკრა აღმურმა შენი დანახვით,
„ხევ-ხევ თებრონე!“
„ხევ-ხევ თებრონე!“ —
ერთად მომძახის ყველა ბალახი.

მოჰქუხს მდინარე და კლდეებს ლოკავს,
დღე იმნაირი სხივით ნათელობს,
წავალ წყალზე და
გავტეხავ კოკას,
ეგ შენი გული რომ გავამთელო.

სამთავისთან

ვერც მარილისთვის წაველ აღზევანს,
არც ბრძოლის ჟინი მქონდა ერკემლის,
სიზმრებში ახლაც ისევ ქსანზე ვარ
და ფეხშიშველი ცხვარს ვერეკები.

ვის დარჩა ჩემი სამკვიდრო მიწა —
ჩემი ყრმობის და ლექსის სათავე,
უცხო ჯიში და გვარტომი ბილწავს
ჩემი შვილის და მამის საფლავებს.

დაფარა თოვლმა კუთხე-კუნჭული,
შრიალით ცვივა დაბლა წიწვები...
მე გეფერები ჩუმად, ჩურჩულით,
დიდი სინაზით და მოწინებით.

დრო მოვა, ისევ უნალვლოდ გნახავ,
არ მომწყინდება შენი ფერება,
მშვენივრად ვიცი, ვიდრე შენ მყავხარ,
მე არაფერი არ მომერევა...

ჟამს გადაურჩა საუფლო ნებით
და ქართლის მალალ მთებში მომზევდა,
ლამით კი ტაძარს ეზრდება ფრთები
და ცად მიფრინავს ანგელოზებთან.

სამშაბათს, 22 ოქტომბერს
ჟურნალ „ჩვენი მწერლობის“
დარბაზში გაიმართება
განხილვა
ნუციკო დეკანოზიშვილის
პოეტური კრებულისა
„ნამსხვრეპები“
მომხსენებელი
სალომე კაპანაძე
დასაწყისი 14 საათზე
ჩუბინაშვილის 41

მაკა კვერენჩხილაძე-კარტიანი

იტალიური დღიურები

ვინა ვარ?

ვცდილობ გავიხსენო, ვინ ვარ.

ცხოვრების მოგზაური ვარ, მეტი არაფერი... ამჯერად გზებმა მოგზაურის გუდა ამკიდა და იტალიის დასაპყრობად გამიყენა გზას. იტალია ხომ ჩემს ბავშვობაში უფრო აუხდენელ ოცნებას ჰგავდა, ვიდრე ადგილს, რომელსაც ერთ მშვენიერ დღეს უბრალოდ მოვიზიარებდი. ის ხომ მიუღწევლად და მიუწვდომლად უფრო გვესახებოდა. იტალია — ხელოვნების ზენიტი, შადრევნების შხაფუნი, საოცარი ჰაეროვანი ქანდაკებები, ლამის ციდან რომ დაგვყურებენ, რომანტიკული რომაული არდადეგები, ვენეციური გონდოლები, შეყვარებული წყვილებით წყალზე მონარნარენი, და გონდოლიერთა მიერ ნამღერი ლირიკული სიმღერები... ეს ყველაფერი ბავშვობისდროინდელი წარმოდგენებიდანაა, ილუსტრირებული ალბომებიდან და ფილმებიდან...

დღეს კი ეს ოცნება რეალურად, რეალობად გადაქცევიდა და ისე დავიარე ვენეციის, რომის, ფლორენციის ქუჩებში, თითქოს ჭიბი აქ მომეჭრას, თითქოს ეს ადგილები სულ ზეპირად ვიცოდე... თუმცა აღფრთოვანებული ღიმილი სახიდან რომ არ მცილდება და სულ ფრენა უნდა, ეს მყიდის, რომ ახალბედა ვარ იტალიაში.

მეჩვენებ... მეჩვენებ ყველაფერი ბუნდოვანებაში გადადის... ვკარგავ დროს, რეალობის შეგრძნებას და მხოლოდ თვალს ვაყოლებ მზეზე მოლიცლიცე ოცნების ბუშტებს.

თითქოს საუკუნე გავიდა, რაც სახლიდან წამოვედი. ჰელიუმით გაბერილი ბუშტებივით მთელი ფიქრები ცაში მეფანტებიან. იმისი დროც არ მაქვს გავეკიდო, მოვეჩაჩო ჩემსკენ, რომ არ დამეკარგონ. ვეპოტინები ფიქრებს... მეფეზესავით ბადეს ვაგდებ და ვცდილობ დავიჭირო ოქროს თევზებივით.

სადღაც ვარ. ფიზიკური მე აღფრთოვანებულია იმ ყველაფრის ნახვით, სადაცაა. მერე გადადის ერთი ადგილიდან მეორეში და კიდევ სხვა სიახლეებს ნახულობს, სული კი მხოლოდ ერთს კივის „თბილისი, თბილისი, თბილისი“ — ეს ერთი სიტყვა კი მოიცავს სიმშვიდეს, ფესვების ძახილის დროებით შეჩერებას, სულის ბედნიერებას.

ეს ბუნდოვანება ნეტა ისეთი თუა, ადამიანები რამეს რომ მონევენ და სადღაც სხვაგან დაფრინავენ ფიქრებით? მე არასდროს არაფერი მომიწევია, მაგრამ მგონი მაგ სტადიაში ვარ. სადაც ვარ, ყველაფერი თბილისს მაგონებს და მხოლოდ ერთი ფიქრი კივის... კბილის ყრუ ტკივილივით მუდამ აქაა:

**„მე დამაბრუნეთ, მე დამაბრუნეთ“
სულის კვილი უხმოდ გრძელდება,
ფესვებიც უხმოდ ექაჩებიან
და უთქმელ ტკივილს სევდა ერწყმება.
ამ უშაერო სივრცეში სულმა
როდემდე გაძლოს, ღმერთო უშველე
და სიყვარულის ძებნაში დაღლილს,
ვარდდაფენილი შენ გზა უჩვენე.**

ლოცვად ვფიქრობ მხოლოდ. ესლა მახსოვს. მერე ვენეციური ნიღბის უკან ვიმალები და ჩუმად ვგრძობლებ ლოცვას.

მერე ნელ-ნელა ვიხსენებ მოგზაურობის დასაწყისს.

7-9 ივნისი, 2013 ციურიხი, შვეიცარია

ჩიკაგო-ციურიხი. ვეშვებით ციურიხის აეროპორტში. აქ თიკა გვხვდება, თიკა მეგობარია, რომელთან კავშირი უცბად-

ვე დამყარდა ჩიკაგოში სამი წლის წინათ, სატელეფონო საუბრის პირველივე წამებიდან. უცხოეთში მყოფი ადამიანის მიერ მონატრებული საქართველოს სიყვარული და ეს სიყვარული — განხორციელებული სამშობლოს საუკეთესო მხარეთა წარმოჩენაში — მუდმივი ფიქრია ორივესთვის და ეს იყო მაგნიტი ჩვენი მეგობრობისაც. ეს, სამშობლოზე უზომოდ შეყვარებული ქართველი ხომ თავისი „თიკატურის“ მეშვეობით მსოფლოს უამრავი კუთხიდან ჩამოყვანილ სტუმრებსა და მეგობრებს აცნობს და მერე სამუდამოდ აყვარებს საქართველოს, ისე, რომ უკან დაბრუნებულებს ქართული სამზარეულოს ან ქართული ხელოვნების (ცეკვა-სიმღერა, მინანქარი თუ ხეხე კვეთა) შესწავლის სურვილიც კი გასჩენიათ ბევრჯერ...

ახლა კი ის, მისი ამერიკელი მეუღლე რობი, და მათი სამი პატარა ბიჭი გვიმასპინძლებენ. აეროპორტში გადმოვიღვართ საზღვარზე და თიკაც აქაა. გადავხვებით ერთმანეთს და მოულოდნელად ისეთი ახლობლური გრძნობა გამიჩნდა, ბავშვობაში ბათუმში დეიდაჩემს რომ ვესტუმრებოდი ხოლმე... მერე ჩავბარვადით მანქანაში და აღფრთოვანებული ვაუყუყუვი გზას შვეიცარიის დასახატად გამზადებულ პეიზაჟებში. ლუცერნი, სადაც ჩვენი მასპინძლები ცხოვრობენ, ასეთი გაცოცხლებული ნახატია, ღმერთისგან შექმნილი სიმშვენიერე. — ლუცერნის ტბა და შვეიცარული ალპები ამ ორი დღის განმავლობაში ჩემი ხედიცაა, მე ხელებს ვშლი და შევისუნთქავ სილამაზით გაყვანილ შაერს. იქვე ულამაზესი, ბუთქუნა მუქი ყვითელი ვარდია მზეს მიფიცხებული, რომელსაც საქართველოს სუნი უდის. მამ... ვხუჭავ თვალებს.

მწვერვალი „პილატუსი“ კი ჩვენს მიერ დასაპყრობი მთაა, რომელიც მეორე დღეს სუნთქვას შეგვიკარავს თავისი განუმეორებელი ხედებითა და ფერების სიმკვეთრით, თოვლიანი მთითა და მწველი მზით, ალპური ყვავილების სილამაზითა და თავისუფლების განცდის მოყვარული ადამიანებით, რომლებიც საჰაერო სპორტ „პარაგლაიდინგი“ იქნებ არწივივით ფრენის სიამოვნებას შეიგრძნობენ. ამ სიმაღლეზე შავი ყვავები საიდანაა გაჩნდნენ? შვეიცარიელი ყვავებიც კი ლამაზები და კეთილები შთაბეჭდილებას ტოვებენ. უკუნი შავი ბუმბული და მუქი ყვითელი ნისკარტის კონტრასტი ჩვენს გაკვირვებას იწვევს. თანაც ეს შავი ფერი ამ ალპური ჰაერით კრიალა და სუფთაა. როგორც ჩანს, ლამაზ გარემოში ყველა და ყველაფერი ლამაზდება და კეთილშობილდება.

ვეზიარებით სიმშვენიერებს და ეს მხოლოდ დასაწყისია

ჩვენი მასპინძლები გვანებივრებენ უგემრიელესი შვეიცარული დელიკატესებით ამომავალი მზისა და თოვლიანი ალპების ფონზე, სანაპიროზე სეირნობებით, საღამოს კი ტრადიციული სიმღერებითა და ცეკვებით და განთქმული შვეიცარული „ფონდუს“ დაგემოვნებით. მერე ლუდი, ღვინო და ამერიკელი მეუღლესის მიერ წარმოთქმული ქართული სადღევრძელოები...

ჩვენი დიდი და პატარა ბიჭები თავისებურად აღიქვამენ ურთიერთობებს, რომელიც ორი ქვეყნის კულტურათა საუკეთესო მხარის გამოვლინებით ლამის უმალღეს წერტილამდეა აყვანილი... საღამოს ხალხმრავალი სახლი ჟრიაშულით ივსება. მერე ძილის დროც მოდის:

„მე ნიკასთან ერთად მინდა დავიძინო“
„მე მინდა სანდრომ ჩემს ოთახში დავიძინო“
„მე ლევანთან ერთად მინდააააა“
„ენდისთან მინდააა“

...საწოლ ოთახებს იყოფენ პატარა ბიჭები. ცოტას კამათობენ, მერე რიგდებიან და ბოლოს პატარები დიდებთან გადანაწილდებიან ოთახებში, იქნებ ვინმემ რაიმე საინტერესო მოუყვებთ ძილის წინ.

ეს ხომ ცხოვრების გაკვეთილია ამ ქართველი თუ ნახევრად ქართველი ბავშვებისათვის, რომლებიც უცხო მინაზე დაბადებულან ან იზრდებიან და ახლა კი ბედნიერებას განიც-

დიან. ეს ხომ ყველაფერია: პატარებისთვის ესაა — სტუმრები და „დიდი ბიჭები“ აღფრთოვანება, დიდებისთვის კი — ცხოვრებისეული მოგზაურობა და გამოცდილებებით სულის გამდიდრება.

9 ივნისი, 2013. ლუცერნი, შვეიცარია

ვემშიდობებით ჩვენს საყვარელ მასპინძლებს. ბიჭებს გული წყდებათ, დარჩენას გვთხოვენ. „მე შენ მიყვარხარ“ — მესუტება 9 წლის გიორგი და გულს მიჩუყებს მისი სიტყვები. ვკოცნით ერთმანეთს და სადგურამდე ისევ თიკას მივყავართ მანქანით.

„არტ გოლდაუს“ სწრაფმავალ ევრომატარებელთა სადგურში ჩვეული სწრაფი ტემპით შევქანდით. ჩვენი, მილანისაკენ მიმავალი მატარებელი ვიპოვეთ და წყნარად მოვკალათდით. ვენეციისაკენ ვიღებთ გეზს.

უგემრიელესი პურის ბაგეტები თან გვაქვს და მალე ვიახლებით. უცბად:

„თიკა და გიორგი აქ რას აკეთებენ?!“ — რომელიღაცა ბიჭის ხმა გაისმის და ყველანი ფანჯარას მივცივდებით. თიკა რაღაცას გვანიშნებს. ახლა კარს ვეცით. თურმე ევროპული ელექტროჩამრთველი დაგვრჩენია მათთან სახლში.

იქნებ თიკას ეს წერილი უფრო კარგად გადმოგვცემს იმდღევანდელ განცდებს:

10 ივნისი, 2013 იმელი ლუცერნიდან

„მაკა, როგორ ენატრებით ბავშვებს! ლევანიკოს კიდევ ვერ მოუწვლეს ასე მალე რომ ნახვდით. რობმა (როცა ჩამრთველი აღმოაჩინა სახლში) ჯერ ტომს დაურეკა თურმე, გიორგი წამოვიდაო, მაგრამ ტომს გათიშული ჰქონია და მერე მე დამირეკა. მითხრა, გიორგი გზაშია და შეხვდით. მართლაც, სულ რამდენიმე წუთში დავინახე, ისე ჩქარა მიდიოდა ველოსიპედით, თვალის გაყოლება ვერ მოვახერხე. მოვაბრუნე მანქანა და ვიდრე სადგურამდე მოვედი, ის უკვე სადგურში იყო. მე არც ვაცით და არც ვაცხელე, ტაქსის გაჩერებაზე დავეყენე მანქანა და გადმოვხტი ბავშვის და თქვენს სანახავად. სანყალი გიორგი დარბოდა აქეთ-იქით და გეძებდათ, მაგრამ რომელ მატარებელში იყავით, არ იცოდა. მე რომ დავინახე და დავუძახე, ამოისუნთქა და თვალები გაუბრწყინდა. წარწერებს შევხედე, ბაქანი მოვძებნე და სულ ორი წუთით მოვისწარი. უნდა გენახა, რა ბედნიერი იყო გიორგი მაგ დღეს! არასოდეს დამავიწყდება მისი თვალები და ემოცია.“

გიორგი — ბავშვი, რომელსაც სიკეთის კეთება ბუნებაში გაჯდომია;

რობი — ამერიკელი მამა, რომელიც მცირედისთვისაც კი წაახალისებს შვილს სიკეთის გასაკეთებლად;

მშობლები, თიკა და რობი — რომლებიც პატარაობიდანვე უწერგავენ შვილებს კარგის კეთების, მეგობრობის, ერთგულების ძალას და, ამავე დროს, ასწავლიან დამოუკიდებლობას, საკუთარ გადაწყვეტილებათა მიღებას. ამ ყველაფერს კი წარმატების მიღწევის განცდის ბედნიერება მოაქვს, სწორედ ისეთი, გიორგის თვალეში რომ ანათებდა...

გულისამაჩუყებელი სცენა იყო. გიორგიმ სიხარულით და სიამაყით გადმოგვცა დენის გადამყვანი.

მერე დავემშვიდობეთ ჩვენს პატარა გმირს და ადგილებს დავუბრუნდით. მაგრამ შვებით ამოსუნთქვა ადრე ყოფილა თურმე, წინ კიდევ თავგადასავლები გველოდა.

მატარებლის გასვლამ რომ დაავიანა, თითქოს გულმა მიგრძნო და ვილაცას ვკითხე საით მიდიოდა.

„ბერნი“ — იყო პასუხი.

„ვაიმევე... ჩქარა... ეს მატარებელი სხვა ქალაქში მიდის...“ ოპერატიული სისწრაფით წამოვავლეთ ხელი ჩვენს ჩემოდნებს და გამოვცივდით ბაქანზე. მივრბივართ, განრიგის ეკრანზე ვეძებთ მილანის მატარებლის ინფორმაციას. კონდუქტორი გვამცნობს, რომ ჩვენი მატარებელი უკვე გზაშია, შემდეგი რეისი კი მხოლოდ 45 წუთის მერე იქნება. სხვა რა გზაა — უნდა დაველოდოთ.

10 ივნისი, კვირა, 2013, ვენეცია, იტალია

ვენეცია მოვიარე, გონდოლითაც შემოვუარე ნახევარკუნძულს. მეგობრული და ლიმილიანი ჩვენი გონდოლიერი, რობერტოც, გავაკვირე ჩემი, სანრემოს ფესტივალის სიმღერებიდან ნასწავლი, იტალიურით, მერე გვიმღერა კიდევ ცოტა...

ღვინო და უგემრიელესი კერძები, ვინრო ქუჩები და ხალხით სავსე კაფერესტორნები აქაურობის მთავარი ატრიბუტია და მეც ვტკბები ამ სიამოვნებით...

სიამოვნება გრძელდება და ამ აღფრთოვანებაში ფიქრის დროც არაა, მაგრამ მოულოდნელად „თბილისი“ კვლავ აგრძელებს ყრუ ძახილს. არ მცილდება, თავს არ მანებებს, ის კი არა, მეტიც, რაც უფრო ვუახლოვდები, რაც უფრო მცირდება მანძილი ჩვენს შორის, უფრო მეტად მექაჩება თავისკენ...

ვენეციური ნილაბი ხომ შევიძინე?! თან მაქვს და ლოცვას გავაგრძელებ მის უკან ამოფარებული

ვენეცია სავსეა — ხალხით, ნავებით, ფანჯრებსა და აივნებზე ულამაზესი ყვავილებით, მზეზე მოფრიალე სარეცხით, უფინროესი ქუჩებით, გვირაბს რომ მოგაგონებს, სახლები ისე ახლოსაა ერთმანეთთან; კაფეებით, რესტორნებით, მომღიმარე ვენეციელი გურმანებით, თავიანთი რესტორნის კერძებს გულითადად რომ აღწერენ და ამ გულითადობით გიზიდავენ, სავსეა სუვენირებით, ყველანაირი ყველაფრით... სუვენირებიც ხომ მოგზაურობის ნაწილია, სამახსოვროა იმ წამის გასახსენებლად, გული რომ ბედნიერად გიძგერდა...და ჩვენც თვალები გავვირბის, მერე ხელიც საფულისკენ მიიწვეს და აჰა, მორიგი სამახსოვრო ნივთი, შინ დაბრუნებულს გული რომ არ დაგვწყდეს.

რვანი ვართ... ჩემი უზარმაზარი ოჯახი. ცოტა სიგიჟეს უფრო ჰგავს, ამდენი ბარგი და ამდენი ხალხი. ამერიკისგან განსხვავებით, ევროპაში თურმე არც ისე იოლად ყოფილა საქმე ბარგის ტარების მხრივ. ამას პირველად პარიზში შევეჯახეთ და ჰოი, საოცრებავ, წრიულად დახვეულ კიბეებზე მძიმე ჩემოდნების ხელით თრევა ჯერ გაკვირვება იყო, მერე გაბრაზება, მერე კი სიცილი და კუროიზები. ჰოდა ახლა ვიცით ტემპიც, და კიბეების ხრიკებიც, ტურისტებს რომ უცბად გამოაფხიზლებს, რომელი რეალობიდანაც უნდა მოდიოდნენ, უცბად ჩასვამს აქაურ რეალობაში. ჰოდა ახლაც ასე მოხდა.



მაკა კვერენჩილაძე-კარტაიზერი (რობი, 2013)

აჰა, ისევ კიბეები!

ყველას გვეტყობა გამოწვრთნა, ერთი ტემპით მივდივართ რვა კაცი ერთმანეთის ზურგს უკან. ჯაჭვური რეაქციის პრინციპის მიხედვით, ერთმანეთს ზურგს უკან მიყვებიან. მივადგებით კიბეებს და — წამოავლენენ ხელს ჩემოდანს, მერე ისევ ბორბლებზე, მერე ისევ ხელში ატაცებენ... მე, როგორც ამხელა ოჯახის დედას, კი მეკუთვნის ცოტა ხელის წაკვრა და ასეც იქცევიან ჩემი ბიჭები — ტომიანად — სულ ხუთნი არიან, ასე რომ, მე ჩემი თეთრი ხელჩანთით ზურგის გამმაგრებელს უფრო ვგავარ.

და ისმის გადაძახილები:

არ ჩამორჩეთ! სწრაფად იარეთ! არ დაიკარგოთ! მოდიხართ?

კულტურა და ტრადიციები? ორი სხვადასხვა კულტურის წარმომადგენლებისაგან შემდგარი ოჯახი — ოთხი ამერიკელი და ოთხი ქართველი — მესამე ქვეყნის კულტურას ითვისებს. ცდილობენ ახლა ამ ქვეყნის ქუდი დაიხურონ, ეზიარონ აქაურ ლირებულეებს, თვალსაწიერი გაიფართოვონ და გამოცდილებებით გაიმდიდრონ სულიერი სამყარო...

ეს კულტურული განსხვავებანი, თინეიჯერული ტემპერამენტი და გოგონათა ხასიათის სხვაობა, თავისებურ ხიზლს მატებს მთელ მოგზაურობას.

11 ივნისი, 2013 ვენეცია, იტალია

ფეხით იმდენს დავდივართ, მგონი, ერთი წელია სულ არ მივლია ამდენი... და ეს სიარული კი ისევ შენს სახელს გაიძახის, ჩემო თბილისო.

„თბილისი, თბილისი, თბილისიი“... რამდენს დავდიოდი, ფეხით შემოვივლიდი ხოლმე ქუჩებს. მერე იცვლებიან სურათები: ღამის თბილისი, განათებული თბილისი, თბილი საღამოები, ჩემი სტუდენტობა და შინაარსით სავსე ურთიერთობანი...

ჩემი სტიქია ხომ ურთიერთობები და ხალხია...

მიყვარს ადგილები, სადაც სიცოცხლის მჩქეფარება იგრძნობა და მეც ვცოცხლდები, ხელებს ვშლი და ბედნიერებისაგან დავფრინავ...

ჩემი სტიქიაა მზეც და წყალიც... თვალებს დავხუჭავ და სულიც მილიმის

მიყვარს, კაფეებს ქუჩაში რომ გამოაქვთ მაგიდები და სკამები, და იდეა იქ ჯდომის და სიამოვნების.

დღეს ოცნება ავისრულე. ყველანი ცალ-ცალკე წავიდნამოვიდნენ და მე მარტო დავრჩი. დრო ვიხელთე. ვენეციის ბოლოში, ეს მგონი ადრიატიკის ზღვის ნაწილია. სანაპიროზე კაფე იყო ქოლგებიანი მაგიდებითა და ხალხით სავსე... ჰოდა, ავირჩიე სულ წინა მაგიდა, დავეჯექი და კაპუჩინო შევუკვეთე. ფეხები მეორე სკამზე ლამაზად დავალაგე და ასე ვეფიცებოდი მზეს... უცებ ვხედავ, ვიღაც მოფოტოგრაფომ სურათი აშკარად მე გადამიღო და მშვიდად გააგრძელა გზა. უკან ულამაზესი ხედი მქონდა და მეც ლამაზი ვიყავი ამ ფონზე, ალბათ. აუჰჰჰჰ, ეს სურათი რომ ვიპოვო რომელიმე ჟურნალის ყდაზე დაბეჭდილი, მაგრად ვიცინებ და იქნებ კაი ფულიც გამეკეთებინა?! მეცინება? თუმცა სადღაც გულში ფიქრი ცდილობს თავის წამოყოფას „რატომ გეცინება, ხომ იცი ყველაფერია შესაძლებელი...“ ჰო, არადა მართალია, ოდესღაც იტალიაც ხომ წარმოუდგენელ და აუხდენელ ოცნებად მიჩვენებოდა?

მერე... მერე რომია.

12 ივნისი, 2013

ყველა გზა რომში მიდისო — და აჰა, მეც აქ ვარ!

რომი — მთელი ცხოვრებაც კი არაა საკმარისი, რომ რომი დაათვალიერო... ჰოდა, მე აქ ყოფნის ოთხი დღე მაქვს, ამიტომ არც შევეცდები მთელი რომის დათვალიერებას...

ჩვენ ხომ გამოცდილი მოგზაურები ვართ, ეს გამოცდილება ბორბლიანი ჩემოდნებით თითქმის დაძრულ მატარებლებისკენ სირბილითაც ხომ დავგვიხვენი?! ამიტომ ევროპის სწრაფ მატარებლებ-მეტროსა და ტრამვაი-ავტობუსებში საკმაოდ კარგად ვერკვევით.

ახლაც სწრაფი გადაადგილებისა და გადაწყვეტილებათა სწრაფად მიღების წესების გამოყენებით ჯერ რომის მეტროპოლიტენში გავერკვეით და ახლა „პოლიკლინიკოს“ სადგურთან 3 ტრამვაის ველოდებით.

უცნაური გრძნობაა. ახალი ქალაქი და თანაც მისი სახელის უკან მისტერიული სიდიადეა... სული მეხუთება, მინისქვეშა ამოსასვლელის კიბეს ავუყვები და ერთი სული მაქვს ავიდე. როგორია ეს რომი ნეტა? ვცდილობ ფიქრებს გავასწრო კიბეზე...

ამოვედით. კეთილი იტალიელი ქალის დარიგების მიხედვით ტრამვაის გაჩერება მოვძებნეთ. აღფრთოვანებული აქეთ-იქით ვიხედები, მაგრამ ის განცდა, რაც რამდენიმე წუთში დამეფულება, სრული წარმოუდგენელია.

წყნარი ხმაურით მოგვადგა ტრამვაი...წამოვავლეთ ჩემოდნებს ხელი და შეველაგდით. გაუყვებით გზას. ვიყურები ფანჯრებში, ვაკვირდები სახლებს, ქუჩას. უცბად...

„ვიამე, ბავშვებო, ეს ქუჩა როგორ ჰგავს თბილისს?! ჭადრის ხეები... ჭავჭავაძის ქუჩას ხომ ჰგავს? ვაკე...ჩვენ ვაკე, გახსოვთ?..“

ტრამვაი მიდის, სახლები ერთმანეთს ენაცვლებიან წელა მიმავალი ტრამვაის ფანჯრებში და თბილისის გახსენება სულში სითბოს მიღვრის..მონატრებული ჩემი თბილისი...თვალებით ვეფერები რომის ქუჩას, ფიქრებით კი თბილისში გადავსახლდები. ბიჭებსაც იგივე გრძნობა უჩნდებათ.

„დე, ნახე ეს სახლი... როგორ ჰგავს მართლა თბილისს!“ ისმის ფოტოაპარატის ჩხაკუნის... მგონი, ხალხი გაკვირვებულია, ამ სახლებს რატომ უნდა ვუღებდეთ ჩვენ, უცხოელი ტურისტები სურათებს? რომი ხომ სხვა ღირსშესანიშნაობებითაა ცნობილი?! ჰა-ჰა... რა იციან, ჩვენთვის ეს რა გრძნობაა. რა იციან, რა ბედნიერი ვარ მე ამ წუთას?!

და ეს განცდა ჩვენს სასტუმრომდე გრძელდება.

„სასტუმროც ამ ქუჩაზეა?“ — სული ფრენას იწყებს...

16 ივნისი, რომი, იტალია

ფიქრებმა არ დამაძინა...და ავდექი. ღამის ორი საათია. ტომს მშვიდად ძინავს. ფეხაკრეფით ვდგები, ფარდას ვწევ და ჩუმად გავდივარ აივანზე. აივანზე ვზივარ, თბილა მაინც. ჩემი აივანი მესამე სართულზეა და რეჯინა მარგარიტას — ანუ ჩემებურად ბარნოვ-ჭავჭავაძის — ქუჩას გადაჰყურებს. ჭადრის ხის ფოთლები ღამის აივანზე შემომიდიან. სულ გადამრიეს მგონი. დაბლა გაქანებული ცხოვრება ჩქეფს. ტრამვაი მირახრახებს, მანქანები მიჰქრიან აქეთ-იქით. ქუჩა განათებულია ... იქით რესტორანია. ახლალა აკეცეს სკამები, მაგრამ ვიღაცები ისევ საუბრობენ, იცინიან, მღერიან კიდეც.



ტომი კარტაიზერი და მაკა კვერენჩილაძე

ისევ მახსენდება ჩემი ქუჩა, ბარნოვის (ახლა აბაშიძეა)... ფანჯრები რომ ღია გვექონდა ლამამობით და ღამის სიჩუმეს შემორჩენილ გამგულელ-გამომგულელთა ხმები შემოდოდა.

უჰ, როგორ მენატრება ეს ყველაფერი, ქუჩაში ფეხით სიარული, სულ ვილაც ნაცნობს რომ ვხვდებოდით ხოლმე... მზინი თბილისი მენატრება, უდარდელი, წყნარი.

რა უცნაურია, არა, ცხოვრება? სულ რაღაცით უკმაყოფილონი ვართ. რაც არ გვაქვს, იმას ვაიდეალებთ. გვენატრება და ზოგჯერ ეს გრძნობა ხელს გვიშლის დავტკბეთ ხელთ არსებული მომენტით. მერე მახსენდება წიგნი სათაურით „The Power of Now“, ნარსულს ხომ ვერაფერს მოვუხერხებთ, ვერ დავიბრუნებთ და ვერც შევცვლით. არც მომავალზე გვაქვს დიდი გავლენა ადამიანებს. ერთადერთი, რისი შეცვლაც, რისი წარმართვაც შეგვიძლია ჩვენდა სასარგებლოდ, ანწყობა. და ეს „Now“ მომენტი ჩვენი მომავლის განმსაზღვრელი იქნება.

ჩემს თავს ვაფხიზლებ, და ვახსენებ რომ ახლა რომშია...

17 ივნისი, 2013, რომი

მოკლედ, ასე იყო დღეს: ავტობუსით უნდა წავსულიყავით რომის (ნამდვილი და არა ჩემი რომის) დასათვალიერებლად. ველოდეთ, ველოდეთ, და ბოლოს გავარკვიეთ, ტრანსპორტი გაიფიცაო...და გადავსერეთ რომის მანძილები, ფეხით მოვიარეთ, დავიპყარით რომი. ჰო...მერე ხურდა ჩავყარე შადრევანში და ჩემი სურვილები მზემდე ავაყოლე...

ახლა სალამოა. სიმშვიდე ძნელი მოსაპოვებელია. ისევ ჩემი ბარნოვ-ჭავჭავაძის ქუჩა მეძახის... მაინც ერთი სული გვაქვს თბილისში ჩავიდეთ...

მერე ისევ ღამაში სალამო, ფრიალა კაბა და ქოლგის ქვეშ ქუჩაში გამოტანილი მაგიდები. ერთი ჭიქა იტალიური ღვინო და წყნარი მუსიკა. თუმცა, მუსიკაზე გამახსენდა, ერთი რამ გამიკვირდა, რაც აქ ვარ — მეგონა, ყველგან იტალიური მუსიკა იფლერებდა, ძველებური თუ ახლებური. არსად გამიგია, მხოლოდ ამ ერთ ღვინის ბარ-მალაზიაში, სადაც ადგილობრივი იტალიელები, გემოვნებით ჩაცმული საქმიანი იტალიელები, როგორც ჩანს, სამსახურის შემდეგ შემოდებიან, ერთ ჭიქა ღვინოს მიირთმევენ და ცოტა განიტვირთებიან საქმიანი დღის მერე...

ფეისბუქური ჩანაწერი

„რაც არ გადამირევია, ბოლომდე გადავრეი ტომი. სამი დღეა დავდივარ რომის ქუჩებში, გახარებული ხელებს ვშლი და დარწმუნებული ვაცხადებ: „ეს ჩემი ვაკეა, ჩემი ბარნოვის და ჭავჭავაძის ქუჩები-მეთქი... (ჩვენი სასტუმროს ქუჩა ზუსტად ეგეთია)“

დღეს 16 ივნისია. შაბათი. გოგონები გავისტუმრეთ ამერიკაში და დავრჩით ისევ ძველი შემადგენლობით — მე, ტომი და ბიჭები.

17 ივნისი, 2013, ფლორენცია, იტალია

მთვრალი ვარ იტალიური ღვინით, ფლორენციული ხელოვნებით და სიყვარულით. ეს ყველაფერი ზენიტია ბედნიერების და მე აღარ ძალმიძს მეტის ატანა.

ფლორენცია მართლაც საოცრება ყოფილა. ღამის სულ დამეინყა წინანდელი აღფრთოვანებები. არ თავდება ენით აუნერული, ადამიანის შემოქმედებითი ნიჭის შედეგები. საითაც გაიხედავ ყველგან აღმაფრთოვანებელი ქანდაკება, შენობა, ეკლესია, ფრესკა, ჩუქურთმა, შადრევანი თუ ქუჩებისა და სახლების ორიგინალურობა...დილაუთენია 420 საფეხური ავიარე სანტა მარია დელ ფორეს ეკლესიის სამრეკლოსი, და გადავხედე მთელ ფლორენციას. მონითალო კრამიტისანი სახურავებით გადახურული, ერთმანეთში სასწაულად შეთანხმებულად ჩასმული სახლები, რომელთაც სხვადასხვა გეომეტრიული ფორმები აქვთ და მაინც ზუსტი გეომეტრიული ზომებით ჯდე-

ბიან მისხალ-მისხალ ერთმანეთში, განუმეორებელ სიამოვნებას მგვრის... თანაც ეს სახურავები ყვავილნარებითაა მორთული, ზევიდანაც დამხედავს, აქაც რომ სილამაზე შემთავაზონ...

გუმბათები ცას სწვდებიან თითქოს და ადამიანებსაც აზიარებენ ცის სიმაღლის განცდას. მგონი, ამ საოცრებათა ნახვის მერე ყველას სული ერთი მისხალით აუმაღლდეს, ვიდრე რამდენიმე წუთის წინათ ჰქონდათ...

მერე ეს უზარმაზარი ზარები გუგუნს იწყებენ და მე მათ ქვეშ ვზივარ, იმ უზარმაზარ ქვაზე, საუკუნეებს რომ ითვლის და რომლითაც ეს სამრეკლოა ნაშენი. ზარები გუგუნებენ, დროის და ცხოვრების სიძლიერეს გვამცნობენ, გვაფხიზლებენ, რომ შეგვეძლოს დავტკბეთ ამ წუთისოფლის მიერ შემოთავაზებული შესაძლებლობებით. და ლიმიტი კი მართლაც ცას წვდება ამ შემთხვევაში.

მე თვალებს ვხუჭავ და ვლოცულობ.

მერე ვეშვები დაბლა მიხვეულ-მოხვეული კიბეებით და მივიჩქარი სხვა სრულყოფილების სანახავად. ქალაქი — ჩემი სტიქია, და მე უსწრაფესი ნაბიჯებით მივდივარ. იმეღია, უკან მომყვებიან ოჯახის წევრები. მაგრამ აღარაფერი მახსოვს. აქ უკვე სული ზეიმობს და ამ ზეიმს თავის ფიქრებში უზიარებს მეორე სულს, რომელიც ასევე აღფრთოვანდებოდა ამ ყველაფრის ნახვით, იმას, ვინც უსიტყვოდ მიხვდებოდა, რა ბედნიერია ახლა ეს სული.

მერე მუზეუმში შედევრები ვიხილე და უკვე ვატყობ, სული მელღება.

დავითი!!!

გენიოსის ხელით შექმნილი სრულყოფილების ზენიტი. უკვე ვკვივარ...ისევ უხმოდ. არავის ესმის.

დავითის ნახვა მართლაც გაამეშებს მნახველს, და მეც სუნთქვა მეკვრის...ტურისტული გიდეებიც ისე საინტერესოდ და ღამაზად ყვებიან ამ შეუდარებელი გენიოსის, მიქელანჯელოს ტალანტისა და რთული ბუნების დეტალებს, ღამის გადავსახლდი მის საუკუნეში და... ვხედავ ქვასთან შეჭიდებულ გენიას. მგონია, ძალიან კარგად მესმის მისი, რატომ იყო ასე ნიჭიერი და ასე ურთულესი.

მისმა დაუმთავრებელმა ნამუშევრებმა კიდევ უფრო ამაღლევა. როგორ ცდილობს ძლიერი ადამიანი ქვიდან გაითავისუფლოს თავი! გამოგლიჯოს ეს ცივი და უგულო მარმარილო, გაგლიჯოს სივრცე. რაღაც მსგავსი გრძნობა მახსენდება სივრცის ვაგლევჯის და ამ საუკუნოვანი ადამიანის. ტკივილს ვგრძნობ, სულის...

მუზეუმები, ხელოვნება, ქუჩის მუსიკოსები, რომლებიც ნიჭს აფრქვევენ მილიონობით ყველა მიმართულებით მიმავალ ადამიანებისთვის. ვჯდები კიბეებზე იქ, სადაც მუსიკა იღვრება. ესაა მოედანი ცნობილი უფიცის გალერეის წინ, რომელშიც ასევე ნამლექავი ძალის მქონე შედეგებია. ვჯდები დაქანცული. მოულოდნელად ვხედავ წითელ კაბაში მოფრიალე ასე 55 წლის ქალს, რომელსაც ეს, იქნებ 60 წლის მამაკაცი მინას წყვეტს. მგონი უხილავი ძაფია გაბმული მათ შორის და ვგრძნობ, როგორ ეკუთვნიან მათი სულები და სხეულები ერთმანეთს.

თვალს ვერ ვაცილებ მათ ჰაეროვან ცეკვას, ჩელოს, ვიოლინოსა და გიტარის ულამაზესად შერწყმულ მუსიკის ჰანგებს აპყროლიან...და სევეა მერევა სულში. ამ წუთში მინდა მე ვიყო ეს, წითელ კაბაში მოფრიალე ქალი და ადგილიდან მომწყვიტოს ცეკვით მან, ვისი თუნდაც თითის შეხებაც დამავინწყებდა ამ მილიონ მაცქერალ თვალს, და ამაყეკვებდა თავდავინწყებით... ესენი ხომ სწორედ ასე ცეკვავენ. და ვიცი, უბრალოდ ვიცი, რომ ისინი ერთმანეთს ეკუთვნიან. ვინ იცის, მათი მაყურებელნი გულში იხედებიან, და ვინ რა საიდუმლოს, ვინ რა სიმართლეს, მოგონებას, სურვილს, ნატვრას, ოცნებას აღმოაჩენს იქ...

ვუყურებ ისევ მათ თავდავინწყებას და... ფიქრებით სხვაგან ვარ. მერე რეალობა მაფხიზლებს, ვდგები და მივდივარ,

ვაგრძელებ საოცრებათა ნახვას, მაგრამ ვატყობ, მეტის ატანა აღარ შემიძლია. მეტის დატევა აღარ შეუძლია სულს. სადაც ვჯდები, კალამს და ფურცელს ვეძებ სასწრაფოდ და ვცდილობ მოვასწრო მოზღვავებული გრძნობის გადმონთხევა, მაგრამ დრო არ მაქვს, წუთები დათვლილია

„ჩქარა წამოდი კიდე ვნახოთ რამე“ .

ფეხებს მივათრევ, სული კი მეტანჯება.

„აღარ მინდაააა“ .

მდინარის მეორე სანაპიროზე გადავედით. საღამოვდება. უთუოდ რაღაცაა მოსალამოვებული ფლორენციის ცის საიდუმლო. სინათლე უცნაურად ეფინება აქაურობას და მისტიკურ განცდას აძლიერებს. ახლა ჯერ კიდევ მზე ანათებს, მაგრამ ეს მისტიკურობა ბინდბუნდი ნელ-ნელა შემოიპარება. უცბად ჩემს წინ იშლება მორიგი საოცარი ხედი... გზის მარცხნივ ოდნავ ამალღებული ფილაქნებიანი გორაა და ამ გორის თავში წამოჭიმულია და ლამის თავზე მადგას უზარმაზარი შენობა. მზე ურტყამს ამ ლოდებს და აბრწყინებს. თვალებს მჭრის ეს სინათლე, მე ჩრდილში ვდგავარ.

იქით ბაღია, ისევ შედეგებით სავსე... „წამოდი ვნახოთ, ვნახოთ...“ არადა ვგრძნობ, მეტის ნახვას ვეღარ ავიტან, ახლა მინდა დავიცალო ემოციისაგან. ფეხებს ძლივს მივათრევ

„ბაღი დაკეტილია!“

„მადლობა ღმერთს“. შვებით ამოვისუნთქე. უკან დაუფიქრებლად ვბრუნდები, ერთი სული მაქვს, როდის გავეცლები ამ ნიჭიერების ადგილებს...

ვუხვევ. უზარმაზარი ლოდების გაღავანს ვხედავ... ხელებს ვადებ და ვეფერები, მინდა შევიგრძნო დედამინა...

17 ივნისი, 2013, მატარებელში ფლორენციიდან ციურისისკენ

ჩემი ცხოვრება მართონს უფრო ჰგავს — სულ სადღაც ვავრბივართ გაუთავებლად. ამ 12 დღის განმავლობაში იმდენი აღსაფრთოვანებელი ხედი, სურათი გამოიკვალა ჩემს თვალწინ, მართლა შოკში ვარ. მეტის ატანა აღარ შემიძლია! არც შევიცარიულ ჩანჩქერთა დანახვა მსურს, უზარმაზარი მთებიდან რომ მოექანებიან და რომელთა სანახავად ტომი მექაჩება. „აღარაფრის დანახვა აღარ მინდა, აღარ მინდა...“ ვკვივარ უხმოდ.

ახლა მინდა სიმშვიდე, სინყნარე და... ჩემი სამშობლო. ხვალ საქართველოს ჩავეხუტებით. ჩვენს ჰაერს ჩავისუნთქავთ. ბიჭებსაც მხოლოდ ერთი რამ სურთ — სახლში ბებია-ბაბუასთან გაატარონ შემდეგი ორი დღე. მეტი არაფერი!

18 ივნისი, თვითმფრინავში ციურისიდან სტამბოლის მიმართულე-ბით, თბილისისაკენ

**სული სავსეა ბედნიერებით,
მე საქართველოს ვუახლოვდები,
ყოველი დაღლა სადღაც გამქრალა,
სული ქართული ცეცხლით გამთბარა.
ჩემო ქვეყანავ, მე შენთან მომყავს, —
ჩემს ვაჟკაცებში შენი სისხლი ჩქეფს,
ქართულ ფესვებით მოამაყეებს
სიყვარული და სითბო აჩუქე.**

იტალიური თავგადასავლები ახლა უკვე ტკბილ მოგონებებად გადაქცეულან.

ჩაო, იტალია! არივედერჩი!

დე ჟა ვუ

თბილისი, საქართველო, 18 ივნისი, 2013 წელი

ღამეა... მანქანების ყრუ ხმაურსა და ფოთლების შრიალში ღია აივნის კარიდან აღწევს ქართული სიმღერის ჰანგები... მიყვარს. ამავე დროს რომელიღაც ქალაქს მაგონებს, ქალაქს, რომელმაც სულ ცოტა ხნის წინათ ჩემი ქალაქი მომაგონა. როგორი დამთხვევაა: ღამე, აივნის ღია კარი, მე — ქუჩის ნათურებით განათებულ აივანზე სავარძელში, ჩემს ლეპტოპში თავჩარგული, მანქანებისა და ჭადრის ხეთა ფოთლების შრიალი და ღამეს შემორჩენილი ნაბახუსევი ხალხის საუბრები და სიმღერები...

მიხვდი? თბილისი-რომი.

1974 წელს კონსტანტინე გამსახურდია მოვიწვიეთ ტექნიკურ უნივერსიტეტში. ლონემიხდილი, საოცრად გამხდარი, ხმადაბლად მოლაპარაკე მწერალი სავარძელში ჩაბრძანებული მესამე სართულზე ხელით ავიყვანეთ. მაშინ უბედნიერესად ვრაცხდი თავს, მეგონა ქართული მწერლობა მხარზე აზიდული მიმყავდა. „დიონისეს ლომილისა“ და „დიდოსტატის მარჯვენას“ ავტორს გვერდს უმშვენებდა საქართველოს მომავალი პირველი ლედი მანანა არჩვაძე-გამსახურდია. შეხვედრის შემდეგ მწერალს ბინაზე ვესტუმრე. დამშვიდობებისას ბრძანებითი კილოთი მითხრა: „შენ, უცხო ენის სპეციალისტო, გოეთე უნდა თარგმნო! გაიგე, გოეთე!“ სიტყვის დიდოსტატის ეს შთაგონება დღესაც ჩამესმის თითქოს.



იოჰან ვოლფგანგ გოეთე

ველზე ვარდი

დაინახა ბიჭმა ველზე,
ნორჩი ვარდი, ეული.
მიირბინა, შედგა ყალყზე,
გახდა ჟინმორეული.
ცისკრის დარი, მარტოსული,
იდგა, ობლად წვეული.

ვარდი, ვარდი, მარტოსული,
ველზე ნითლად ამოსული.

ბიჭმა უთხრა, — მარტოსულო,
მოგწვევტ! ველზე ამოსულო!
— გიჩხვლეტ ბიჭო! — ეტყვის ვარდი.
— ეგ ზომ რატომ შეგიყვარდი?
ისე მტანჯავს შენი დარდი,
დიდ მწუხრშია მეც ჩავვარდი.

ვარდი, ვარდი, მარტოსული,
ველზე ნითლად ამოსული.

და მონყვიტა მარტოსული
ბიჭმა ველზე ამოსული;
ვარდი უხმობს ეკლებს შეველად,
ბიჭს რომ ჩხვლიტონ უზოგველად;
ვარდს ნუხილმა ვერ უშველა,
ის ეული დარჩა ველად.

ვარდი, ვარდი, მარტოსული,
ველზე ნითლად ამოსული.

**გერმანულიდან თარგმნა
აპოსანდილ ნილოსანაა**



გურამ ბენაშვილი

ლიტერატურული ვიტრაჟები



გერონტი ქიქოძე

ლიტერატურათმცოდნეობა, როგორც სხვა კლასიკური მეცნიერებანი, პარადიგმათა პერმანენტული ცვლებადობითა აღბეჭდილი...

ამ კონტექსტითაც უნიკალურია XX საუკუნე... ეს იყო ეპოქა, როცა იქმნებოდა მხატვრული ტექსტის აღქმისა და სემანტიკურ-აქსიოლოგიური ინტერპრეტაციის განსხვავებული მეთოდოლოგიები... მიმდინარეობდა ახალ შეხედულება-

თა და კონცეფციათა ინსტიტუციონალიზაციის პროცესი...

გერონტი ქიქოძის შემოქმედებით ბიოგრაფია ამ ინტელექტუალური ალტერნატივებიდან იღებდა დასაბამს...

ერუდიტი და უზადო ლიტერატორი, უნივერსალურ ღირებულებებზე ორიენტირებული ინტელიგენტი და თვალსაჩინო საზოგადო მოღვაწე, იგი, ერთი იმთავადანი იყო, ვინც დაამკვიდრა და ტრადიციად აქცია ფილოლოგიური აზროვნების ახალი კულტურა, გააფართოვა და გააღრმავა ჰუმანიტარულ კვლევათა არეალი...

მის სახელსაც უკავშირდება ლიტერატურული ნარატივის კომპარატივისტული კვლევის ტრადიცია და ტექსტის ტიპოლოგიური განსჯა-ანალიზის დამკვიდრება...

მხატვრული ლიტერატურა, როგორც არა მხოლოდ ფორმა, არა მხოლოდ სტილის იერარქია, არამედ უნივერსალური კულტურის ფოკუსი, სამყაროს ისტორიული მრავალფეროვნების ინგრედიენტი, კონკრეტული ერის სულიერი ხატის მეგასიმბოლო... ეპოქალური ეროვნული იდენტობის გენერატორი — მისი კონცეფციის ჰიპოსტასებია...

გერონტი ქიქოძის ფილოლოგიურ კვლევებში ერთმანეთს ერწყმოდა ლიტერატორისა და სოციოლოგის, ფსიქოლოგისა და ისტორიოგრაფის, კულტუროლოგისა და ფილოსოფოსის რეფლექსიები...

მისთვის, როგორც ანალიტიკოსისათვის, ნონსენსი იყო ლიტერატურისა და ხელოვნების ამოვარდნა ზოგადისტორიული კონტექსტიდან ანუ მათი ავტონომიზაცია... ასევე, სამყაროს ოდენ პოლიტიკური ისტორიების ასპარეზად წარმოდგენა და გადავიწყება იმისა, რომ იგი ფიქრთა და რწმენათა, ანუ აზროვნების უსაზღვრო სისტემათა ისტორიაცაა... და, რომ ყველა ეს „ისტორიები“ ფუჭი და ამოუცნობია ურთიერთკავშირებისა და ადამიანთა კულტურული კონტექსტების გარეშე...

თანამედროვე გერონტი ქიქოძის „ისტორიზმი“ ... ის არც გარდასულის „ანტიკვარია“ და არც ბიოგრაფიულ დისკურსთა უპირობო აპოლოგეტი...

ის უფრო უღრმესი სულიერი დიაპაზონითა და უფაქიზესი გემოვნებით აღბეჭდილი მოაზროვნეა, რომელსაც ძალუძს თამამად „ესროლოს ხელთამანი“ და საპაექროდ „გამოინვიოს“ თვით გენიალური შემოქმედიც კი...

* დასასრული. იხ. „ჩენი მენელობა“ №20

განუმეორებელი მოქართულე, ერის განმანათლებლის უფლებით მოსილი, მისი მორალური და ინტელექტუალური სიმბოლო, იგი ერთი იმ იშვიათთავადანი იყო, რომლის ცხოვრება და ღვაწლი „სუვერენული ინდივიდის“ კლასიკურ ტიპს განასახიერებდა...

აკაკი განერელია



ჭეშმარიტად ევროპული ინტელექტუალიზმის განსახიერება იყო აკაკი განერელია... მასში მძლავრად ფეთქავდა ზედროული თუ ზესივრცული სულიერების ისტორია — მისი ფილოსოფიური ჰიპოთეზებითა თუ მხატვრული სახეებითა და მეტაფორებით, რწმენის სიმბოლოებითა თუ საუკუნეთა სიბრძნით... ეს ყოველივე მისთვის ისეთივე „ხელშესახები“ და რეალური იყო, როგორც ადამიანებითა და საგნებით წარმოდგენილი სამყარო, ანუ როგორც ყოველდღიურობის ფენომენოლოგია...

დიდი ეკზისტენციური კატაკლიზმების მომსწრე იყო იგი... გრევა ცხოვრების ადამიანური წესისა, სისხლიანი რეპრესიები და უახლოეს მეგობართა წამებანი, თანამოკალმეთა დალატი და თვითგადარჩენის კონფულსიები... მსოფლიო ომის კომმარი... აი, ის ბესტიარული „პარტიტურა“, რომლის ტრაგიკულმა იმპულსებმა, სრულიად „ალოგიკურად“, შვა უნიკალურ ტალანტთა ვრცელი გაღერეა...

მათ შორის იყო ქართული ფილოლოგიური მეცნიერების უთვალსაჩინოესი წარმომადგენელი, ლიტერატურული აზროვნების ჭეშმარიტი ვირტუოზი აკაკი განერელია...

შეუძლებელია ანალიტიკური განსჯის მწვერვალებს არ გაზიაროს მისმა ელემენტურმა ლიტერატურულმა მედიტაციებმა...

და მანაც, სრულიად უნიკალურია მისი პოეზიით „გატაცება“...

ეს არის ლექსის აღქმიმაში განდობილის, მისი მშვენიერებით შთაგონებული ესთეტიკისა და ვიზიონერის ზღვრული თვითრეალიზაციის გამოსხივება...

მისი, როგორც პოეზიის დიდი მკვლევარის ანალიტიკა, ამკარად განირჩევა სხვათა რეფლექსიებისაგან, მათი მეთოდოლოგიისაგან... თუნდაც იმით, რომ მისთვის პოეზია წმინდა იერატიული ფენომენის განსახიერებაა, ანუ ნაყოფია უცაბედი ღვთაებრივი ემანაციისა, შთაგონებისა და გამოსხივებისა... რომ მხოლოდ პოეზია ადამიანური ნათელხილვების ერთადერთი „ველი“ და რომ მას არამინიერი ინსტინქტებით მოდელირებული სიმბოლოები განასახიერებენ...

ეს, და მრავალი ამგვარი მოსაზრებანი, აკაკი განერელიას ოდენ რომანტიკულ „ინიციაციებად“ არ უნდა წარმოვიდგინოთ... პოეზიის „ცხადი“ იდუმალება, ამგვარი „მეტაფიზიკური“ განსჯისაკენ მიმართავს არა მხოლოდ მას...

რუსთველოლოგია, არეოპაგეტიკა, ლიტერატურულ-ესთეტიკური ძიებანი, ქართველ კლასიკოსთა თუ თანამედროვეთა სილუეტები, მრავალრიცხოვანი ოპუსები პოეტიკის სფეროში — აი, მიახლოებით, იმ პრობლემათა სივრცე, რომელსაც საოცარი შთაგონებით დასტრიალებდა ამ დიდი ლიტერატორის სული და გონება...

ისიც ფრიად საგულისხმოა, რომ მისმა უღრმესმა ისტორიულმა ცნობიერებამ და მოვლენათა მხატვრული წარმოსახვის შინაგანმა იმპულსებმა, XX საუკუნის ქართულ ბელეტ-

რისტიკას შესძინა რამდენიმე ქმნილება, რომელთა შორის განსაკუთრებულია ფსიქოლოგიური რომან-ეტიუდი — „ფაიდას გამოცხადება“... მასში თვალსაჩინოვდება აკაკი განერელიას უფართოესი ერუდიცია... ხელენიფება შთამბეჭდავი კონოტაციებით წარმოსახოს უძველესი კულტურის ფილოსოფიური ტექსტი და ისტორიული სიმბოლოებით აღბეჭდოს იგი... და ეს ყოველივე წარმოადგინოს იმგვარად, რომ არ მოახდინოს თანამედროვე მკითხველის გემოვნებისა და წარმოსახვის ზონდირება...

ამ ქმნილებაში მაღალი ხელოვნებით „იძერება“ დიდი თეოლოგის, რიტორისა და ფილოსოფოსის — ნეტარი ავგუსტინეს ფსიქოლოგიური პორტრეტი... მისი სულიერი გრადაციების, ინტროსპექციისა თუ მონანიების ემოციური ფრაგმენტები...

საუკუნის კუროზია ალბათ ქართული ფილოლოგიის ამ ჭეშმარიტი მეტრის ქართველ სწავლულთაგან იგნორირების „მისტერია“...

ენ. რჩეულთაგან უარყოფილი, იგი ვერ „ამაღლდა“ საქართველოს მეცნიერებათა აკადემიის ნამდვილ წევრად...

ესეც მისი ბედისწერა იყო... მისი ეპოქის გამორჩეულ ადამიანთა მსგავსად, ისიც სწუხდა მწარე იმედგაცრუებათა თუ ირგვლივ მომძლავრებულ, ავადრამოდგარ უმეცრებათა გამო...

გრძნობდა და განიცდიდა ბარბაროსული ჟამის, ჭეშმარიტი კულტურული ფასეულობების მსხვერვისა და ადამიანთა მუტაციის საბედისწერო მოახლოებას...

ქვეყნის — სისასტიკისა და სიმულაციების „თეატრად“ გარდასახვის კომმარს...

აკაკი ბაქრაძე

იყო ჟამი, როცა მისი ეროვნული ობერტონებით გაჯერებული მედიტაციები სულიერ საზრდოდ ეფინებოდა ქართველ ახალგაზრდობას... ადამიანები მისკენ ილტვოდნენ, რათა სიმართლის მშვენიერებით დამტკბარიყვნენ და საკუთარ თავში აღმოეჩინათ, თუ გაელვძებინათ თავისუფალი ადამიანის განცდა...

საოცარი ის არის, რომ ერში „გადასროლილ“ სიტყვას ნიადაგიც ნოყიერი ხვდებოდა... ასე აკავშირებდა იგი — სიტყვა ადამიანებს... ასე აკვლიანებდა იგი მარად დაბნეულ-მერყეთაც კი...

რასაკვირველია იყო შიშიც, რომელიც თავის მხრივ, აიძულებდა ადამიანებს ერთ მუშტად შეკრულიყვნენ და საერთო გაურკვევლობის ძრწოლაში გაერთიანებულყოყვნენ...

ადამიანის ღირსების საკრალიზაცია — აი, უპირველესი პოსტულატი აკაკი ბაქრაძის მოღვაწეობისა და, თუნდაც ბრძოლისა...


იგი ყველგან და ყოველთვის ცდილობდა მისთვის ფუძემდებლური მცნებების დამკვიდრებას, ვინაიდან მშვენივრად იცოდა, რომ უღირსებო ადამიანთა იმედად, ვერაფრით შეიქმნებოდა ვერც პოლიტიკური, ვერც ეკონომიკური და ვერც სოციალური კეთილდღეობა...

აკაკი ბაქრაძე ძალზე ფრთხილად და დელიკატურად საუბრობდა მასაზე ანუ ღიანგზე... მან იცოდა მისი ავიც და ზოგ შემთხვევაში, კარგიც... იგი წერდა XX საუკუნის პირველი ათწლეულების ბრბოდქვეულ საქართველოზე და ამას აკეთებდა იმის საილუსტრაციოდ, თუ რა შემზარავი უბედურების მაცნეა მახინჯი კერპებითა და მათივე ოდიოზური იდეოლოგიებით აღტყინებული ხალხი...

თუმც, მიუხედავად ყველაფრისა, როგორც „პატარა უფლისწულის“ ავტორი იტყოდა — დაბნეული ბრბო, თუ მასში არის თუნდაც ერთი ადამიანი, ვის შეგნებაშიც ეს ბრბო შეკავშირებულია, უკვე აღარ არის დაბნეული ბრბო...

ის „ერთი ადამიანი“, სხვა რამდენიმესთან ერთად, აკაკი ბაქრაძე იყო...

იგი მთელი არსებით ცდილობდა იმას, რომ მის ქვეყანას „გათენებამდე გაეძლო“ ისე, რომ ბოლომდე არ გარყვნილიყო ერის სული და გონება... მისი საზოგადოებრივი აზროვნების სტრატეგია იმასაც მკაფიოდ ითვალისწინებდა, რომ ლიანგის ერად ქცევა, დამოკიდებულია იმაზეც, თუ რამდენად შეიგრძნობს ერთიანობის გამაკეთილშობილებელ ძალას...



იყო სიყვარული, იყო ტანჯვა, იყო ბედნიერებაც, მაგრამ ეს ყოველივე უფრო ხშირად სასტიკი დრო-ჟამის მიერ „გენიალურად დადგმულ სიმულაციებს“ წარმოადგენდა...

საგულისხმოა, რომ აკაკი ბაქრაძე გონითა და ენით, ანუ ჭეშმარიტი საქმით მეტყველებდა მაშინ (და სწორედ მაშინ!), როდესაც ადამიანებში ყოვლისმომცველი შიში საოცრად ბუნებრივი იყო... მისი საჯარო გამოსვლა თუ პუბლიკაცია, გაბოროტებულ ქარიშხალსა და ქაოსს კი არ აძლევდა დასაბამს, არამედ აღვიძებდა და აღორძინებდა დაკარგულ ეროვნულ თვითშემეცნებას, პიროვნულ თვითგანცდასა და სამყაროს სულიერ ფასეულობათა წინაშე თაყვანისცემას...

კიდევ უფრო ღრმადმნიშვნელოვანი კი ის არის, რომ აკაკი ბაქრაძე დუმდა მაშინ, როდესაც ადამიანებს უახლოესი წარსულის გამოხსათვის არათუ სჯიდნენ, აჯილდოებდნენ და აღმერთებდნენ კიდევ...

თუმც, მისი მჭევრმეტყველური დუმილი შესაძლოა უფრო არსებითი და ღრმა ქვეტექსტებითაც კი იყო დატვირთული...

თუ გავითვალისწინებთ, რომ დუმილი, საზოგადოდ, სულიერების სიღრმისეული პლასტია და, ამდენად, იგი ართქმაკი არაა მხოლოდ, არამედ დამოუკიდებელ სიტყვად დალექილი დისკურსი, ანუ ადამიანის სხეულში ღრმად ჩანერგილი შინაგანი მეტყველება...

აკაკი ბაქრაძის ლექციები მაღალი ეროვნული ღირსების გრძნობებს აღვივებდა, რაც ასე აუცილებელი იყო იმ პერიოდის ქართული ცნობიერებისათვის, ვინაიდან, როგორც, თუნდაც თვით რიჩარდ რორტი აღნიშნავს — „ეროვნული სიამაყის გრძნობა ქვეყნისათვის იგივეა, რაც ღირსების გრძნობა ინდივიდისათვის“... თანამედროვე ამერიკელი ფილოსოფოსის პერსონაც იმიტომ „შევანუხე“, რომ დასაკვლეთის ფსევდოფასეულობებზე ორიენტირებულ „უწინდერკინდებს“, ასე რომ მობეზრებით ყოველივე ეროვნული, კიდევ ერთხელ შევახსენო, რომ მათთვის სათაყვანებელი და „ულტრათანამედროვე კონტექსტებში“ ხშირად ნახსენები ეს ფიგურა, სულაც არ გახლავთ გულგრილი ეროვნულისადმი... თურმე მასაც კი გულმხურვალედ ჰყვარებია თავისი ქვეყანა და ეროვნული სიამაყის ტონუსი წმინდა და მარადიულ ღირებულებად მიუჩნევია...

გულისამრევი და შემამოფოთებელია „ყვარზე კუდგადებული“ ქართველის ხილვა, სწობიზმის ჭით გულდაღრღნილ გვამითა, თუ კისერგანვრილებულ ანდროგინთა ნკავნკავი ეროვნულის განსადევნად...

მათ გასაგონად მინდა აღვნიშნო, რომ აკაკი ბაქრაძე, მისთვის მაცოცხლებელ იმპულსებს ილიას ცხოვრებასა და ღვანლში იძიებდა და ჰპოვებდა...

საერთოდ კი, სრულიად ცალკე თემად მოიაზრება — აკაკი ბაქრაძე, როგორც ილიას უბადლო მკითხველი და ინტერპრეტატორი...

ამ კონტექსტში ნახსენები „მკითხველის“ ცნება, სულ სხვა ვალენტობას იძენს დღევანდელ საზოგადოებაში სივრცეში, ვინაი-

დან ამ შემთხვევაში გენიალური „ავტორის სიკვდილმა“, თუ შეიძლება ითქვას, გენიალური „მკითხველის გაცოცხლება“ გამოიწვია, ანუ დიდმა შვა თავისი შესაბამისი...

ჩვენი საუკუნის მეორე მეოთხედის საქართველოს ლიტერატურული ცხოვრების პირუთენელი სურათი იხატება აკაკი ბაქრაძის წიგნში „მწერლობის მოთვინიერება“...

კრიტიკოსისათვის დამახასიათებელი ირონიითაა განსჯილი ხელისუფლების „უერთგულეს“ მოღვაწეთა თუ „ფხიზელ“ კრიტიკოს-ჟანდარმთა ოპუსები... ეს უკანასკნელი თავისი ოდიოზური როლითა და მამხილებლის ფუნქციით, სრულიად განსაკუთრებული კონფიგურაციით აღიბეჭდებიან ტოტალიტარული „მსოფლხედვით“ გაჯერებული საზოგადოების ცნობიერებაში...

წიგნში დიდი სიმართლით წარმოსახულ ადამიანთა ფსიქოლოგიური პორტრეტები, მიუხედავად ფრაგმენტულობისა, კიდევ ერთხელ ამყარებენ ჩვენს წარმოდგენას სისასტიკის წინაშე მდგარი ადამიანის სრულ უსუსურობასა და ხშირად, არაარაბუნებრივ კი...

საგულისხმოა, რომ აკაკი ბაქრაძეს ქართველი კაცის იდეალურ განსახიერებად ავთანდილი მიაჩნდა და ერთმნიშვნელოვნად თვლიდა, რომ „ქართველი ხალხი ავთანდილის სილადეს უნდა ეზიაროს, თორემ კვაჭი კვაჭანტირაძის ჩიტირეკიაობა მას კარგს არაფერს მოუტანს“...

სიმპტომურია, რომ მისთვის სწორედ ავთანდილია ქართული სულისა და სხეულის ჭეშმარიტი პარადიგმა... ავთანდილი, რომლისთვისაც მოყვრისათვის თავშენიერება უმალღესი ბედნიერებაა, რომლისთვისაც სიყვარულიცა და უსასტიკესი მურისმაძიებლობაც რაინდობის კონტექსტში მოიაზრება... რომელიც გაკერებული ურჩიცაა და უნაზესი თუ უნატიფესი მორჩილიც... ღვთაებრივი ხმით მგალობელიცა და ნუთისოფლის მუხთალი ტრიალით შეძრული ცრემლიანი ფილოსოფოსიც...

იგი იმასაც შეგვახსენებდა, რომ აზრისა და სულის კრეატიულობა სამწუხაროდ გადამდები არ იყო და ეს „თვისება“ ოდენ ავადმყოფობასა და ბოროტებას გააჩნდა უხვად და უშურველად... თუმც, სავარაუდოა, რომ მისი სულის წიაღში საპირისპირო რწმენაც ციმციმებდა და შინაგანი ფარული ხმა სიკეთის ძალმოსილებასაც შთააგონებდა...

იქნებ, სწორედ ეს ჯიუტად მოკარნახე ხმა აქცევდა მას უფრო მეტძოლ, უკომპრომისო და მაინც ზეცისკენ მაყურებელ რომანტიკოსად, ვიდრე ემპირიული სინამდვილის ბოლომდე „ერთგულ“, ანუ ორთოდოქს მიმდევარ-აპოლოგეტად...

ამიტომაც არ შედგა აკაკი ბაქრაძისაგან პოლიტიკოსი... მართალი იყო იგი, როცა ამბობდა, რომ — ყოველი ადამიანი საკუთარი წარმოდგენით ქმნის იდეალურს და მას ლეგენდის სამოსელში ხვევსო...

ამ კონცეპტუალური მოსაზრების საილუსტრაციოდ, იქვე თვალსაჩინო ქართველი ფილოსოფოსის რომანტიკულ ნარატივს იხსენებდა: „მახსოვს, შალვა ნუცუბიძე გალილეის ცხოვრებას გვიამბობდა. ლექციის დასასრულს მისებურად გაიღიმა და თქვა: — „რა თქმა უნდა, ინკვიზიციის სასამართლოში მას არ უთქვამს „მაინც ბრუნავსო“... ინკვიზიციის დარჯაკში გამოვლილ კაცს იმის თავი აღარ ექნებოდა, რომ „pun si mouve!“ დაეყვირა, მაგრამ იტალიელი ხალხის სინდისმა ინება, რომ გენიალური მეცნიერი სწორუპოვარი ვაჟკაციც ყოფილიყო“...

ხალხს უნდა, ხალხს სწყურია გმირი... ადამიანებს სჭირდებათ ლეგენდა... ქვეყანაზე არსებული ნეგატივის განსაადვენად ხალხს სრულქმნილი იდეალი სურს...

„ჩემი მიჯნური როგორადაც მსურდა, ისეთად წარმოვიდგინე... ამაზე ვისაც რა უნდა, ისა სთქვას; უმეცარნი დამძრახვენ, მაგრამ გონიერმა მაინც, იქნებ, სხვაგვარად შეხედოს საქმეს“-ო — ბრძანებდა დონ კიხოტი...

არადა, ის ახირებულ და რეალობასთან მიმართებაში თვალბმულ გმირად მიაჩნიათ... მისი ხატი და სულისკვეთება, იმიტომაც დგას მედინი დროის მიღმა, რომ ის ხედავს „რეალობას“... და ეს რეალობა მხოლოდ ფხიზელი გონების სახილველია...

საოცრად ძნელია ფხიზლად ყოფნა; ძნელი და აუტანელიც — როგორც ეს გალილეის შემთხვევაში შეიძლებოდა ყოფილიყო — ვინაიდან სიფხიზლე ნიდაგ საფრთხის წინაშე აყენებს პიროვნებას, თუმც შეტეფან ცვაიგისა არ იყოს — „ყოველი საფრთხე შემოქმედისათვის ცხოველმყოფელ სტიმულად იქცევა, რადგან სულის უცნობ ძალებს ალაზნებს. ამნაირი აგზნების შემდეგ იწყებს ადამიანი თავისი მეობის ძიებას, და საბოლოოდ, რასაც უნდა აკეთებდეს იგი, საკუთარ ავტოპორტრეტსა ქმნის, საკუთარ თავს აღწერს“...

აკაკი ბაქრაძემ საკუთარი თავის აღწერა დაამთავრა... ამიერიდან მომავალი „უამთაღმწერელი“ განასრულებს მას... გავა დრო, და როდესაც ოცდამეერთე საუკუნის ქართველი მკითხველი ტანჯულ საუკუნეს შემოქმედებითი აზრისა და თავისუფალი ნების გამოვლინებათა მოსაძიებლად მიუბრუნდება, ერთი უპირველესთაგანი, უნიკალური ლიტერატორისა და მოქალაქის — აკაკი ბაქრაძის ხატებაც „შემოეფეთება“, განუმეორებელი ღიმილითა და სამშობლოზე ფიქრის უდიდესი გამოცდილებით...

ჩვენ, XX საუკუნის ადამიანები, მომსწრენი ვართ, ჩვენსავე თვალწინ გათამაშებული დრამატული მისტერიისა...

რატომაც მეჩვენება, რომ ერთ-ერთი უკანასკნელი, ამგვარი მისტერიის პროტაგონისა აკაკი ბაქრაძე იყო...

და ბოლოს შემზარავი ნაკოვანებების მიუხედავად, XX საუკუნის ადამიანებს ჰქონდათ უნარი, იქნებ ღვთაებრივი ნიჭიც კი ყოფილიყვნენ ღირსეულნი და ამაღლებულნი...

რალაც კომმარულია და გაუგებარი დოგმატებისა და მკვდრადშობილი იდეოლოგიის სრული მეუფების ატმოსფეროში, მათ შეძლეს თავისიდან აღმოეცენათ და სულის უმშვენიერეს მანიფესტაციებად ექციათ ჭეშმარიტი ლიტერატურული შედეგები...

ამ საუკუნის მოულოდნელი „კაპრიზებიდან“ ერთი აკაკი ბაქრაძე იყო... დრო-ჟამის მშვენიერი ნაყოფი, იგი მთელი არსებით ირეკლავდა ერის ისტორიული გამოცდილების იმ ფუძემდებლურ აქცენტებს, რომელთა გარეშეც წარმოდგენილია თავისუფალ მოაზროვნედ და მოქალაქედ ჩამოყალიბება...

ენციკლოპედიური ცოდნა და სულიერი უნივერსალიზმი აქცევდა მას ინტელექტუალურ „ოაზისად“, რომლის ნეტარ „ჩრდილშიაც“ იბრუნებდნენ სულს ცოდნასა და თავისუფალ ფიქრს მონატრებულნი...

მისი მღელვარე და დინამიური მოღვაწეობის „ფინალი“, ანუ განმარტობისა და სულის საბოლოო მოთქმის ჟამი, ჩემთვის თითქოს ახლობელი და გასაგები გახადეს მიშელ მონტენის მედიტაციებმა — „გავთავისუფლდეთ წარსული ვნებიანი გატაცებებისაგან, რომელნიც ერთ დროს ასე გვიმონებდნენ და გვაშორებდნენ ჩვენსავე თავს... უნდა განყდეს ეს ძლიერი კავშირები... გავეცალოთ საზოგადოებას, რომელსაც აღარ ვჭირდებით, რომლისთვისაც აღარ ვართ სასარგებლონი...“

განმარტობა, არსებითად, კიდევ უფრო აფართოებს თვალსაწიერს, გვხდის უფრო თანაზიარსა და გატაცებულს საზოგადოებრივი ინტერესებითა და მსოფლიო მოვლენებით...

ეს არ იყო ეგოიზმი და არც სულის მომნამლაგი სკეპსისი... ამაცი და ღირსებით აღბეჭდილი სუბიექტივიზმი, ანუ სულიერი არისტოკრატისზია ამ გალანტური მონოლოგის „სათავე“...

პიროვნული თავისუფლება და უცხო, ფუჭად ხმაურიანი-საგან განრიდება ყოფილა არაერთი დიდი ადამიანის ნებაყოფლობითი ხვედრი...

მხოლოდ ამგვარად წარმომიდგენია აკაკი ბაქრაძის განმარტობისა და უფრო მაღალ სულიერ გრადაციებთან ზიარების პროცესი...

ასეთი ყოფილა დრო-ჟამის არაერთი პროტაგონისტის „ეკლიანი“ გზა, აზრისა და მოქმედების ტრიუმფატორიდან, განმარტოებისა და დუმის ფილოსოფიურ ნეტარებამდე...

„არის რალაც დამლუბველი მისთვის, ვისაც მისდევენ... დამლუბველი კი ისაა, რომ მდევარი შლის ნაკვალევს“... ჟან ბოდრიარის ამ იმპერატივის სუსხს, იმედია არ გაიზიარებს მიმდევართაგან ერთ დროს ესოდენ „განებებულ“ სულიერი ლიდერი...



თამაზ ჩხენკელი

ამაოდ არ ჩაუვლია XX საუკუნის ქართველ კლასიკოსთა ცხოვრებისა და ღვწის შთამბეჭდავ გაკვეთილებს...

კოლოსალური იყო მათი მასპროვაცირებელი ენერგეტიკის ძალა...

არსებითად, ამანაც განაპირობა მოაზროვნე და მორალური თაობის აღმოცენებისა და დამკვიდრების პოზიტიური დინამიკა...

მათგან რამდენიმემ (გურამ ასათიანი, რევაზ თვარაძე, აკაკი ბაქრაძე...) საუკუნის მოღვაწის მისია იტვირთა და აღასრულა კიდევც...

ბუნებით მაძიებელი, ანალიტიკური წვდომის ჟინით „ატანილი“ და ნატიფი გემოვნებით გამორჩეული, საოცრად „ამინაარსებდნენ“ იდეოლოგიური არტიკულაციებით დეფორმირებულ დრო-ჟამს...

თამაზ ჩხენკელი ერთი ამ „იერარქთაგანი“ იყო... მან ძალზედ ბევრი რამ შესძლო აღექვა, განეცადა, საკუთარ სუბსტანციად ექცია და შეეთავაზებინა საზოგადოებისათვის...

მისმა გონებამ თავისში „ატარა“ ეროვნული კულტურული ცნობიერების უფართოესი პლასტები და მათი ანალიტიკური „ლეგიტიმაციის“ პერსპექტივები...

მრავლისმეტყველი კონცეპტუალური „ელემენტებითა“ დამუხტული და შინაგანი თრთოლვითაა „ნაქსოვი“, მისი ბრწყინვალე ლიტერატურული მედიტაციები...

მის ქმნილებათა „ლაბირინთებში“ ერთობ კონცეპტუალური და ლოგიკური იმპროვიზაციები ქმნიან სააზროვნო სივრცის უნიკალურ შეგრძნებას... ჩნდება გადაულახავი ცდუნება მათი კვლავ გემოვნებისა, ლიტერატურული ტექსტის ბოლომდე აღქმისა...

ულრმესი სემანტიკით „დანადგომი“ მისი ენერგეტიკული ველი, რეფლექსური აზროვნების ძალისხმევას ითხოვს... და ინტელექტუალური გამოცდილებით აღბეჭდილ მკითხველზეა უფრო პროეცირებული...

უნივერსალურ, ზედროულ და უსასრულო ღირებულებათა თავყვანისმცემელი და აღმსარებელი იყო იგი...

ნარსულისა და თანამედროვეობის ანალიტიკური ჭვრეტის ინდივიდუალური სტრატეგიით „აღჭურვილმა“, მან საოცარი სიღრმით შეიცნო გარდასულ ჟამთა „ანატომია“... მათ ნიაღში ჩაკარგულ სიქველეთა თუ ბოროტებათა სიმძაფრეცა და მასშტაბებიც...

ფილოსოფიური კონცეპტებით სტრუქტურირებული მისი ანალიტიკური თუ პოეტური ოპუსები წარმოსახავენ ყოველივე იმას, რაც არსებითი და მონუმენტურია ავტორის კულტურული ცნობიერებისათვის...

მიენდობი და „აპყვები“ რა მის რეფლექსიებს, იგრძნობ როგორ შემოდის შენში სულიერების ჯერგანუცდელი მნიშვნელობები, ფარული და შთამბეჭდავი ჭეშმარიტებანი...

თითქოს არაფერია სულიერების უკიდევანო ლაბირინთებში „მორალური“ მისი თვალთახედვისათვის უცხო და შორეული, ფერდაკარგული და უსახური...

იგი კიდევ ერთხელ გარმწუნებს, რომ კრიტიკა, თავისი იდეალური სახით, ყველაზე საინტერესო ლიტერატურაა...

პოეზიის უნივერსალური დისკურსი (ყოფიერებისა და დროის ეკზისტენციური ანალიტიკა) განაპირობებდა მისი ცხოვრებისა და მოღვაწეობის იდეოლოგიას...

მისი პოეზიის ლირიკული არაბესკები „სტრუქტურირება“ ღრმად განცდილისა და ყოფიერების სუბსტანციური ილუსტრაციისა... რაფინირებული აზროვნების ნაკადს, მასში ირაციონალური პორიზონტების დიალექტიკაც ერთვის, რათა თითქოს კიდევ უფრო ცხადი გახადოს დრო-სივრცესთან მუდმივმოპაექრე ადამიანის მსოფლგანცდა...

უნივერსალურ ღირებულებებზე ორიენტირებული, იგი რითაც არ უნდა ყოფილიყო გატაცებული, ყოველთვის მშვენიერ ვიზიონერად რჩებოდა...

ძალზედ ცოტანი არიან ისინი, ვინაც მასავით ელევანტურად განვლო ეს პროზაული წუთისოფელი...

ამიტომაც იქცა იგი თანამედროვეთა ერთ სულიერ „ოაზისად“...

„მე არ შემიძლია ცხოვრება სილამაზის გარეშე, — ნერდა ერთ დროს ალბერ კამიუ, — სილამაზეა ჩემი მთავარი საზრუნავი, ისევე, როგორც თავისუფლება, რადგან მხოლოდ თავისუფლებაა წყარო სილამაზისა...“

ვფიქრობ, ანალოგიური ეკზისტენციური იმპერატივის „აღმსარებელი“ იყო თამაზ ჩხენკელიც...

პოეზიის სიბრძნისა და მშვენიერების აპოლოგეტი, რომანტიკული იდეალების ერთგული რაინდი, სამყაროს ინტელექტუალურ სივრცეებში ლაღად „მოლივილივე“ და ღრმადშთამაგონებელი ლიტერატურული მემკვიდრეობის შემოქმედი — ასეთია ერთი ღირსეული მეოცნასუკუნელის სულიერი ცხოვრების პარადიგმათა ნუსხა...

მის უახლოეს მეგობართაგან გამიგონია — საშინლად აღიზანებდა და აკრთობდაო სიბერის მოლოდინი... არ ეპუებოდაო წელთა სიმრავლეს...

საოცარია, რომ სიცოცხლის ბოლომდე, უკვე საკმაოდ ხანდაზმული, ის ისეთივე (ან თითქმის ისეთივე) ელევანტური და მშვენიერი იყო, როგორც შორს დარჩენილ წარსულში...

გონებით გაბრწყინებული და სულით ნეტარი, უბერებლობის სასწაულითაც დააჯილდოვა თითქოს უფალმა...

პასტანა რაფონია

სამწუხაროდ, ღრმა და თავის თავში დასრულებული „თვალსაჩინოებანი“ ხშირად შეუმჩნეველიც კი რჩებათ ადამიანებს...

ისინი გულგრილნი არიან იმ სუბსტანციათა მიმართ, რომელნიც მათ თვალწინაა წარმოდგენილი... ვიზუალური და აკუსტიკური აღქმა ადვილად ეჩვევა იმ პერსონალიებსა თუ საგნებს, რომელნიც „უცხოოდ“ თუ „შორეულად“ არ მოიაზრებიან...

ამკარა სიახლოვე ხელს უშლის ფოკუსირებულ მზერას და ღირსსახსოვარ მოცემულობათა სემანტიზაციას.

ეს არის პარადოქსული კონტექსტი, ანუ ე.წ. ფსიქოლოგიური დალტონიზმი, რომლის მიხედვითაც „შინაური მღვდელს შენდობა არა აქვს“... მაგრამ საკმარისია ერთგვარი დისტანცირება, რომ მკაფიოდ წარმოგვიდგეს შინაგან შესაბამისობათა თუ უხილავ ორმხრივობათა მთელი გამა, ანუ ის, რისი წყალობითაც ხორციელდება ადამიანთა ღრმა ერთობისა და ურთიერთთავყვანისცემის სასწაული...

საკრალური ერთობის ამ დელიკატურ ლაბირინთებშია საძიებელი ეროვნული ცნობიერების ფესვებიცა და მაღალ სულიერ ღირებულებათა აღქმის იმპულსებიც, ურთიერთობათა კულტურაცა და მათი სემანტიკაც...



გასრულდა ღირსეული პიროვნების, მოღვაწისა და ლიტერატორის ვახტანგ როდონაიას სიცოცხლე და უმაღლეს, ჩემს უკვე რედუცირებულ ცნობიერებაში, სულ სხვა კონტექსტით „აღსდგა“ და წარმოისახა სიტყვის მეგობარი... ახალი და ჯერგანუცდელი სადინარი მიეცა მასზე რეფლექსირებას...

ყველასაგან განსხვავებული სააზროვნო პარადიგმები და გენეტიკური დეფინიციები გამოარჩევდა მას...

როგორც ლიტერატორმა და მოღვაწემ, მან მშვენივრად განასახიერა თავისუფალი ადამიანის სულიერი მისწრაფებანი, ანუ ის, რომელთა გარეშეც მხოლოდ ბუტაფორიაა ამქვეყნიური არსებობის საზრისი...

იგი გულწრფელი გატაცებით ემსახურა საქმეს, რომელიც ჰაერივით სჭირდებოდა ქვეყანას...

თვით იყო მორალური განსახიერება ამ ეროვნული საქმის საფუძველშივე ნაფულისხმევი წმინდა სულისკვეთებისა...

ვახტანგ როდონაია — კოლოსალური ინტელექტუალური პოტენციის თვალსაჩინო ნიმუში, ჩვეულებრივია და არაჩვეულებრივიც, ფიზიკურიცა და მეტაფიზიკურიც...

უნივერსალურ კულტურულ თუ ისტორიულ ფასეულობებზე ორიენტირებულიცა და მათი ონტოლოგიებით გატაცებულიც...

წარსულისა თუ თანამედრეობის სულიერ ავტორიტეტთა წინაშე მონივრული, იგი არასოდეს კარგავდა წონასწორობას... მისი ამაყი და კეთილშობილი სული მათში ეძიებდა და ჰპოვებდა იმ არსებობის, რაიც სხვათა გონებისათვის პრობლემატური იყო...

ცდილობდა მისი სათაყვანებელი ერისათვის აღმოეჩინა და გაემრავლებინა სულიერი საზრდო, დაერწყულებინა მისი ცნობისწადილი...

მისი უჩვეულოდ ერუდირებული გონი მთელი სისავსით ათვალსაჩინობდა ინდივიდუალური აზროვნების არამარკირებულ სპეციფიკას, მისი კონცეპტუალური თუ დისკურსიული აღქმის მშვენიერებას...

არცთუ იშვიათად „აკვირვებდა“ თანამედროვეთ ორაზროვანი ნახევარტონებით, „აღერსიანი“ ირონიითა და აღიარებულ შემოქმედთა აღქმისა და შეფასების ორიგინალური კრიტიკიუმებით...

ახალისებდა საოცარი იუმორითა და იმიტაცია-იმპროვიზაციებით...

უაღრესად თვითმყოფადი, იგი შინაგანად შესისხლბორცებული რწმენის ჭეშმარიტი ენთუზიასტი იყო...

ელეგანტური სისადავითაა გამორჩეული მისი ლიტერატურულ ტექსტთა სტილისტიკა... არის მათში რაღაც ფარული გრაცია, ინტელექტუალური „შარმი“, რომელსაც ყოველგვარი ბიძგებისა და რყევების გარეშე, შეუმჩნეველი „უღელტეხილებით“ აჰყავხარ იმ სიმალეზე, საიდანაც საცნაური ხდება შესწინაშე გადაშლილი სულიერი პეიზაჟები...

რწმუნდები, რომ სახეზეა იმ ტიპის ანალიტიკური განსჯა თუ კრიტიკული დისკურსი, რომელშიც სინთეზი პრევალირებს მშრალი და სქემატური ანალიზის ფორმალიზებულ მეთოდზე...

ისიც ფრიად საგულისხმოა, რომ მისი აზროვნების დიაპაზონი თავისში მოიცავს მრავალსაუკუნოვანი ქართული მწერლობის მთლიან, ერთიან და განუყოფელ სპექტრს... დროთა კავშირი, ანუ სულიერების ისტორიული უწყვეტელობა წარმოადგენდა მისი აზროვნების ლაიტმოტივს და ამითაც ირჩეოდა იგი...

როდენ სიმპტომურია, რომ სწორედ მისი მორალური და ინტელექტუალური ძალისხმევით იმპულსირდებოდა იმ კოლოსალური მნიშვნელობის სულიერი საზრდო, ქართული ლიტერატურის სასკოლო კურსის სახით რომ მიენოდება ახალგაზრდობას...

მისი მაღალი გემოვნებით შერჩეული ლიტერატურული მასალა ყოველთვის დაარწმუნებს თაობებს მშობლიური ლიტერატურის ორგანული აღქმის აუცილებლობაში, იმ ჭეშმარიტებაში, რომ სწორედ იგია ჩვენი ეროვნული იდენტობის, მისი მონუმენტალიზმისა და არსის დამამკვიდრებელიცა და რეპრეზენტაციორიც...

იყო ინტელექტუალური თბილისის თვალსაჩინო აქტორი, შეუმღვრეველი მორალითა და მაღალი ეროვნული თვითცნობიერებით აღბეჭდილი ჭირისუფალი თავისი ქვეყნისა...

ჩემს გულისტიკვილს ამძაფრებენ და კიდევ უფრო სევდიანსა ხდიან გარდასულის „ეკზისტენციური“ რემინისცენციები... მასთან ერთად გატარებული უნეტარესი წლების, XX საუკუნის განუყოფელი სურნელითა და კოლორიტით აღბეჭდილი რეალობის, თბილისური ტკბილ-მწარე თავგადასავლების, დღეებისა და თრობით დაბინდული ღამეების დაუვინყარი რომანტიკა...

თანდათან გმორდებიან და მაინც თრთიან შენში წარსულის ფერმიხდილი ზმანებანი, საყვედურით რომ გახსენებენ თავს... და შენც, გონის უმწეო ფათურით ცდილობ შეაღწიო მესხიერების მიმქრალ ლაბირინთებში ისე ღრმად, რომ უკან დასაბრუნებელი ბილიკი ველარ იპოვო და დიდხანს, დიდხანს იხეტიალო ნეტარ ხილვათა სამოთხეებში...

ვახტანგ როდონაიაზე ფიქრი მხოლოდ მწარე სინანულით „მოიქსოვება“ ამიერიდან...

ეს იქნება ფიქრი მეგობარზე, რომელიც თავისი ინსტინქტებით, წარმოდგენებითა და რეფლექსიებით ბოლომდე დარჩა სულით უმანკო რომანტიკოსად... სასტიკი, მზაკვარი და ღაწრული რეალობიდან განრიდებულ მოღვაწედ და პიროვნებად...

ეს იქნება ნათელი ფიქრი იმაზეც, რომ ჩვენი მიწიერი ცხოვრება მწუხარებისა და ტანჯვის გრძლად გაბმული ხეობაა... და, მასში ისაა კარგი — რომ იგი გზაა სხვა ცხოვრებისაკენ...

ჩვენი ფოსტა

ძვირფასო რედაქცია, გნებთ ამ წერილს და ვფიქრობ დაეჭვებით, იყო კი აუცილებელი თქვენი შეწუხება? არადა „ჩვენი მწერლობის“ იმ ბოლო ნომრებში, მე რომ მათხოვეს ნასაკითხად, რამდენ საინტერესო პუბლიკაციას გავცვანი და გულში კი რაღაცნაირი თანაგანცდით ჩამრჩა ჩემთვის მაინც უცნობი ეკატერინე ტუკვაძის ჩანახატი „ალექსანდრიტის ბეჭედი“. სადად მოყოლილი, სევდიანად გულახდილი ამბით იგი ხატავს ჩვენი დედაქალაქის სურათს — XX საუკუნის 90-იანი წლებიდან — მთელმხარე სიცოცხლის, მძიმე ეპოქის გახანგრძლივებულ დასასრულს.

და ამ ფონზე იკითხება ამოჩემებული სიყვარულის აკამკაშება უცხოელი ფეხბურთელებისადმი: „ლამფის შუქით გამოღამებული თვალებით აღფრთოვანებული შეცყურებდი ფერადი პლაკატებიდან მომზირალ ფეხბურთის ვარსკვლავებიჭუნებსო“. დიახ, იდეალი შორს და არა შინ და ახლოს. უარესი — აქეთ, უკეთესი — იქით. იმ წლებში რაღაც რომ დაირღვა, რაღაც რომ მოიშალა „ალექსანდრიტის ბეჭედის“ ავტორმა შემამოფოთებლად შეგვახსენა.

და რაც სასურველია. ეკატერინე ტუკვაძემ ბევრი უნდა წეროს. მგონია, იმ მაღლობის ძირას დგას, საიდანაც ნამდვილი პროზა იწყება.

თამარ გავაშვილი
ბოლნისი

სოლომონ ბრეგაძე

ნავთობის ნიშნები ტყიბულის რაიონში

დღიურის ფორმის მქონე ეს ჩანაწერები მამაჩემის, ტყიბულელი გეოლოგის, სოლომონ ბრეგაძის (1917-1974) ხელით არის შესრულებული 1960-იანი წლების დამდეგს შავი ფერის მუშაბისყდიან საერთო რვეულში და ჩვენს საოჯახო არქივშია დაცული. იგი მნიშვნელოვან ცნობებს შეიცავს ნავთობისა და გაზის ძიების ისტორიისათვის ტყიბულის რაიონში და, ვფიქრობთ, არც ფართო მკითხველისთვის უნდა იყოს უინტერესო.

სამსახურებრივი დანიშნულების ერთ ავტობიოგრაფიაში მამაწერს: „ვარ პროფესიით გეოლოგი, 1938 წლიდან მუდმივად ვმუშაობ საქართველოს ქვანახშირის საბადოების გეოლოგიურ შესწავლაზე, მარტო ტყიბულის და შაორის ქვანახშირის საბადოების გეოლოგიურ შესწავლაზე ვიმუშავე ოცი წელი, წლების მანძილზე ვიყავი ტყიბულისა და შაორის გეოლოგიური პარტიების მთავარი გეოლოგი, ჩემ მიერ არის შედგენილი შაორის საბადოს სამრეწველო შეფასება და პირველი გეოლოგიური ანგარიში მარაგის გამოთვლით. ორივე ანგარიში დამტკიცებულია სსრ კავშირის მარაგების სახელმწიფო კომიტეტში მოსკოვში. ჩემ მიერ არის აგრეთვე შედგენილი გეოლოგიური ანგარიშები ტყიბულის ლენინის, სტალინისა და სამხრეთ-აღმოსავლეთის უბნებისათვის... საშახტო გეოლოგიის პირველი ანგარიში საქართველოში მე მეკუთვნის. წლების განმავლობაში მიმყავდა ტყიბულის შახტების გეოლოგია და ვიყავი ამ საქმის ხელმძღვანელიც. მონაწილეობას ვიღებდი ან უშუალოდ ვხელმძღვანელობდი ტყიბულისა და შაორის საბადოებთან დაკავშირებულ სხვადასხვა გეოლოგიურ სამუშაოებს: ჰიდროგეოლოგიას, სასეპო მასალების ძიებას, საინჟინრო გეოლოგიის საკითხებს როგორც ზედაპირზე, ასევე მიწის ქვეშ...“

მამამ ჯერ ამიერკავკასიის გეოლოგიური ტექნიკუმი დაამთავრა თბილისში 1936 წელს, ხოლო შემდეგ, 1956 წელს, დნეპროპეტროვსკის სამთო ინსტიტუტი (ფრიადზე დაიცვა 235-გვერდიანი სადოქლომო ნაშრომი სახელწოდებით „ტყიბულის ქვანახშირის საბადოს გეოლოგიური აგებულება, სამრეწველო შეფასება და აღმოსავლეთ უბნის დაზვერვის პროექტი“).



ადგილობრივი ბუნებრივი აირის პირველი ალი ტყიბულში 1961 წლის მარტი. მარჯვნივ გეოლოგი სოლომონ ბრეგაძე

1960 წლის ბოლოს სტალინის შახტის რაიონში, სავენტილაციო ჭაურის ცენტრში, მიცემული იყო ჭაბურღილი საინჟინრო გეოლოგიის თვალსაზრისით, საპროექციო სიღრმით 500 მეტრი. ჭაბურღილი მიცემული იყო ნახშირიანი წყების ქვედა ნაწილიდან. ჭაბურღილმა გადაჭრა ნახშირიანი წყების ქვედა ნაწილი, ფიქლების წყება და სანგრევი შევიდა ბაიოსის ზედა ნაწილში. ბურღვა შეწყვეტილ იქნა 504 მეტრზე.

იმ დროს, როცა ჭაბურღილის სალიკვიდაციო სამუშაოები უნდა ჩატარებულიყო, 7. III. 61 წ., შემჩნეული იქნა გაზის სუსტი შადრევანი ბურღილის პირიდან. იმავე დღეს ჩემი თხოვნით ტყიბულის სამთომბაშველის გასამხედროებელი ოცეულის თანამშრომლების მიერ ჭაბურღილიდან აღებულ იქნა ჰაერის სინჯები. ანალიზმა უჩვენა შემდეგი: CO₂ – 0,1%, გაზის რაოდენობა ორ სინჯში 80% თითოეულში და ერთ სინჯში 70%. გაზის შემადგენლობის გამოკვლევა ოცეულის ლაბორატორიამ ვერ შეძლო.

ჭაბურღილიდან გაზის გამოვლინება ეცნობა „ტყიბულნახშირის“ ტრესტის მმართველს, რომელმაც აცნობა სახ. მეურნეობის საბჭოს სამთო სამმართველოს სათანადო ზომების მისაღებად. შაორის პარტიამ აცნობა „საქნახშირმადნეულძიების“ ტრესტს. არც ერთ აღნიშნულ ორგანიზაციას არავითარი ზომები არ მიუღია.

7. III. 61 წ. გაზი დანთებულ იქნა, ის ინვის მკვეთრი ცეცხლის ალით, სიგრძით 1,5 მეტრამდე. აქვს ცოტა ჭვარტლი. ჭაბურღილიდან იგრძნობა ნავთობის სუნი. გაზის გამოვლინება ხდება მცირე პულსაციით, რაც გამოწვეულია იმით, რომ ჭაბურღილში დგას წყალი და გაზს უხდება წნევის დაძლევა, რაც ინვეს წყლის საცობების შექმნას (ისმის წყლის ხმაური).

11. III. 61 წ. გამოვიდასხეთ საქნავთის გეოლოგები.

12. III. 61 წ. ჩამოვიდა სამი გეოლოგი, რომლებმაც აწარმოეს სინჯების აღება. ამავე დღეს ჩამოვიდა საქ. მეცნიერებათა აკადემიასთან არსებული სამთო ინსტიტუტის ორი თანამშრომელი სინჯების ასაღებად. მათ განსაზღვრეს გაზის დებიტი, რაც შეადგენს 32 მ³ საათში.

გაზის შადრევანი ინახულეს: 7. III. 61 – „ტყიბულნახშირის“ ტრესტის მმართველმა; 12. III. – რაიკომის პირველმა და მეორე მდივნებმა, რაილმასკომის თავმჯდომარემ, „ტყიბულნახშირის“ ტრესტის მთ. ინჟინერმა და სხვა პასუხისმგებელმა მუშაკებმა.

გაზის გამოვლინება გრძელდება – 16. III. 61 წ. ჭაბურღილის კოორდინატები:

X = 4695193.30 B° – зона 1942 года.
Y = 8336483.20
H = 799.80

ჭაბურღილის სანგრევის აბსოლუტური ნიშნული = +295 მეტრს.

* გაზის გამოვლინება ჩემს მიერ შემჩნეული იყო ჯერ კიდევ 1945 წელს, როდესაც ვანარობიდი ყოფილი მოლოტოვის შახტის გეოლოგიურ მომსახურებას მისი მშენებლობის პროცესში, რაც შეტანილი მაქვს გეოლოგიურ ანგარიშში 1948 წელს. ქვემოთ მომყავს ამონაწერი ჩემივე ანგარიშიდან:

ლევან პრეპაძე

1960 წელს №163 ჭაბურღილის ბურღვის დროს ქვედა ქვიშაქვების კერნის ნაპრალებში ემჩნეოდა ნავთობის წვეთები, ხოლო ქანი გამოსცემდა ნავთობის სუნს.

№144 ჭაბურღილის კერნის დამუშავებისას შემჩნეული იყო ნავთობის შავი ლაქების მოზრდილი უბნები მსხვილ მარცვლოვან ქვიშაქვებში, რომლის სიმძლავრე 40 მეტრს აღემატება.

1959 წელს ტრესტ „საქნახშირმადნეულძიებას“ ვთხოვე მოეცა უფლება ერთ-ერთი ჭაბურღილის დაღრმავებისა ბაიოსურ ნაღებებამდე შაორის რაიონში, რაც საშუალებას მოგვცემდა ზოგადი წარმოდგენა მიანიც შეგვექმნა ქვედა ქვიშაქვებზე და ფურცვლად ფიქლებზე. გარდა ამისა, შესაძლებელი გახდებოდა გაზისა და ნავთობის საკითხის შემოწმებაც.

ტრესტმა ჩემი განცხადება უპასუხოდ დატოვა.

«...Нужно отметить, что при прохождении вентиляционной штольни на 574 м. от устоя, 27.X.45 г. в третьей смене проходчиками было замечено, что из забоя штольни происходит выделение газа из шпуров расположенных на забое. При этом из шпура №1 сильной струей била вода. Выделение газа было заметно также и из шпуров №2 и №3, но в меньшем количестве.

Шпуры, из которых наблюдалось внезапное выделение газа, были расположены в мелкозернистых песчаниках, в районе контакта порфириновой свиты с листоватыми сланцами. Песчаники довольно крепкие, серого цвета, трещиноватые...»

Брегадзе С. П.

«Отчет по шахтной геологии шахты им. Молотова треста «Ткибулуголь», г. Тбилиси, 1948 г.

*

[ჩარჩოშია ჩასმული. შემდგომ ჩანს ჩამატებული]

1967 წლის მარტში სამთო ინსტიტუტის თანამშრომლების მიერ გაზომილი იქნა №1 ჭაბურღილიდან მომდინარე გაზის დებიტი, რაც უდრიდა 25 მ3 საათში, ხოლო წნევა 1/2 [0,5] ატმოსფეროს.

*

22. III. 61 წ.

ქ. ტყიბულში მცხოვრებ მოქ. ვახტანგ ფოფხაძის გადმოცემით, მას ძველი ტყიბულის დასახლების ჩრდილო-დასავლეთის ფერდობზე გამომდინარე პატარა წყაროებიდან შეუმჩნევია წყალზე ნავთობის გარსი.

მისივე გადმოცემით: სოფ. ბზიაურის მიდამოებში იმ წყაროს ზედაპირი, რომელსაც ადგილობრივი მოსახლეობა აბაზანების სახით სამკურნალოდ იყენებდა, იფარებოდა შავი ფერის გარსით, რომელსაც ნავთობის ელვარება ჰქონდა.

При строительстве шахты «Западная-2» в главном квершлага в районе буровой скважины №1К наблюдалось сильное выделение газа (нефтяной газ), сильно мешавши проходку выработки.

1964-65 гг.

На шахтах им. Ленина и им. Сталина на всех горизонтах в полевых штреках из трещин крупнозернистых песчаников часто наблюдалось выделение густой черной массы (нефти). აღნიშნულის გამოვლინება დაკავშირებული უნდა იყოს დიდ სიღრმესთან, ე. ი., ძლიერი წნევის შედეგად სიღრმეში ნავთობი მოედინება ნაპრალებში, რომლებიც აღწევენ ზედაპირამდეც კი (Глубинная миграция нефти).

მეთანის სუფლიარული გამოყოფა ტყიბულის შახტებში დაკავშირებული უნდა იყოს ნავთობის გაზის გამოყოფასთან ნაპრალებში. სიღრმიდან ნაპრალებში მომდინარე გაზი აღწევს ქვანახშირის ფენებში და ამ უკანასკნელთა გადახსნის დროს გამოინამუშევარში წარმოებს სუფლიარული გამოყოფა. რომ აღნიშნული გამოყოფა დაკავშირებული იყოს მხოლოდ ქვანახშირის ფენებთან, ის მნიშვნელოვნად მალე უნდა დაიცალოს (Дегазация).

აღნიშნული მოვლენა შესწავლის ღირსია.

1961 წელი

1963 წლის 20 აპრილს ბზიაურში №1 ჭაბურღილზე მოვიდა პროფესორი ჟაბროვი НИГРИ-დან* მეულლითურთ და სტუდენტ სიდორენკოს თანხლებით. პროფესორმა გამოთქვა რწმენა, რომ თუკი ლეიასური ნალექები ტყიბულის მიდამოებში წარმოდგენილი იქნება ზემო რაჭის ლეიასური ფაციით (ქვიშაქვები), ნავთობის არსებობა გარდუვალი იქნებაო.

15. VI. 63.

ტყიბულში ჩამოვიდა პროფესორი ალექსი მიხეილის ძე კრავცოვი, რომელიც ამტკიცებს ნავთობის არაორგანულ წარმოშობას ვულკანური პროცესების ხარჯზე და ტყიბულში ბუნებრივი (ნავთობის) გაზის არსებობის მომხრეა. ლიტერატურა: „Техника – молодежи“, №12, 1961.

ქვედა ბაიოსის პორფირიტული წყების (ვულკანური) ქანების წვრილად დამტვრეული მასალა შეიძლება გამოყენებულ იქნას ცემენტში შესარევეად ბალასტის ნაცვლად, რაც საგრძობლად უნდა შეამცირებდეს ცემენტის ხარჯს ბეტონში და უნდა იქნას გაცილებით უფრო მკვრივი, ვინემ ჩვეულებრივი ბალასტებით შედგენილი ბეტონი.

* Государственный научно-исследовательский горнорудный институт Криворожского университета.

გურამ ჯავახიშვილი

ფერწერის ტექნიკის თვისებანი

და

ფიროსმანის შემოქმედების ატრიბუცია

დღეს ხელოვნებათმცოდნეები იშვიათად აკვირდებიან თვით ნახატს, სათანადო ყურადღებას არ აქცევენ იმ სპეციფიკას, რასაც მხატვრის სამზარეულო ეწოდება. ისინი ფერწერული ნაშრომების შესწავლისას ძალზე იშვიათად მოგვითხრობენ იმ შემოქმედებით პროცესებზე, რომლის ცოცხალი მონაცემც თვით ნახატია.

თუ მხატვარი არასოდეს სცილდება შემოქმედების საზღვრებს და არ ვარდება მშრალ ნატურალიზმსა თუ აკადემიზმში, მაშინ მისი მუშაობის შემოქმედებითი მეთოდი თავისთავად კარგი გემოვნების გარანტიაა. ფერწერულობის შვიდი მახასიათებლიდან **მონასმი** — შემოქმედებითობის დამაფიქსირებელი დეტალია, გამომსახველობითი მეტყველების ცოცხალი სიტყვაა და რაც უფრო ცოცხალია, ახალია, ორიგინალურია ეს ენა, მით უფრო ცოცხალია თვით მონათხრობიც.

ფუნჯის მოძრაობა შეიძლება იყოს მსუბუქი და წყვეტილი, მძაფრი, დანოლითი, სწორხაზოვნად მოსრილ და წრიული, დაყინებით განმეორებადი და სხვა. სურათი შეიძლება განვიხილოთ, როგორც ფუნჯის მოძრაობათა ერთობლიობის შედეგი, რომლითაც მხატვარი ქმნის ნაწარმოებს. ამიტომ ფერწერულობის ერთ-ერთი მახასიათებელი — მონასმი — მხატვრის ფუნჯით მუშაობის მკაფიო ნაკვალევია. მონასმი თამაშობს სანყისი ელემენტის როლს ფერწერულობაში, სადაც ფერი, ფორმა, სახე, სიუჟეტი და ფაქტურა იძენს თავის პირველად მატერიალიზებულ ხორცშესხმას.

ფიროსმანს — პირდაპირი, გამოკვეთილი, სრულყოფილი მონასმი აქვს. მის ნამუშევართა უმრავლესობა შესრულებულია ფართო, გაანგარიშებული მონასმით, რომლებიც დამაჯერებლად, მტკიცედ და შთამბეჭდავად გადმოსცემენ ნატურას (საერთოდ საგულდაგულოდ რაიმეს ასახვა კარგია, მაგრამ ფერწერულ ნაწარმოებში დეტალიზაცია არ უნდა მოწყდეს ერთიანობის გრძობას).

„ფერწერის ტექნიკა“ — თავის თავში მოიაზრებს გარკვეული ჩვევების, საშუალებათა და იმ ფერწერული მასალების გამოყენების ხერხთა ერთობლიობას, რომელთაც გარკვეული თვისებები ახასიათებს სასურველი ფერწერული შედეგის მისაღწევად. ანუ ეს გულისხმობს ნაწარმოებზე მუშაობის

მხოლოდ ერთ, თუმცა ძირითად ეტაპს — საღებავით მუშაობას. ფიროსმანთან დაკავშირებით თამამად შეგვიძლია ვთქვათ, რომ არსებობს „ფიროსმანის ტექნიკა“ ისევე, როგორც ტიცციანის, რუბენსის, რემბრანდტის, ვან გოგის, სეზანის, რომლებიც უკვე კლასიკურ ოსტატთა რიცხვში არიან შეყვანილნი.

„ფერწერის ტექნოლოგიას“ და „ფერწერის ტექნიკას“ შორის დიდი სხვაობა არ არის. ტექნოლოგიის ქვეშ აღნიშნება პროცესი, რომლის შედეგად გამოყენებული სხვადასხვა მასალები გარდაიქმნება და თანდათანობით იქცევა ერთ კონკრეტულ ობიექტად. მაგალითად: ტილო, ზეთი, ნებო, პიგმენტი და სხვა. სათანადო იარაღებისა და სპეციალურ ხერხთა გამოყენებით რთული ტექნოლოგიური პროცესი მხატვრის სახელოსნოში ფერწერულ ტილოდ იქცევა, ობიექტურად, სურათს ხომ სრულიად ახალ თვისებათა კომპლექსი ახასიათებს.


სურათის შექმნის პროცესი წარმოუდგენლად რთულია, ზოგიერთ მხატვარს 30-40 სენსი სჭირდებოდა (სეროვი), მიუხედავად ფუნჯით ვირტუოზული მუშაობისა, ზოგჯერ ნატურმორტს რამდენიმე წელი სჭირდებოდა (სეზანი). რატომ? ამ კითხვაზე ერთნიშნა პასუხის გაცემა შეუძლებელია, რადგანაც თითოეულ ნაწარმოებში ვლინდება არა მხოლოდ ეპოქის ესთეტიკური იდეალი, არამართო ფერწერის ტექნიკის განვითარების საერთო დონე, არამედ მხატვრის ტემპერამენტიც, საღებავით მუშაობის ის მეთოდი, რომელიც უკეთესად მიესადაგება მისი შემოქმედებითი ინდივიდუალობის გამოვლენას.

ხელოვნების ნიმუშში ყველაფერი იმდენად ურთიერთგანმსაზღვრელია, რომ პრობლემებისაგან განცალკევებულად, ამა თუ იმ ოსტატის მონასმის შესწავლა ნამუშევრის ფაქტურის აგებულების ანალიზის გარეშე, ფერადოვანი აგების ძირითადი პრინციპის გაუთვალისწინებლად, მისი განხილვა შეუძლებელია. ფაქტურის შესწავლისას კი გვერდს ვერ ავუვლით სტილის თავისებურებებს, რაც თავის მხრივ დამოკიდებულია ეპოქაზე, მხატვრის ინდივიდუალობასა და ისტორიულ წინაპირობებზე.

ფერწერისას — ფუნჯის მკვეთრად გამოხატული მონასმი, როგორც ამბობენ, ხელწერა ანუ „ფერწერული კინეტიკა“ ნამუშევარს ინდივიდუალობას ანიჭებს.

ტექნიკის ეს კომპონენტი დროთა განმავლობაში, მონასმის ან ფართო გაგებით ფერწერული ზედაპირის, ფაქტურის — როგორც გამომსახველობის განსაკუთრებული ფორმის — მნიშვნელობა უფრო გაიზარდა. ზეთის ფერწერაში ფუნჯის მოძრაობის კვალი უცვლელი რჩება. ის ინარჩუნებს იმ ფორმას, რომელიც მხატვრის ხელმა მიანიჭა.

რომელი ნაწარმოები შეიძლება ჩაითვალოს ფერწერულად? თანამედროვე მხატვარი გიპასუხებთ, ძლიერი ფერის თვალსაზრისით და შესრულებული ფართე მონასმით. ამგვარად, გაჯერებული ფერი შედის ფერწერულობის ფორმულაში. თანაბარ ფერწერულ ღირსებათა პირობებში უფრო კაშკაშა ნამუშევარი ჩვეულებრივ მხოლოდ ერთი შეხედვით ტოვებს ფერწერულობის შთაბეჭდილებას. ამიტომაც ფერების სიკაშკაშე ფერწერული ზემოქმედების მხოლოდ ირიბ კოეფიციენტს წარმოადგენს, მაგრამ ეს მოსაზრებაც კორექტივს მოითხოვს. არსებობს სიკაშკაშის საზღვრები, რომლებშიც მოქცეულია ფერწერულობის ოპტიმალური ნაწარმდღერები.



ამდენად, სიკაშკაშის გადამეტება მაგნებელია. ამას ისიც უნდა დავუმატოთ, რომ მზის უშუალო განათებისას ფერწერულობის შეგრძნება მცირდება.

აუცილებელია აღინიშნოს მჭიდრო კავშირი გამოსახულ მოძრაობასა და ფერწერულ კინეტიკას შორის. ფართე და ზუსტი მონასმი უდავოდ ერთ-ერთი ძლიერი საშუალებაა შესტის გაცოცხლებისათვის.

ფერწერულობის მასაზრდოებელი ფესვები მრავალრიცხოვანი და მრავალფეროვანია. გამარტივებულად და სქემატურად ამ პრობლემის ყველა ურთულესი ნაწილი შეიძლება დაყვანილ იქნას ხუთ თვისებად: კომპოზიცია, კოლორიტი, ნახატი, შუქ-ჩრდილი, სივრცობრივ-სიბრტყობრივობა.

კოორდინატთა მთელი ეს სისტემა ერთიანობაში განსაზღვრავს გამოსახულების აგებას. ამ ფაქტორთა ურთიერთკავშირს სურათის არქიტექტონიკას უწოდებენ. საბოლოოდ სწორედ ეს განსაზღვრავს ნაწარმოების სტილს, სტრუქტურას, სრულყოფილებას, მაგრამ ცალცალკე ეს ელემენტები, მათი ფართო გაგებით, შეიძლება მიეკუთვნოს ფერწერულ ტექნიკას.

XIX საუკუნის შუა ხანების ფერწერაზე საუბრისას უფრო ნაკლები საფუძველია იმისთვის, რომ ფერწერული არქიტექტონიკა ტექნიკის სფეროს მივაკუთვნოთ. აღნიშნული კატეგორიის იხე მჭიდროდ დაუკავშირდა ერთმანეთს, რომ ფერწერა კოორდინირებულ პროცესად იქცა, ამ მეთოდით ნახატი და კოლორიტი, ძერწვა და კომპოზიცია, ტონი და ფორმა წარმოიქმნება და ვითარდება ერთდროულად, მაგრამ მათთან სურათის დასრულების მომენტი გარკვეულწილად ყოველთვის პირობითია (იმპრესიონისტები, პოსტიმპრესიონისტები).

ფიროსმანი თავისი ეპოქის შვილია, რადგან გუმანით გრძნობს მსოფლიო ფერწერაში მომხდარ ცვლილებებს, მაგრამ, უნდა ითქვას, სხვა მხატვრებისგან განსხვავებით, მისი ნამუშევრები დასრულებულია. ამდენად, ის ამ მეთოდის განხორციელების კლასიკოსია. ხაზებისა და მასების კომპოზიცია ბუნებრივი და განონასწორებულია, დეტალებისა და მთლიანობის წინააღმდეგობა არაჩვეულებრივად სრულყოფილია. მასთან ფერწერის პროცესის ყველა პერიპეტია და სირთულე გამართლებულია, ფიროსმანი წინასწარ არ აკეთებს განსაზღვრულ ნახატს. მან იცის, რომ ეს მუშაობის დროს ხელს შეუშლის და შეზღუდავს სასურველი ფერწერული შედეგის მიღწევაში, რაც გადამწყვეტი მნიშვნელობისაა, რათა მიიღოს მხოლოდ მისთვის დამახასიათებელი, სურათის საბოლოო განუმეორებელი ფაქტურა და კოლორიტული ეფექტი, რასაც ფიროსმანის რეალიზმი ჰქვია. ისევე, როგორი რეალიზმიც აქვს ჯოტოს, ვან გოგს, ამიტომაც და მრავალი სხვა ფაქტორის გამო ნიკოლოზ ფიროსმანაშვილი გადაუჭარბებლად XX საუკუნის უდიდეს ფერმწერად მიმაჩნია.

პირველიდან ბოლო მონასმამდე, ნიკალ იყენებს ერთსა და იმავე ხერხს, რომელიც ერთდროულად ქმნის, როგორც ნახატს, ისე ფორმას, ფერს, განწყობას. ყოველი მონასმის დროს მისი ფუნჯი ერთდროულად წერს და ქმნის. მისი გენიალურობა, განსხვავებით სხვა დიდი მხატვრებისაგან, არის ის, რომ იგი არ იყენებს მონახაზს, ყველაფერს ერთდროულად აკეთებს. მას განსაკუთრებული ხედვა ჰქონდა. მისი თითოეული მონასმი სრულყოფილია. მსგავსი წერის მანერის მიღწევა ძალიან რთულია (შესაძლოა ამ ტექნიკამაც შეუშალა ხელი მიმდევრების გაჩენას).

გამჭოლი მონასმები ხშირია ფიროსმანთან, რადგან მის მიერ შერჩეული და მიგნებული საფუძველი (დერმატინი) იძლევა ამის შესაძლებლობას. ამგვარი რამ გვხვდება იმ სურათებზე, რომელიც შესრულებულია მსხვილმარცვლოვან საფუძველზე (სხვათაშორის ეს დამახასიათებელი იყო ვენეციელი ფერმწერებისათვის (ტიციანი). ფუნჯი მისრიალებს დერმატინის ზედაპირზე და მის წვრილ ბორცვებზე ტოვებს ინტენსიურ ფერადოვან კვალს, ეს კი აძლიერებს გარე განათებით გამოწვეულ ფერადოვან ტონალობებს და სურათის ფერწერულობას. უხეში, ბრტყელი ფუნჯი თანაბრად ძლიერი და ნოლის შემთხვევაში აღნიშნულ ეფექტს იშვიათად იძლევა. ხოლო ბლანტი საღებავებით დატვირთული ფიროსმანის ფუნჯი თავიდან მაგარი დანოლით მოძრაობს, ხოლო ბოლოში მსუბუქდება, შუქი იფანტება. ამგვარად, საფუძვლის ზედაპირის ფაქტურით, ფუნჯის ხარისხით, საღებავის დოზით, ხელის ვირტუოზული მოძრაობის ერთობლიობით იქმნებოდა ფიროსმანის ხელოვნების განუმეორებელი შედეგები (სხვათაშორის საეჭვოა ასეთი ტექნიკით ხატვა მთვრალს შეძლებოდა). ამ დროს ხდება არამარტო საღებავის დადგმა საფუძვლის ზედაპირის უსწორმოსწორობაზე და მისი ხაოიანობის გაზრდა, არამედ უფრო იზრდება ამ უსწორმასწორობის შთაბეჭდილება ოპტიკური ეფექტის წყალობით. მხერა ძალაუნებურად მიიწევს ფერისა და საფუძვლის ფაქტურის სიღრმეში და აღიქვამს ღია საღებავით აქცენტირებულ მის უსწორმასწორო ზედაპირს. ამასთან, ძლიერდება ფაქტურის გამოსახველობა, მატულობს საფუძვლის ფაქტურული ფენის სტრუქტურის (ძირითადად ორგვარია) მატერიალურობის ფიზიკური შეგრძნების თვალსაჩინოება. ამ შთაბეჭდილებას აძლიერებს ისიც, რომ იგი ბუნებრივად წარმოიქმნება.

აღსანიშნავია, რომ ფიროსმანმა საფუძვლის ამ ფაქტურას (დერმატინს) თვითონ მიაგნო და წარმატებულადაც გამოიყენა.

ფერწერულობის ერთ-ერთი ძირითადი მახასიათებელია მოძრაობის გამოსახვა. ფერწერულობის გრძნობისთვის სურათის ფაქტურის მნიშვნელობა, რომელიც გამოხატულია ფერწერული კინეტიკის გზით. მის პარალელურად სურათში ყოველთვის ფიგურირებს მეორე ელემენტი — **მოძრაობა**. პერსონაჟთა შესტიკულაციის ენერჯია (გასათავალისწინებელია, რომ სიმშვიდის მდგომარეობა მოძრაობის ერთ-ერთი ფორმაა, მეორე მხრივ ყველაზე მკვეთრი მოძრაობის გამოსახვა შეიძლება მხოლოდ პოზას წარმოადგენდეს. ხოლო მოძრაობის ყველაზე ზუსტი გადმოცემა შეიძლება მხოლოდ შესტის გადმოცემად, მოძრაობის იეროვლივად დარჩეს, თუ მას ფერწერული კინეტიკა არ შეესაბამება). ასახული მოძრაობა თუ ფერწერული კინეტიკით — ფუნჯის აქტიური მოძრაობით — არაა გამავრებული, მოძრაობის პირობით მონახაზად რჩება, და პირიქით — ენერჯიული მონახაზის დროს მშვიდი პოზებიც კი სურათში შინაგან მოძრაობას იძენს. სიმშვიდე შეფარდებითი ცნებაა. ფილოსოფიური გაგებით, ის საერთოდ არ არსებობს: ბუნებაში ყველაფერი მოძრაობს, იცვლება, ცოცხლობს. საგანი, რომელიც უძრავად წარმოგვიდგება, ყოველთვის შეიცავს თავის თავში შინაგან განვითარებას.

ფიროსმანის სურათებში გამეფებულია ერთგვარი სტატიკურობა, პოზირება: თავმოქმნილი მოქიფენი გვხვობლავენ თავიანთი ქეიფით და წარწობსადეგობით. ნიკალას მიერ სახული ფაუნის წარმომადგენლების თითქოს განვითარების, მოშინაურებული ჟირაფი, ლომი, ირემი, დათვი, ტახი, შველი და სხვა — ამაყნი, ძლიერნი და არაჩვეულებრივად სათნონი, მხატვრის მიერ მინიჭებული ბუნებით გვხვობლავენ...

კონფლიქტი სიუჟეტის ფსიქოლოგიურ გახსნასა და ფერწერულობის მოჭარბებულ შეგრძნებას შორის ფერწერული კინეტიკის სფეროში მაშინ წარმოიქმნება, როდესაც ჩვენ წინაშე დგება პორტრეტის პრობლემა. ამ დროს სახის ნაკვეთებზე მუშაობისას ფუნჯის მოძრაობა გარკვეულად იზღუდება. როდესაც აუცილებელია მსგავსების გადმოცემა, სურათის მთელ

ფართობზე მონასმის პრინციპი ერთნაირი უნდა იყოს. მონასმის ზომის შემცირება და ფუნჯის მოძრაობის შენელება არასასურველია მხატვრულობის გამართლების გარეშე. ამიტომ პორტრეტში ფუნჯის მოძრაობა უფრო თავშეკავებულია, ვიდრე სიუჟეტურ კომპოზიციებში. ეს ეხება არამარტო სახეს, არამედ აქსესუარებსაც, რადგან ტანსაცმლის ან პეიზაჟის თავისუფალი ფერწერის ფონზე სახის გლუვ მონასმითა ზედმეტი თავშეკავებულობა უსიამოვნო შთაბეჭდილებას ახდენს. ამიტომ გამოცდილი მხატვარი ჩვეულებრივ უფრო ფართო ზოგად მონასმს ხმარობს შუბლის, ლოცების, თმის წერისას. ამავდროულად ფუნჯით აკონკრეტებს გარემომცველი სამყაროს გამოსახვის დეტალებს. ძნელი არა იმის დანახვა, რომ პორტრეტთა უმრავლესობაში მისი მთლიანობის, ფაქტურისა და მოდელირების ორგანიზებაში მხატვარს ეხმარება ხელების გამოსახვა, ურომლისოდაც სახე იქნებოდა ეული ლაქა, ამოვარდნილი სურათის მთლიანობიდან. მაშინ, როდესაც ბუნებრივი კანონზომიერება მოითხოვს სახისა და ხელების ერთი ფაქტურითა და ერთნაირი მონასმით შესრულებას.

იგივე მომენტი ხდება სიუჟეტურ ფერწერაში, ფსიქოლოგიური დაძაბულობის გამოსახატავად, როგორც ჩანს, სახის გამომეტყველების ზუსტი გამოსახვის მიზნით მხატვარი, რომელიც თავისუფალ და ფართო მანერაში მუშაობს, უნდა გრძნობდეს ფუნჯის მოძრაობას ისე, რომ მონასმი სრულყოფილი იყოს და ასახავდეს იმას, რასაც წერს. არ შეიძლება ერთნაირი მონასმითა და მოძრაობით ასახო ტანსაცმელი, ტუჩები ან თვლების ფორმა, მითუმეტეს, როცა აუცილებელია კონცენტრირება სახის გარკვეული გამომეტყველების გადმოცემაზე. მსგავსების ან ზუსტი სულიერი განცდის გადმოცემა ორიგინალური ფერწერის ხერხებით, როგორც ეს ხდება ფიროსმანთან, საოცარია. სწორედ ამგვარი მიღწევები განსაკუთრებული ოსტატობის მაჩვენებელი, ამიტომაც მსგავსი ფენომენი სახვითი ხელოვნების ისტორიაში დიდი იშვიათობაა.

ფიროსმანის შედეგები უფრო კოლორიტულია და არა ფერწერული — გამდიდრებული კოლორიტით, რაც განპირობებულია მაღალი რხევის სიხშირის სპექტრის ფერთა გამოყენებით. ექვსი ფერის: თეთრის, შავის, ყვითლის, მწვანის, წითლისა და ლურჯის გამოყენების შესაძლებლობა მხოლოდ უზალო გემოვნების კოლორისტს შეუძლია. ფერთა ამგვარი შეხამება, მათი ვარიაციები მხატვარს ფართო შესაძლებლობებს უხსნის. საერთო გამა ხშირად განონასწორებულია. ამ ექვსი პიგმენტის მეშვეობით ოსტატს შეუძლია შექმნას სრულყოფილი კომპოზიციური, სივრცობრივი, მოცულობითი გამოსახულებანი. ამ საღებავთა შერჩევა და მათი განლაგება ზედმიწევნით მოითხოვს კოლორიტული ეფექტების ზუსტ გრადაციას. საღებავთა ამ მცირე ნაკრებში მუშაობისას ფიროსმანს შესაძლებლობა ეძლევა ყურადღება გაამახვილოს ფორმისა და ფაქტურის ამოცანებზე. ფუნჯის მოძრაობისა და მონასმის სრულყოფაზე (ფერთა ამგვარი პალიტრა შესაძლოა ნაკლებად განათებულ სივრცეში მუშაობის გამოც იყო შერჩეული).

ფერი — ფერწერაში ეს რაღაც ყოვლის მომცველი და ამდენად ნაწილობრივ განუსაზღვრელია. ფერთან დაკავშირებული პრობლემებია საღებავი, მისი ხარისხი.

ფერი ხომ ფერწერის საფუძველია. ფერთა ელემენტების ჯამი ქმნის ფერწერაში გამოსახულებას. ამასთან, ფერი წარმოადგენს ერთადერთ საწყისს ფერწერაში, რომელსაც პრეტენზია აქვს გარკვეულ დამოუკიდებლობაზე.

მონასმით ტკობა გამოსახულების გარეშე უაზრობაა. ფაქტურასთან დაკავშირებით კი ამას უკვე გარკვეული აზრი ენიჭება. ფიროსმანთან ფერწერა ფერიცაა და ფაქტურაც, მეტიც, ფორმაცაა, მასთან ფერი და ფერწერულობა ერთიანია და ამ ერთიანობაში მდგომარეობს ის გამაოგნებელი სრულყოფილება და ხიბლი, რაც მსოფლიო ფერწერის ისტორიაში მის განუმეორებელ სავიზიტო ბარათად იქცა.

ეკა ბუჯიაშვილი

მისი პატარა ქალაქი

კათოლიკურ ეკლესიას კი ეძახდნენ, მაგრამ იქაურობა საწყობად გადაქცევიდა და უშველებელი მანქანები შედი-გადიოდნენ გალავნის ლამაზ ჭიშკარში, რომლის თაღზეც ჯერ კიდევ შემორჩენილიყო ჯვარი. მერე მართლმადიდებლებსა და კათოლიკეებს შორის დავაც გამართულა, ეს საკითხი სასამართლო განსჯის საგნადაც ქცეულა და გამარჯვება მართლმადიდებლებს დარჩენიათ. ფუნქცია რომ შეუძენია ეკლესიას, იქვე, გადაღმა მცხოვრებ პავლიკა თუმანიშვილს, პროფესიით არქიტექტორს, ორღანი ჩამოუტანია თბილისიდან და თვითონვე უკრავდა მასზე.

და დროდადრო ორღანის იდუმალი ჟღერადობა ავსებდა ტაძარს, მერე ამ კედლებსაც რომ სცდებოდა, უცნაურ მაღლად ეფინებოდა იმ არემარეს და რაღაცნაირ, თითქოს ღვთაებრივ განზომილებაში გადაჰყავდა მათი ყოფითობა.

სწორედ ამ ეკლესიის გვერდით ცხოვრობდნენ. იმ ქუჩაზე ბევრი კათოლიკე დამკვიდრებულიყო და ერთ-ერთს ძაღლის ლეკვი უჩუქნია პატარა კარლოსთვის. გახარებია ძაღლიან, კიდევ უფრო ის გახარებია, შინ მისულს ლეკვიც რომ მიუყვანია და დედასაც არაფერი უთქვამს — ნება მიუცია, დაეტოვებინა.

დედისთვის ვილაცას უსწავლებია: დიდი რომ არ გაიზარდოს, ერთი ჭიქა არაყი უნდა დააღვინოთო.

დაულევიანებიათ და... სამი დღე ტახტის ქვეშიდან არ გამოსულა დაბურბურხალებული და უცნაური მდგომარეობით დამცურთხალი ლეკვი.

ტანისა რა გითხრათ და... ხასიათზე კი დატყობია ზეროს არყის კვალი — ისეთი შფოთისთავი და ავი გაზრდილა, ვინც კი შედიოდა ეზოში — განსაკუთრებით ეზოს ბოლოში მცხოვრები მეკრავის კლიენტები — მიახტებოდა და კბენდა თურმეთრხელაც მეზობლის ძმა ჩამოსულა სამეგერელოდან.

ზერო რომ დაუნახავს, სწორედ ასეთი ავი ძაღლი მჭირდებო, — უთქვამს და წაუყვანია. ნ თვე გაჭიმულ ბაგირზე გამოზმული თოკით აჩვევდნენ თურმე იქაურობას, მაგრამ როგორც კი აუშოვია, გაპარულა, ადიდებული მდინარე გადაულახავს და ერთ დილასაც, გამთენიისას წკმუტუნით დასდგომიათ თავზე.

იმ უბანში კი, კათოლიკეებით დასახლებულ იმ უბანში დებიც ცხოვრობდნენ, გვარად ასლანიშვილები, რომლებთანაც ხშირად სტუმრობდა დისშვილი — ახალგაზრდა, სიმპათიური ყმაწვილი. იმ დროს მას არ იცნობდა, მოგვიანებით კი, უკვე თბილისში, დამეგობრდებიან კიდევ და ქართულ ლიტერატურულ სივრცეებსაც გასცდება მისი სახელი — თამაზ ჩხენკელი.

ეს ამბავი კი მკითხველს შესაძლოა როსტომ ჩხეიძის მიერ ნაკვეთების რუბრიკით გამოქვეყნებული ციკლიდანაც ახსოვს: ერთხელ, მძიმე 90-იან წლებში კარლო ფაჩულია თავისთან დაპატიჟებს თამაზს:

— კარგი, ნალდი ღვინო მაქვს შინო, — ეტყვის.

— ხოოო? — მისთვის უჩვეულო მანერით — რაღაცნაირად განწელილად ჰკითხავს თამაზი და თითქოს გამომცდელი მზერითაც შეხედავს.

— ხო, — დაუქნევს თავს მასპინძელი.

დასხდებიან. დალევენ. გაიხსენებენ ქუთაისს, ქუთაისელ მეგობრებს, ქუთაისურ ამბებს და დამშვიდობებისას წინაღობით გათენებამდე რიგში დგომით მოპოვებული სამი პურიდან ერთს გამოუტანს სტუმარს, ცელოფანის პარკში ჩაუდებს და გაუნოდებს:

— ეს შენ.

— ხოოო? — ჰკითხავს ისევ იმ რაღაცნაირად განწელილი ინტონაციით.

— ხო, — დაუდასტურებს მასპინძელი.

ის კი:

— თითქოს დარახტული ცხენი გეჩუქებინოსო.

...იყო ასეთი დროც.

მაშინ იქნებ ასეთი საშინელიც რომ არ გვეჩვენებოდა, რადგან ჯერ ვერც ვაცნობიერებდით, სად, რა მორევში ვტრიალებდით, მერე კი... რაც შეიძლება ღრმად გადავნიეთ მესხიერებაში. თითქოს არც ყოფილა.

თითქოს ეს ყველაფერი ჩვენ არ გადაგვიტანია.

თითქოს ცუდი, ძალიან ცუდი სიზმარი ვნახეთ ყველამ ერთად და ერთნაირად, და თუ არ მოვყვებით, თუ ამაზე აღარ ვისაუბრებთ, არც არასოდეს აგვიხდება.

ოღონდ ამ ავბედით წლებსაც დაჰყვება წუთები, ეს ყველაფერი რომ გადაგვატანინა, ერთმანეთიც რომ გაგვატანინა, უჩვეულო მაღლით რომ ავსებდა მესხიერებაში დაკარგული დროის ტკივილიან შრეებსაც, იმ მელოდიასავით — ორღანზე აჟღერებული მელოდიასავით — რომ სცდებოდა დროისა და სივრცის საზღვრებს... და მაშინდელ მძიმე ყოფით რეალობაში ჰქონდა ამ წუთებსაც რაღაც ისეთი, რასაც ერქვა „სხვა განზომილება“.

* * *

ფიროსმანი სვამდა და... ხატავდაო.

ოღონდ ის ფიროსმანი იყო, თავის დარდასა და საფიქრალს აეყოლებინა და მილიონი ვარდის სურნელით გაბრუებულ მისტერიაში გამოხვეულიყო მისი ცხოვრებისა და შემოქმედების ლეგენდა.

ესენი კი...

აი, ესენი, ქუთაისელი მხატვრები, მომავალში თავის გამორჩეულ კვალსაც რომ დააჩვენებენ ქართულ მხატვრობას, იმ პატარა, მაგრამ უჩვეულო ქალაქის რეალობის ნაწილად ქცეულიყვნენ, მის არათანაბარ გულისფეთქვას უსმენდნენ და ისე როგორ იქნებოდა, რამე ორიგინალური თვითონაც არ გაეკეთებინათ, გამორჩეული ხასიათი არ შეექმნათ ქუთაისური ცხოვრების ფერად და ხმაურიან ტილოზე.

აი, მაგალითად, მიდიოდა ქუჩაში ძაღლიან წესიერი კაცი, ძაღლიან ნიჭიერი მხატვარი ბერნარდ ნებერიძე, გაივლიდა ქალაქის ცენტრში, სადაც უამრავი ადამიანი ირეოდა და უცებ, ყველასთვის მოულოდნელად დაიყვირებდა:

— აქში, ქათამოოოო!

ზოგი იცინოდა, ზოგი მშვიდად აუვლიდა გვერდს, რაკი უკვე იცოდა თვითონ რა „ჩიტიც“ იყო ეს უცნაური კაცი, ზოგიც გაკვირვებული გაერიდებოდა...

რობერტ მნაცაკანიანს ყოველდღე მთელი ქალაქი უნდა მოეგლო ფეხით, წრეს დაარტყამდა, ყველა ქუჩას მოისიყვარულებდა და მიდიოდა საღამოს შინ მთელი დღის „საქმიანობით“ დალილ-დაქანცული.

ამურ ფხაკაძეს, ზაზარში მიდიოდა თუ სახელოსნოში, სულ წიგნი ეჭირა ხელში...

— თქვენ რას აკეთებდითო? — კარლო ფაჩულიას თუ ჰკითხავთ — მე აწი ვაპირებ რაიმეს მოგონებასო, — გეტყვით ღიმილით, თუმცა... მერე იმავე ღიმილით ამასაც დასძენს:

— მოსწავლეობისას სკოლის სიმღერის გუნდში ვმღეროდი.

განა მართო ვმღეროდი, გიტარაზეც ვუკრავდი.

დიდი დამკვრელი არ ვიყავი, მაგრამ ორკესტრს დიდი დამკვრელობაც არ სჭირდებოდა, ტაქტი უნდა გცოდნოდა, აყვებოდი მერე ხმით და...

სოლოსაც ვმღეროდი და დუეტსაცო.

აი, მაგალითად ასეთებს: „შენი სახე გზას მინათებდა დღე და ღამევე“...

ოღონდ ეგ იყო, ცოტა მორიდებაც გჭირდებოდა, რადგან ასეთი სიმღერები მაშინ აკრძალული იყო, საბჭოთა მოსწავლეს სიყვარულსა და ასეთებზე არ უნდა ემღერათ.

ხელმძღვანელი კი ორკესტრისა ოლეგ კაიტაშვილი გახლდათ. მერე ის, რაც მეტი, არც ნაკლები, პროკურორი გამხდარა თურმე.

ისე, ნიგინი, ამურ ფხაკაძისა არ იყოს, თვითონაც უყვარდა. მერე, მოგვიანებით, კარგი ბიბლიოთეკაც ჰქონდა. ერთხელ, აკადემიაში სწავლისას ქუთაისში ჩასული ქალაქში სტუმრად მყოფ ნუგზარ ფოფხაძეს შეხვედრია და უხსენებია „ვეფხისტყაოსნის“ საიუბილეო გამოცემა — მეტად ორიგინალური, ჯიბეშიც რომ ჩაგეტეოდა, ისეთი, და რაკი მაშინ ასეთი რამ იშვიათობა იყო, მაღაზიებში ვერსად ნახავდით. ჩასულა ნუგზარი სანყოფში, გამოუტანია ნიგინი და უჩუქებია ნარწერი:

„სახსოვრად კარლოს დიდი სიყვარულით, ავტორისაგან“.
საჩუქარს ერთხელ ცნობილი რეჟისორი ლიანა ელიავაც შეპირებია:

— ახლა ფინეთში მივდივარ და უკან რომ დავბრუნდები, მინდა საჩუქარი ჩამოგიტანო და რას ისურვებდიო (ქალბატონ ლიანას ასე სჩვევია, ყველას გვანებოვრებს ხოლმე პატარ-პატარა საჩუქრებით, თავისი ნიჭისა და მახვილი სიტყვის გარდა, ასეთი გულისხმიერებითაც შეგვაყვარა თავი ადამიანებს)?

— ძალიან დავიბენიო, — ამბობს ბატონი კარლო, — ბოლოს იმის თქმა მოვახებე, რაკი ასეთი რამ იფიქრეთ, ჩათვალეთ რომ ეს უკვე საჩუქარია ჩემთვის-მეთქი.

აი, ქუთაისის კი სტუმრები არასოდეს მოკლებია.

საიდან აღარ ჩამოდიოდნენ მხატვრები, ერთად მუშაობდნენ, ერთად ატარებდნენ დროს, ერთად მართავდნენ გამოფენებს... ამ პლენერებს ქუთაისის მერია, მისი მაშინდელი ხელმძღვანელი თემურ შაშიაშვილი აფინანსებდა, ორგანიზებას კი ქალაქის მხატვართა კავშირი უწევდა ცნობილი მხატვრის ჯერან ფაჩუაშვილის თაოსნობით. საღებავები, ფუნჯები და ტილო არ აკლდათ და მათაც მეტი რა დარჩენოდათ, ხატავდნენ და ხატავდნენ...

ფიროსმანი თავის საფიქრალს აენრიალებინა, ესენი — თავისას, და კიდევ გადაჰქონდათ ტილოზე საკუთარი ცხოვრების მისტერიაში გამოსხეული განცდებიცა და სათქმელიც.

* * *

ჯერ კიდევ აკადემიამდე დედას თბილისში ჩაუყვანია ნათესავებთან.

ეს იყო პირველი ცნობიერი შთაბეჭდილება დიდი ქალაქის შესახებ.

ყველაზე მძაფრად ამ შთაბეჭდილებიდან მაინც მუშთაილის ბალი და პატარა, „კუკუშკა“ მატარებელი დაამახსოვრდა. შინ, ქუთაისში დაბრუნებულს ხისგან ვაგონები გაუკეთებია და მთელი დღე ამით ერთობოდა თურმე.

— მეორე კლასში ვიქნებოდი მაშინ, სხვა სათამაშო, მგონი, არც მახსოვს, ერთი ავტომატი გვექონდა მე და ჩემს ძმას, მამას ჩამოუტანია ირანიდან, და კიდევ ნაძვის ხის სათამაშოები — მაშინ იშვიათობა რომ იყო, ისეთი ლამაზი ბურთები, იმ გაჭირვებულ ყოფას თავისი უჩვეულო სხივით რომ ანათებდა. გაჭირვება კი მერეც ბევრი უნდა ენახა.

სამხატვრო აკადემიაში სწავლისას, როგორც ყველა სტუდენტს, მასაც არ ჰქონდა ფული. დედა რომ გამოუგზავნიდა ხოლმე კაპიკ-კაპიკ შეგროვილ მთელი თვის სახარჯოს, რამდენიმე დღეში უკვე აღარ ჰქონდა, რადგან გული ერთ კურსელ გოგონაზე შევარდნოდა — მერე მისი ცხოვრების თანამგზავრიც რომ გახდება — ის კი მარტო არსად მიჰყვებოდა, აუცილებლად მეგობრებს იახლებდა ხოლმე თან და უეცრად მოვარდნილი სიყვარულიც, გულის გარდა, ფინანსებზეც დიდი დარტყმა იყო ისედაც ჯიბეცარიელი სტუდენტისათვის.

ფული რომ შემოეღებოდა, ნათესავებთან მიდიოდა, რომ ცხელი სადილი ერთხელ მაინც ეჭამა დღეში.

— კალუსიკო მოვიდა, კალუსიკო მოვიდაო, — აჟრიაშულდებოდნენ ხოლმე მასპინძელი დები აზიკო და ნათელა ფუთურძეები, სუფრის გაშლას დაიწყებდნენ, მას კი... ბოლო წუთს მოერიდებოდა და უხერხულობისგან შემშუშნული და დარცხვენილი ჩაილაპარაკებდა:

— ნუ შენუხდებით, ვისადილე უკვე.

ნასასვლელად გამზადებულს თუ შეაჩერებდნენ: დარჩი ჩვენთან, ლოგინს გაგიშლითო, არაო, — იუარებდა, — შინ, ჩემ ჭერქვეშ მეჩქარებაო.

სად ჰქონდა ჭერი, თორემ კი.

ნათქვამია: ობლის კვერი ცხვა, ცხვა და გვიან გამოცხვაო. მაგრამ მისი ჯერ არც კვერი მოზეულიყო და არც ცეცხლი ჩანდა, რომელზეც ის შეიძლებოდა გამომცხვარიყო.

მიდიოდა აკადემიაში, ყარაულს სთხოვდა, კარი გაეღო. ისიც, ძველი ახლობლობით, შეუშვებდა ხოლმე და ხან მაგიდაზე ეძინა, ხანაც სკამებზე.

ერთ დღესაც უფიქრია, ეს ფული რომ მეფლანგება ასე, ავდგები და დავიქირავებ ოთახს, ვიყიდი პროდუქტს, ქირასაც გავისტუმრებ და, რომ აღარ მექნება, რას გამოვხარჯავო.

ასეც მოქცეულა, დაუქირავებია ნახევრადსარდაფი, უყიდა პროდუქტი, დაუბინავებია ოთახში, უცხოვრია ერთხანს მშვიდად და დანაყრებულად, ჭერიც ჰქონია და ლოგინში ძილიც, მაგრამ ერთ დღეს ოთახის პატრონს უთქვამს: უნდა გავეყიდო და დაგვიცალყო.

ნამოსულა და დაუტოვებია მთელი თავისი მარაგი. აბა, ვიდრე ბინას იშოვნოდა, ზურგზე აკიდებულს ხომ არ ატარებდა თან.

მერე ყველაფერი შეიცვლება.

მის ნაზამთრალ ქუჩაზეც დადგება გაზაფხული.

ტელევიზიის შემდეგ გამომცემლობა „საბჭოთა საქართველოში“ დაიწყებს მუშაობას, საიდანაც, მიზეზთა გამო, მალე წამოვა, მერე „მერანშიც“, მაგრამ ერთხელაც „მერანის“ დარბაზში გამართული გამოფენიდან მომავალს ვახტანგ ჭელიძე შეხვდება კიბეზე და ეტყვის:

— მინდა, ჩემთან იმუშაო.

— უკვე ვმუშაობ და თავს ხომ არ დავანებებ, — უთქვამს მორიდებით და მადლიერებით...

— მოდი, მოიფიქრე და ერთი კვირის მერე მითხარი, — დაუტოვებია სიტყვა ბატონ ვახტანგს და წასულა.

ერთი კვირის მერე პასუხის სათქმელად მისულს ორნი დახვედრიან ოთახში: ვახტანგ ჭელიძე და თამაზ ბიბილური.

— მოიფიქრე?

— ვერ დავანებებ თავს, მერიდება.

— ნახევარ შტატზე რომ მიგიღოთ? — უკითხავს ისევ ბატონ ვახტანგს, მაგრამ იქვე თამაზ ბიბილურს უთქვამს:

— ნახევარ შტატზე რომ მოვიდეს, იგივე საქმე უნდა გააკეთოს, რაც მთელ შტატზე, და დაგვეჩაგრება, მოდი, მთლიანზე მივიღოთო.

ასე აღმოჩნდა ორ სამსახურში, მერე კი ხელოვნებათმცოდნეობის ინსტიტუტის დირექტორის ნოდარ ჯანბერიძის თავისთანაც გაუფორმებია მხატვრად.

— იქ არც დანიშვნა უკითხავთ ჩემთვის და არც გათავისუფლება, ერთი ნელი კი მესამე ადგილზეც ვიღებდი ხელფასს და გვარიანად ამოვისუნთქე, ისეც კი, რომ მე და ჩემმა მეუღლემ, ნინომ, ცოტა თანხასაც მოვუყარეთ თავი და, მართალია, ქამრის მოჭერით, მაგრამ კოოპერატიული ბინაც ავიშენეთ.

უკვე საკუთარი ჰქონდათ ჭერიც, კედლებიცა და კერაც... საკუთარ კერიაზე დანთებულ ცეცხლზე ცხვებოდა ობლის კვერი.

— შემდეგ კი... როსტომ ჩხეიძემ თავის ჟურნალში დამიძახა და აი, მას შემდეგ თქვენ გვერდით ვარო.

ოლონდ ეგ არის, ხანდახან, როცა თავისი შვილიშვილების, ბარბარესა და ქეთევანის თამაშით ტკებდა ხოლმე — ბარბარე სამუშაო ოთახის დახურულ კარს ვერ აღებდა, კარის მეორე მხრიდან სახელურს აწვავდა, პატარა ხელებით აბრახუნებდა და ემუდარებოდა: გამიღე, შენი შვილიშვილი მოვედიო, ქეთევანი კი საყვარელ ბაბუს კარლიკუნას ეძახის — და მთელ სახლში მოფენილ სათამაშოებსა თუ ათასგვარ გასართობს შესცქერის, გაახსენდება ხოლმე ის პატარა ბიჭი, გაოცებული თვალებით რომ იყურებოდა მუშთაიდის ბაღის გარშემო მოძრავი

„კუკუშკა“ მატარებლიდან, თავისი ხელით გაკეთებული პატარა ვაგონებიც აგონდება, მამის მიერ ირანიდან ჩამოტანილი ავტომატიც, ნაძვის ხის ფერადი, ბრჭყვიალა ბურთებიც და...

— როგორ გითხრათ, ასე მგონია, ისეთი სხივი ახლანდელ სათამაშოებს აღარ აქვთ. აბა, რატომაა, ამდენი ხნის მერეც რომ მახსოვს და რალაცნაირი სიტბოც მეღვრება გულში მათი გახსენებისასო.

* * *

ერთად სწავლობდნენ გრაფიკის ფაკულტეტზე.

— ნინო სწავლობდა, თორემ მე ისე ვიყავი შეყვარებული, მასზე ფიქრის მეტს ვერაფერს ვახერხებდი — 6 წელი ვაბარებდი სამხატვრო აკადემიაში და, ის წლები რომ ვმუშაობდი ყოველდღიურად, ამან მიშველა, თორემ აკადემიაში მე არ მისწავლია.

არადა, მამინ, ექვსი წელი რომ აბარებდა, დედა ეხვეწებოდა თურმე:

— დარჩი, შვილო, შინ, ქუთაისში, ჩააბარე ისტორიულზე, ნუ წახვალ თბილისში, აქ თბილ საჭმელს მაინც შეჭამო.

მაინც წასულა გამოცდებზე.

კარგი ნიშნები მიუღია სპეციალობაში.

ბოლო გამოცდა ქართული ზეპირი ჰქონდა. უპასუხია სამივე საკითხზე და გამომცდელს უთქვამს:

— მე ოთხიანს გინერ და თუ პრეტენზია გაქვს, კომისიის თავმჯდომარესთან მიდიო.

— მივალო, — უთქვამს კარლოს.

სიმონიკა სხირტლაძე ყოფილა კომისიის თავმჯდომარე.

გაჰყოლია გამომცდელი.

ფეხზე დგას სიმონიკა.

ფეხზე დგანან ესენიც.

გამოურთმევია ბილეთი, პირველ და მეორე საკითხზე არაფერი უთქვამს, პირდაპირ მესამეზე გადასულა — გალაკტიონის „დროშები ჩქარა“.

— იცი ზეპირად?

— კი, — დაუქნევია თავი.

— დაიწყე!

დაუნყია ამასაც: „გათენდა, ცეცხლის მზე აენთო, აცურდა, დროშები ჩქარა“.

— ხმამალა! — უთქვამს ცოტა ხანში სიმონიკას.

აუნწევია ამასაც ხმისთვის, ის კი:

— კიდევ უფრო ხმამალა!

უკვე მთელი დარბაზის გასაგონად გაჰყვირის შეგულიანებული კარლო: „დიდება ხალხისთვის ნამებულ რაინდებს, ვინც თავი გასწირა, ვინც სისხლი დაღვარა...“

— ხმამალა, უფრო ხმამალა! — არ ეშვება სიმონიკა.

ყველა ამათ შეჰყურებს, გაცოცხლებული უსმენენ აბიტურიენტებიც, გამომცდელებიც... უკვე დასასრულისკენ აჰყვება კიდევ კომისიის თავმჯდომარე და მთელი ხმით ერთად დაავიკინებენ:

— „დროშები, დროშები, დროშები ჩქარა!“

მონონების ნიშნად ბეჭებზე დაარტყამს ხელს, ტაშის ფონზე დაიხრება და ხუთიანს ჩაუწერს საგამოცდო ნიგნაკში.

არადა, ექვსი წელი კი აბარებდა და რას წარმოიდგენდა, ასე საზეიმოდ თუ მოიპოვებდა გადამწყვეტ ხუთიანს.

მერე კი...

მერე სამეცადინოდ და სახატავად სად ეცალა, სიყვარული გაუზიარებინა გულისსწორისთვის და დღედაღამ მასზე ფიქრობდა.

— მას მერე სულ ერთად ვიყავით, ერთმანეთის გარეშე ვერ ვძლებდით... ახლაც ერთად ვართ...

ახლაც ერთად ვართ...

არაერთხელ უთქვამს: შენ რომ არ მყოლოდი, რა მეშველებოდაო.

მეც ხშირად მიფიქრია, რომ უიმისოდ ვერაფერს შევძლებდი, და თუ დღეს რამეს წარმოვადგენ, სწორედ ნინოს დამსახურებაა.

ნინო ზალიშვილს, არა მხოლოდ კარგ მხატვარსა და ხელოვნებათმცოდნეს, კარგად იცნობს საზოგადოება.

ალბათ არ გამართულა გამოფენა თუ შემოქმედებითი სალამო, ის ან ერთ-ერთი თაოსანი არ ყოფილიყო, ან მონაწილე, რომელსაც კეთილი სიტყვა კიდევ ემეტებოდა ნიჭიერი ადამიანისათვის და კიდევ უჭრიდა, რადგან მხატვართა იმ მცირე ჯგუფს მიეკუთვნებოდა, ვისაც წიგნიც უყვარდა და წიგნიერებითაც გამოირჩეოდა. ამიტომ იყო, რომ ბევრ მწერალს სურდა, სწორედ მას გაეფორმებინა მათი ახალი წიგნები.

— სულ ერთად ვიყავითო, — ამბობს და ცრემლი უდგება თვალში, — ახლაც ერთად ვართ და მერე ხომ ერთად ვიქნებით და ვიქნებითო, — ტკივილი გამოერევა ხმაში, — როცა ილუსტრაციაზე ვმუშაობდი, წავიკითხავდი ტექსტს, გავაკეთებდი ჩანახატებს. კითხვას რომ მოვრჩებოდი, მონიშნულ ადგილებს ისევ მივუბრუნდებოდი და ესკიზებს ვხატავდი. მერე ნინოს ვაჩვენებდი, რომ თავისი აზრი გაეზიარებინა. ის აუცილებლად ჯერ ნაწარმოებს წაიკითხავდა და დამიწყებდა: ასე ხომ არ აჯობებდა, ისე უკეთესი ხომ არ იქნებოდაო. ვბრაზდებოდი კიდევ, მაგრამ... რომ დავეფიქრებოდი, ვხვდებოდი, მართალი იყო და ვიწყებდი რალაცების შეცვლას, ხანდახან სულაც თავიდან ვხატავდი.

ახლა?

ახლაც, როცა ვმუშაობ, ხანდახან გავიფიქრებ: ნინოს ვაჩვენებ-მეთქი, მინდა ვკითხო, მოვუყვე, მირჩიოს რალაც, მაგრამ...

მამინ კი...

აი, მამინ, ქუთაისიდან რომ მოდიოდნენ ბედნიერები და გალაკტიონის ერთად ყოფნით, გზაში შროშაში გაუჩერებიათ მანქანა, ლამაზი კალათა უყიდიათ, მერე უფიქრიათ: ცარიელს ხომ არ წავიღებთ შინო, და ნარჩევი ხლით გაუფსიათ.

გაუგრძელებიათ გზა.

მიქრის ავტომობილი, რომელსაც ისეთი მძლოლი უზის, მართვის მონშობა მეგობრის ლუკა ხუნდაძის დახმარებით რომ აიღო და გამოცდაზე 10 კითხვიდან მხოლოდ 2 იყო სწორი, თუმცა ასეთი „ცოდნით“, მთელი თუ არა, ნახევარი საბჭოთა კავშირი მაინც აქვს მოვლილი.

სიტყვა გამექცა... იმას ვყვებოდი, ავტომობილი რომ მიქროდა.

იმ დროში იშვიათობა გახლდათ ტურისტები. და აი, უცებ შეუნიშნავთ უცხოური მანქანა, არაჩვენებური ნომრებით, და ნინოსთვის უთქვამს: — მოდი, ეს კალათა ამ უცხოელებს ვაჩუქოთ.

გახარებია ნინოს ძალიან — კარგი აზრიაო.

დასწევინ და, რომ გაუსწორდნენ, მანქანაში მჯდომი ქალებისთვის უნიშნებიათ, მინა ჩამოენიათ.



კარლო ფაჩულია და ნინო ზალიშვილი

ერთხანს ვერ მიმხვდარან ისინი, რას სთხოვდნენ საბჭოთა ავტომობილიდან, გვერდით რომ მისდევდათ, მერე კი ნინოს ხილით საესე კალათა რომ გადაუნდია, გახარებულებს ჩამოურთმევიათ ძღვენი და, ამ უჩვეულო შესვლით გაოცებულებსა და მოხიბლულებს, ტკრციალითა და ჟრიაშულით გაუგრძელებიათ გზა.

ამ ამბავს რომ მიყვება, სიხარული და კმაყოფილება უდგას თვალებში, ამდენი წლის მერეც რომ აბედნიერებს, როგორ გააოცეს გერმანელი ტურისტები ექსპრომტად მოფიქრებული შესვლით.

მე კი ვუყურებ და ვფიქრობ:

ვინ იცის, ამ წუთას იქნებ იქ, სადღაც, დღეს უკვე აღარც ისე შორეულ გერმანიაშიც სხედან ის ქალები, უკვე ხანშიშესულები, ცხოვრებაგამოვლილები, და მის აღმართ-დაღმართებს რომ იგონებენ, იმ ახალგაზრდული ტკრციალით ვეღარ, მაგრამ ღმილიანები კი იხსენებენ უცნაურ ქართველ მგზავრებს, ერთი გაქანებული მანქანიდან მეორეში რომ უმასპინძლეს უგემრიელესი ხილით.

ბავშვობაში ოცნება შორს რომ გაექცეოდა ხოლმე და უცხო ქვეყნებში მოგზაურობასაც გადასწვდებოდა, ისიც უფიქრია:

— მთელი ქვეყნიერება რომ მოვიარო, გერმანიაში არამც და არამც არ წავალ, მათ ხომ მამა მომიკლესო...

ოღონდ ცხოვრება ისეთი რამაა, მთელი ქვეყნიერება შეიძლება სულაც არ შემოველო, გერმანიაში კი მაინც წაიყვანდა ბედისწერა.

წლებს წინათ საკავშირო სამხატვრო აკადემიის გრაფიკის შემოქმედებითი სახელოსნო გაიხსნა, სერგო ქობულაძის ხელმძღვანელობით. ხუთი მხატვარი შეარჩიეს, მათ შორის კარლო ფაჩულიაც, ვინც ამ სახელოსნოს მთავარ მხატვრად დანიშნეს.

ერთი წლის შემდეგ საგზური მოსულა მოსკოვიდან — შემოქმედებითი სახელოსნოს ერთ-ერთი წევრი გერმანიაში უნდა წასულიყო მივლინებით.

სერგო ქობულაძეს უთქვამს: მთავარი მხატვარი უნდა წავიდესო.

საბჭოთა კავშირიდან ხუთნი იყვნენ.

ორი დღე ბერლინში, მერე — ნოებრანდერბურგში.

პატარა ქალაქი იყო ორსართულიანი სახლებით. ამ ქალაქში მუშაობდნენ. მერე გამოფენა-გაყიდვაც უნდა გამართულიყო და კარლო ფაჩულიას დანარჩენებისთვის შეუთავაზებია:

— მოდი, ვისი ნახატიც უნდა გაიყიდოს, თანხა ხუთად გავყოთ.

არაო, — უარზე დამდგარან სხვები, — ჩემი თუ გაიყიდა, სხვას რატომ უნდა გავყოთ.

თუმცა გამოფენის მიმდინარეობისას აზრი შეუცვლიათ, კარლოსთან მისულან და უთქვამთ:

— მგონი ეგრე სჯობს, მართალი ხარ.

კი გაკვირვებია კოლეგების ასეთი შემობრუნება, მაგრამ მოგვიანებით მიზეზსაც მიმხვდარა: აღმოჩნდა, რომ კარლო ფაჩულიას ხუთივე ნახატი გაყიდულა, დანარჩენებისა კი — თითო-თითო.

მეორე დღეს თარჯიმანმა კონვერტით ფული რომ მოიტანა, ხუთად გაყავითო, — უთქვამს ჩვენი ამბის გმირს.

თანხა იმდენი აღმოჩნდა, სად დაეხარჯათ, აღარ იცოდნენ. საბჭოთა სამშობლოში უცხოური ვალუტის ჩამოტანა არ შეიძლებოდა და სხვა არაფერი დარჩენოდათ — აკრძალული დასავლური „ხილის“ სიტკბოება გერმანულ რესტორნებსა და კაფეებში დააგემოვნეს სირჩებით გამოთვლილ ევროპულ კონიაკთან ერთად.

ორი საბჭოთა „ვოლგა“ ემსახურებოდათ.

ერთხელაც ღამის 12 საათზე ფრანკფურტის ქუჩებში დასერილობენ, კაფეში ოფიცინანტს სამი ფინჯანი ყავა შეუკვეთეს და სამ სირჩა კონიაკთან ერთად მიართვეს. გაიკვირვეს ამათ: ჩვენ არ შეგვიკვეთავსო. ოფიცინანტს კი მეზობელი მაგიდისკენ უნიშნებია: იქიდან მოგართვესო.

ის მძლოლი აღმოჩნდა, ფრანკფურტში რომ ჩაიყვანა მხატვრები. მერე თავისთან მიუწვევიათ. სუფრაზე, სამი სირჩისთვის სამჯერ სამი დაუმატებიათ და ისეთი ქართულ-გერმანული სტუმარმასპინძლობა გაუმართავთ, ერთმანეთისთვის არ დაუდიათ ტოლი.

გაკვირვებულ კარლოს ისიც რომ უკითხავს, თქვენ, ჩემო ბატონო, საქართველოშიც ხომ არ ხართ ნამყოფი? — იმას კი, როგორც აღმოჩნდა, გაგონილიც არ ჰქონია ასეთი ქვეყნის შესახებ, საბოლოოდ დარწმუნებულა, რომ გულქვა, სისხლისმსმელი ფაშისტის ნაცვლად, კაცთმოყვარე, თბილი მასპინძელი ეჯდა წინ და გულიდანაც გადაუგორებია ლოდი ბავშვობაში დადებული პირობის დარღვევისა.

მერე ისეც მომხდარა, რომ მათი ჯგუფის წევრი გოგონას, მთელ მსოფლიოში ცნობილი საბჭოთა „ეტიუდნიკით“ რომ იდგა ქუჩაში, იქაური მხატვარი გამოცნაურებია და რესტორანში დაუბატიყია. იმას რომ უთქვამს: მარტო არ ვარ, მეგობრები მელიოდებიანო, — მასპინძელს თავისი მეგობრებიანად მიუწვევია და კიდევ ერთი კარგი საღამო გაუტარებიათ მასპინძლესთან ერთად. მთელი იქ ყოფნის განმავლობაში სითბო და ყურადღება არავისგან მოკლებიათ და ასე გადაფასებულა მისი შეხედულება გერმანიასა და გერმანელებზე.

შთაბეჭდილება კი თვითონაც არანაკლები დაუტოვებია იქაურებზე, რადგან მეორე წელიწადს მისი მეგობარი ომარ კაჭკაჭიშვილი რომ ჩასულა ბერლინში შემოქმედებითი მივლინებით, სადგურში დამხვდურები თურმე ბაქანზე დარბოდნენ და გაიძახოდნენ:

— კარლო ფაჩულია, კარლო ფაჩულია!..

სტუმარს ჰგონებია, კარლოც იქ იყო და ბაქანზე დაუწყია ძებნა, მაგრამ აღმოჩნდა, რომ თურმე იმას კითხულობდნენ, კარლო ფაჩულიას ქვეყნიდან ამჯერად ვინ ჩასულიყო გერმანიაში.

თვითონ ბატონ კარლოს კი, როცა ამას მიყვება, ელიმება, ელიმება და ამბობს:

— უცნაური რამ კი ყოფილა ეს ბედისწერა, ვის სად წაიყვანს და როდის ვის შეგახვედრებს, მარტო იმან თუ იცისო.

ერთხელაც იყო და... საკნის კედლებიც ახეხინეს.

სულ ერთი ღამით, მაგრამ...

კაცმა რომ თქვას, ზუსტად არც იცის, რა დააშავა, მხოლოდ ის ახსოვს, რომ ნასვამი მოდიოდა თავისთვის. თბილისიდან ყოფილან შესამონებლად — რა ვითარება იყო ქუთაისის ქუჩებში. ქუთაისში ცნობილი მილიციელი ვალიკო ჩიტინი ამონებდა იქაურობას.

ჩიტინი ვილა იყო?

ჩიტინი ის კაცი გახლდათ, ქუჩაში ცოტა ხანს გაჩერებული რომ დაენახე, აუცილებლად რომ გეტყოდა:

— რატომ დგახარ, გაიარე, შენს გზას ენიეო.

ჰოდა, ეტყობა არც ჩვენი ამბის გმირი „ენია თავის გზას“, დაუნახავს „ობხეს“ უფროსს და უთქვამს ჩიტინისთვის: განყოფილებაში წაიყვანეთო.

აბა როგორ გითხრათ და, ისეთი ნასვამი იყო, მარტო ის ახსოვს, რომ საკანში ნათურა ბუჭტავდა და ნალიაზე ვილაცები წამოწოლილიყვნენ.

დილით რომ გაიღვიძა, გვერდით პარალელური კლასელი იცნო, მძიმე წონაში მოკრივე — როკი მარჩიანოს, ოლიმპიური ჩემპიონის მეტსახელით რომ იცნობდა მთელი ქალაქი — ვისაც არაფხიზელი მეგობარი, ემანდ ვინმე რამე არ დაუშავოსო, გვერდით დაუწვინია. დილით კი, ახალმოსულის გასაგონად, ასეც უხუმრია „ბოროტმოქმედ“ თანამოსაკნებთან:

— რა უბედურებაა ეს, ყოველ დილით ყავა და ერობოკვერცხი, მომწყინდა უკვეო.

იმას „ერობოკვერცხი“ და „ყავა“ მოსწყენოდა, ამას საკანში თავგადაპარსული (იმას თუ გადაპარსვა ერქვა) ჯდომა. აგერ, ვილაცას პატრონიც გამოსჩენია და თავსაც აღწევდა იქაურო-

ბას. ის ვილაც ჭომელი კაცი აღმოჩენილა და „ბოროტმოქმედ“ ფაჩულიას დაუბარებია, იქნებ ბიძაჩემს ერმალო ქუთათელაძეს უთხრა, რა დღეშიც ვარო.

ორი საათის შემდეგ კი ის ნანატრი ფრაზაც გაისმა:

— ფაჩულია, ს ვეშამი!

ერთი კვირა არ ელაპარაკებოდა დედა.

ახლა ფიქრობს, რომ კიდევ იოლად გადარჩა, რადგან სულ ემუქრებოდა:

— რამე ცუდს თუ ჩაიდნენ, თქვენზე ხელს ავილებ, არ ვამხელ, რომ ჩემი შვილები ხართ, მე ქუთათელაძე ვარ და ფაჩულიად არავინ მიცნობსო.

და შვილებიც ცდილობდნენ, როგორ არ ცდილობდნენ, მაგრამ სტუდენტობაში მცხოვრები ახალგაზრდა კაცის ამბავიც ხომ მოგეხსენებათ.

აი, რა უნდა გექნა ერთად რომ შეიკრიბებოდნენ ხოლმე თვითონ, ბერნარდ ნებერიძე, რობერტ მნაცაკანიანი... და რეზო გაბრიაძეც დაადგებოდათ თავზე.

რა და... ჩაგებარებინა ცარიელი ბოთლები, გეყიდა სავსეები და...

ისეთი ტკბილი იყო ის „ჩაჯდომა“ მეგობრებთან ერთად.

ერთხელაც ასე გამოსულან სტუდენტობიდან ნასვამები. ვაკის პარკის გვერდით რომ მაღალი სახლია, მაშინ იწყებდნენ სწორედ მშენებლობას, ფუნდამენტიც გაეთხარათ და გზიდან 5-6 მეტრი იქნებოდა სიღრმე.

— მოდი, გადავხტეთ, — უთქვამს რეზოს და... გადამხტარა.

კიდევ გადამხტარა და კიდევ დამხტარა უფნებლად — რბილი თუ იყო მიწა. საერთო მეგობარიც უკან მიჰყოლია, მაგრამ აი, კარლოს ჯერი რომ დამდგარა, ერთხანს უზომია თვალთ მანძილი, მერე, ვერ გეტყვით, სიმაღლის შიში იყო თუ დედის სიტყვები ნამოჰგონებია, მაგრამ გადახტომაზე უარი კი უთქვამს.

ერთი წელი უცხოვრია სტუდენტობაში. მერე იქიდანაც წამოსულა — მაშინ თუ გულისსწორის მეგობრების დაპატიჟებაში ეხარჯებოდა ფული, ახლა სასადილოში მარტო სადილობა ერიდებოდა, სულ ვილაცას იახლებდა ხოლმე თანამეინახედ და რამდენიმე დღის გემრიელად სადილობის შემდეგ ისევ მშვიდი რჩებოდა.

პირველი წიგნი რომ გააფორმა და გამოიცა კიდევ, გულისფანცვლით შეუძენია და მაღაზიიდან გამოსულს თავისი ქართულის მასწავლებელი, შუქურა ლომიძე შეხვედრია — აი, ის, წლების წინათ „პირველი ნაბიჯის“ ილუსტრაციები რომ დაახატვინა და კიდევ დააინტერესა ამ უანრით.

— შუქურა მასწავლებლო, აი, ეს წიგნი ჩემი ილუსტრირებულია, — უთქვამს და გაუნოვებია. ოღონდ ეგ იყო, მისი სახელი და გვარი წიგნს არ ეწერა, რადგან თარგმანი გახლდათ. მას მხოლოდ დედნის ილუსტრაციათა ასლები შეესრულებინა და ქართული გამოცემის ყდაზეც ორიგინალთა ავტორი იყო მინიშნებული.

— ამდენი წელი გავიდა, მე კი, როცა ეს ამბავი მახსენდება, სულ მერიდება, ვაითუ იფიქრა, რომ მოვატყუეო.

მაშინ კი...

მაშინ იმაზე ოცნებობდა, როდის იქნება, ჩემი სახელი და გვარიც რომ დაენერება, გადაშლი წიგნს, ნაიკითხავ: მხატვარი — კარლო ფაჩულია, და ასახსნილიც აღარაფერი მექნებაო.

ასეთი წარწერა კი მერე ბევრ (300-ზე მეტ) წიგნსა თუ უამრავ ცალკეულ ნაწარმოებს დაამშვენებს, ქართულსაც და უცხოურსაც, თარგმნილსაც და ორიგინალსაც. რომელი ერთი ავტორი ჩამოვთვალოთ, ქართველიც და არაქართველიც: გალაკტიონ ტაბიძე, გიორგი ლეონიძე, ვაჟა-ფშაველა, ნიკოლოზ ბარათაშვილი, ალექსანდრე ყაზბეგი, ნიკო ლორთქიფანიძე, თამაზ ბიბილური, იაკობ ხუცესი, ილია ჭავჭავაძე, აკაკი წერეთელი, ოთარ და როსტომ ჩხეიძეები, ემზარ კვიციანიძე, ვანო ჩხიკვაძე, არჩილ სულაკაური, ვახტანგ ქელიძე, ოთარ და თამაზ ჭილაძეები, რევაზ ინანიძე, ნუგზარ შატაიძე... შექსპირი, ჯეკ ლონდონი,

გაბრიელ გარსია მარკესი, ხორხე ლუის ბორხესი, მარგარეტ იურსენარი, ფრიდრიხ დიურენმატი, თომას ბერშიდი, პლუტარქე, ერიკ ემანუელ შმიტი, უილიამ საროიანი, პიერ ლაგერკვისტი, ედუარდ ჰელი, ედგარ ალან პო, ვალენტინ რასპუტინი, ჩარლზ დიკენსი, ჯერომ სელინჯერი... და ჩამოთვლისას თვითონაც რომ აერევა ხოლმე სათვალავი, იმასაც დასძენს:

— ნეტა ყველა კეთილი ოცნება ასე კეთილად გვისრულდებოდესო.

მის ერთ-ერთ პერსონალურ გამოფენაზე, ქუთაისში რომ გაიმართა, ვილაცას უკითხავს:

— სულ ებრაელებს რომ ხატავ, ქართველებმა რა დაგიშავესო.

აბა, რა ექნა, თუკი ქუთაისში მცხოვრები ებრაელები ისეთ სახასიათო პერსონაჟებად ჩანერილიყვნენ ქალაქის ცხოვრებაში, რომ სწორედ მათკენ მიუწვევდა გული.

აი, მაგალითად, ებრაელი ბიჭი რაფო ფიჩხაძე, სულით ავადმყოფი, ძალიან დიდი ტუჩები რომ ჰქონდა და ქუჩაში მიმავალს „რაფო ვარდოს!“ ძახილით აედევნებოდნენ ხოლმე ბავშვები.

ორი ძმა ჰყოლია რაფოს, ორივე ექიმი. ჰოდა, წაუყვანიათ ფსიქიატრიულ საავადმყოფოში.

ერთხელაც თბილისიდან ჩასულან შესამონმებლად, ქალაქკომის მდივანი ნაჰყოლია სტუმრებს. იქ მისულს უცვინია რაფო და უკითხავს:

— როგორ ხარ, რაფო, აბა რას იტყვი, ხომ კარგი პირობებია აქ?

იმას კი... გაუღიმიდა, იმ თავისი დიდი ტუჩებით გაუღიმიდა და:

— კი, დაგენაცვლე, კაი პირობებია ძაან, ამოიყვანე ცოლ-შვილი ერთი-ორი კვირით დასასვენებლადო.

ბესიონა-ბუხარა დიდი, უფრო სწორად, მაღალი ქუდით დადიოდა ქალაქში.

ხავა კომიო, მოხუცი ებრაელი ქალი, მთელი დღის განმავლობაში სარეცხს რეცხავდა და თან მუდმივად ვილაცას ეჩხუბებოდა, ვილაცას „მარხავდა“ და ლანძღავდა.

რიკრიკას, მოხუც ებრაელს, ცოტა რომ „ვერ იყო“, სულ ბავშვები დასდევდნენ უკან და აბრაზებდნენ, ისიც დადიოდა ქუჩებში, ხელში პატარა ქვა ეჭირა მათ მოსაგერიებლად და აშინებდა, სროლით კი არაფრით არ ესროდა.

მაღალი, ხორცსავსე ლუბა ყოველ საღამოს თავის ძაღლს ფრანცისკას დაასეირნებდა, შინ კი პატარა, ჩია ქმარი ელოდებოდა მის მზრუნველობას.

ბორის გაპონოვს, „ვეფხისტყაოსნის“ მთარგმნელს, წლების შემდეგ მთელი მსოფლიო გაიცნობს, მაშინ კი ერთი ჩვეულებრივი ებრაელი ბიჭი იყო, ქართული რეალობის ნაწილად ქცეული და ქუთაისთან შესისხლხორცებული...

და კარლო ფაჩულიაც ხატავდა და ხატავდა... ფოტოგრაფსაც და მეკურტნესაც, „პონჩიკების“ გამყიდველსაც და ხახამსაც, ისინკა მეკურტნესაც და ქუთაისელი ბიჭების ახდენილ სურვილსაც — ფუმფულა ფამფორას თავის ფისოსთან ერთად, შუმანა სავარცხლების გამყიდველსაც, აბრამკა, მოზე და ხაიმ დამკვერელებსაც და ჩახნიასაც, გოგოებს უკან რომ დასდევდა და ეხვეწებოდა:

— დევიჩკა, პადარი მნე ულიბკუო.

ხატავდა იმიტომ, რომ გამორჩეულად ჩანერილიყვნენ ქალაქის ცხოვრებაში, თავიანთი ფერსა და სხივს მატებდნენ ქუთაისს, თორემ იმაზე მაშინ სულაც არ უფიქრია, რომ გავიდოდა დრო და მისი პატარა ქალაქი სულაც აღარ იქნებოდა ასეთი, ეს ადამიანებიც, მაშინ ყოველდღე რომ ხედავდა, უკანმოუხედავად მიმავალ დროს გაჰყვებოდნენ უსასრულობაში და დააკლდებოდნენ, ძალიან დააკლდებოდნენ ქალაქს, სამაგიეროდ კი ქართული მხატვრობის ნაწილად ქცეულ ნიმუშებზე იპოვნდნენ ყველასთვის სანატრელ მარადიულობას, იმ ნახატებზე, ახლა სიამაყით რომ ვათვალისწინებთ კარლო ფაჩულიას პერსონალურ გამოფენებზე.

აი, იმ კარლო ფაჩულიასი, ვისაც აგერ უკვე რამდენი ხანია თითქმის ყოველდღე ვხედავ და თითქმის ყოველდღე მიფიქრია, რომ ასეთი ადამიანების გვერდით ცხოვრება ნამდვილი ღვთის საჩუქარია.

და დროდადრო ნაამბობი მისი ისტორიები ახლა იმიტომ ვიამბებთ, რომ მათ თვითკმარი ღირებულების გარდა — ბიოგრა-

ფია ხელოვანისა, რომელიც დარჩება ქართულ მხატვრობის ისტორიას — ის მნიშვნელობაც აქვს, რომ ერთი პატარა ქვეყნის პატარა ქალაქის ისტორიაცაა, თავისი პერსონაჟებით — ცნობილითა თუ უცნობით, მაგრამ სახასიათოდ რომ წარმოაჩენენ იმ ეპოქის, იმ სხვანაირი დროის, უკვე წარსულში დარჩენილი დროისა და გარემოს ფონსაც და თავისებურებებსაც.

გია ხოფერია

„მეჩეჩი“ მეჩეჩზე არ გარეყულა

ერთი ამბავი მოჰყოლია „მეჩეჩის“ გამოქვეყნებას. გამოუდგია თავი სიმონ ჩიქოვანს, „მნათობში“ დაუბეჭდავს ეს რომანი და გადაჰყვავს კიდევ - გაათავისუფლეს რედაქტორობიდან...

გასული საუკუნის 50-იანი წლების შუახანაა. მართალია ზოგიერთი რამ შეიცვალა, თითქოს მოღბა სახელმწიფო - დამსჯელი მანქანა, თითქოს მიეცა ადამიანს უფლება ცოტათი გვერდზე მიეხედა, საკუთარ ჭკუას დაყრდნობოდა (თუ ჰქონდა შემორჩენილი!), ოდნავ მაინც ეგრძნო თავისუფლება, მაგრამ მხოლოდ ოდნავ; ისევ ენერგიულად ხრჭიალებდნენ მაშინდელი სახელმწიფოს ანუ რუსეთის იმპერიის დაკბილული ბორბლები, ერთხელაც რომ გადაეველო ვინმესთვის, ნატამალი არ დარჩებოდა მისგან.

„მეჩეჩი“, როგორც ყველა რომანი ოთარ ჩხეიძისა, დიდ სატკივარს შეგვყვრის. გასაგებია, რომ მწერალი არ ერიდება ეპოქის ნამდვილი სურათის წარმოსახვას, ისიც ნათელია, რომ სიმართლის პირში მთქმელია, არავისა და არაფერს ერიდება, მაგრამ უპირველესად მაგარ მწერლურ თონეს ახურებს, დიდი თვალთახედვის მხატვარია. ხელში მოიგდება თუ არა სათქმელს, გახედ-გამოხედავს, გარანდავს და მთელ „ბრიგადას“ პერსონაჟებისას, თითოეულს თავის საქმეს ჩააბარებს. ისინიც გულდასმით „მუშაობენ“, გამოცალკევებულ-გამორჩეულები ხომ არიან და არიან, გამოყოფილ ფართს პირწმინდად ხომ ითვისებენ, ერთი ბენო ადგილიც არ რჩებათ გამოუყენებელი, ამასთანავე მთავარ ძარღვსაც არ წყდებინან, ყველანი მწერალს, პატრონს ემორჩილებიან და მისი ფიქრის იქით არ გადაიან.

არსად არ ჩქარობს ოთარ ჩხეიძე. სწორედ რომ მორგებულია მის ნიჭიერებასა და ნებისყოფაზე რომანის ჟანრი. ნელ-ნელა ითვინიერებს ყამირს, ნელ-ნელა, თანდათანობით ბარავს, ატრიალებს მიწას, შლის ბელტებს, აფხვიერებს და ასწორებს დამორჩილებულ მდელოს. თან ცალი თვალი ჩვენკენ, მკითხველისკენ აქვს, შეგიძლია თუ არა დაუდგე გვერდით, გონივრულად მიუყურადა. თუ მიჰყვები და აყურადებ, მაინც-დამაინც დიდი ხიერი არ დაგადგება, შენც მუშაობა მოგიწევს, შენც უნდა ჰბარო და თოხნო, შენც უნდა ისუნთქო იმ ჰაერით, რომანის დასაწერად გამოყოფილ დილა-საღამოს რომ სჭირდება. ნერვებიც უნდა მოითოკო, თვალებიც დაიკრილო, ხანგრძლივ შრომას რომ გაუძლო და რასაც შეხედავ თუ შეგახედებენ, გააჩიო და უნდა დარწმუნდე, მართლა ხედავ თუ არა.

სოფელ ჰალდეს ისტორიას კარგა ხანს უტრიალებს მწერალი და განსაკუთრებული ფიქრი არაა საჭირო, რატომ აკეთებს ამას ხელოვნების, სამეთუნეო ხელოვნების ბუდე თუ კერა ყოფილა მის სოფელი შუაგულ ქართლში, მტერსაც რომ სჭირდებოდა და მოყვარესაც, ერთიც აფასებდა და მეორეც. სოფელი კი არა, უფრო მეტი - ქალაქად ყოფილა დახელოვნებული. იქაურ ოსტატებს მართლაც ოსტატები ნაქეიბათ, შეუდარებელნი და უცხონი ყოფილან თავიანთ ხელქმნილობაში, საკვირველ ცოდნასა და იდუ-

მალეებს ატანდნენ თურმე თიხისაგან წარმოქმნილ საოცარ ნივთს, მზერას რომ ვერ მოწყვეტიდა და არც თვალი დაგედლებოდა. ისევ ვამბობ, როგორც ჩანს, ეს ჰალდე, უკანასკნელ ხანს სოფლად ქცეული და სულ ბოლოს — ნასოფლარი, ოდესღაც ხელოვანთა ქალაქი ყოფილა, პატარა, კლდეებში შეუყუჟული, მაგრამ პატივისცემი, მოსარიდებელი, დიდი ავტორიტეტის მქონე. ამჟამად ანუ რომანის დროს ჰალდეს განადგურებული და პატივყარილი ხედი, მიყრუებულ-მიუსაფარი გარემო უნებლიეთ გაგახსენებს ალექსანდრე ჭავჭავაძის „გოგჩას“ ან ნიკო ლორთქიფანიძის „დანგრეულ ბუდეებს“, გაგახსენებს და სევდაც შემოგანვება, მწერალი კი არა და არ სცილდება ამ ოდესღაც უნიკალურ სიმშვენიერეს სულისას, თიხისას, კაცისას, შემოქმედებითი ტკბობისას, ხელოვნების უკვდავებისას, არ სცილდება ჟამის უმკაცრესობას და მუხთლობას, ფიზიკურად რომ წაღვეს, გააცამტვერა იქაურობა, მაგრამ ვერაფერი მოუხერხა ხელოვნების მარადიულად ცოცხალ უჯრედებს, ზემოდან რომ დაჰყურებენ ეპოქათა სივრცეებს. ისინი ფოტოგრაფიული სიზუსტით ინახავენ ყველაფერს. ისინი აწვალბენ და ათამამებენ კიდევ მწერლის გონების ყურსა და თვალს, მომგონებლის როლი ითამაშოს, თანაც უტყუარის. ამ მომგონებლობა იცის ნამდვილი ცრემლი, რომლის გაკრთომაში ძალუმად ამოიკითხება მთავარი მიზანი „მეჩეჩის“ დაწერისა. ეს ცრემლი გამჭვირვალე ფარდაა. მასში შესანიშნავად ჩანს შორეული ჰალდე, სიმბოლო ჯადოქრული შემოქმედებისა, სიმბოლო უდიდესი ერთობისა და, ბოლობოლო, ადამიანის შესაძლებლობათა, ღირსებათა, ზნეობის, უარტახო ხელოვნების, თავისუფლების მომწესხველი სიმბოლო. ამ სურათებში მხოლოდ თიხის წარმოებისა და ოსტატობის განუმეორებლობის ბადეები არაა ჩახლართული, აქა დიდი წარსულის, უკეთესი გარდასული ეპოქების, ნამდვილი სახელმწიფოებრივი ნებელობის ექოები შეგროვებული. მიტომაც ვყოვნდებით იქ დიდხანს, მიტომაც ვერ ვაცილებთ იქაურობას თვალს.

თუნდაც მხოლოდ თიხის, მდინარე ჰალდურას სანაპიროდან მოტანილ-მონიკული თიხის გადაამუშავებასა და მისგან განუმეორებელი ღირებულების ჭურჭელზე იყოს საუბარი. თუნდაც! არც ესაა ცოტა. მართალია კარგა ხნის გაცილებული ვართ ჰალდური სიცოცხლის ეპოქას, მაგრამ მწერალი კიდევ ერთხელ უწყობს მას გამოსათხოვარ პანაშვიდს, კიდევ ერთხელ მიგვადებინებს გულს წინაპრის გულზე და, რაოდენ გასაოცარიც უნდა იყოს, კომუნისტური ავადმყოფობის სივრცეში საშუალებას აძლევს წარსულს მინისქვეშა ბიძგებივით შეგვანჯღღროს.

მაგრამ კომუნისტური მორალის ადამიანს წარსული არ გააჩნია. მას მხოლოდ ფიანდაზი ანწყო და ვარდებითმოხილი სამომავლო გზა აქვს. განვითარების ბუნებრივი კანონების უარყოფამ არა მხოლოდ მაშინდელი სახელმწიფო სისტემა შეაგდო მეჩეჩზე, არამედ მთელი საზოგადოება. ამ პროცესის გააზრება და აშკარაობა მოგვიანებით გახდა უფრო ნათელი. ოთარ ჩხეიძემ კი ბევრად ადრე გამოუტანა განაჩენი სიყალბის მექანიზმს, მწვალბელობას. „მეჩეჩის“ გმირები და ისინიც, რომლებმაც „ცხელ კვალზე“ გამოხატეს თავიანთი ძლივს შეკონინებული ბრალდებები ამ რომანის მიმართ, ისინიც, ვინც ავალბება ამ ბოროტბაცობიან „კრიტიკოსებს“ ბრტყლად გაეშალა მინებიანთა ენა და რასაც ჩასძახებდნენ, ის ამოეძახათ, ყველანი იყვნენ უკიდვანო „ზღვის შვილები“, მაგრამ ცურვით ვერსაით მიცურავდნენ.

ბევრი რამაა შენიღბული ამ რომანში. თიხაცა და მისი წარმოება, თუ კარგად დავეუკვირდებით, მალე გვერდზე დარჩება.

ოთარ ჩხეიძე არაა „ხურდაზე მომუშავე“ მწერალი. ჰალდეს ისტორია თავისთავად ერთ-ერთი გამართული თემაა ამ რომანში, მაგრამ იგი მაინც ქვეშაგებია, მძლავრად დაჰაიერებული ბალიშებით შემოწყობილი, რომანის სიღრმეში თანდათანობით შესვლისას რომ უნდა გასკდეს და უფრო ფართოდ გაგინათოს გონება. ასე რომ, ქვეტექსტური სამყარო მეტ რეზონანსს აძლევს „მეჩეჩი“, მეტი სიღრმით თუ სიღიადით წარმოაჩენს მისი დოლაბების გამოძახილს.



ამიტომაც, რომ „მეჩეჩის“ გმირები უმთავრესად რომანის პირველ სართულზე რჩებიან, ხოლო ძირითადი საქმე მეორე-მესამე სართულზე „ირჩევა“ (შეგვიძლია გავიხსენოთ მიხეილ ჯავახიშვილის „არსენა მარაბდელი“ ან „ჯავახო ხიზნები“ . ასეა იქაც: ერთი შეხედვით რაც ჩანს, დიდებულია, მაგრამ შემდგომ და შემდგომ შეხედვისას, ეპოქის კარდროგამასაც თუ წავიხსნათ, არ იქნება ის შეხედვები საკმარისი, არ ჩაეტევა ჩვენს თვალში იმ რომანებიდან ამოვარდნილი ღლავი თემები, სხვა თვალი გვჭირდება!) . რა თქმა უნდა, ამით არაფერი ფუჭდება. როგორც კოსმოსური ხომალდის ორბიტაზე გასასვლელად აუცილებელია სხვადასხვა საფეხურისა და სიძლიერის რაკეტული ძრავები, ისეთივე პრინციპითაა მოწყობილი ქვეშაირი მხატვრული ქმნილება. არც „მეჩეჩია“ გამონაკლისი. ამ რომანის პერსონაჟები გიგო, ირინე, ტასო, კოტე, გელა, ნიკა, ლადო, ირაკლი, ტატო ...მართალია, პირველხარისხოვანი საქმეებით არიან დაკავებული, საღალატო ანუ ნამდვილი მწერლური ხელწერითაა გამოჭედილ-გამოყვანილი მათი ურთიერთობები, ერთი კარგა მოზრდილი დრამაა წარმოდგენილი მათი ცხოვრებისა, რაც თავისთავად ღირს რომანად, მაგრამ გაცილებით მეტი მოცულობისაა ისევე ამ რომანში ჩანს ნიჟარისი ნიჟარა, რომლის ძლიერი მუხტიც ჭირვეული ეპოქის ნამდვილ სახეს ამოაფრქვევს.

განსაკუთრებით დამაფიქრებელია ის, რომ ხელოსანს ხელოსნობისთვის ვერ მოუცლია(გიგო), მხატვრობისთვის (ირინე),თავმჯდომარეს - თავმჯდომარეობისთვის (ლადო), მდივანს - მდივანობისთვის (ირაკლი), შეყვარებულს - სიყვარულისათვის (ტასო), ვერ მოუცლია თუ არ აცლიან! ყველას ხელს უშლის თავის ადგილზე არ ყოფნა, ყველას სხვაგან ექაჩებიან, სხვაგან მითითებულ ადგილისკენ, თავისი გზის აღმოჩენა და გაკვალვა დანაშაულად ითვლება. ადრე კიდევ უარესი იყო! რომანში მონიშნული დრო შედარებით მტკნარია, თორემ მაშინ გენახათ ყოველი სტრიქონიდან სისხლის დენა. თუმცა დიდი გამყინვარების დასაცხრომად მაინცდამაინც არაფერი გაკეთებულა. ესეც თვალსაჩინო და უდავოა.

ხოლო ადამიანი, რომელიც თავის გზას ვერ ნახულობს ან უკრძალავენ თავისი გზით სიარულს, როგორც ამბობენ - თავგზააბნეულია. ასეთი ადამიანი უმართავი გემივითაა და იოლად შეჯდება მეჩეჩზე. საბჭოთა ყოფიერებისას მილიონობით ადამიანმა არ იცოდა, მეჩეჩზე რომ იყო გარიყული, და ამიტომაც ბედნიერად გრძობდა თავს, არხეინად მიყვებოდა დინებას. ძალიან დაძმობილდნენ ნამგალი და ურო...ჩვენი „მეჩეჩის“ საზოგადოება, შეიძლება ითქვას, პირველი, ჯერ კიდევ ახალგაზღვრებული და, ამდენად, ნაკლებ აქტიური, თუმცა სინამდვილის თვალეზში ჩამხედავი, მიხვედრილი საზოგადოებაა. ამიტომაც ედგმება რომანს მეორე სართული, ამიტომაც ლებულობს პოლიტიკურ-ოპოზიციურ შეფერილობას და ეს ხდება მაშინ, როცა ამ კომპოზიტის მნიშვნელობა საბჭოთა მოქალაქეთა აბსოლუტურმა უმრავლესობამ არც იცოდა. მიცურავდა გემი და უკან მიჰყვებოდა მილიონობით ლიფსიტა.

იდეოლოგიები და მათ შორის კომუნისტურიც გარკვეული ხანგრძლივობით წარმატებული იყო. ყველანი კომუნიზმის საერთო საბანს ელოდნენ ახლო მომავალში და მეჩეჩის არსებობა აზრდაც არ მოსდიოდათ. მაშინ კი არა, ორმოცდაათი წლებ-

ში, დღესაც არცთუ იშვიათად შეხვდებით ადამიანებს, მეჩეჩზე რომ არიან გარიყული და ვერ გრძობენ. დიდი საშინელებაა ეს მეჩეჩი! მასზე გარჩენის საშიშროება ყოველთვისაა, ყოველნაირი სახელმწიფოებრიობისას, რაც უნდა მაღალი ხარისხის დემოკრატიულობა იყოს, მაინცაა. მეჩეჩი თვით დემოკრატიულობაცაა თავისი ნაირგვარი ფსევდოფორმებით...

ეს ამბებიც კარგადაა მიგნებულ-გამოკვლეული...

ისევ რომანთან მიბრუნება მსურს. „მეჩეჩი“ ვერ შეაყენეს მეჩეჩზე. რაც უფრო მეტად ლანძღავდნენ მას, მკითხველიც იმატებდა, იმატებდა და კარგად ხვდებოდნენ, ოფიციალის შემოტევიანი წყლის ნაყვა რომ იყო. იქნებ ოფიციალიც, ის ცნობილი მწერლებიც ფიქრობდნენ, მათ მიერ აყენებული მტვერი მალე რომ გაიფანტებოდა, მღუმარედ მდგარი „დასჯილის“ გონებაში გამალებით რომ ტრიალებდა ბურღი, ხვალ ან ზეგ თავის გვირაბს მაინც რომ გაბურღავდა, მაინც აანთებდა თავის სინათლეს. მაგრამ „პოლიტიკა“ იყო ისეთი და ისინიც, ერთი-ორის გარდა, მართლაც ზერეულედ ნაყავდნენ შეჩვეულ წყალს. ისინი ბოლომდე დარჩნენ „გრიმა ბიძიბად“, მხოლოდ სოციალისტური რეალიზმის ერთგული ძაღლების როლს თამაშობდნენ. ჩემს თაობასაც ახსოვს მათი სატელევიზიო ყეფა, თავჩაღუნულნი შეუსვენებელივ რომ თქელფუნდნენ „მომაჯადოებელ“ სიტყვებს.

ერთიც , გულანდობა-ვაჟაკობისთვის არ შერჩა „მეჩეჩი“ მეჩეჩზე და, მეორეც - ნატიფი სიტყვიერების გამოც. ოთარ ჩხეიძე ნამდვილადაა იმ რამდენიმე რჩეულთაგან რჩეული, ვინაც იგრძნო სიტყვის ღვთიური ძალა. ამ ძალამ ახლადმიგნებული წყარო-ბინუღივით იფეთქა მის გულში, ამოვიდა და ამოიშაქრა, ამოიტანა ტოტების სიმწვანესთან ერთად, ფესვების თვალთანადობა და კუნთები, ამოიტანა, ამოაგრიალა ახალი ხმა, მანამდე მოუნიშნავი, მანამდე ჩაუნერავ-შეუნახავი, ჟამი-ჟამად სივრცედ მომფრინავ-მოსიარულე, ამოიგრიალა ამ ხმამ, გადაწვდა მტერ-მოყვარულე. გალალდა მოყვარე, გაღიზიანდა მტერი, თოკივით დაიხვია ეს ხმა ხელზე, წარამარა აყვედრიდა მის პატრონს ხელოვნურობას.

არადა, მართლა წყაროსავით მოდის, მორაკაკებს „მეჩეჩის“ წყობილობა, სხვებისაც, სხვა რომანებისაც. წინა საუკუნის დანაღმულ ბილიკებზე ფხვის მოკიდება არც ენობრივი სიდარბაისლით შეიძლებოდა დაუყვედრებლად. თურმე ოთარ ჩხეიძე საერთოდ ვერ ფლობდა სალიტერატურო ქართულს, ისიცაა და მისი პერსონაჟებიც ერთი ენით, ერთი ლექსიკით ლაპარაკობდნენ და ცოდვასაც იღებდნენ.

ოცზე მეტ რომანში აქვს ასეთი ცოდვა მწერალს, არც მოთხრობებსა და პუბლიცისტურ ნერილებში „გალიტერატურებულა“ და ვინდა დაენევა მას, ამდენი ცოდვით სავსეს.

გასაგებია, რომ ახლის მიღება - დამკვიდრება ძნელია. საზოგადოება უცებ ვერ აღიქვამს ახალ ხედვას, ახალ გემოვნებას, ახალ ხელწერას და, საერთოდ, ახალს, მანამდე მიუჩვეველს, მიუყურადებელს. მაგრამ ოთარ ჩხეიძე ასეთი რთული ბარიერის შემქმნელი არ ყოფილა თანამედროვეობისათვის. იგი ხალხს, სოფელ-ქვეყანას თავის ენაზე ესაუბრებოდა და თავისივე ენით უჩვენებდა, სად წასულყო, როგორ წასულიყო. ეს ენა შორეული აკვნიდან წამოსული ენაა, წმინდა ქართული სისხლია და მისი დავინყება არ ეგებოდა. რალაცდაგვარად ისიც ჰალდური ისტორიის მქონეა, უკანასკნელ ეპოქებში გავერანების საშიშროება რომ შეყრია, უცხოურით, მოდურით რომ „ალიტერატურებენ“, ფხაჭნიან და ასისხლიანებენ. მწერალმა „მიაგნო“ თავანკარა ღვინოენით სავსე ჭურს, კრძალვით მოხადა თავი და ამ ენით მოახსენა წუთისოფელს სატიკვარი. ამ ენის დიდ მუსიკალურობა-ჟღერადობასთან

ერთად აჩვენა მისი მოქნილობა, იოლად დამყოლობა, არ დატოვა დროდაჟამში მონანავე ერთი ბგერაც კი, ყველა გამოიხმო, ყველანი „დაასაქმა“, ყველა ჩააბუდა მწერლურ მელოდიაში. გაჭირდება მეორე მწერლის დასახელება, ამდენი რძე რომ დაედინოს ენისათვის, ამდენად მიახლოებოდეს ეროვნული სინამდვილისა და ტრადიციების ღრმა ოკეანეს. სულაც არ მიფიქრია ამ განცხადებით სხვა რჩეულთა ჩრდილში მოქცევა. მადლობა ღმერთს, გასაოცარი ნიჭით არაერთი მწერალი გვიბოძა, ენა რომ „არ უგვალავთ“, ისეთი, მაგრამ ქმნადობით, მრავალმხრივი მელოდიურობით, ფიგურალური სიმდიდრით, ვირტუოზული მშენებლობით ოთარ ჩხვიძის ენას მეტი სინედლე, მეტი მშობლიურობა, მეტი რძე მოედინება.

რა თქმა უნდა მწერლის ყველა ეს დამსახურება „მეჩქის“ ვერ დაბრალდება. თუმცა მისი ენობრივ-მხატვრული მოხაზულობა, დალაგებული ფერები, ზედმიწევნითი სინათლე, ზოგჯერ ნატურალიზმამდე დასული ფოტოგრაფირება და კიდევ ბევრი რამ ესთეტიკის მაძიებელ მკითხველს არაერთი დაუვიწყარი კადრით მოამზადებს.

შთაბეჭდავი გულისხმიერებითა და სინანულითაა გამოძერწილი რომანის პირველივე გვერდები. განსაკუთრებით გადაღვს თანამედროვეობის უმადურობა თუ ზერელობა, რომ არავის უნდა გუნდიათთ ქიტოს საიდუმლოს ეზიაროს. ძალზედ გაუბრალოებული, გამინიერებული, ესთეტიკურისაგან დაცლილი თანამედროვეობა: „...დიხაზც, ხარხარებდა თიხაი ქიტოს ხელში, ნარნარი, მომზიბლავი, გამოსდიოდა ყველაფერი, - სურა, თასი, ლარნაკი, ამფორა, ლანგარი, მრავალგვარი, მრავალსახისა, სასმისები - ყოველგვარი ჭინჭილიდან მარნამდე, ყველაფერი ეშხი ჰქონდა, ყველაფერი მომზიბლავი იყო“, - გვაუწყებს მწერალი, მაგრამ ნაბოლარა ხელოსნები ერთი თუ აზლუქუნდებოდნენ ქიტოს ოსტატობის გახსენებაზე, ერთი თუ ამოიკვნესებდნენ და მაინც თავიანთი იაფფასიანობით გაჰქონდათ თავი, არავის სურდა ძველი საიდუმლოსათვის ჩაეხედა თვალეში, დამორჩილებოდა დიდ ხელოვნებას, მეორე თუ მეხუთეხარისხოვანი თიხით ძერწავდნენ სხვადასხვა ნივთებს და „არც ანაღვლებდათ იგი განთქმული ჩანჩქერის თიხაი, მართლაც რო საოცარი, ფიქალივით რო ამოდიოდა წყებანყებადა, იმსხვეოდა, ხელში იმსხვეოდა, იფშვნიტებოდა, მტვერდებოდა, მტვერდებოდა, ცოტა წყალსა ემარობდა, ნებოვებოდა, საოცრად ნებოვებოდა, ოლონდ ხელს არ ედებოდა, ცურავდა, სლიკინებდა, სრიალებდა თევზივითა“. მეტი რა უნდა ქნას, რაგვარად გითხრას მწერალმა, გიჩვენოს სულამოცლილი დროის გასაჭირი, დროისა ზოგადად, თორემ კაცს, ადამიანს აქვს აკრძალული წარსულისკენ გახედვა, რობოტადაა ქცეული, კაპიკია მისი აზროვნების ფასი.

ამ ამონაწერში თითქმის მხოლოდ ზმნებია ერთიმეორეს მიყოლებით განლაგებული, მხოლოდ ზმნებია ერთმანეთზე მიწყობილი, მაგრამ თითოეული სიტყვა თანდათანობითი სიძლიერით გვაუწყებს მწერლის გულის ხმას, თავისუფლად სუნთქავს წინადადება, ყოველი პაუზა-შესვენება ახალი სურათით იტვირთება, ახალს უფრო ახალი მოსდევს და ასე აგელანდებიან ერთი, მეორე, მესამე, მეოთხე... აგელანდებიან და არ გლღიან, არ გაშორებენ ტექსტის შინაარსს.

აქაც ასევეა, რაღა შორს წავიდეთ: „როგორღაც ისე მოხდა, ერთად ჩაქრნენ გუნდიათთ ქიტო და უკანასკნელი ქურაი, ერთად გამოელიათ ნიათი, ერთად ამოერთვათ სულიცა, იმ ბოლო ქურის ერთადერთი დამტირებელი ქიტო გახლდათ, ასე წავიდა ღრმა სინანულითა, დარდითა და ვარამითა... ასევე სინანულით მიკანკალებდა, მიცახცახებდა, მიფრუტუნებდა, მილასლასებდა ხოლმე ნაქურალებზე, ჩქროლვით, თრთოლვით მიაჩერდებოდა ჩამქრალ ქურებსა ანუ ქურათა სასაფლაოსა, სარკეს ყოფნა-არყოფნისა, სიკვდილ-სიცოცხლისა, გაჩენა-გარდაცვალებისა, სასაფლაოსა, რომელიც იზრდებოდა, როგორც ყველა სასაფლაო, მაგრამ დასრულდა მისი ზრდა, დამთავრდა სიკვდილი ამ სასაფლაოზე, ჩაქრა უკანასკნელი ქურაი, უკანასკნელი ჭირისუფალიცა“.

ორივენი ერთად არიან: თქმაცა და მხატვრობაც, გაფიქრებაც და წარმოსახვაც, ამბავიცა და მისი გახშიანებაც, იკვეთება გულისამომჭმელი ვითარება, ხასიათი, განწყობა, განსჯა, შეფასება, დასკვნა. აი, თუნდაც: „განძ-სამკაული, ნახატი თუ ნაქანდაკევი წარუტაცნიათ, იავარუქმნიათ, თავიანთი ალო აუღიათ საუკუნეთაცა, დამაშრულა, დაბზარულა ტინიცა, გაპობილა კლდე-დარბაზები, წინამხარე ჩამონგრევია ვარძიასა, თუმცა ბედი მაინც ჰქონია, მიეპატრონნენ, იცავენ რამ დაარჩენილა, როგორც გაენყობათ, ისე იცავენ, უფლისციხეს ამდენიც რომ არ ჰქონდა, უფლისციხესა, ამ კლდექალაქსა, ვეება ქალაქსა, უფლისციხესა-მეთქი, ჰა, რა ეშველება უფლისციხესა. ამ ბუმბერაზ, საარაკო ქმნილებასა, რა დაიფარავს დაუდეგარ სტიქიონთაგან. რა იხსნის უმოწყალო განადგურებისგანა, ნუთუ თუნუქის ის პატარა ნაჭერი, რაზედაც კაი ბიჭობა გეთქმით თუ ამოიკითხავთ, აღრიცხულია, დაცულია, გაფუჭება აკრძალულია?! ნუთუ ეს იხსნის, ნუთუ ალუვისათ ისეთი ძალია, ქარსა და ნამქერს, წვიმასა და ნიაღვარს გადაელობს?! ამდენი მოვალეობა რად დაუკისრებიოთ იმ მოყვანული თუნუქისთვინა, ეგებ უბრალო თუნუქი კი არა, სვეტიცხოველია?! - ვინ იცის, ვინ უწყის. ეს ყველამ იცის, ინგრევა უფლისციხე, თვალდათვალ, ჩვენ თვალწინ იშლება ნამთები ამ საოცარი კლდექალაქისა. ვერავისზე გაუჭრია ძალას ძელიცხოველისა. ვერც ბუნებაზე, ვერც პირუტყვებზე, ერთად მოქმედებენ, ერთნაირი თავგამოდებით იღვწიან...“

მგონი, მოყვანილ ტექსტში კარგად იგრძნობა, თუ როგორ შეუძლია სიტყვას თანდათან გახურება-გავარვარება, სწორედ რომ ქურბიდან ახალგამოღებულს ჰგავს თითოეული და მანამდე ხვედრით მიძიმე ურო, სანამ ორპირად არ გაიბასრებიან.

„მეჩქის“ პირველი თავიდანაა მოხმობილი ეს ამონაწერი. ესენი და კიდევ სხვანი და ყველანი ერთად რამდენჯერმე მოითხოვენ გულდასმით ნაკითხვას, რამდენჯერმე ჩაგვახედებენ ჰალდეს, უფლისციხისა და ვარძიის გამოსრულ თვალეში და იქვე მდგარი მწერალი უბრალო მესიტორიე-მემატიანედ კი არ წარმოგვიდგება, არამედ დანგრეული, თავზე დამხობილი, ჭერჩამოქცეული ქვეყნის მგლოვიარე ჭირისუფლად.

ყველა გვერდსა და თავს, ბუნებრივია, ვერ გამოვეკიდებით, შორს წავალთ ძალიან, მთლიანად ხომ ვერ გამოვწვეთ რომანს, იმის შიშიც არსებობს, რომელს გინდა დაარქვა გვერდასავლელი და მაგრად იდგე, ყველგან „მოსიტყვახვავიანებულობა“.

ამჯერად რომანის 272-ე გვერდი მომყვა (მხედველობაში მაქვს „მეჩქის“ 2012 წლის გამოცემა ალექსანდრე ორბელიანის საზოგადოების თაოსნობით). ერთი ფრაგმენტი მაქვს ამონიშნული, ლადოს, კოლმეურნეობის ყოფილი თავმჯდომარის თითქოსდა წინაინფარქტულ შემზადებას რომ გვაუწყებს. საკვირველადაა ნაკითხული განწირული კაცის გამოწვირობობა, მისი მსხვერპლად შეწირვის (ცერემონია: „და თავი აიღო ლადომა, მხრები შეიბერტყა, მოსამართლესა და მსაჯულებს გაუყარა თვალი. ვითომ რაო, რის ცუდადა, რა ცუდადა, რის გადადება, ყველაფერი რიგზეა, ბარემ დავიწყოთ. ჰო, თვალი გაუყარა და რიხი აგრძნობინა, ოლონდ იმათ აგრძნობინა რიხი, მაგრამ თვითონ გაუწყდა მკაფიობის ზოლი თვალშია, ყველაფერი გაუზუნდოვანდა, პირველყოვლისა სასამართლოს მაგიდასთან გაქრნენ ადამიანები, ჩამოეკიდნენ მუყაოს რალაც-რალაც გამოსახულებანი, მკლავებს იქნევდნენ, თავს არაცრაცებდნენ, საცრისოდენა თვალეებს დააჭყეტდნენ, დიდ, ლურჯ ტუჩებს დააპჩენდნენ, სისხლიან ენებს გამოყოფდნენ, ხან ცალ-ცალკე, ხან წყვილ-წყვილად, ხან ერთადა, იმის მიხედვითა, თუ როგორ გამოსწევდნენ ბანრებსა, სათითაოდ რო გამოებათ ყველა ნაწილზედა. ჰოდა გადმოყრიდნენ სისხლიან ენებსა ან თითქოს ალს ამოაფრქვევდნენ პირიდანა, უმაღვე გადაჰყლაპავდნენ, ცეცხლს გადაჰყლაპავდნენ და დააჭყეტდნენ თვალეებსა, უშნო, უბირ, უაზრო თვალეებსა...“

სასამართლო პროცესზე გასვლა იქნებ არამდროს იყოს სასამოვნო, მაგრამ როცა ამგვარი მოჩვენებები დაგენყება,

უკუღმართადაა გადამწყვეტილი შენი საქმე და ისიც მართალია, ზღაპრულ-ფანტასტიკური ვირუსები რომ შეგეყაროს.

პოლიტიკურად რომ არასაიმედო სიტყვა იყო ეს რომანი, არ ვედავებით „საქმის გარჩევით“ დაქიჩმაჩებულ მწერლებს, მაგრამ ბუნდოვანება და კროსვორდული ფრაზები სად ნახეს, საკვირველია. შეიძლება მე ცუდად ვეძებ და ვერ ვპოულობ, ანდა რატომ უნდა ვეძიო ბუნდოვანება, როცა არსად არ შემინიშნავს მსგავსი რამ?

„მეჩეჩი“ მნიფე რომანია. ყველაფერი მნიფეა აქ: სიტყვაც, წინადადებაც, სათქმელიცა და შემსრულებელიც, ყველა თავის საქმეს აკეთებს, ყველაფერს აქვს ის ძალ-ღონე, ქვეყნის ასაფორიაქებლად რომაა საკმარისი, დინების სანინააღმდეგოდ რომ გაცუროს. მწერალი კარგად გრძნობს, სანამდე შეიძლება აღვირის მიშვება.

„მეჩეჩი“ ერთ-ერთი პირველი მოვლენათაგანია ჩვენს მწერლობაში, ყინულმჭრელის როლი რომ იკისრა, პირველი „ყამირელები“ რომ გადმოისროლა ხანგრძლივი ხმის ჩახშობიდან. მართალია, ისინი მეჩეჩზე აღმოჩნდნენ, ადგილზე მოუწიათ მინის ტყეპნა, ვერ ამოძრავდნენ, მაგრამ არც გულში ჩაუკლიათ სათქმელი. დასამახსოვრებელი თავგადასავალი აქვთ რომანის გმირებს და ფინალშიც ღირსეულად გვემშვიდობებიან. გავისხენოთ ირინეს, ლადოს, ირაკლისა და გიგოს ერთად ყოფნა. იწყებს ირინე:

„...დიახ, მხოლოდ მოგონებაა ჩემი მხატვრობა ან ეგებ დიდი ხნის წინათ ნანახი სიზმარია. თუცა რაც იყო, იყო, აღარ არის, მე მეჩეჩს გამოვედე, მეჩეჩზე შევჩი. მიდის დიდი მდინარე ხელოვნებისა, ტალღა ტალღას მისდევს, ხან მეც მომანყვება ტალღები, მაგრამ მაინც ვერ მოვუწყვეტნივარ ამ მეჩეჩიდანა.

— მეჩეჩიდანა?! — მოწონებით შესძახა ირაკლიმა

— მეჩეჩიდანა...

— მეჩეჩიდანა, — ისევ მოწონებით გაიმეორა ირაკლიმა,

— მეჩეჩი, მეჩეჩზე... წელან, იქ სწორედ ასეთი რამის თქმა მიწოდდა, მიწოდდა და ვერ მივაგენი. ასეა, სწორედ ასეა, მეჩეჩზე, მეჩეჩზე ვარ...

— მეცა...-დაატანა ლადომამ.

— ყველანი მეჩეჩზე ვართ, — დააბოლავა გიგომამ, აუღელვებლად, დინჯად დააბოლოვა.

თითქოს ჯავრი გამოწვდებოდა. ასე იყო თუ ისე, გიგო აღარ ახირებულა და სიტყვამაც გაიწია, უფრო განგანა. გიგო რა იყო და იმანაც შეძლო სიტყვის დაბორკილება, სხვები რალას იზამდნენ, სხვები, რომელთაც ძალაც შესწევდათ, ცნობიერებაცა? რალას არ იზამდნენ, ვაი სიტყვასა უგუნურებისა და ფანატიზმის სიმძიმის ქვეშა!.. მაგრამ ბევრჯერ გაუძლია უგუნურობისა, შემოილობისა თუ უბრალოდ, სიგიჟისთვისა, ბევრჯერ თავი გამოუტანია უკუღმართობაში, მაშ არც ისე უსასო ყოფილა, მაშ შესაცოდინც არაფერი ჰქონია სიტყვასა. ოღონდ მაინც როგორი სიტყვა უნდა ჰქონოდათ, რაში გამოადგებოდათ იქ, მეჩეჩზე, თუ მართლა მეჩეჩზე მოხვედრილიყვენ? სიტყვით მხოლოდ სულს მოითქვამდნენ. მაშ რაო, სიტყვა არც ისეთი ძალა იყო, მეჩეჩიდან დაეცურებინა, დიდი მდინარეებისათვის მიეცა ისინი, ესენი თუ ისინი, ვინც უნდა ყოფილიყვენ“.

ამ რომანზე კიდევ კარგა ხანს შეიძლება საუბარი. არაერთი ჯვების გადალახვა მოგვინევს, ვიდრე ყველაფერს გავი-აზრებთ, თავის ადგილს მოვიჩვენებთ. ეს ჯვებები იგივე სცენები-ბია, იგივე სურათები რომანის გმირთა ბიოგრაფიიდან, მწერალი „დაუზოგავად“ ხატავს თითოეულს, დიდ „შავ“ სამუშაოს ასრულებს ბალავერისა და პირველი სართულის ასაშენებლად, დანარჩენი სართულები თვითონვე ამოილანდებინან. ვგრძნობთ მწერლის სიხარულს, განუწყვეტელ სიტყვათმობიარობას გრძელ ტრასას თანმიმყოლი ბილიკური ხვავრიელობით და ჩვენც ვივსებით სიტყვით, ვიძირებით რომანში.

ამ განწყობაზე ასეთად მოვიდა „მეჩეჩი“. ვნახოთ, რას გვა-უნყებს შემდეგი განწყობა ანუ გარკვეული დრო-ჟამის შემდეგ ამ რომანის ხელახლა ნაკითხვა.

ბატონო როსტომ, მოგეხსენებათ, შექმნა საკუთარი განუმეორებელი სამყარო და თანაც ხელოვნების სხვადასხვა სფეროში (კინემატოგრაფი, პოეზია, მხატვრობა), მხოლოდ გენიოსებს ხელუნიფებათ.

ბატონ რეზო ესაძის სტუდენტი ვახლდით და მხვდა ბედნიერება მისი არაჩვეულებრივი ლექციების თანამონაწილე ვყოფილიყავი. ღმერთი სულიერების ზღაპრულ კარს უღებდა თავის რჩეულს და ჩვენც მოკრძალებით დავყვებოდით ბატონ რეზოს არაჩვეულებრივი ფერების გამოფენაზე, სადაც ის გვიქმნიდა საოცარ სივრცეს, რათა ხელოვნებით ვყოფილიყავით აღმატებულნი (ვნანობ, რომ ლექციებს არ ვინერდი). ეს იყო ძლიერი ფილოსოფიური აზრისა და იმპროვიზაციის ზეიმი.


სულ რამდენიმე დღის წინათ ბატონი რეზო ესაძე მწერალთა სახლში მივიწვიეთ კრებულის „წმინდა ნინო ქართულ პოეზიაში“ წარდგენაზე — კრებულში მისი ლექსიცაა დაბეჭდილი. ბატონმა რეზომ წარმოთქვა სიტყვა, რომელიც მარგალიტის ნამცეცხვით წმინდა და სუფთაა. არ მინდა ეს სიტყვაც დაიკარგოს.

ბატონ რეზოს ეს ნააზრევი გამოსაქვეყნებლად მხოლოდ „ჩვენი მწერლობისთვის“ გვემეტება, რადგანაც ამ ჟურნალში ქართველ მამულიშვილთა უამრავი ასეთი სიტყვა-მარგალიტი გამოქვეყნებულა.

ლია დაუშვილი

ქრისტიანული პოეზიის ფესტივალის „წმინდა ნინოს ჯვარი“ საორგანიზაციო კომიტეტის თავმჯდომარე

შინაგანად ვინერ პირჯვარს



არ ვიცი რა ვთქვა. ასეთი უცოდინარი არასდროს ვყოფილვარ. სავსე ვარ იმ განცდით, იმ სინმინდით, იმ ფანტასტიკური უშუალობით, რომელიც არის თქვენსა, აი ამ კედლებსა და ჩვენს შორის.

მე არ ვიცი ამაზე უფრო სასიქადულო და მნიშვნელოვანი სივრცე. ბავშვივით ვდგავარ თქვენს წინაშე ეს მოხუცი კაცი და შინაგანად ვინერ პირჯვარს. პირჯვრისწერით ვარ სუფთა. ეს დიდებული საქართველოს სივრცეა და ძალიან განვიცდი. სხვა ადგილას უფრო გაბედულად ვიქნებოდი. აქ ისე ვარ, როგორც პატარა ბავშვი, მონაფე, რომელსაც მოფერება უნდა.

დიდება ქართულ სიტყვას, დიდება ქართულ აზრს და ჭეშმარიტ ქართულ სულის სიმალღეს.

სალოცავში, თითქოს არაფრის წინაშე, მუხლზე დაემხო, ის არაფერი კი სავსეა ყველაფრით.

დიდება იმ პატარა გოგოს, რომელმაც პირჯვარი გადაგვწერა. დიდება იმ განცდას, იმ სისუფთავეს, რომელიც გვენატრება, რომელიც საქართველოს ენატრება.

რეზო ესაძე

როსტომ ჩხეიძე

მარტოობის სევდის პოეზია

(ვასილ კიკნაძის გამოთხოვა მოგონებებთან)

რუსთაველის თეატრის დირექტორის ადგილი რომ მოიცვლიდა, ერთბაშად ბევრი მოსურნე გამოიჭრებოდა ასპარეზზე, და შეფიქრიანდებოდა აკაკი დვალიშვილი, მითუმეტეს, რომ ძლიერი მოცილე გამოუჩნდებოდა, კულტურის მინისტრის თანადგომით შეგულიანებული.

და შესწივლებდა ვასილ კიკნაძეს, იმჟამად განყოფილების გამგეს კულტურის სამინისტროში; კარგი კი იქნებოდა დავბრუნებოდა თეატრს, ეგებ ჩემს პროფესიასაც დავბრუნებოდი.

ამას გაუკვირდებოდა, ნეტა რატომ უნდა ყოფილიყო მინისტრი აკაკი დვალიშვილის კანდიდატურის წინააღმდეგი და მომხრე იმ პიროვნებისა, ვისაც საერთოდ არ გაეგებოდა თეატრი და პრემიერებზეც კი ვერ ნახავდით.

— სად შენ და სად ის, — გულის გაკეთებას შეეცდებოდა. მაგრამ... რეალობა არ ეთანხმებოდა ვასილ კიკნაძის გულისწყრომას, და თანამოსაუბრესაც უკვე ხელი ჩაეჭინა.

ეს გადაწყვეტდა თვითონ ხლებოდა მინისტრს და მოლაპარაკებოდა, მასთან ერთად აენონ-დაენონა ორივე კანდიდატურა, ერთმანეთთან შეუთანასწორებელი, და დაერწმუნებინა უკეთესი თეატრალური ცხოვრების მოწადინე პიროვნება აკაკი დვალიშვილის გადირექტორების აუცილებლობაში.

მინისტრი თავს გამოიდებდა: კაკო ჩემი მეგობარიაო.

მაშ... რაღა უშლიდა ხელს იმის დანიშვნას?

და ახლაც ხელებს რატომ გაასავსავებდა: მანდ კაკოს გამვება არაფერი არ შეიძლებაო?

თურმე ადვილად კი არ გადაეწყვიტა, საკმაოდ გულდასმით გაეთვალისწინებინა ყველაფერი და ახლა მთხოვნელს ასეთ პასუხს მიაგებებდა:

— კაკომ ძალიან კარგად იცის თეატრი და მუშაობა გაუჭირდება. იმან კი სულ არაფერი იცის თეატრისა და მისთვის ადვილი იქნება მუშაობა.

ვასილ კიკნაძე გაოცებული შეხედავდა ოთარ თაქთაქიშვილს. არ ელოდა საკითხის ასე უცნაურად შემოტრიალებას.

თუმც რაღაცას კი იგრძობდა და მოგვიანებით ლიტერატურულ ფორმულადაც ჩამოაყალიბებდა:

— ასეთ პარადოქსებში დიდი სიმართლეა ხოლმე.

ლიტერატურულ ფორმულად ავტობიოგრაფიულ თხზულებაში „გამოთხოვა მოგონებებთან“.

ვასილ კიკნაძეს — თეატრალურ კრიტიკოსსა და მკვლევარს — ბელეტრისტიული უნარის გამჭლავნება შეაქმნევიანებდა ბიოგრაფიულ რომანს სანდრო ახმეტელზე.

და ახლა მემუარების ჟამიც დაუდგებოდა, ავტობიოგრაფიული რომანის დანერგვას რომ უკარნახებდა.

როდესაც გურამ ბათიაშვილი შეაგულიანებდა საამისოდ და წიგნად გამოცემამდე „თეატრი და ცხოვრებისათვის“ შეიპირებდა პირველი პუბლიკაციისათვის, ისე გამოვიდოდა, ჩიტი რომ ნარზე ზის და ხელის აქნევასღა ელოდება.

არადა, ის მდიდარი ცხოვრებისეული გამოცდილება, თეატრალური კულტურების ღრმა და ყოველმხრივი ცოდნა, მის თვალწინ ჩავლილი უამრავი პერსონაჟი მართლაც ცოცხალი იქნებოდა დასაკარგავად... ისიც კი მნიშვნელოვანი იქნებოდა, მარტოდენ ცნობებსაც რომ მოეყარა თავი... და ახლა წარმოიდგინეთ ამ მემუარების დოკუმენტური ღირებულება, როდესაც

თხრობა ბელეტრისტიული ხელოვნებითაც გაშლიდა და იმ პირთვინელობითაც, ამ ჟანრს რაც მოეთხოვება, მაგრამ, სამწუხაროდ, ყველა მემუარისტს არა ჰყოფნის პატიოსნება თუ გამბედაობა ავტობიოგრაფიული რომანის კანონების დასაცავად.

ხოლო კომპოზიციური ქარგა ასოციაციურ პრინციპზე აიგება თუ ქრონოლოგიურ თანმიმდევრობაზე, ეს უკვე თხრობის მხატვრული თავისებურებაა და შედარებით ნაკლებმნიშვნელოვანი.

ისე ვასილ კიკნაძისათვის თხრობის ასოციაციური პრინციპი უფრო მახლობელი აღმოჩნდებოდა. და, როგორც ნუგზარ მუზაშვილი მიიჩნევს რეცენზიაში „სუბიექტური ისტორია“ — მომგებიანიც. ეს რომ არა, ბევრი რამ, მათ შორის მნიშვნელოვანი დეტალიც, ალბათ ტექსტის მიღმა მოხვდებოდაო („ჩვენი მწერლობა“, 2006, 17 თებერვალი).

და თუ რაიმე დარჩებოდა დაფარული ამ მემუარებში, ის ტკივილები, რაც ავტორისათვის ცხოვრებას ანუ ადამიანებს ერგუნებინათ სრულიად უსამართლოდ, დაფარული დარჩებოდა იმ მოსაზრებით: ადამიანი თვით თავის თავში ატარებს ტრაგიკულ სანყისს და ამიტომაც ბევრი რამ უნდა მივუტყვევოთო.

აი, სახელწოდება კი მართლაც უცნაური შეერჩია — არა „მოგონებანი“, არამედ „გამოთხოვა მოგონებებთან“, და ის ოდნავი ირონია და ოდნავი სევდა, რაც სათაურში მჭლავნდებოდა, შთაგონებულიყო სადღაც ამოკითხული ფრაზით:

— მოვა დრო და ყველანი დაგივინყებენ შენ და ყველას დაივინყებ შენც!

ამჯობინებდა, გაეიდუმალებინა მარკუს ავრელიუსის სახელი, რათა მეტი განზოგადება მიენიჭებინა ბრძენკაცისა და იმპერატორის ამ შეგონებისათვის, მძაფრი დრამატიზმით რომ განმსჭვალულიყო და გაგრძობინებდა აჩქარებისა და მოსწრების აუცილებლობას, ძვირფას წამთა გადარჩენის ვალდებულებას.

ყველას დაივინყებ შენცო...

ეს ხომ უკვე აღსასრული გახლდათ... მაგრამ ვასილ კიკნაძე საგანგებოდ ჩაუკვირდებოდა ზეზეულად კვდომის პროცესს, როდესაც თანდათანობით იწყებ სხვათა დავინყებას: შორს დარჩენილ ბავშვობისა და სიჭაბუკის დღეებთან ერთად ასობით ადამიანის სახისაც.

— ჩემი ასაკის ადამიანები უკვე იწყებენ მოგონებებთან თანდათანობით განშორებას. ის დროც მოვა, როცა მეც დავივინყებ ყველას...

და იმ დროის მოსვლამდე კი დაე გამოთხოვებოდა მოგონებებს და ავტობიოგრაფიული რომანის ყდაში ჩაებინავებინა ის ხელშესახებიც და ის აუხსნელიც და იდუმალიც, კაცის ცხოვრება რასაც ჰქვია — სიზმრებიანად, თითქოს წინასწარ რომ გაფრთხილებს ხოლმე. და, ამდენად, ბიოგრაფიის გარეგნული მდინარის სრულყოფილიანი და განუყოფელი ნაწილია.

ეს წინასწარი გაფრთხილება ვასილ კიკნაძესაც არაერთხელ ეგრძნო, მაგრამ... არაფრის შეცვლა რომ არ შეეძლო?! ცხოვრება სიზმრისთვისაც გაუიგივებიათ?

ამასაც ყოველთვის მოსწონდა ეს მეტაფორა, ოღონდ ახლა ამ აღქმას ის ფიქრიც ჩაეჭრებოდა: როს გავიღვიძებთ, მერე რაღა იქნებო?...?

ბინდისფერი სოფელი უფრო და უფრო რომ ბინდდება, ამ „უფრო და უფრო დაბინდების“ ციაგი დაადგებოდა ირგვლივ ყოველივეს და... დაიწყებოდა თანდათანობითი გამოთხოვა მოგონებებთან, ფიქრი წარსულიდან ერთიერთმანეთზე რომ ამოჰყრიდა გარდასული ხანის სურათებს და... სად ეცადა მათი ქრონოლოგიური დალაგება-მონესრიგებისათვის, დაე ისე წარმართულიყო თხრობა, მესხიერება როგორც კარნახობდა.

მთავარია, მიუკერძოებლობა შეინარჩუნო როგორც სხვათა, ისე საკუთარი თავის მიმართ. და ამ მხრივ ნუგზარ მუზაშვილი ამ ავტობიოგრაფიულ რომანს ერთ-ერთ იშვიათ გამოწაკლისად მიიჩნევდა ჩვენს კულტურულ სივრცეში: პოზიორობითა და ნარცისიზმით დაღლილ და სისადავეს მონატრე-

ბულ მკითხველს ეს გარემოება ალბათ განსაკუთრებით მოხიბლავს. და აღნიშნავდა თხრობის იმ მხარესაც, რომ საკუთარი თავის მიმართ უკომპრომისოდ განწყობილი ავტორი ცდილობდა სხვათა მიმართ გაცილებით რბილი და თავშეკავებული ყოფილიყო.

შეიძლება ცოტა მეტ პილიპლს უფრო სკანდალურად საინტერესო გაეხადა ეს მემუარები?

მაგრამ...

— ეს უკვე სულ სხვა ავტორის სულ სხვა წიგნი იქნებოდა.

და გადმოცემებსა და დოკუმენტურ მასალებს გულმოდგინედ რომ აგროვებდა ქართული თეატრის ისტორიის ირგვლივ — არამარტო სანდრო ახმეტელის ცხოვრება-მოღვაწეობისა — ახლა თავის მხრივაც უნდა დაეტოვებინა დოკუმენტური ცნობები ყველასთვის, ვისაც აღელვებდა ქართული კულტურისა და საზოგადოებრივი მოწყობის ბედი და მდინარების სიღრმეში ჩასახედად დაისაჭიროებდა იმ ეპოქის სურათებსა და ნიუანსებსაც, ვასილ კიკნაძე რასაც მოგვითხრობდა ჩვეული ენაწყლიანობით — ნაწერშიც არანაკლები სილაღითა და ექსპრესიით, ვიდრე პირადი საუბრებისას, ლექციებისას თუ საჯარო გამოსვლებისას, ერთი მსახიობის თეატრალურად რომ შეუძლია გადააქციოს იმ წუთას ტრიბუნა და ვეებერთელა აუდიტორიები ისე აიყოლიოს, როგორც ერთი კაცი.

ნაწერშიც არანაკლები სილაღითა და ექსპრესიით...

თორემ, მოგეხსენებათ, ხშირად სრულიად დაშორიობრები აერთიანებდა ზეპირმეტყველებისა და წერის უნარი — ენაწყლიანობითაც, ლოგიკურობითაც, იუმორითაც... საამისო ნიმუში აგერ, ამ ავტობიოგრაფიულ რომანშიც გაიღვლებს კარლო კალაძის სახით, იშვიათი გონებამახვილობის კაცისა ზეპირსიტყვაობისას, მაგრამ კალამს მოჰკიდებდა თუ არა ხელს, იუმორი სადღაც ეკარგებოდა. მისი კომედიები ვერავის აცინებდა და პრემიერისთანავე ჩამოდიოდა სცენიდან. „ნიანგის“ რედაქტორად დანიშნავდნენ და... ჟურნალის იუმორი ერთბაშად სადღაც გაქრებოდა. „საბჭოთა ხელოვნების“ რედაქტორობისას იუმორი არა სჭირდებოდა, მაგრამ ნომრის გამოსვლას კი თავს ვერა და ვერ მოაბამდა და ცენტრალური კომიტეტის ბიუროზე რომ მოხსნიდნენ, პირველი მდივანი ვასილ მჭავანაძე ერთგვარად მაინც მოუბოდიშებდა მწერალსინეკურს და გათავისუფლების მიზეზს ასე განუმარტავდა: იმიტომ კი არა გხსნი, რომ ცუდად იმუშავე, სანყენი ის არის, რომ ჟურნალისათვის გამოყოფილი ჰონორარი ნაარფი ინტელიგენციას. მთავრობა კარგ ჰონორარს იმიტომ აძლევს ჟურნალს, რომ ამ გზით ეხმარება ინტელიგენციას. რამდენი წერილი დაიბეჭდებოდა. ხალხი თავისი შრომის საფასურს მიიღებდა, შენ კი იზარმაცყო!..

მემუარების ავტორი მიიჩნევს, რომ ვასილ მჭავანაძემ ჭკვიანურად შეაფასა ჟურნალის გამოუსვლელიობა.

კარლო კალაძე გულს იმით მოიოხებდა, რომ ერთხელაც, ორთაჭალის რესტორანში ქეიფისას, ვასილ კიკნაძის სადღეგრძელოს რომ შესვამდა, ერთ მაკვარანცხულსაც ჩაურთავდა:

— ვასილ მჭავანაძეს რომ მოხსნიან, ვასოსავით დაკიკნდება.

ამისთანები?.. და კიდევ უფრო ეფექტურებიც?..

მაგრამ რად გინდა — მისი კომედიები შემთხვევით თუ ჩაგვიარდებათ ხელთ, გეგონებათ, რომ ავტორს არამცთუ იუმორის ნასახიც არ გააჩნდა, სხვის ხუმრობაზეც არ შეეძლო გაცილება.

მემუარისტი მისი კალამბურებისა და მახვილსიტყვაობის შემგროვებლად ვერ დადგებოდა, თუმც კიდევ ერთ მოხდენილ ხუმრობას კი გაიხსენებდა. მაიაკოვსკის დღეები საზეიმო ბან-



კეტი რომ დაგვირგვინდებოდა, სტუმრებს ორ ოთახში გადაანაწილებდნენ — ერთში, უფრო საპატიოში, ცენტრალური კომიტეტის მდივანს დევი სტურუას, მწერალთა კავშირის თავმჯდომარეს ირაკლი აბაშიძესა და სხვა ბობოლებს მიიპატიუებდნენ, მეორეში — უფრო ნაკლები რანგისათ. კარლო კალაძე, წესითა და რიგით, იმ პირველ ოთახში უნდა მოხვედრილიყო, მაგრამ რატომღაც აქეთ აღმოჩნდებოდა — მართალია თამამად, მაგრამ პატივმოყვარეობა მაინც შეელახებოდა. თუმც იხტიბარს არ გაიტეხდა და მთელ ქეიფს იმ პირველი სუფრის ქილიკში ჩაატარებდა, ამ სადღეგრძელოთი დაგვირგვინებულს:

— ჩვენი პერიფერიული სუფრა ესალმება თქვენს პერიფერიულ სუფრას.

სახალისო, ზოგჯერ სულაც კომიკური ეპიზოდები თუ პასაჟები არ აკლია ამ ავტობიოგრაფიული რომანის თხრობას, იუმორისტულ

განწყობილებაში ნახევრადსერიოზული მსჯელობაც რომ უნდა შემოიჭრას და დრამატულმა ამბებმაც არაერთხელ მწვავედ და დაუნდობლად იჩინოს თავი — აბა, რისი თეატრალური კულუარებია, უამისოდ რომ ჩაიაროს სიუჟეტმა ანდა შემსუბუქებული სახით წარმოგვიდგეს, თითქოსდა თეატრში სამოთხე და ჯოჯოხეთი მართლაც გვერდიგვერდ არ თანაარსებობდეს.

დრამატულ მოვლენებს უმეტესწილად უმადურობა წარმართავდა, ხშირ შემთხვევაში საზოგადოებრივ მნიშვნელობასაც რომ იძენდა, თორემ პირად წყენებს, უსამართლო მოპყრობის ნიმუშებს რა განვებოდა.

თუნდაც ამა თუ იმ პიროვნების ცხოვრებაში.

თვითონ მემუარისტიც აცხადებს: თითქმის ყველა ნაკლს მივუტყვებ ადამიანს, უმადურობას კი — ვერა, ყველაზე ხშირად ვინწვნიე მისი სიმწარე და ამიტომაც მას ყველაზე მეტად განვიცდიო.

თორემ აკი გაეფრთხილებინა კიდევ თეატრალური ინსტიტუტის სამეცნიერო დარგის პროექტორს შოთა გაბელაიას: გუშინ თითქმის მთელი დღე ვიჯექი შენს კაბინეტში და ერთ დღეში შვიდ ადამიანს დაეხმარე სხვადასხვა საქმეზე. ასეთი სიკეთე ვერც შენ მოგიტანს სიხარულს და ვერც ის იქნება მადლიერი, ვისაც ეხმარებო.

თუ შეგიძლია ადამიანს დაეხმარო, აბა, სხვაგვარად როგორ უნდა მოიქცე?

თურმე:

— მას ეგონება, რომ შენთვის ძალიან ადვილია, რასაც უკეთებ. შენთვის არაფერიც არ არის და, ბოლოსდაბოლოს, რატომ უნდა დაგიმადლოს? ასე მსუბუქად, იოლად თუ კეთდება საქმე, ერთს კი არა, ათასს მოგთხოვს, — მერე, აბა, გაბედე და თუნდაც ერთი თხოვნა არ შეუსრულო, — დაგმედურება, იტყვის, უბრალო რამე არ გამიკეთაო. ცხოვრებაში იმდენ უმადურობას შეხვდები, რომ ბევრჯერ გეტკინება გული. ტკივილის მიზეზი კი ისევ შენ იქნები.

მაგრამ თუკი ყოველთვის სიკეთის ქმნისაყენ მიგიწევს გული?

ჰქენი სიკეთეო, — შეაგონებდა შოთა გაბელაია, — მაგრამ მან უნდა იგრძნოს, რომ სიკეთის გაკეთება ცუდის გაკეთებაზე ბევრად უფრო ძნელიაო.

და დასძინდა: სიბერეს ჩაგიმწარებს ეგ შენი სიკეთე! მანამ ადამიანებს სჭირდებათ, ვერ იგრძნობ, მაგრამ როცა საჭირო აღარ იქნები, საშინელი განცდები გექნება, როცა სიკეთეს დაივიწყებენო.

ასე როგორ უნდა ზომო სიკეთე? — გუნება ნაუხდებოდა ვასილ კიკნაძეს.

და არაერთხელ რომ მოაგონდებოდა შოთა გაბელაიას შეგონება, მწუხარედ გაიფიქრებდა: წუთისოფლისა მას გაეგე-

ბა, თუ გაეგება, მაგრამ მეც რა ვქნა, ხასიათს ხომ ვერ შევიცვლილი!..

არადა, ველარ აუცილოდა გულისტკენას, როდესაც ამისთანა შემთხვევები თავზე დაეყრებოდა.

ერთი რეჟისორის თხოვნას გაითვალისწინებდა და ერთ-ერთ აბიტურიენტს დაეხმარებოდა. სტუდენტი მადლობასაც არ ეტყოდა. დაამთავრებდა ინსტიტუტს და ისევ ეს მოაწყობდა პატარა ადგილას. მადლობას ისევ არ ეტყოდნენ ამ დახმარებისთვისაც. მერე თვითონ ის სთხოვდა თავის უახლოეს ადამიანზე დახმარებას — ეს კვლავ მზად აღმოჩნდებოდა ხელის ნასაშველებლად. ახლა მეორეზე სთხოვდა. ეს შეპირებით შეპირდებოდა, მაგრამ შეაგვიანდებოდა. ის ველარ მოითმენდა, გამოეცხადებოდა კაბინეტში და საყვედურებით აავსებდა: რატომ შეგაგვიანდათ? მე ხომ არ შემოძლია ამდენი გელოდოთ, ვენერვიულობო!..

— გაეთრიე! — ეს თავს ველარ დაიოკებდა და... წყალს გაატანდა ყველა იმ დახმარებას.

ისეთი შთაბეჭდილება გრჩება, თითქოს მარკ ტვენის ნოველის — „საქველმოქმედო ლიტერატურის შესახებ“ — დაკარგულ ფრაგმენტს ეცნობოდე. უმადურობა იმას ეწვინა თუ ეწვინა ათასგვარი სიკეთის საზღაურად და თავისი მწარე გულისტკივილი ამ სატირული ნოველისათვის მიენდო, განეზოგადებინა და ღრმა ფსიქოლოგიურ-ფილოსოფიური დაკვირვების საგნადაც ექცია, თუ როდენ უკუღმართად შეიძლება შემოგბრუნებოდა სიკეთე, ქველმოქმედება. ამისთვის კი სიკეთის ქმნის, ქველმოქმედების ცნობილ, ქრესტომათიულ სიუჟეტებს, მკითხველის აღტაცებასა და გულაჩუყებას რომ იწვევდა, „ხანგრძლივი კვლევა ძიებისა და თავაუღებელი მუშაობის შემდეგ“ რეალისტურ გაგრძელებას გამოუძებნიდა და... აღმოჩნდებოდა, რომ თურმე სინამდვილეში სავალალოდ მთავრდებოდა ყველაფერი.

სიკეთის მთესველნი თავში ხელს იცემდნენ და ნანობდნენ თავიანთ საქციელს.

და მარკ ტვენი თავისი „ღვთიური მისიის აღსრულებას“ ადამიანური ბუნების ამ მანკიერ მხარესა თუ თვისებაში ხედავდა.

ხშირ შემთხვევაში საზოგადოებრივ მნიშვნელობასაც რომ იძენდაო...

სანდრო ახმეტელის რეაბილიტაციისათვის ბრძოლა 1956 წლიდან რომ დაიწყო, მაშინ რუსთაველის თეატრში მასთან დაკავშირებული ათასი ჭორი, ტყუილი თუ მართალი აფუთფუთდებოდა, ვასილ კიკნაძეს ფანტაზიას გაუცხოველებდა და რალაც შეუცნობელ მითოსურ სამყაროში გადაიყვანდა და ღამეებს გაათენებდა იმაზე ფიქრით, რომ შეეძლო დაჩაგრული კაცისათვის ებრძოლა, კაცისათვის, ვინც ჯერაც „ხალხის მტრად“ რჩებოდა და ეს იყო მისი ადგილი თეატრალური ხელოვნებისა და საზოგადოებრივი ცხოვრების ისტორიაში.

და კიდევ გადაეჯაჭვებოდა მისი სახელი ტრაგიკულად აღსრულებული რეჟისორის სახელს — მისი შემოქმედებითი ღვაწლის აღდგენასა და საკადრისი ადგილის გამოძებნა-დამკვიდრებას ისტორიაში — გამუდმებული კვლევა-ძიებით, ათეულობით სტატიის გამოქვეყნებითა და სანდრო ახმეტელის ნაწერების შეგროვება-პუბლიკაციით.

მითუმეტეს:

— ახმეტელის რეაბილიტაცია ხდებოდა საბჭოთა სისტემაშივე, სადაც ნუთითაც ვერ დავივინყებდით იმ იდეოლოგიურ მოდელს, რომლის პირობებშიც ყალიბდებოდა ახმეტელის პოლიტიკური თეატრის ახალი ესთეტიკა. მდგომარეობას ისიც ართულებდა, რომ სანდრო ახმეტელი, ვიდრე რეჟისორი გახდებოდა, პოლიტიკური მოღვაწე იყო, ანუ „ანტიპარტიელი“, როგორც მას უწოდებდნენ საბჭოთა ხელისუფლების ჩამოყალიბებისთანავე. მან ხომ 1923 წლამდე არ დაშალა თავისი პარტია.

ყველაზე ძნელი მაინც ფსიქოლოგიური ბარიერის გადალახვა აღმოჩნდებოდა.

ვასილ კიკნაძეს ისეთი შთაბეჭდილება დარჩებოდა, თითქოს ამ სახელის დაბრუნების წინაშე ყველა შეშინდა — ბრალიანიც და უბრალოც... თითქოს მისი დამსახურება ვიღაც-ვიღაცებს გადაენანილებინათ და ახლა უკან დაბრუნება რომ მოუხდებოდათ, ამას ვერ ეგუებოდნენ. ...ზოგი იმას შიშობდა, რომ ცალკე კოტე მარჯანიშვილთან კონფლიქტიდან ამოტივტივდებოდა ბევრი რამ, ცალკე — აკაკი ხორავასა და აკაკი ვასაძესთან კონფლიქტიდან...

— ფსიქოლოგიური ფაქტორი ბევრად უფრო რთული საძიებელი აღმოჩნდა, ვიდრე დღეს ამის წარმოდგენა შეიძლება.

სანდრო ახმეტელზე საუბრის წამოწყება მემუარისტს იმდენ რაიმეს მოაგონებდა, მიხვდებოდა, ამ ყოველივეს ცალკე წიგნიც კი დასჭირდებოდა, მაგრამ ვიდრე ცალკე დაწერებოდა, დაე ამ ავტობიოგრაფიულ რომანშიც გამოხმობილიყო ცალკეული რეალია ზოგადი სურათის აღსაქმელად.

სანდრო ახმეტელისა და კოტე მარჯანიშვილის გვერდგვერდ მოხსენიება ისე გააგულისებდა ბესარიონ ჟღენტს, დაემუქრებოდა: ვასო, შენთვის ჯერ ვერ მოვიცალე, უნდა გაგაკრიტიკოო.

თეატრალური საზოგადოების ერთ-ერთ პლენუმზე ვერიკო ანჯაფარიძე დაესხმოდა თავს ახმეტელს და ვასილ კიკნაძე იძულებული გახდებოდა დაემარტოხელებინა აღიარებული მსახიობი და შეეხსენებინა: ვიცი, თქვენი და ახმეტელის კონფლიქტი ამხანაგურ სასამართლომდე რომ მივიდა და თქვენგან დაიწყო „ღურჯუის“ დაშლაო.

ის სიტყვას აღარ დაამთავრებინებდა, უეცრად შეიცვლებოდა, გარდაისახებოდა და საოცრად თბილი ღიმილი გადაუვლიდა სახეზე: ვინ ჩაგაკაკლა ეგ ამბები? სად წაიკითხე? ახმეტელის არქივი განა არსებობსო?

ამისთვის დოდო ანთაძეს გაეცნო საიდუმლოდ სასამართლოს სხდომის ოქმი, მაგრამ ხომ ვერ გაუმჟღავნებდა სახელოვან მსახიობს. მთავარია, რომ გააფრთხილებდა: თუ ახმეტელზე კიდევ იტყვი რაიმეს, ამ ამბავს საჯაროდ გამოვიტანო. მისი საქციელი შანტაჟს კი ნააგავდა, მაგრამ თავს იმით იმართლებდა, პირადი ინტერესისათვის ხომ არ ვმოქმედებდითო?

მაშინ ვერ აეხსნა დაპირისპირების ასეთი სიმწვავე — მარჯანიშვილის თეატრის ოთხი მსახიობი, რომლებიც კონფლიქტით წავიდოდნენ რუსთაველის თეატრიდან, ოც წელიწადს რუსთაველის თეატრში ფეხს აღარ შედგამდა, ხოლო კოტე მარჯანიშვილი და სანდრო ახმეტელი ისე დაილუპებოდნენ, 1926 წლის შემდეგ ერთმეორის წარმოდგენას აღარ ნახავდნენ.

მოგონებებში კი ამ ახსნას უძებნის, რომ ამგვარ საქციელს ქართული ხასიათის საშინელ სენთან აკავშირებს — რადიკალიზმსა და გაუგებარ გულგრილობასთან.

„შანტაჟი“ თავის ნაყოფს გამოიღებდა და ვერიკო ანჯაფარიძე ჩამოცილდებოდა სანდრო ახმეტელის სახელის აღდგენის გააფრთხილებლად მონიშნულ დევეტს.

სამაგიეროდ, რუსეთში წამოყოფდნენ თავს ამ „ნაციონალისტი ხალხის მტრის“ სამუდამოდ დასასამარებლად. პროფესორი გოიანი მოსკოვში სტატიას გამოაქვეყნებდა ახმეტელის წინააღმდეგ. ვასილ კიკნაძე საპასუხო წერილს გაამზადებდა და ლიტერატურული გაზეთის რედაქციას წარუდგენდა, კორექტურასაც წაიკითხავდა სტამბაში, მაგრამ... გადაშლიდა პარასკევის ნომერს და სტატია იქ არ დახვდებოდა!.. აღმოჩნდებოდა, რომ ბესო ჟღენტს, როგორც მწერალთა კავშირის მდივანს, თავისი გაველენა გამოეყენებინა და წერილი ამოგდებინებინა.

მიზეზის ძიებას ნაპყვებოდა განზილებული ავტორი და, როგორც გამოირკვეოდა, სანდრო ახმეტელს თავის დროზე ხელწერილი დაედებინებინა ბესო ჟღენტისათვის, რომ მის წინააღმდეგ არაფერს დაწერდა, და ამას ვერა და ვერ მოენელებინა ის ამბავი. თანაც, პოლიტიკური კონიუნქტურაც აქეთ უბიძგებდა და კონიუნქტურის მოთხოვნას, აბა, როგორ გადაუხვევდა.

გაგულისხმებული ვასილ კიკნაძე თეატრალური საზოგადოების პლენუმზე მკაცრად გააკრიტიკებდა ბესო ჟღენტს. და როდესაც ლიტერატურულ ცერებრს თეატრალური ინსტიტუტის დირექტორი ილია თავაძე გამოეყომაგებოდა („კიკნაძე და შვანგირაძე ჩვენი საზოგადოებიდან კოსტუმის ლილვებით უნდა მოწყვიტო და გადაისროლო“), არც მას შეეპუებოდა: თქვენი დრო წავიდაო, — და ისეთებსაც მიაყოლებდა, ის თავყრილობას მიატოვებდა.

ასეთ სიმკაცრეს იმიტომაც გამოიჩინდა, რომ ნიკა აგიაშვილისაგან სმენოდა, ილია თავაძემ ცუდი როლი შეასრულა ლადო ასათიანის პირველი წიგნის დაჭრასთან დაკავშირებით.

წურც იმას დაფარავთ, თუ ვინ და რატომ წააქეზა ილია თავაძე, რომ ცენტრალურ კომიტეტს გამომცემლობისათვის „წინაპრების“ მთელი ტირაჟის განადგურება ებრძანებინა — ირაკლი აბაშიძემ. ხოლო უარესი პოეტი უკეთესი პოეტის მოძულე თუ რატომ შეიძლება ვახდეს, ამის ახსნა უკვე აღარავის ესაჭიროება. ეს პოეტური შუღლი რომ არა და ცენტრალური კომიტეტის ამოყენება გვერდით პოლიტიკური ბეზლობის წყალობით: ლადო ასათიანის პოეტურ კრებულში ბელადებზე არცერთი ლექსი არ ჭაჭანებო, — ილია თავაძეს რა ჰქონდა გასაყოფი „სალალობის“ შემოქმედთან?!

ხოლო სანდრო ახმეტელის წინააღმდეგ ბრძოლას მოძულეთა ერთი ნაწილი კულისებში რომ წარმართავდა და მეორე ნაწილი — ახილად, მისი თაობიდან დამცველი არავინ გამოუჩნდებოდა. აკაკი ხორავა და აკაკი ვასაძე კრინტსაც რომ არა ძრავდნენ, მემუარისტი ამ გარემოებას ასე განგვიმარტავს: მათ ირგვლივ ცუდი ატმოსფერო სუფევდა. ხალხმა ერთმანეთში აურია 1935 წლის კონფლიქტი ახმეტელსა და ამ მსახიობებს შორის 1937 წლის ტრაგედიასთან, თითქოს 1937 წლის ტრაგედია 1935 წლის კონფლიქტის შედეგი ყოფილიყოსო.

მისი მტკიცებით:

— საქმე კი არ იყო ასე მარტივი და სწორხაზოვანი, მაგრამ მაშინ ყველაფერი ნათელი არ იყო.

ცდილობს ნამუსი მოწმინდოს სახელოვანი რეჟისორის უმცროს მემორებს — ორ სახელოვან მსახიობს, თუმც... რა ეშველება იმ დოკუმენტს, აკაკი ვასაძის განცხადებას, რომლის ერთი პასაჟიც დაბეჯითებით ირწმუნება, რომ იგი დაეხმარა პარტიას ხალხის მტრის — სანდრო ახმეტელის — გამოქვლავება-განადგურებაში?..

განცხადება დაინერგებოდა კომუნისტურ პარტიაში შესვლის სურვილით, ამ სწრაფვას კი ამაგრებდა ის დამსახურება ახალი რეჟიმის წინაშე, რომ:

“... ახმეტელი განაგრძობდა კორპორატიული მეთოდებით მუშაობას თეატრში და ახალი ფაშისტური წრე ჩამოაყალიბა ფარულად, რომელიც ც. კომიტეტის დახმარებით ჩემი და აკაკი ხორავას ერთაურობით, გამომჟღავნებული და განადგურებული იქმნა რუსთაველის თეატრში...” (საქართველოს თეატრის, კინოს, მუსიკისა და ქორეოგრაფიის სახელმწიფო მუზეუმის ხელნაწერთა ფონდი: ფ.1 საქმე 1236 ხ 210102/23495).

ეს დოკუმენტი საზოგადოებრივ მიმოქცევაში პირველად შემოვიდოდა ზვიად გამსახურდიას დისიდენტური ჟურნალის “საქართველოს მოამბე” (1976, №1) წყალობით, ოფიციალურად კი თამარ წულუკიძის მემუარების „მხოლოდ ერთი სიტყვა“ (1983) ფურცლებზე გამომჟღავნებოდა — რუსულ ენაზე.

ხოლო იმხანად ყველა რომ დანიხავდა, თუ რა რიგ თავდაუზოგავად იბრძოდა ვასილ კიკნაძე ისტორიიდან უსამართლოდ გაქვევებული რეჟისორის დასაბრუნებლად საზოგადოებრივ სინამდვილეში, წერილი წერილზე მოუვიდოდა — ზოგი აქებდა და მოითხოვდა, ემხილებინა ახმეტელის დამლუპველები, ზოგიც ემუქრებოდა. როდესაც იგრძნობდა, ძალიან გაჭირდება მიზნის მიღწევას, ის და ნინო შვანგირაძე მოიფიქრებდნენ, რომ ვასილ მუჟანაძემდე მიეტანათ ეს საკითხი. ნინო შვანგირაძე შორეულად ენათესავებოდა ცენტრალური კომიტეტის პირველ მდივანს, გარისკავდა, ეახლებოდა შინ და

ამცნობდა ყოველივეს, სანდრო ახმეტელის ირგვლივ რაც ხდებოდა. დაჯერებდა და ისიც ერთ-ერთ თათბირზე განაცხადებდა: ვინც ახმეტელს ებრძვის, ან სინდისი არა აქვს სუფთა და ან მისი დიდი სახელისა ეშინიაო.

რა გინდა, რა — იუბილის საქმე წინ ვერ წაინევდა!..

ასე გადაიკეცებოდა წლები.

ვასილ კიკნაძე სახელოვან რეჟისორზე გამოაქვეყნებდა ჯერ მარტო ხუთ წიგნს, თორემ სტატიას, მოხსენებას, რადიო და ტელეგამოსვლებს ვინ მოთვლის.

და, აი, მოაწვედა სანდრო ახმეტელის 100 წლის იუბილე.

ეს მოამზადებდა საჭირო დოკუმენტაციას მთავრობაში გასაგზავნად.

და კიდევ შეიქმნებოდა საიუბილეო კომისია საქართველოს კომუნისტური პარტიის დადგენილებით.

ვასილ კიკნაძის თავდადებულ ბრძოლას ბოლოსდაბოლოს გამოელო ნაყოფი.

ნაყოფი კი გამოელო, მაგრამ... საიუბილეო კომისიაში მას არ შეიყვანდნენ.

ნინო შვანგირაძესაც რომ არა, თავისთავად ცხადია.

მაშ ისინი ვილა იყვნენ, რომლებითაც დაეკომპლექტებინათ კომისია?

ვასილ კიკნაძე სიას რომ ჩაათვალიერებდა, ეს სიტყვები აღმოხდებოდა:

— ახმეტელის მოძულენი!

მათ ეგდოთ ხელთ იუბილის წარმართვა.

რაკილა ვერაფრისდიდებით ვერ მოეხერხებინათ ზეიმის ჩაშლა, მაშ კიდევ უნდა მიეტაცებინათ და გადაენაწილებინათ ვასილ კიკნაძის დამსახურება და, როგორც სჩვეოდათ, კვლავაც ნიღბებით მოვლენოდნენ ხალხსაც და ხელისუფლებასაც.

ეს გაოგნებული შეჰყურებდა ამ ფარსს და სახელი ვერ დაერქმია მის მიმართ ჩადენილი საქციელისათვის. საშინელ გულისტკივილს რომ განიცდიდა და ღამეები არ დაეძინებოდა, ადვილი მისახვედრია... და დაჟინებული ფიქრი ამ შეკითხვის ირგვლივ ინასკვებოდა: რატომ არიან ადამიანები ასეთი დაუნდობლები მკვდრებისა და ცოცხლების მიმართო? — და პასუხი კი ვერ ეპოვნა.

თუმც ეს რა გასაკვირია იმ ეპოქასა და გარემოში, სადაც პავლე ინგოროყვას მიგნებისა და ყოველგვარი წინასწარი მომზადების წყალობით გადაიხდებოდა შოთა რუსთაველის დაბადების 800 წლის იუბილე, თანაც საქართველოსა თუ საკავშირო კი არა, სულაც მსოფლიო მასშტაბით, ხოლო შთამაგონებელს არამცთუ არ გააკარებდნენ ზეიმს, ლაფგადასხმულს გაუშვებდნენ ასპარეზიდან.

ირაკლი აბაშიძეს ჰქონდა იმუამად ის გავლენა, ხელისუფლება ამოეყენებინა გვერდით და მათი მეოხებით გამოეძვეებინა პავლე ინგოროყვა რუსთაველური დღესასწაულიდან.

ამ ფონზე ამას რა, ლაფს მაინც არ შეასხამდნენ და ისტორიის გამყალბებლად მაინც არ გამოიყვანდნენ — მხოლოდ მიაყრუებდნენ მის დამსახურებას, ეგაა და ეგ.

ისევე, როგორც რუსთაველის თეატრის იუბილის გადახდისას.

ამ თეატრის დაარსების თარიღს ვისაც როგორ ენება, ისე წერდა, და ამიტომაც ხან 1920 წელი აღინიშნებოდა, ხან 1921, ხან 1924. არადა, ვასილ კიკნაძე დაიბეჯითებდა: 1879 წლიდან უნდა ვიანგარიშოთ, მუდმივი თეატრის შექმნიდანო, — და ამ მოსაზრებას დიმიტრი ჯანელიძეს გაუზიარებდა. ის დათანხმდებოდა და ორივე ცალ-ცალკე გამოაქვეყნებდა სტატიას ამ თემაზე „კომუნისტის“ ფურცლებზე. ოფიციალური უნდა ჩაერთოთ პროცესში, თუკი თარიღის დადგენას იუბილეს უნდა მოჰყოლოდა.

ამასობაში მემუარისტი ეროსი მანჯგალაძესაც მოეთათბირებოდა, ის აკაკი ბაქრაძესა და რობერტ სტურუასთან შეხვედრა-მოლაპარაკებას ურჩევდა. მათი მხარდაჭერის შემდეგ

კულტურის სამინისტროსაც მიადგებოდა. მოამზადებდა წერილს პირველი მდივნის ედუარდ შევარდნაძის სახელზე. რამდენიმე დღის მერე შეატყობინებდნენ, რომ ცენტრალური კომიტეტი ითხოვდა დამატებით განმარტებებს. ეს განმარტებანიც წარედგინებოდა მისივე ხელით. და კიდევ გადაწყდებოდა რუსთაველის თეატრის იუბილის გამართვა.

შეიქმნებოდა საიუბილეო კომისიაც და... ვასილ კიკნაძე მის წევრებს შორის არ აღმოჩნდებოდა!..

მის მიერ წამოწყებული და ორგანიზებული ზეიმის რიგით წევრადაც არ გარეგდნენ. იუბილისა, რომელიც უიმისოდ სრულიად უჩემრად ჩაივლიდა და კაციშვილს არ მოუვიდოდა აზრად, არამცთუ ორგანიზება გაენია.

და მემუარისტს ძალაუნებურად ახსენებოდა გურამ რჩეულიშვილის სიტყვები: თუ გინდა, რომ არ გეშინოდეს სიკვდილისა, ცხოვრებაში ხშირად უნდა შეხვედ მას, რათა შეეჩვიო.

და თავის მხრივ დასძენდა: ბევრჯერ შეგხვედრივარ სულს მოკვლას. ზოგს ჰგონია, რომ ადამიანები უცებ კვდებიან ან მკვლელობა მხოლოდ ტყვიით შეიძლება. უსამართლობა პიროვნების სულში ჯერ ერთ ნაწილს ჰკლავს, შემდეგ მეორეს, მესამეს და ასე ზეზეულად კვდებიან ადამიანები...

ეს სტრიქონი გადაძახილიცაა გახმაურებული სპექტაკლის სათაურსა და სულისკვეთებასთან: ხეები ზეზეულად კვდებიან!..

მეხსიერება ამოატივტივებდა ოთარ ეგაძის სილუეტს, ბრძოლების დიდი ოსტატისას, ადვილად ვერავინ ვერაფერს რომ უბედავდა, და მის რჩევას: თუ გინდა ცხოვრებაში არ დაიჩაგრო, ყოველთვის ეცადე გაღმა შეედავო, წინასწარ დასდო ბრალი. მათ კი იმართლონ თავი. შენი უნდა ეშინოდეთ და მაშინ ვერაფერს ვერ გაგიბედავენო.

გაღმა შედავებისა და დემაგოგიის ოსტატი თვით ედუარდ შევარდნაძეს არ დაეჩაგვრინებოდა, და ეს მაშინ, როდესაც ცენტრალური კომიტეტის პირველი მდივნის ბრძანება უსიტყვოდ სრულდებოდა. და, აი, იგი გამომცემლობა „ხელოვნების“ დირექტორობიდან გაათავისუფლებდა ოთარ ეგაძეს, ვინც ისარგებლებდა იმით, რომ ამ გამომცემლობაში მისი ხელქვეითი გახლდათ პირველი მდივნის ქალიშვილი მანანა შევარდნაძე. სასწრაფოდ მოხსნიდა სამსახურიდან წინა დღის რიცხვით მასაც და მის რამდენიმე მეგობარსაც და... კრემლში საჩივარს აფრენდა: ედუარდ შევარდნაძის შვილი გავათავისუფლე სამსახურიდან უდისციპლინობისათვის და მან კი პირადი შურისძიების მოტივით მომხსნა დირექტორობიდანო. და კიდევ მოვიდოდა იქიდან ბრძანება: აღადგინეთო!.. როგორც აქ სრულდებოდა უსიტყვოდ ედუარდ შევარდნაძის ბრძანებანი, ისე იგი გახლდათ სრული მორჩილი კრემლის განკარგულებებისა და... ოთარ ეგაძე დაუბრუნდებოდა თავის თანამდებობას.

შენი უნდა ეშინოდეთო...

თეორიულად ეს ყოველივე ვასილ კიკნაძესაც კარგად მოეხსენებოდა, მაგრამ... პრაქტიკულად? რა ელონა — ხასიათს ხომ ვერ შეიცვლიდა.

ამ იუბილედან დიდი დრო გავიდოდა და, აი, მოულოდნელად რობერტ სტურუა ერთ-ერთ ინტერვიუში — ისიც ჭიათურის გაზეთში და არა ცენტრალურ პრესაში — განაცხადებდა: რუსთაველის თეატრის დაარსების თარიღი არ ვიცოდი, ვიდრე ვასო კიკნაძემ არ გვითხრაო.

ხელოვნების გულახდილობა კარგაო, — მოუწონებდა მემუარისტი, თუმც ეს გულსტკივილიც როგორ დაეფარა: მაშინ რატომღა არ გაახსენდა, როდესაც იუბილე იმართებოდაო?

უსამართლობის დროს ადამიანში აკი რალაც კვდება...

სანდრო ახმეტელი და რუსთაველის თეატრის ისტორია ვასილ კიკნაძის ცხოვრების უდიდესი ნაწილი რომ გახლდათ, ეამაყებოდა, ორივეს რალაც ღვანლი ხომ დავდეთო... მაგრამ ამის აღიარება არავის სურდა — აგერ, მის თვალწინაც და მერე, ოდესმე ვილა გაიხსენებდა?..

ყოველთვის სხვები იტაცებდნენ, სხვები ისაკუთრებდნენ. ეგებ აღარც ღირდა თავის გადაკვლა საქვეყნო საქმეთათვის?!

მაგრამ რადგანაც კაცნი გვექვიან, შვილნი სოფლისაო!..

სხვათა შორის, რუსთაველის თეატრის იუბილესათვის აკაკი ბაქრაძე საგანგებოდ მოამზადებდა სიტყვას, რომლის ლიტერატურულ ვერსიასაც შეადგენდა „ხვალინდელი დღისათვის“, დაწერილს მისთვის ჩვეული სტილით — გარიდებოდა საიუბილეო ზეიმისათვის ნიშანდობლივ პანეგირიკულ ლაღადისს და თეატრის მოღვაწეობა შეეფასებინა ანალიტიკური სიღრმითა და განზოგადებულად. მისი გამოსვლა ამჯერადაც უნდა ყოფილიყო საქმიანი, შესაფერისი ისტორიული მოსახვევისათვის ჩვენს თეატრალურ ცხოვრებაში — რუსთაველის თეატრი ეთხოვებოდა ერთ საუკუნეს და იწყებდა მეორე ასწლეულს. ამიტომაც გაუჩნდებოდა ნადილი, სულ ცოტა ხნის წინათ ამ გარემოს ერთ-ერთ ხელმძღვანელს, ფხიზელი და სურვილების თვალთ შეეხედა ახალი საუკუნისათვის, რადგანაც მომავალში მიმავალ კაცს ჰორიზონტი ყოველთვის ღია და დაუწინაღავი უნდა ჰქონდეს.

მაგრამ ამ სიტყვას აკაკი ბაქრაძეს საიუბილეო ზეიმზე არავინ წარმოათქმევინებდა.

სიტყვის მიცემას ვილა ჩივის, საერთოდ არ მიინვევდნენ.

ესეც არაფერი — იუბილეზე გაკვირთაც არ მოიხსენიებდნენ მის ღვანლს თეატრის ბოლოდროინდელ თვალსაჩინო წარმატებებში.

და კიდევ უარესიც — თეატრზე გადაღებული ფილმიდანაც ამოჭრილი აღმოჩნდებოდა ის კადრები, სადაც იგი მოჩანდა.

იმასაც, ვინ მოთვლის, რამდენი მაგალითი შეეძლო გაეხსენებინა უმაღურობისა!.. სკეპსისამდე სხვა რა მიიყვანდა.

აქ კი, ვასილ კიკნაძე თავის მოგონებებს რომ ეთხოვებოდა: უმაღურობისა თუ უსამართლობის ამ ეპიზოდთა წამოგონებას ძალდაუტანებლად მოჰყვებოდა თავიდანვე წამოწყებული მსჯელობის, პირველი სტრიქონების განწყობილების თავისებური ვარიაცია: მეხსიერებიდან თანდათან იდევნება ხან ერთი ამბავი, ხანაც — მეორე. დავინყების წყვილიაღი ქრებიან სახელეუბო, სიცოცხლე თანდათან ღარიბდება, როგორც ნაგვიანვი შემოდგომის ხეები ფოთლებისაგან. და დღეები სულ უფრო და უფრო ერთფეროვანი და უინტერესო ხდებოდა.

არადა, ამ „ერთფეროვანსა და უინტერესო დღეებშიც“ უთუოდ მოხდებდა ბევრი ისეთი რამ, რაც ერთბაშად გაარღვევს დარდიანი თუ სკეპტიკური განწყობილების მიჯნებს და მოგონებათა სრულუფლებიან და განუყოფელ ნაწილად იქცევა ჯერ მეხსიერებასა და შემდგომ უკვე ფურცლებზეც.

ეგებ არანაკლებ მღელვარეც.

ეგებ არანაკლებ მგზნებარეც და რომანტიკულიც.

ეგებ არანაკლებმა სახეებმაც ჩაიქროლონ შენს თვალწინ.

და შეიგრძნო მონდომებაც და ძალაც მათი შემოტანისა მემუარების მეორე წიგნში, ახლა უკვე ამ მოგონებებსაც რომ გამოეთხოვები — მეხსიერების მიერ კვლავაც აბნეულად ნაკარნახევს, ქრონოლოგიურ დალაგებაზე ისევე რომ არ იზრუნებ და ბოლომდე შეინარჩუნებ თხრობის მოზაიკურ აგებულებას, მინიატურებად და ნოველებად ასხმულს, მკითხველს მძაფრად რომ ჩაეჭრება ცნობიერებაში სრულიად უცნობი თუ მოულოდნელი რეალიები და შტრიხები, გამოჩენილ პიროვნებებს განსხვავებული რაკურსით რომ წარმოსახავს, უჩინართა ბედი თუ ძალზე დაგაინტერესებს.

ეს ხომ თეატრია, პარადოქსების სამყარო, სამოთხისა და ჯოჯოხეთის ერთობლიობა, ერთ დღეს შემოქმედებითი ექსტაზის საუფლო, მეორე დღეს — ტორიჩელის სიცარიელისა, როდესაც ვეღარ გაგიგია, მსახიობები თამაშობენ თუ... ზეზეულად თვლემენ სცენაზე.

ესეც ხედვის ის რაკურსი, რომელიც უცვლელი რჩება.

ვასილ კიკნაძე — როგორც თვითონვე აღიარებს — საკუთარი თავის დამკვიდრებისა და წარმოჩინებისათვის „საქმეს

გაიჩნედა“. ყოველდღე დაესწრებოდა სპექტაკლს, დირექციის ხავერდოვან ლოჟაში მოკალათდებოდა და, ფურცელს ლოჟის სახელურზე რომ შემოდებდა, დემონსტრაციულად ჩაინიშნავდა შენიშვნებს — არამარტო მაყურებელთა, არამედ სპექტაკლის მონაწილეთა თვალწინაც.

— მე ეს ძალიან მსიამოვნებდა. საერთო ყურადღების ობიექტი ვიყავი და იგი სავსებით აკმაყოფილებდა ახალგაზრდა კრიტიკოსის ამბიციებს, — პროვინციულ ამბიციებს, რადგან არცერთი სერიოზული კრიტიკოსი ამას არ გააკეთებდა.

ერთხელაც კალამომარჯვებული რომ უყურებდა „ოტელლოს“, იგრძნობდა, რომ სპექტაკლი რაღაც ისე ვერ მიდიოდა... დაიწყებოდა მეორე მოქმედება — მსახიობები უხალისოდ თამაშობდნენ, ფორმაში არ იყო აკაკი ხორავა და მისი მონოტონური თამაშის განწყობილება სხვებსაც გადასდებოდათ. ეს შენიშვნას შენიშვნაზე ჩაინიშნავდა, თანაც ჩვეული დემონსტრაციულობით — ხორავას დასანახავად. და, აი, იგი დაამთავრებდა მონოლოგს, ლოჟას მიუახლოვდებოდა და... თეატრალურ კრიტიკოსს ხმადაბლა მიმართავდა: მანდ რას უზიხარო!.. მესამე აქტის დროს კი... სულაც გამოაძევებდა.

თავმომწონე ახალგაზრდას ისეთი განცდა დაეუფლებოდა, თითქოს ჭერი ჩამოინგრავო, და ეროსი მანჯგალაძეს რომ შესჩივლებდა: ლოჟიდან გამომავდესო, — ის უბედნიერესი ადამიანივით გადაიხარხარებდა: ვენაცვალე აკაკის, ოხ, ჯიგარია, ეს რა ჭირი მოგვაშორა. აბა, რა არის, ყოველდღე კალმით ხელში რომ გამოიჭიმები ლოჟაში და ფეხებში მოგვჩერებინარ. ასე შეიძლებაო?

მანამდე რამდენჯერმე რომ შეეჩივლათ სახელოვანი მსახიობისათვის, იმას დაეცვა ახალგაზრდა კრიტიკოსი... და ახლა თვითონაც რომ ეწვინა, ვეღარ მოეთმინა!..

ერთი კვირის თავზე შერიგების სუფრა რომ გაიმართებოდა, აკაკი ხორავა მოუბოდიშებდა: არ გენყინოს, მაგრამ შენ ჯერ არ იცი, რა არის თეატრიო.

— ეს საოცრად რთული საქმეა. ჩვენ სცენაზე ყოველდღე ვკვდებით და ყოველდღე ვცოცხლდებით. ამ პროცესში რაღაც ღვთის ხელი ურევია, შენ დაგიჭერია კალამი და მომჩერებინარ როგორ მოეკვდები? ასე შეიძლება? მე არ შემიძლია ყოველთვის ერთნაირად ვითამაშო. ზოგს შეუძლია, მე კი — არა. მოვა დრო და გაიგებ, რა არის თეატრი, არაუშავს... ისწავლი, კარგად გაგვიცნობ, ბევრჯერ გულიც გაგიტყდება, გენყინება, მაგრამ შეეჩვევი.

საოცრად რთული საქმეა თეატრიო...

და უდასტურებდა უეცრად გამოცხადებული სანდრო ახმეტელის ლანდი: რთულია, ძალიან რთულიო, — შემწყნარებ რომ გადმოჰყურებდა თავის გამოზრდილსა და უმცროს მეგობარს, ვიდრე... ვიდრე...

მაგრამ რა გინდა ილონო, როდესაც ჯოჯოხეთი და სამოთხე გვერდიგვერდ თანაარსებობენ!..

მესხიერების მრუმე ტალანიდან ამოსხლტებოდა ხან ერთი წამი და ხან მეორე სურათი, ხან ერთი სილუეტი და ხან მეორე ეპიზოდი.

ყველა თავთავისებურად საგულისხმო, შთამბეჭდავი თუ გზისგამკვალავი ეპოქის სულსა თუ პიროვნების ხასიათის სიღრმეში.

იქ ნოდარ ჩხეიძეს უნდა გამოეთქვა გულმოყრჭება: თეატრი სულ ნიღბების თამაშია. ჩვენ სულ ვთამაშობთ. მე დავილაღე, აღარ მინდა მათ გვერდით თამაშო, — და განცხადებაც დაენერა თეატრიდან წამოსვლაზე, მაგრამ კოლეგებს, იმ თანამოთამაშეებს არ გამოეშვათ.

იქ გიგა ლორთქიფანიძეს უნდა ესაყვედურა ვასო გოძიაშვილისათვის: თქვენ გენიალური მსახიობი ხართ, ხვალ რომ პიესა დავდგა, მაინც თქვენ დაგაკავებთ, მაგრამ თქვენი ჭკუით ჩემმა მტერმა იარა. თქვენ ისეთი მსახიობი ხართ, მედღეა ჯაფარიძე რომ ჭრიჭინას თამაშობს, ისიც თქვენ გინდათ ითამაშოთ.

იქ ვასო გოძიაშვილი სესილია თაყაიშვილზე უნდა ანთხედდეს გულისწყრომას: გიგას შეეკრა და ახალგაზრდებს უჭერს მხარს. მსახიობმა ნერტილის დასმა უნდა იცოდესო. პენსიაზე დროზე უნდა გავიდესო. მერე ვინ უშლის — გავიდეს. ჩვენ რას „გვინამოკებს“, ჰა, მამ ეგრე როგორ შეიძლება, არტისტის პენსია გაგონილა? თუ მართლა არტისტი ხარ, სულ სცენაზე უნდა იყო, იქ უნდა მოკვდე. ვითომ ახალგაზრდა არ შეიძლება პენსიონერი იყოს? რამდენი ახალგაზრდა მსახიობია ჩემზე მოხუცი? აგერ არ არის? კარგი, მიდიან, მიდიან, ვითომ ყველა ნიჭიერიაო?..

იქ ეროსი მანჯგალაძემ ქრისტეზე ნაკლებად საინტერესო სახედ არ უნდა მიიჩნისო იუდა. არა, კი არ აიგივებდა, სხვაზე ნაკლებ არც მას მოეხსენებოდა — სად ქრისტე და სად იუდა, მაგრამ... სპექტაკლში რომ გეთამაშა მეთორმეტე მონაფის როლი, მაცხოვრის როლზე ნაკლებ საინტერესო სამუშაო ნამდვილად არ იქნებოდა.

იქ კიდევ ესეც უნდა წამოსცდეს: მენატრება დიდი სცენაო, — და მემუარისტმა თვალნათლივ იხილოს ეროსის სულში დატრიალებული მძვინვარე ქარიშხალი, მთელ შინაგან სამყაროს რომ ურყევდა, არ შეეძლო გაქცეოდა მას და ამიტომაც მონამებრივი მოთმინებით უნდა აეტანა ტანჯვა.

და ეროსის ცნობიერებაში უეცრად რომ ამოტივტივდებოდნენ მისივე სულის ორეულები და მოგონებანი და მოსვენებას არ აძლევდნენ?

— უნდა გაეძლო, უნდა გადაეტანა ეს საშინელება დაცეული, ოდესღაც ნეტარი დრო თეატრში სპექტაკლის დაწყებისა, საგრძობლოში მოსამზადებლად მისვლისა. მას არც გიორგი დავითაშვილივით შეეძლო მისულიყო თავის საგრძობლოში, დამჯდარიყო სარკის წინ და ფარულად წაესვა ტონი თავისი გარდასული გმირებისა, რათა წარსული ცხოვრებით ეცხოვრა. ის ჯერ არ იყო წარსულის, მოგონებების კაცი. მას ჯერ ენერგია ჰქონდა და დიდი არტისტული ნიჭიერება არ ასვენებდა. არც აკაკი ხორავასავით განმარტოება შეეძლო ავადმყოფობის გამო, თუმცა გული აწუხებდა და წამლებსაც უხვად იმარაგებდა. არტისტული ათეულების რიგით ჯარისკაცობაზეც არ ამბობდა უარს, მაგრამ ზოგჯერ არც იქ იყო მისი ადგილი. ვაჟკაცურად ითმენდა და არც არასოდეს უფიქრია ან „პარტიზანულ ომებში“ ჩართულიყო, ან თავად გაემართა ვინმესთან ომი.

იქ მიხეილ თუმანიშვილს უნდა გაემხილა, თუ როდის იყო ხოლმე ყველაზე ცუდ გუნებაზე.

და ეს აღმოჩნდებოდა... პრემიერის დღე.

დოდო ალექსიძეს რომ გაეცინებოდა, ეს რა ორიგინალური ხუმრობააო, — ის აუხსნიდა მიზეზს და გაირკვეოდა, რომ სახელოვანი რეჟისორის სიტყვებში ხუმრობის ნატამალიც არ ერია:

— როცა პრემიერის ზეიმი დამთავრდება, ყველა თავის-თავის გზაზე მიდის, მე ვდგავარ თეატრის წინ, ჩემს თვალწინ მირბიან მსახიობები, ზოგი სად მიდის, ზოგი — სად, ვდგავარ და ვგრძნობ, რომ აღარავის ვახსოვარ, აღარავის ვჭირდები. აი, სულ სხვაა პიესის არჩევის დროს, ვიდრე როლებს ვაგანაწილებ, ყველანი ჩემს ირგვლივ ტრიალებენ, ყველა როლს ელის, მაშინ საჭირო ადამიანად ვგრძნობ თავს...

იქ სერგო ზაქარიაძემ უნდა დაიკვნესოს: აღარ შემიძლია, ამდენ უმადურობას ვეღარ ვუძლებო, — და ლამის გადაიროს, სკამიდან წამოვარდეს, ხელები გაშალოს, თავში წაიძინოს და დაიგმინოს: რას სჩადისხართ! თქვე უღმერთობო, მაგას ჩემზე როგორ ამბობთ?! — ეს მაშინ, როდესაც საჯაროდ ბრალს დასდებდნენ:

— თქვენ იცით, რომ სერგო მეგობრობდა უშანგისთან, მაგრამ მკვდარიც კი არ დაინდო, ხომ გახსოვთ, დროულად არ დაგვამარხვინა მიცვალებული... უნდოდა გვამი გახრწნილიყო... აი, რა ჩაიდინა, ეგ ცოცხალს დაგვინდობს?!

იქ შალვა დადიანმა ასეთი რჩევა უნდა გაუზიაროს: ყმანვილო! თუ საქართველოში გინდათ მშვიდი ცხოვრება, მხოლოდ კარგი უნდა ილაპარაკოთ.

იქ აკაკი ვასაძემ უნდა შესჩვილოს: უკვე გამაგონეს, რომ ბერიას კაცები ვართ, მის მიერ შეთხზული მსახიობები... რას მერჩიან, ვინც ახლა მებრძვის, მათ ხომ ყველაფერი გავუკეთე. რომელ ახალგაზრდას შევუშალე ხელი?.. ეტყობა, ჩვენი წასვლის დროც მოვიდა... არა უშავს, დადგება დრო და ყველაფერი გაირკვევა. საშა (ახმეტელი) ჩემი მასწავლებელიც იყო და მეგობარიც. რა გვექონდა ჩვენ საჩხუბარი. ყველაფერი გააკეთეს, რომ ერთმანეთს დაეპირისპირებოდითო...

იქ ალექსანდრე მიქელაძის ცხოვრებიდან უნდა გაეღვებულყო ერთი ეპიზოდი, ანეკდოტად რომ შემორჩენილიყო.

რეჟისორი თავისი ანტისაბჭოური განწყობილებისათვის ციხეში რომ მოხვდებოდა, ძმა მოინახულებდა და ჰკითხავდა: როგორ ხარო?

— შენზე უკეთესად, — მიუგებდა პატიმარი.

იმას გაუკვირდებოდა:

— ეგ როგორ, შენ ციხეში ხარ, მე გარეთ!

და პასუხად კი:

— ჩემო ძმაო, მე ციხიდან გამოსვლას ველოდები, შენ — დაჭერას. რომელი ვართ უკეთესად?

ამ ფრაზაში მთელი საბჭოთა ეპოქა არეკლილი.

იქ დემნა შენგელაიამ თავყვანება უნდა გამოთქვას უშანგი ჩხეიძის მიმართ: მსახიობზე მეტი იყო. იწვოდა ფანატიკურად, რაღაც შიგნიდან, უალოდ, ტემპერამენტის ცეცხლით იწვოდა... საოცარი იყო. უშანგის საღამოზე მოგონებით გამოვიდა სერგო ზაქარიაძე. თქვა, რომ ერთხელ თეატრში უშანგი მხრებზე აყვანილი მოიყვანა. რა უტაქტო ხალხი ვართ, უშანგი ჩხეიძე მეტი ვერაფერი მოიგონაო?

იქ სანდრო ახმეტელის საკანში მოხვედრილი კაცი უნდა გაეცნო და მისგან შეეტყო, თუ როგორ მიეთითებინა უკვე განწირულ რეჟისორს ერთ პიროვნებაზე, ფეხზე რომ ვეღარ დგებოდა ნანაშები: ჩვენი პოეტის, გოგლა ლეონიძის ძმია, ლევანი, მართალი კაცია, მაგრამ არ დაუჯერეს და ხედავ, რა დღეშიაო?!

იქ დოდო ალექსიძე განაწყენებას ვერ დაფარავდა იმ კრიტიკის პასუხად: ბერტოლდ ბრეხტის „სამგროშიანი ოპერის“ საროსკიპოს სცენაში მსახიობები მოკლე კაბებში გამოიყვანაო, — და საჯაროდ მოიხებდა გულს: მთელი დარბაზი ბოზებით არის სავსე და სცენაზე მოკლევადიან ქალებს აკრიტიკებენ ეს „სვოლოჩები“.

რექტორატის სხდომაზე კი მსჯელობა რომ გაიმართებოდა საბჭოთა მორალისათვის შეუფერებელ საქციელზე — ახალგაზრდა რეჟისორს იური კაკულიას რომანი გაეჩაღებინა სტუდენტთან — დოდო ალექსიძესაც უნდა მოეთხოვა სიტყვა.

რექტორი — ძველი პარტიული მუშაკი, ერთ დროს ბერიას თანაშემწე ილია თავაძე, პრორექტორი კი ეთერ გუგუშვილი (ეს ის ქალბატონი გახლავთ, ვისი დაქორწინებაც ბესო ჟღენტთან გიგა ლორთქიფანიძეს ასეთ სიტყვებსაც კი ათქმევინებდა: რუსეთ-საქართველოს შეერთების შემდეგ ასეთი საზარელი აქტი, ეს რომ არის, ჩვენს ისტორიაში აღარ მომხდარაო!..)

და ასეთ გარემოში დოდო ალექსიძე დაგმობდა მის საქციელს, ნამდვილად აღმაშფოთებელიაო:

— რა მოგივიდა ბოლოს და ბოლოს, შეიკავე თავი, ახალგაზრდა პედაგოგი ხარ, ნიჭიერი... თუ მაინცდამაინც ვერ ითმენ — უქენი ეთერ ნიკოლაევნას... ბოლოს და ბოლოს უქენი ილია ყაისაროვიჩის...

თქვენ ახლა ეთერ ნიკოლაევნასა და ილია ყაისაროვიჩის მდგომარეობა წარმოიდგინეთ!..

— რას ამბობ, დოდო!.. — გაისმოდა ხმები. ეგონათ, დავაშოშმინებთო, მაგრამ რეჟისორსა და კათედრის გამგეს ეს შეცხილები კიდევ უფრო ნააქეზებდა ისედაც ექსტაზში შესულს:

— დიას, დიას, ოლონდ მოეშვი სტუდენტებს, ბოლოს და ბოლოს მიქენი მე... მეტი რა გითხრა!..

რექტორატზე ერთი აურზაური და სიცილ-ხარხარი რომ ატყდებოდა და ამხანაგური სასამართლო ფარსად გადაიქცეოდა, ეს თავისთავად, მაგრამ ახლა იმ კუთხითაც შევხედოთ — რომელ ვოდევილურ თუ კომიკურ ეპიზოდს ჩამოუყვარდება ეს სცენა? და დაბეჯითებით ვირწმუნებთ ვასილ კიკნაძის იმ მოსაზრებას, ამ კიდევ ერთ უსამართლოდ გაძევებულ რეჟისორს რომ გაუზიარებდა: ბატონო დოდო! თქვენ ბრწყინვალე არტისტული მონაცემები გაქვთ, მოდი, ერთხელ ითამაშეთ ყველაზე დიდ სპექტაკლშიო. იმას ჯერ უნდა გაეოცებინა, მაგრამ მერე ჭკუაში დაჯდომოდა: საინტერესო იდეააო.

იქ უცნობი აბიტურიენტის პასუხით უნდა მოხიბლულიყო შეკითხვაზე: რა გენატრებათ? ყველაზე ემოციურად რა დაგამასოვრდათო? — და მოსწონებოდა ისე ძალიან ეს: ბებიაჩემის ქინძიანი ხელების სურნელიო, — რომ ნიშნების დაწერისას მტკიცედ დაიცავდა უცნობ ჭაბუკს და ამ თავგამოდებით გზას გაუხსნიდა მომავალ რეჟისორს ელდარ მდინარაძეს.

იქ გზად შეეცრად შემოხვედრილ სიმონ ჩიქოვანს უნდა დაეჩივლა: ყოველდღე მაკლდება ჩინი, ახლა ვიგრძენი, მართლაც ბინდისფერი ყოფილა სოფელიო, — და შეჩერდებოდა, თითქოს უკან გაბრუნებას აპირებო, მაგრამ მერე დაინტერესდებოდა, მწერალთა სასახლის ბაღში რომელიმე მწერალი თუ იმყოფებოდა. რომელი მწერალი? სულერთი გახლდათ, რადგან რაღაც მარტო ეგრძნო თავი. ვინ — სიმონ ჩიქოვანი და... მარტოობის განცდა? იმდენი ადამიანი ეხვია გარს. თუმცა იმ სადარდებელს ვინ უშველიდა:

— მე სულ სხვა მარტოობაზე გელაპარაკები... ალბათ, მალე ვერაფერს ვერ დავინახავ... ყველაფერი გაქრება... ნაცნობი მარტო ხმები დარჩება...

და პოეტის ამ სიტყვებთან უნდა განასკვლიყო მემუარების პირველი წიგნის ფინალური კვანძი.

მთელ ამ მოგონებებსაც ხომ მარტოობის ტკივილი გამოსდევდა.

მემუარისტის მარტოობისაც და... სხვებისაც!..

ერთხელ კრუალების გაბმული მონოტონური ხმა რომ მოესმოდა, სოფელი მოაგონდებოდა და მოუნდებოდა, რომ მარტო კრუალების ხმა გაგრძელებულიყო სიჩუმეში. აღმოსავლური თარის სევდიან, მონოტონურ ხმას მიამსგავსებდა და თავისთვის აღმოაჩენდა, რომ მსოფლიოს ლექსიკონებში ყველაზე დიადი და ტრაგიკული სიტყვა ეს და მხოლოდ ეს შეიძლება ყოფილიყო — მარტოობა.

მაშ უდიდესი პოეზია რაღა გახლდათ?

ალბათ... ალბათ კი არა, ნამდვილად მარტოობის სევდა.

ასერიგად აუცილებელი მემუარული ჩანაწერებისათვის — მისი არსიც, შელოდიაც, თხრობის რიტმიკის განმსაზღვრელიც.

მოგონებათა ერთი ნყება უკვე გამოთხოვების ზღვარს იქით აღმოჩნდებოდა.

და ახლა სხვა ნყება მოინევა, ნურც მე დამტოვეთ გამოთხოვების გარეშეო.

ბორგავდა პარადოქსების საუფლო ფიქრსა და განცდაში ჩაკერული ნუთების გამოსხივებათა წინაშე.

სამოთხისა და ჯოჯოხეთის ერთობლიობა ამჯერად ვასილ კიკნაძის კალამს ითხოვდა და... კიდევ შემოდიოდა მის თვალთახედვაში ახალ-ახალ ფრაგმენტებად გარდასაქმნელად, საბოლოოდ ავტობიოგრაფიული რომანის მეორე წიგნი რომ უნდა დარქმეოდა და შემატებოდა ჩვენი თეატრალური, ჩვენი საზოგადოებრივი, ჩვენი კულტურული ცხოვრების ისტორიას... ისტორიას ჩვენი გაუნელებელი სევდისა.

ისე ნეტა მართლა თუ შეიძლება სიზმრისეული სამყარო რეალობად იქცეს?..

ნინო დეკანოიძე

მაჩაბლის 13 — პოეზიის მასპინძელი

მწერალთა სახლის სარკეებიდან დარბაზში წარდგინება გაიმართა გივი ალხაზიშვილის სოლიდური პოეტური კრებულისა „შენ ცოცხლობ ჩემში“. გამოცემა შერჩეულია უკეთესად მიჩნეული იმ ნიმუშებით, ლექსების 20 ნიგნიდან რომ ამოკრიბა ავტორმა.

ამ ჩინებულ ნიგნს, ალბათ ბევრი კალმოსანისათვის შესანატრებელს, თვითონ პოეტი უწოდებს „რჩეულის კონტურებს“, უფრო ლოკალურად — „შემაჯამებელს“.

ერთი სიტყვით, ღონისძიება რომელიც გაიმართა შესაფერის გარემოში და შესაფერის დროს — ადრეული შემოდგომის ხავერდოვან საღამოს, სიმბოლოებზე მონადირეებს ანუგეშებდა, რომ პოეზიას არც სძინავს და არც ემუქრება გარდაცვალება.

რასაკვირველია, დარბაზი — გადავსებული, სიჭარბე — ახალგაზრდებისა, მათგან ბედით ნებიერ(თ)ს, თამამი და უდრეკი ნაბიჯებით, ნახტომიც ხომ გამოუვიდა ლიტერატურის უანგარო სამსახურში კვალის დასამჩნევად.

მიესალმა რა შეკრებილ საზოგადოებას ქალბატონი ნატა ლომოური, როგორც მასპინძელმა გულწრფელი სიხარულიც გამოხატა, რომ მკითხველთან შესახვედრად სწორედ მწერალთა სახლი აირჩია გივი ალხაზიშვილმა. და რომ იგი ამ კულტურული ცენტრის სამეთვალყურეო საბჭოს წევრიცაა, ქომაგი და მხარდამჭერი ახლებური იდეებისა; დაუმაძღვა მთავარიც, ქართველების დროს პრინციპულად ჩვენ გვერდით იდგაო. სასიამოვნო მასპინძელმა, მალევე, ღონისძიების წარმართვა კატო ჯავახიშვილს შეასახელა; უკვე გზიან პოეტსა და გივი ალხაზიშვილის ახალგაზრდა კოლეგას.

რახან ნიგნი საქართველოს კულტურის და ძეგლთა დაცვის სამინისტროსა და გამომცემლობა „საუნჯის“ ერთობლივი მონადინებით დაიბეჭდა, უშუალოდ მინისტრის, გურამ ოდიშარისა, გულითადი შემონათვალი გაახმაურა დეა მეტრეველმა, როგორც სამინისტროს წარმომადგენელმა და, თავის მხრივ, შემოქმედებითი წარმატებებიც უსურვა გივი ალხაზიშვილს.

ბარემ არდასამალავიც რომ არ დაიმალოს და აქვე ითქვას, ამდენ ახალგაზრდა შემოქმედს შორის არ გამოჩნდა ერთიც, საზოგადოების წინაშე ესაუბრა ხმამაღლა ლექსების ახალ კრებულზე და პროფესიული სიტყვით თავი დაემახსოვრებინა. ეტყობა ე.წ. კომენტარები ვირტუალურ სივრცეში უფრო მოარულია, უფრო პრესტიჟულად გამონათებული. არადა, ცოცხალი სიტყვა ცოცხალ გარემოში საამოდ დარჩებოდა...

სამაგიეროდ, გულითადობა არ აკლდა უფროსი თაობის სახელოვანი პოეტების: ტარიელ ჭანტურიას, ვახტანგ ჯავახიძისა და დავით წერეთლის სიტყვებს. მათი ლაკონიური გამოსვლები იტევდა მეგობრობისა თუ ძმობის დადასტურებას; გივი ალხაზიშვილის შემოქმედების აღიარება-დაფასებას, სამწერლო გზის დასაწყისიდან ვიდრე დღემდე.



იყო საუბარი აგრეთვე კონვენციურ ლექსსა და ვერლიბრზე, და იყო გამეორებაც: რომ მნიშვნელობა არა აქვს, რომელ ხერხს ირჩევს პოეტი, ოსტატობაა მთავარი, და ამ მხრივ გივი ალხაზიშვილს ვერავინ შეედრებაო.

დროდადრო პოეტი კითხულობდა ახალი კრებულიდან ლექსებს. რა თქმა უნდა, შერჩევით და სხვადასხვა ჟანრისას. ხოლო ნიმუშები „ქაცვიას დღიურიდან“ იმ დღესაც არ დაუტოვებიათ ხალისიანი კომენტარების გარეშე... იმის გახსენებაც არ ეზედმეტათ, რა დღეც ანიეს ავტორს ამ სკაბრეზისათვის.

პოეზიის საღამოს მომზიბლობა შემატა ამერიკელი პოეტისა და მთარგმნელის, ლინ კოფინის სიტყვამ. უცხოელმა ქალბატონმა დაადასტურა სიმპათია ქართული პოეზიისადმი ზოგადად და კერძოდ, გივი ალხაზიშვილისადმი. მან აგრეთვე გაახმაურა ერთი ამერიკელი ქალის მრავლისმთქმელი კომენტარი ფეისბუქიდან, პოეტის მისამართით — ეს ლექსები ელპარაკებიან მტკივან გულსო. მერე კი გააცნო მსმენელს რამდენიმე ნიმუში მისეული თარგმანისა. აუდიტორიასთან საკომუნიკაციოდ უცხოელ სტუმარს დათო თავართქილადე ეშველებოდა.

იმდღევანდელ ამაღლებულ განწყობას შეუზავა სიტყვა ფილოსოფოსმა გიორგი ბარამიძემ: ყველასგან განსხვავებული სამყაროს თანაზიარი გამხადა გივი ალხაზიშვილის ლექსებშიო.

ემოციური იყო მისალმება თამარ ტიზლიარაშვილისა: ისტორიკოსმა, ივანე ჯავახიშვილის უნივერსიტეტის მაგისტრმა ახალგაზრდული მღელვარება საფანელად დაუდო თავის გამოსვლას და ცრემლნარევი ხმით დაუდასტურა უზომო სიყვარული პოეტს.

P.S. მიღმა რჩება რა ითქვა ე.წ. ალაფურშეტზე. გახანგრძლივებული პოეზიის საღამოს მერე იმ დარბაზში რომ გაეშალათ, სადაც უწინ ბიბლიოთეკა იყო და სამოთხისებური სიმშვიდეც სუფევდა. ბალისკიდა განიერ ფანჯრებში იხატებოდა ულამაზესი პეიზაჟი. ფრთხილებდნენ ჩიტები, განსაკუთრებით შაშვები — მარადმწვანე ხეების ბინადარნი. და ვისაც ეს ყველაფერი ახსოვს, მოენატრება ოდნავ სევდიანი ორი კდემამოსილი ქალბატონიც, დოდო და ლაურა — უზომოდ მზრუნველნი მიზარებული საგანძურისა, ბევრი ქართველი მწერლის მესაიდუმლენი და დობილები, მოშულართა შორის (ყოველ დროს რომ ატყვია) ფრთხილად და ტაქტიანად „მანდილის ჩამომგდებნიც“ შეძლებისდაგვარად...

ჯერჯერობით მაინც სიცარიელე მეტობს იქ. სახელდაურქმეველი სამძიმრის განცდა რომ გადაიყაროთ, გაჭინაურებული რესტავრაციის არტახებიდან დაელოდებით აკაკის წყაროს ამოჩუხჩუხებას; „კარგო სტუმარო, დაუვინყარო, შესვი, გაამოს ეს წმინდა წყარო“.

ადგილმიუჩენელი თუ დაუნებული, შეუფერებლად მისაცნებელი გალაკტიონის თავი განცალკევებული ბიუსტისგან თითქოს გზაფრავთ იდუმალი ირონიით და რატომ უნდა დარჩეს ვინმეს სანყენად და გასაკვირად, თუკი მოგინდება იქაურობა დაინახო უკეთესად.

და ნურც იმედი დაშრეტილიყოს, რომ მწერალთა სახლად გარდაქმნილი ეს კულტურული ცენტრი, მისი ახლანდელი მესვეურების მონადინებით, აგრეთვე, შეძლებულთა ხელგაშლილობითა თუ ხელშეწყობით, კვლავ იხარებს კერად, სადაც არ წაიშლება ტრადიციები საუკეთესო და ახალიც დაემატება.

მიხაილ ბულგაკოვი

ნარწერები მანქანებზე

ექვნივთა ზღვასა და ხმელეთზე მოგზაურობაში
მყოფ და დატანჯულ რუს მწერლებს.

ნაწილი პირველი

I

ან განსვენებული „რუსული სიტყვის“ პირში სიგარაგაჩრილმა გეტრებიანმა თანამშრომელმა მაგიდაზე ხელი სტაცა დეპეშას და პროფესიონალურად განაფული თვალით, პირველიდან ბოლო სტრიქონამდე, ერთ ნაწილში სულმოუთქმელად ჩაიკითხა. გვერდზე ანგარიშმიუცემლად მიაწერა: „ორი საკორექტურო სვეტი“, — მაგრამ ანაზღად ტუჩები მოპრუნა და სასტვენად მოემზადა:

— ფუ-უ-უ!

თუმცა შეჩერდა, მერე დეპეშა აჩქარებით პატარა ქალალ-დე მოახია და ზედ მოჩხაპნა:

**ტიფლისამდეა ორმოცი მილი...
ვინმემ გაყიდოს ავტომობილი.**

ზემოთ დაამატა: „პატარა ფელეტონი“, გვერდით — „კორპუსი“, ქვემოთ კი — „ჭილყავი“.

მაგრამ უცებ დიკენსის ჯინგლივით ალულლულდა:

— ჰო, ჰო, დიას! ასეც ვიცოდი! შეიძლება აქაურობის დატოვება და გამგზავრებაც კი მომიწიოს! მერე და რა! მე ხომ რომში ექვსი ათასი ლირა მაქვს. **Credito Italiano**. რა, რა? ექვსი... და არსებითად მე იტალიელი ოფიცერი ვარ! ჰო-ჰოო!

Finita la comedia!

კიდევ ერთხელ დაუსტვინა, ქუდი კეფაზე მოიგდო და ტელეგრამითა და ფელეტონით შეიარაღებული კარებში გავარდა.

— მოიცადეთ, მოიცადეთ! — ნამოვიყვირე გონზე მოსულმა — მოითმინეთ! როგორ თუ **Credito**, რა **Credito?** **Finita?** რა? კატასტროფა?!

თუმცა მას თვალი ვედარც კი შევასწარი, ისე გამქრალიყო.

მინდოდა უკან დავედევნებოდი, მაგრამ ხელი უიმედოდ ჩავიქინე, შუბლი უხალისოდ შევიჭმუხნე და დივანზე ჩამოვჯექი. მოითმინეთ, მოითმინეთ, ნეტავი რა მტანჯავს? გაუგებბარი **Credito?** ჰო... თავი! მეორე დღეა მტკივა თავი; აჰ, როგორ მანუხებს თავი! აი, ახლაც, ამ წუთში ტანში ცივმა ჟრუანტელმა დამიარა, თუმცა მალე პირიქით თავიდან ფეხებამდე ნამომახურა, შუბლი კი აუტანლად დამისველდა. საფეთქლები არაადამიანურად მიფეთქავს, როგორც ჩანს, გავცივდი. აჰ, ეს შეჩვენებული თებერვლის ჯანლი; ოღონდ ახლა არ გავხდე ავად, ოღონდ ახლა არ გავხდე ავად!

ირგვლივ ყველაფერი უცხო და შორებელია, მაგრამ ამ თვე-ნახევრის განმავლობაში, როგორც ჩანს, მივეჩვიე კიდევ. აჰ! რა კარგია, მგონი ნისლი და ჯანლი ისე მძიმედ აღარაა ჩამონოლილი. შინ ვარ. ოქროს ჩარჩოში მოჩანს ზღვა და ფრიალო კლდე!.. კარადაში ნივნები აწყვია. ტახტზე კი ისეთი ხაოიანი და ხორკლიანი ხალიჩაა, ნამონვები და ვერ დაისვენებ, ბალიშიც კი ქვა-სავით გამაგრებულა... თუმცა ნამოდგომის თავი არცა მაქვს... საოცარი სიზანტე დამეუფლა! ხელის აწევა არ შემიძლია. უკვე ნახევარი საათია მინდა ხელი გავიწვინო, სკამიდან ასპირინის ფხვნილი ავიღო, მაგრამ ვერც ერთ ხელს ვერ ვანძრევ!

— მიშუნია, ჩაიდეთ თერმომეტრი!..

— აჰ, ვერ ვიტან სიცხის გაზომვას!.. არ მჭირდება, არაფერი მჭირს!..

— ღმერთო ჩემო, ღმერთო ჩემო, ღმერთო! ოცდათვრამეტი და ცხრა...

ერთიც ვნახოთ და ტიფით გავხდი ავად! არა, არა, შეუძლებელია, საიდან უნდა დამმართოდა? მაგრამ დავუშვით და მართლაც ტიფია... რაც გინდა იყოს, მხოლოდ ახლა არა, ახლა არა! ეს ხომ ნარმოუდგენელი საშინელება იქნება... მგონი არაფერი მჭირს, მხოლოდ შიში მტანჯავს და ნერვები მლაღატობს... მეტი არაფერი... ეტყობა გავცივდი... ინფლუენცაა ალბათ... აი, ძილის წინ ასპირინს დავეყვ და დილით ჩიტვივით ვიქნები, ისე ავდგები, ვითომ არაფერი მტკივია!..

— ოცდაცხრამეტი და ხუთი!

— ექიმო, ტიფი ხომ არა მაქვს, აა? ტიფია განა? მგონი ეს მხოლოდ ინფლუენცაა! ხომ ასეა? ააა? აჰ, ეს ნისლი!..

— ჰო, ჰო... ნისლია, ნისლია. აბა, ღრმად ისუნთქეთ გეთავა... ასე, ასე!

— ექიმო, აუცილებელი საქმე მაქვს... ცოტა ხნით წავალ... ხომ შეიძლება?

— ხომ არ გაგიყვით!..

ვარვარებს ზღვა, ვარვარებს ფრიალო კლდე და ტახტიც გავარვარებულა. ბალიში გადავებრუნე, როგორც კი თავი დავდე, მაშინვე ისე გაცხელდა, თითქოს არც გადამიბრუნებია. არა უშავს, არა უშავს!.. აი, ღამით გამოვუშმდები, ხვალ კი აუცილებლად წავალ, წავალ! თუ საჭიროა, გავემგზავრები კიდევ სადმე, გავემგზავრები! არ უნდა მოვედუნდე და მოვეშვა, ეს ხომ უბრალო ინფლუენცაა... განა ცუდია ავადმყოფობა? სიცხეს გაძლევს, აღარაფერი გალელვებს, არაფერზე ფიქრობ, დანვები და ისვენებ; მხოლოდ ახლა არ მინდა, არა! ღმერთმა დამიფაროს! ამ ჯოჯოხეთურ ორომტრიალში კითხვის დროც კი არ მაქვს... ახლა კი ძალიან მსურს რაიმეს წაკითხვა. ნეტავ რას წავიკითხავდი? ჰო, მართლა, ტყეები, მთები. მაგრამ ეს შეჩვენებული კავკასიის მთები კი არა... ჩვენი, შორეული... მელნიკოვ-პეჩერსკი... სავანე თოვლშია ჩაფლული... სინათლე ციმციმებს და აბანო ხურდება... სწორედაც რომ ტყეები და მთები მინდა. ნახევარ სამეფოს გავცივდი გალულუნებულ აბანოში მოსახვედრად... რა ნეტარებით დავნვე-ბოდი აბანოს გავარვარებულ ტახტზე; მაშინვე, იმ წუთშივე მემველებოდა... მერე კი სასწრაფოდ ნამქერში გადავეყვებოდი დენიშობილა... ჩვენი ტყეები! უღრანი და უსიერი ფიჭვის ტყეები... სახომალდე ხე-ტყე... მწვანე ხიფთანიანი პეტრე დიდი ქრიდა და კაფავდა სახომალდე ხე-ტყეს. იღვანეთ!... რა დიდებული და საიმედოა საქვეყნო მნიშვნელობის ეს სიტყვა, ი-ღვა-ნეთ! იღვანეთ ძაღისა და შეძლებისდაგვარად! ტყეები, ხეები, ხრამები ღრანტეები, წიწვის ხალიჩა, თეთრი მონასტერი — სავანე... რა ნაზად და ხმაშენყობილად გალობს მონაზონთა ქორო!..

რჩეულ ვოკოდას ვუგალობოთ ძღვევამოსილი გამარჯვების სადიდებელი!..

აჰ, არა! რა მონაზვნები, რის მონაზვნები, ისინი იქ სულაც არ არიან; სად არიან მონაზვნები, სად არიანო? შავები, თეთრები, ფაქიზები, ნატიფები, ვასნეცოვისეულები?..

— ლარისა ლეონტიენა, სად არიან მო-ნაზ-ვნები?!

— როგორ აბოდეხს საწყალს, როგორ აბოდეხს!..

— არაფერსაც არ მაბოდეხს, რატომ უნდა მაბოდეხდეს? მონაზვნები! არ გახსოვთ განა? აბა, მომანოდეთ წიგნი! აი, აი, ის წიგნი, მესამე თაროზე რომ დევს, მელნიკოვ-პეჩერსკი... — მიშუნია, თქვენთვის კითხვა არ შეიძლება!..



— რა თქვით? ვითომ რატომ არ შეიძლება? მე ხვალევე უნდა ავდგე, პეტროვთან მივდივარ! თქვენ არ გესმით, რომ შეიძლება თავი მიმანებონ და მიმატოვონ! უთუოდ მიმატოვებენ, ბედის ანაბარა დამტოვებენ!..

— კარგით, კარგით, ადგებით, ადგებით! აი, აილეთ ეს წიგნი!

— რა მშვენიერი წიგნია. რა ნაცნობი სიძველის სუნი აქვს! მაგრამ სტრიქონებმა ხტუნვა დაიწყეს, ხტუნავენ, დახტიან, თანდათან იბრიცებიან, იგრიხებიან... ჰო, ჰო, გამახსენდა, იმ სავანეში თურმე რომანოვების ყალბ ფულს ჭრიდნენ... აჰ, რა კარგი მესხიერება მქონდა!

არა მონაზონ-ბერები, თურმე ფულის მომჭრელები...

— ლარისა ლეონტიენა... ლაროჩკა! გიყვართ ტყეები და მთები? მონასტერში წავალ, უთუოდ წავალ მონასტერში! მიყრუებულ და მივარდნილ ადგილას, სავანეში წავალ! ხშირი და გაუვალი ტყე, ჩიტების უიჟივი. იქ ადამიანები არც იქნებიან... მომბეზრდა ეს იდიოტური ომი! პარიზში უნდა გავიქცე, იქ დავნერო რომანს, მერე კი მართლაც სავანეში წავალ; მაგრამ ხვალ კი ანამ რვა საათზე გამალვიძოს. გაიგეთ, რომ ჯერ კიდევ გუშინ უნდა წავსულიყავი საქმეზე... გესმით თუ არა?

— მესმის, მესმის, გავიგე; მხოლოდ ახლა გაჩუმდით!

ნისლი და ჯვანი. მოწითალო, ცხელი ნისლი... ტყეები... ტყეები... მწვანე ქვაზე უსასრულოდ იცრემლება ნაპრალიდან ნაშობი კამკამა და ბროლივით კრიალა წყლის გრეხილი ჭავლი. იქამდე მიღწევა საჭირო, უნდა მივბობდე და დავლევ თუ არა, მაშინვე მომეშვება სატკივარი. თუმცა რა ძნელია წინვებზე ბობღვა. წინვი გჩხვლავს და გენებება. თვალებს ახელ და წინვის მაგივრად ზენარია!

— ღმერთო ჩემო! ეს რა ზენარია... ქვიშა დააყარეს თუ რა არის!.. მწყურია, მწყურია!

— ახლავე, ახლავე!..

— ააჰ, რა თბილი წყალია, გულს აურევს ადამიანს!

— რა საშინელებაა, ისევ ორმოცი და ხუთი ხაზი!

— ყინულიანი ბუშტია საჭირო!..

— ექიმო, მოვიტხოვ, რომ ახლავე გამგზავნონ პარიზში! აღარ მინდა რუსეთში ყოფნა... თუ არ გამგზავნით, მაშინ ნება იბოძეთ და მომინახეთ ჩემი ბრაუნინგი! — ...ლაროჩკა! მომეცით ბრაუნ... ბრაუ!..

— კარგით, კარგით, აუცილებლად მოგიძებნით, ოღონდ ნუ ლეღავთ!..

რა წყვილია! მაგრამ თითქოს უცებ განათდა... კვლავ სიბნელე, ისევ ნათება. გინდა მომკალით, აღარაფერი მახსოვს...

თავი! თავი! როგორ მტკივა თავი! აღარ არიან მონაზვნები, აღარაფერი უგალობს ძლევამოსილ ვოევოდას, უამრავი დემონი კი ჩაჰყვირის საყვირს და ყველანი ერთად გაეარვარებულნი მანთებით შეუბრალებლად მიმნათავენ თავს! თავი! თავი! ძალიან მტკივა თავი!

სინათლის გამონათება... სიბნელე და წყვილია. სინათ... აღარაფერი ჩანს! აღარაფერი მზარავს, უკვე ყველაფერი სულერთია... აღარ მტკივა თავი. ისევ წყვილია... ორმოცდაერთი და ერთი!..

II

რა ვქნათ, რა გზას დავადგათ?

ბელეტრისტი იური სლევკინი მდიდრულ სავარძელში მოკალათებულიყო. ღარიბულად ჩაცმული უზადრუკი გარეგნობის ბელეტრისტი მდიდრულად მოწყობილი ოთახის ფონზე უცნაურ დისონანსად გამოიყურებოდა. ტიფიანობის შედეგად უწყალოდ გადაპარსული მისი თავი მარცხ ტვენის მიერ აღწერილ ბიჭუნას თავს მოგაგონებდათ, ავტორმა პილიპიმოყრილ მოხარულ კვერცხს რომ შეადარა. სლევკინს ტანზე ემოსა ჩრჩილისგან მთლად შეჭმული, ილღიაგამოხეული

ფერეწი. ფეხებს რუხი ფერის წვივსახვევები უფარავდა, რომელთაგან ერთი უფრო გრძელი იყო, ვიდრე მეორე; პირში ორკაპიკიანი სიგარა გაეჩარა, მის თვალებსა და გამოხედვაში კი შიშა და უიმედობას ართურმა გაეჩაღებინათ.

— რა გვეშველება, რა, მოგველის რა? — ვიკითხე და საკუთარი ხმა ვერც ვიცანი. ბოლო შეტევის შემდეგ იგი მთლად დამწვრილებოდა, თან გაბზარული და ჩახლერილიც კი მომჩვენა.

— რა, რა?

სანოლზე შევბრუნდი და ფანჯარაში ნაღვლიანად გავიხედე, საიდანაც ჯერ კიდევ შიშველი ტოტები მოჩანდა; ისინი წყნარად და ჩუმად ირხეოდნენ. ჩემს კითხვაზე პასუხი ვერ მივიღე; ვერაფერი მიპასუხა თვალწარმტაცმა ზეცამაც, რომელსაც ოდნავ მოჰფენოდა თითქმის უკვე დაფერფლილი და მიმქრალი დაფიონი. სლევკინმაც დუმილი ამჯობინა, თან დაგონებულ თავს აკანტურებდა. გვერდით ოთახში კაბის შარიშური გაისმა; ამას ქალის ჩურჩული მოჰყვა:

— შუალამისას ქალაქში ინგუშები შემოიჭრებიან და გაგვძარცვავენ!..

სლევკინი სავარძელში მთლად მოიკრუნჩხა და თითქოს ათრთოლდა კიდევ, მერე ქალს შეუსწორა:

— ინგუშები კი არა, ოსები. ღამით კი არა, ხვალ დილით.

კედლის იქით ნერვიულად ანკარუნდა ჭურჭელი.

— ღმერთო ჩემო! ოსები? ეს ხომ საშინელება იქნება?..

— რა განსხვავებაა?

— როგორ თუ რა განსხვავებაა? თუმცა თქვენ არც კი იცით აქაური ამბები. ინგუშები თუ ძარცვავენ, მხოლოდ ძარცვავენ, ოსები კი ძარცვავენ და თან ხოცავენ კიდევ ხალხს.

— ყველას დახოცავენ? — საქმიანად იკითხა სლევკინმა, თან მყრალ ჩიბუხს აბოლებდა.

— აჰ, ღმერთო ჩემო! რა უცნაური ადამიანი ხართ! რა თქმა უნდა ყველას არა... აი, მაგალითად ვინც... ჰო, რას ვამბობდით? დამავინყდა, ჩვენ ხომ ვანერვიულებთ ავადმყოფს!

კვლავ აშარიშურდა კაბა. დიასახლისი ჩემკენ დაიხარა.

— სულაც არ ველავ... — არაფერია, არაფერი! — მკვახედ მოსჭრა სლევკინმა.

— რა, რა? როგორ თუ არაფერია?

— აი, აი, ეს ოსები, ვილაცებო, სისულელეა ეს ყველაფერი! — წარმოთქვა სლევკინმა და მისი ჩიბუხის გამონაბოლქვით კვლავ აყროლდა იქაურობა.

ძალაგამოცლილმა და დასუსტებულმა კვლავ წუნუნი დავინწყე.

— დედა! დედა! რა გვეშველება, რა გზას დავადგეთ?

— მართლაცდა რა უნდა ვქნათ?

სლევკინმა ცალკებად გაიცინა, შემდეგ კი დაფიქრდა, თითქოს რაღაც მოაგონდა; შევატყვე, შთაგონება და აღმაფერხა დაუფლებოდა.

— ხელოვნების „პოდოტდელს“ დავაარსებთ!

— ეს რა არის?

— რა?

— აი, ისა... „პოდუდელი“

— აჰა, არა. „პოდ-ოტ-დელი“.

— პოდ“?

— ეს ისა... იცი რა... — შეირხა იგი, — არსებობს „ოტნარობრაზი“³ ან „ობნარობრაზი“⁴ ოტ.

(„ნარობრაზი“⁵. „დიკობრაზი“⁶. „ბარბოსი“⁷. „ბარბიუსე“⁸)

დიასახლისი აღშფოთებამ მოიცვა.

— ღვთის გულისათვის, ნულარ ელაპარაკებით! ექიმო... ისევ ბოდვას დაანწყებინებს...

— სისულელეა! — მკაცრად წარმოსთქვა იურამ, — სისულელეა! ყველა ეს მინგრელები, იმერები... ჰო, იმათ რა ქვიათ? ჩერქეზები. უბრალოდ ბრყვები და ჩერჩეტები არიან!

— რა არიან?

— უაზროდ დარბიან. ისვრიან, თითქოს მთვარეს ესვრიან. ისინი არ დაიწყებენ ძარცვას...

- ჩვენ რა ვქნათ, რა გვეშველება?
- არაფერია, არაფერი! უნდა დავაარსოთ...
- ხელოვნების განყოფილება?
- ჰოო; ყველაფერი იქნება. „იზო“⁹. „ლიტო“¹⁰. „ფოტო“¹¹. „ტეო“¹²
- არაფერი მესმის.
- მიშენკა, ნუ ლაპარაკობთ! ექიმო!
- მერე აგისხნით! ყველაფერი გვექნება, ყველაფერი! მე უკვე ვიყავი გამგე. ჩვენ არაფერი გვემუქრება, რადგან აპოლიტიკურები ვართ. ჩვენ ხომ ხელოვნების ხალხი ვართ!
- რით უნდა ვიარსებოთ? ცხოვრება ხომ გვინდა!
- ხალიჩისთვისაც კი გამოვინახავთ ფულს!
- რა ხალიჩა, რის ხალიჩა?
- აჰ, იმ პატარა ქალაქში, სადაც გამგედ ვმუშაობდი, კედელზე ხალიჩა გვეკიდა, განვადებით ვიყიდეთ. როგორც კი ჯამაგირს ავიღებდით, მე და ჩემი ცოლი საჭირო თანხას მაშინვე ვიხდიდით. მძიმე დრო იყო, მაგრამ კვებას არ ვუჩიოდით. ულუფასაც კი გვაძლევდნენ.
- მე, მე რა ვქნა?
- შენ იქნები „ზავლიტო“¹³ აბა!
- რა „ზავლიტო“, რა?
- მიშუნია! გემუდარებით!

III
ლაპარაკანდელი

ლივლივებს ღამე. ღამე მრუმე, ბნელი, კუპრით შავი. ძილი არ მეკარება; კანდელი ნაზად თრთის და ციალებს. ქუჩაში სადღაც შორს ისვრიან. თავი მიხურს და თითქოს გონებაც მიბნელებს.

- დედა, დედა, ჩემო დედა! რა ვქნათ, რა გვეშველება?
- სლეზკინს რალაცის დაარსება განუზრახავს. აარსებს. „ფოტო“. „იზო“. „ლიტო“. „ტეო“. „ლიზო“¹⁴. „ტიზო“¹⁵
- თავს უყრის და აგროვებს ფოტოგრაფიულ ყუთებს. რისთვის ნეტავ? „ლიტო“-ში ხომ ლიტერატორები არიან? აჰ, რა უიღბლოები ვართ. „იზო“. „ფიზო“¹⁶ ინგუშები თვალებს აკვესებენ, ცხენებს მოაჭენებენ. ყუთებს გვტაცებენ. ხმაური. ესერიან მთვარეს. ფერშალი ქალი ფეხში ქაფურს მიშხაპუნებს. მესამე შეტევა მაქვს!..
- ო, ოო! რა იქნება, რა იქნება! გამიშვით! უნდა ნავიდე, უნდა ნავიდე!
- დანყნარდით მიშენკა, დანყნარდით, ძვირფასო!
- მორფის შემდეგ კი ინგუშები ქრებიან! ირხევა და ირხევა ხავერდოვანი ღამე. ზღაპრული ღვთაებრივი თვალის ციალებს ღამპარი და თითქოს ციურ ხმასაც კი გამოსცემს; დედა, დედა!

IV
ანი, ისიც — „პოდოტდელი“

კამკამებს მზე. ორადგილიანი ეტლის ბორბლებს იქით მტკრით სავსე ღრუბლები მოჩანს. ხმაურიან შენობაში შედიან, გამოდიან, ჩქარობენ. ერთ-ერთ ოთახში, მეოთხე სართულზე ორი კარებმომძვრალი კარადა და დაკოჭლებული მაგიდა დგას. სამი იისფერტუჩებიანი ქალიშვილი ხან თამბაქოს ეწევა, ხან კი სამივენი საბეჭდ მანქანას აჩხაკუნებენ.

თითქოს ჯვარცმული ჩამოსხნესო, შუა ადგილას ზის მწერალი და ცდილობს ქაოსიდან „პოდოტდელი“ შეაკონინოს. ტეო. იზო. აჭარხლებული მსახიობები გულს უწყალებენ, მოსვენებას არ აძლევენ, ფულს სთხოვენ.

ამასობაში ისევ შემოქცია — ირგვლივ ყველაფერი ლივლივებს; მამბარბაცებს და მაზიდებს კიდევ. მაგრამ მე ხომ გამგე ვარ, გამგე, „ლიტო“-ს გამგე, ვეჩვევი თანდათან. — „ზავპოდისკი“¹⁷. „ნარობრაზი“. „ლიტკოლეგია“¹⁸.

მაგიდებს შორის ვიღაც დადის. რუხი ფრენჩი და უცნაური გალიფე აცვია. ნალმტყორცნივით იჭრება თავმოყრილთა შორის და ისინი ელვისებური სისწრაფით იფანტებიან. ვისაც შეხედავს, ყველას ფერი მისდის, თვალები სად წაიღონ, არ იციან. მხოლოდ ქალიშვილები არაფრად აგდებენ მას; საყოველთაოდ ცნობილია, რომ გოგონებს შიშის გრძნობა არ გააჩნიათ.

მომიახლოვდა, თითქოს თვალებით განმგმირა, სულში ჩამიდგრა და იქ ფათური დაინყო; ყურადღებით შემისწავლა, კრისტალური გამოვდექი. ჩაღდა გული საგულესა... მოწყალებე გამიღიმა და მკითხა:

- „ზავლიტო“.
- „ზავ. ზავ“.

მერე სხვისკენ გაემართა; არა უშავს რა, კარგი ყმანვილი ჩანს, მაგრამ გაუგებარია, რა საქმე აქვს ჩვენთან. „ტეო“-ს არ ჰგავს „ლიტო“-ს მით უმეტეს.

პოეტი გოგონა გვეწვია. შავი ბერეტი ეხურა, ქვედაკაბა გვერდზე ჰქონდა შეკრული, ჩულქები კი გვარიანად მობრეცოდა... ლექსები წარმოგვიდგინა:

**ტა, ტა, ტა, იქ, იქ, იქ
გული მიცემს, ღამის გასკდეს
დინამიტის ჭურვივით!**

ცუდი ლექსები არ იყო. ჩვენ ალბათ ისა, ჰო, რა ჰქვია, კონცერტზე ნავიკითხავთ...

ქალიშვილს რატომღაც ხალისი ჩასდგომოდა თვალებში. კარგი გოგონა იყო, მაგრამ ნეტავ ჩულქის სამაგრებლები რატომ არ გააჩნდა?

V
კამერ-ინჟინერი პუშკინი

აჰ, რა კარგად მიდიოდა ყველაფერი, რა მშვენივრად იყო ყოველივე! ჰოდა, კინალამ დავილუპე ალექსანდრ სერგეევიჩ პუშკინის გამო, ღმერთმა სასუფეველში ამყოფოს მისი სული. აი, რაში იყო საქმე:

რედაქციაში, ხრახნული კიბის ქვეშ ბუდე გაიკეთა და ბინა დაიდო ადგილობრივი პოეტების საამქრომ. მათ შორის იყვნენ ერთი ლურჯ სტუდენტურ შარვალში ჩაცმული ახალგაზრდა კაცი და ერთი მოხუცი კაცი, რომელსაც თურმე სიბერეში პოეზიის მუშამ ისე შეუბრალებლად დარია ხელი, რომ სამოცი წლისას ლექსების წერა დაუწყია. მათ გარდა საამქროში კიდევ რამდენიმე ადამიანი ირიცხებოდა.

ერთ დღეს ჩვენთან თამამად და უშიშრად არწივისებური სახის მამაკაცი შემოიჭრა; ქამარში უზარმაზარი რევოლვერი ჰქონდა გაჩრილი; სახეში პირდაპირ არავისთვის შეუხედავს, მაგრამ მელანში უშურველად ჩასველებულმა მისმა ბასრმა კალამმა უპირველესად იმათი გულები განგმირა, რომლებიც გასული ზაფხულის თავყრილობაზე გადაურჩნენ მის მსახვრალ ხელს; როგორც აღმოჩნდა, ყველანი კარგად დამახსოვრებია და თითოეული მათგანი ნიშანშიც ჰყავდა ამოღებული. მღვრიე თერგის დაუოკებელ გუგუნსა და ზრიალში მან შეაჩვენა იასამანი და დასჭექა:

**საკმარისად უმღერეს თოლიას და მთვარეს,
საგანგებო და საჭირო ლექსს მოგანვდით მალე...**

რომ იცოდეთ რა ეფექტური იყო ეს ყველაფერი! ამის შემდეგ კიდევ ერთმა ნაიკითხა მოხსენება გოგოლისა და დოსტოევისკის შესახებ და ორივენი ალგავა პირისაგან მინისა. მართალია მომხსენებელმა პუშკინის მიმართ არაკეთილგანწყობა გამოამჟღავნა, მაგრამ ეს იყო გაკვრით და ზერელედ; თუმცა დაგვიმედა, რომ საგანგებო მოხსენებას მი-

უძღვნიდა მას. მართლაც, ივნისის ერთ ღამეს მან კრიტიკის ქარცეცხლში გაატარა და გვარიანად დაამუშავა პუშკინი თეთრი შარვლის, კამერ-იუნკერობის, მონური სტიქიის, ფსევდორევოლუციონერობის, ფარისევლობის, უხამსი ლექსების, ქალებთან არმოყოფის გამო და სიტყვებისათვის:

უდრტინველად ვუმზერ მყოფადსა და მომავალს...

ვიჯექი პირველ რიგში და სულისშემუთველი სიცხისაგან ოფ-ლში ვცურავდი, თან ვუსმენდი, რა შეუბრალებლად გლეჯდა იგი ნაკუნ-ნაკუნ პუშკინის თეთრ საცვალს; ხოლო როცა პირი მთლად გაუშრა და ჭიქა წყლის მირთმევის შემდეგ ცოტა შევბა იგრძნო, წინადადება წამოაყენა — პუშკინი ცეცხლისთვის მიეცათ.

უცნაური და იდუმალი ღიმილით გამეღიმა; ეშმაკმა წაილოს ჩემი თავი, ეს რა საოცარი და გრძნეული ღიმილი დამეუფლა.

- აბა, გასწიეთ ოპონენტობა!
- რაღაც არ მსურს.
- როგორც ჩანს, თქვენ მოქალაქეობრივი გამბედაობა არ გაგაჩნიათ!
- აჰა! რადგან ასეა, მოვამზადებ მოხსენებას.

მართლაც დავწერე მოხსენება. სამი დღე და ღამე ვემზადებოდი. ნითელაბაჟურიანი ღამის შუქზე მუხლებზე მედო წიგნი, რომელიც ცეცხლოვანთვალეზიანი ადამიანის მიერ იყო დაწერილი.

ფუჭი და ფუყე ცრუ სიბრძნე ბჟუტავს, თან დღენაკლული და წარმავალია, უკვდავი გონების მზესავით კაშკაშთან, იგი რა მოსატანია.

ის ამბობდა აგრეთვე:

„ცილისნამებას შეხვდი გულგრილადო!“ როგორ თუ გულგრილად! არა და არა! მე იმით ვაჩვენებ! დამაცადონ ერთი! — გაავებული ვამბობდი ჩემთვის და თან კუნაპეტ ღამეში მუშტებით ვიმუქრებოდი... შევასრულე დანაპირები... საამქრო აწრიალდა და აფორიაქდა. მომხსენებელი ორივე ბეჭით მიწას გავეკარი. მაყურებელთა თვალბეჭით რაღაც ჩუმი და უტყვი სილაღე და სიკაცკაცე შევნიშნე.

— აბა, ბოლომდე, ბოლომდე, ბოლო მოუღე და გაასავათე!..

მაგრამ სამაგიეროდ რა იყო შემდგომი!!! რა იყო შემდეგი!!! მე თურმე „ცხვრის ტყავში გახვეული მგელი ვყოფილვარ“, თან „ბატონი და მბრძანებელი“ და ამასთან ერთად „ბურჟუაზიის დამქაში“...

აჰ, ეს მტერიანი დღეები და სულის შემუთველი ღამეები!

იდგა ზაფხული, ქ.დ. 1920-ე წელსა. ტიფლისიდან ადამიანი მოგვევლინა ეს გამოცხადება გახლდათ. ღრმა მოხუცი ადამიანით სახედანაოჭებულმა, მთლად მოტეხილმა და მოშვებულმა ახალგაზრდა კაცმა საკუთარი თავი წარმოგვიდგინა: პოეზიის შფოთისთავი; თან ჩამოიტანა პატარა წიგნი, რომელიც ლვინის პრეისკურანტს მოგაგონებდათ... იმ წიგნი მისი ლექსები იყო დაბეჭდილი. აი, ასეთი რითმაც ვნახეთ:

შრომანი და ნაგერალა, ის ყოფილა ნაძირალა;

აღბათ ჭკუიდან შევიძლები, ნამდვილად გავვიჟღებო, ნამდვილად! პირველი ნახვისთანავე ახალგაზრდამ ამითვალწუნა, და ჩემს მიმართ ზიზღით განენყო. ყოველ გაზეთში აურზაურსა და აყალმყალს ტეხს (განსაკუთრებით გამოირჩევა მე-4 გვერდი, მე-4 სვეტი).

ჩემს შესახებაც წერს და პუშკინზეც, სხვაზე არაფერზე. პუშკინი უკვე ეზიზღება ყველას, ჩემზე მეტად პუშკინი. იმას რა უჭირს, დიდი ხანია მარადისობაშია, ღმერთმა სასუფეველი დაუშკვიდროს!

დავილუპები, ნამდვილად დავილუპები, ჭიასავით გამსრესენ...

VI ბრინჯაოს საყელო

რა დაწყველილი ქალაქია ეს ტიფლისი! იქიდან მეორეც გვეწვია! ბრინჯაოს საყელოანი, ბრინჯაოს! ჟურნალის ხმაურიან კრებებზე გამოდიოდა... სულაც არ ვებურობ! ბრინჯაოს საყელოთი... გესმით?!..

(ბელეტრისტი სლევკინი გააგდეს, მოიმორეს თავიდან, მიუხედავად იმისა, რომ მას მთელ რუსეთში კარგად იცნობენ, თან ფეხმძიმე ცოლი ჰყავს. ეს ახლადმოვლენილი კი მის ადგილზე მოკალათდა. ესეც შენი „იზო“. „ლიზო“. ესეც შენი სახალიჩე ფული...)

VII ბიჭუნები ყუთში

თავს გვირგვინი დასდგომია მთვარეს. მე და იურა აივანზე ვზივართ და ვარსკვლავებით მოჭედულ ცის თაღს მივჩერებივართ. შევბას ვერ ვგრძნობთ. რამდენიმე საათში ვარსკვლავები გაქრება და ჩვენს თავზე ცეცხლოვანი სფერო აელვარდება; ჩვენ კი კვლავ დავინყებთ სულის ლაფვას ქინძისთავზე გაკრული ხოჭოებივით.

აივნის კარს მიღმა, თითქოს სადღაც დასაკარგავში ბავშვის გაუთავებელი ჭყვილი ისმის. მთების ძირას, სრულიად უცხო ქალაქში, ერთ მოცუტუნულ, სამხეცე გალიასავით პატარა ოთახში მძიერ სლევკინს ბავშვი გაუჩნდა. ბავშვი ყუთში ჩაანვინეს, ყუთი კი ფანჯრის რაფაზე შემოდგეს, ზედ ასეთი წარწერა გაუკეთეს: — me Marie. Modes et Robes.

პანანინა არსება გამუდმებით წკმუის.

საცოდავი ბავშვი!

ბავშვი კი არა, ჩვენ თვითონ ვართ საცოდავები!

ირველივე მთები შემოჯარულან. მთვარის შუქზე მათაც ჩასძინებიათ. შორს, ძალიან შორს ჩრდილოეთში უკიდვანო დაბლობებია. სამხრეთში ხეობები, ხევები და ღრანტეები, შფოთიანი მდინარეებიც უამრავია. სადღაც დასავლეთით კი ზღვაა. თავზე მას „ოქროს რქა“ დაჰნათის.

...გინახავთ Tangle-foot-ზე ბუზები?!

როგორც კი ბავშვის ჭყვილი წყდება, გალიაში შევდივართ. პომიდორი, ცოტაოდენი შავი პური და არაყი. ფუ, რა საშინელი არაყია! მაგრამ, დალევ თუ არა, უკეთესობას გრძნობ!

როცა ირველივე ყველაფერი ღრმა ძილში იძირება, მწერალი თავის ახალ ნაწარმოებს მიკითხავს. მას სხვა მსმენელი არა ჰყავს. ღამე კი კვლავ ლივლივებს. ნაწარმოების ავტორი კითხვას ამთავრებს, ფრთხილად კეცავს ხელნაწერს და ბალიშის ქვეშ ინახავს, რადგან, მაგიდაც კი არ გაგაჩნია. მიმქრალ აისამდე ვჩურჩულებთ!..

(რა დიდებული სახელები წარმოთქვა ჩვენმა გამშრალმა პირმა, რა სახელები! პუშკინის ლექსები კი საოცრად გვეხმარება ჩვენი გაბოროტებული სულის დასაშოშმინებლად. რუსეთის მწერლებო! მოერიდეთ გაგულისებასა და გაბოროტებას!)

მხოლოდ ტანჯვის შედეგად მოდის ჭეშმარიტება... დარწმუნებული იყავით, ეს მართლაც ასეა! თუმცა ჭეშმარიტების შეცნობაში არც ფულს გიხდიან, არც ულუფებს იძლევიან; სამწუხაროა, მაგრამ ფაქტია.

VIII ბამჟოლი ქარი

ევრეინოვი ჩამოვიდა. ჩვეულებრივი თეთრი საყელო ამშვენებს. შავ ზღვაზე ყოფილა და პეტერბურგში მიემგზავრება. აქ გავლით მოხვედრილა.

სადღაც ჩრდილოეთში იყო ასეთი ქალაქი.

ნეტავ თუ კიდევ არის? ამაზე მწერალს გაეცინა, გვარწმუნებს, დღესაც არსებობს ეს ქალაქი, თუმცა იქამდე ჩასვლას დი-

დი დრო სჭირდება, სამი წელი თბილანა ვაგონში უნდა იცხოვრო. მთელი საღამო ვტკბებოდი თეთრი საყელოს ყურებით და სულ-განაბული ვისმენდი სათავგადასავლო მოგზაურობის ამბებს.

მთლად უფულოდ ვიყავი, ნივთებიც კი მომპარეს... ხოლო მეორე და უკანასკნელ საღამოს ვიჯექი სლუზკინთან ერთად იმ სასტუმრო ოთახში, რომელიც დიასახლისმა გამოგვიყო. ოთახი მთლად გაბოლილი იყო თამბაქოს კვამლით. პიანინოსთან იჯდა ნიკოლაი ნიკოლაევიჩი, რომელიც რკინისებური ნებისყოფითა და არნახული გამძლეობით იტანდა მის მიმართ ცნობისმოყვარეობის მტანჯველ გამოვლინებას; ოთხი პოეტი ცაცი, პოეტი ქალი და საამქროს მხატვარი ისხდნენ დარბაისლურად და თვალმოუშორებლად და ხარბად მისჩერებოდნენ სტუმარს. ვერეინოვი საზრიანი ადამიანია:

— აი, „მუსიკალური გრიმასებიც“...

წარმოთქვა მან, მაშინვე კლავიატურისკენ მიბრუნდა და დაიწყო: თავდაპირველად იმის შესახებ, თუ როგორ უკრავდა როიალზე სტუმრად მყოფი სპილო, შემდეგი იყო შეყვარებული პიანინოს ამწყობი, დიალოგი ოქროსა და ფოლადს შორის, ბოლო კი პოლკა.

ათიოდე წუთის შემდეგ საამქრო მთლად მოიშალა, დაიშალა, არსებობის უნარი დაკარგა, ჯდომა და დგომა აღარავის შეეძლო, ყველანი ქერებეზივით იატაკზე ეყარნენ, ხელებს ასავსავებდნენ, კვნესოდნენ... ცოცხალთვალეიანი ადამიანი კი შორს გაემგზავრა. აღარავითარი გრიმასები...

თითქოს გამჭოლმა ქარმა აიტაცაო, ისე დაქრიან!

ერთი მიიჩქარის ქერჩიდან ვოლოგდაში, მეორე კი პირიქით, ვოლოგდიდან — ქერჩში. აბურძგნული ოსიბი ჩემოდნით ხელში მიძვრება და ეტყენება, ბრაზობს და თან გააჰყვირის:

— აი, ნახავთ, ნახავთ, ვერ ჩავალწევთ, მორჩა და გათავდა!

— რა თქმა უნდა, ვერსადაც ვერ ჩაალწევ. თუ არ იცი სად მიდისხარ!

გუშინ კი რიურიკ ივნევი გაემგზავრა, ტიფლისიდან მოსკოვში მიდიოდა.

— მოსკოვში უკეთესიაო!

იმდენი იარა და იმოგზაურა, რომ ერთხელ სარუე თხრილთან დანვა:

— არ ავდგები, ხომ უნდა მოხდეს რაიმე?

მართლაც მოხდა: შემთხვევით ნაცნობი დაადგა თავს, ნაიყვანა და სადილით გაუმასპინძლდა;

მეორე პოეტი მოსკოვიდან ტიფლისს გაემგზავრა.

— ტიფლისში უკეთესიაო!

მესამე კი ოსიბ მანდელშტამი გახლდათ. ერთ ნისლიან დღეს იგი მოულოდნელად გვეწვია. თავი პრინცივით ამყადა მალა ეჭირა. ლაკონიურობით ლამის გაგვანადგურა:

— ყირიმიდან მოვიდვარ. ცუდადაა საქმე... ხელნაწერს ხომ არ შეისყიდით?

— ...მაგრამ ფულს არ გვიხ... — ის-ის იყო დაეიწყე, მაგრამ დამთავრება არ დამაცადა, ისე გავარდა; წავიდა, გაემგზავრა, არავინ იცის, საით გასწია...

ბელეტრისტი პილნიაკი როსტოვში ჩასულა, ფქვილის გადასაზიდი მატარებლით უმგზავრია, თურმე ქალის კოფთა სცმია.

— განა როსტოვში უკეთესია?

— არა, არა, დასასვენებლად მივდივარ!

ორიგინალური ადამიანია — მოოქროვილ სათვალეს ატარებს.

სერაფიმოვიჩი ჩრდილოეთიდან მოგვევლინა!

დაღლილი თვალებითა და მოგუდული ხმით იგი ჩვენს საამქროში მოხსენებას კითხულობს.

— ალბათ გახსოვთ ტოლსტოისთან ჯოხზე წამოცმული და საგულდაგულოდ მიმაგრებული თავსაფარი; იგი ხან ეტმასნება, ხან ისევე გაიშლება და თან ფარფატებს; ის თავსაფარი ხომ როგორც ცოცხალი არსება, ისე წარმოგვიდგება... მახსოვს, არყის ბოთლზე მისაკრავად ლოთობის სანინაღმდეგო იარ-

ლიყი უნდა შემედეგინა. დავეწერე ფრაზა, ერთი სიტყვა წავეშალე და ზემოთ სხვა სიტყვა დავამატე. ცოტა კიდევ ვიფიქრე — ისევე რაღაც წავეშალე და რამდენჯერმე ასე გავიმეორე, სამაგიეროდ ისეთი გამოვიდა, როგორც საჭირო იყო, სხარტი და მოქნილი... ახლა კი წერენ, დიას, უჩვეულოდ წერენ!

აიღებ ხელში, ნაიკითხავ, არა, არა! ვერაფერს გაუგებ! კიდევ სხვა რაღაცას ნაიკითხავ, იქაც ისეთივე ამბავია, იძულებული ხარ, ყველაფერს თავი მიანებო და აღარაფერს გაეკარო!..

კედელთან ბინადრობს ადგილობრივი საამქრო in corpore. ისეთი თვალბრუნით იყურებიან, თითქოს არ ესმით, რაზეა ლაპარაკი. რაც უნდათ, ის ქნან, თავიანთი საქმეა.

სერაფიმოვიჩი გაემგზავრა... ანტრაქტი გამოცხადდა.

IX დიდი მწერლის შესახებ

„პოდოტდელის“ დეკორატორმა ანტონ პავლოვიჩ ჩეხოვი დახატა მობრეცილი ცხვირითა და ისეთი საზარელი პენსნეთი, რომ შორიდან გეგონებოდათ ჩეხოვს საავტომობილო სათვალეები უკეთიაო. პორტრეტი უშველებელ მოლბერტზე მოვთავსეთ. პავილიონში ჟღალ-წითური ფერები სჭარბობდა, იდგა პატარა მაგიდა გრაფინით და ნათურაც ენთო.

წავიკითხე შესავალი სტატია „ჩეხოვის იუმორის“ შესახებ. დროდადრო თითქოს გონება მიბნელებოდა, როგორც ჩანს იმის გამო, რომ სამი დღის უსადილო ვიყავი, შესაძლოა რაიმე სხვა მიზეზითაც. ის ღონისძიება თეატრში ტარდებოდა, დარბაზი ისე იყო გადაჭედული, ნემსი არ ჩავარდებოდა. ხანდახან ვიბნეოდი კიდევ, ბუნდოვნად ვხედავდი ერთმანეთში არეულ სახეებს, რომლებიც თითქოს გუმბათამდე აჩხორილიყვნენ. გაღიმებოდა მანც ვინმეს... თუმცა მალე ერთსულოვანი და მქუხარე ოვაციები გაისმა. შეცბუნებული და დარცხენილი მაშინვე მივხვდი, ეს ალტაცება და ოვაციები ჩემი გამოსვლის დასრულებით იყო გამოწვეული. ცოტა შვება მანც ვიგრძენი და კულისებს მივაშურე. ორი ათასი ვიშოვე, ხუმრობა ხომ არ იყო; ახლა სხვებმაც იმტვირონ თავი-მეთქი, — ვფიქრობდი ჩემთვის. მოსაწევად გავიწვი და მესმოდა, როგორ წუხდა ერთი წითელარმიელი:

— ჯანდაბამდე გზა ჰქონიათ თავიანთი იუმორი! კაკკასიაში შემოვიარეთ და აქაც გვაბრიყვებენ და თავგზას გვიბნევენ!..

სრულ სიმართლეს ამბობდა ეს ტუღელი მეომარი!

მალე ჩემს მიერ ამოჩემებულ ადგილს მივაშურე და სარეკვიზიტოს უკან ბნელ კუთხეში შევიკუნჭე. მესმოდა, როგორ გუგუნებდა და რა ჟრიაბული გაუდიოდა დარბაზს. ვაშა! იცი-ნინა, იცი-ნინა! ყორჩალ მსახიობებო! ძალზე დაგვეხმარა „ქიურგია“ და ის ისტორიაც, თუ როგორ დააჯეშინა ჩინოვნიკმა.

გამარჯვება! წარმატება! ვირთავგების სოროს მსგავს ჩემს კუთხე-კუნჭულში სლუზკინი მოვარდა, იგი ხელებს ისრესდა და თან სისინებდა:

— აბა, მეორე პროგრამასაც შეუდექი!

გადავწყვიტე, „ჩეხოვის იუმორის საღამოს“ შემდეგ „პუშკინის საღამო“ წარმომედეგინა.

მე და იურა შეთანხმებულად და დიდი შეხმატკბილებით ვწერდით პროგრამას!

— ამ რეგვენს არ სცოდნია ხატვა! — მძვინვარებდა სლუზკინი. — მარია ივანოვნას დავავალოთ!

მაშინვე ავბედიითი წინათგრძნობა დამეუფლა, რადგან ვგრძნობდი, მარია ივანოვნას ისე ეხერხებოდა ხატვა, როგორც მე ვიოლინოზე დაკვრა. ამას ჯერ კიდევ მაშინ მივხვდი, როცა მარია ივანოვნა „პოდოტდელში“ გამოგვეცხადა და განვეიცხადა, თვით -ის ნამონაფარი ვარო (მახსოვს იგი მაშინვე დანიშნეს „იზო“-ს გამგედ).

ღონისძიების დაწყებამდე ნახევარი საათით ადრე სადეკორატოროში შევედი და გავშემედი, ოქროს ჩარჩოდან ნოზდ-

რიოვი მომჩერებოდა. აჰ, რა საოცრად გამოიყურებოდა... თავხედური და გადმოკარკლული თვალები, ერთი ბაკენბარდი მეორეზე უფრო მომცრო და მეჩხერი. ისეთი გრძობა და მუფულა, თითქოს ხარხარს ატეხდა და მეტყოდა:

— მძობილო, ეს-ეს არის ბაზრობიდან დაგბრუნდი! მომილოცე — რაც გამაჩნდა, ყველაფერი ნავაგე!

არ ვიცი, რა სახე მქონდა, მაგრამ მხატვარი ქალი საშინლად აღშფოთდა და ისე აჭარხლდა, რომ პუდრის სქელმა ფენამაც ვერ დამალა მისი სახის სინითლე.

— მგონი არ მოგნონთ, არა?..
— რას ამბობთ, ჰე, ჰე! მშვენიერია, მშვენიერი! მხოლოდ აი, ცოტა ბაკენბარდები...

— რა, რა ბაკენბარდები? ესე იგი თქვენ ვერ სცნობთ პუშკინს! ლიტერატორი კი გქვიათ! ჰა, ჰა, ჰა! როგორ ფიქრობთ, პუშკინი გაპარსული უნდა დაიხატოს?

— მაპატიეთ, ბაკენბარდები ბაკენბარდებია, მაგრამ პუშკინი ხომ კარტს არ თამაშობდა, თუმცა თუკი თამაშობდა, ყოველგვარი თვალთმაქცობის გარეშე!

— რა კარტის თამაში! არაფერი მესმის, როგორც ვხედავთ, მე თქვენ აბუჩად მიგდებთ!

— მოითმინეთ, მოითმინეთ! სწორედ ეს არის აბუჩად აგდება! თქვენს პუშკინს ხომ ყაჩაღის თვალები აქვს.

— აჰა... მაშ ასე, არა? ფუნჯი დააგდო, კარებისკენ გაემართა და მომძახა:

— „პოდოტდელში“ გიჩივლებთ...

ეს რა იყო! ეს რა იყო!.. როგორც კი ფარდა გაიხსნა, ჩაბნელებულ დარბაზს თვალწინ წარმოუდგა თავხედურად და კადნიერად მომღიმარი ნოზდრიოვი. დამსწრე საზოგადოებას სიცილმა გადაურბინა.

ღმერთო ჩემო! ყველა დარწმუნებული იყო, რომ ჩეხოვის იუმორს პუშკინის იუმორი მოჰყვებოდა! ცივი ოფლი მასხამდა, მაგრამ როგორღაც ძალა მოვიკრიბე და ლაპარაკი დავიწყე „რუსული სიტყვიერების დათოვლილ სივრცეებში ჩრდილოეთის ციალის შესახებ“. დარბაზში კი ბაკენბარდების გამო გაუთავებელი ხითხითი ისმოდა. ჩემს ზურგსუკან ნოზდრიოვი აყუდებულყოფილ და მეჩვენებოდა, თითქოს რაღაცას მეზუტუტებოდა:

— მე რომ შენი უფროსი ვიყო, პირველივე ხეზე ჩამოგასრჩობდიო!

ცოტა ხანს კი ვიკავებდი თავს, მაგრამ მერე მეც ხითხითი ამიტყდა. არნახული და არგაგონილი წარმატება მხვდა წილად. არც მანამდე და არც შემდგომში არასდროს მღირსებია ასეთი მხურვალე ოვაციები. ყოველივე ამას მოჰყვა **crescendo**. როცა სცენურ წარმოდგენაში სალიერიმ მონაშლა მოცარტი, თეატრის მაყურებლებმა თავიანთი კმაყოფილება ნაშახალისებელი ხარხარით გამოხატეს და თან მჭექარე შეძახილიც მიაყოლეს: „ის“?

შეშინებული ვირთხასავით გავრბოდი თეატრიდან და ბუნდოვნად მოვკარი თვალი, როგორ მიიჩქაროდა უბის ნიგნაკიანი პოეზიის შფოთისთავი რედაქციისკენ!

ასეც ვიცოდი! გახეთი უკვე ბოძზე გაეკრათ. მასში კი მე-4 გვერდი ეკავა შემდეგს:

ი ს ე ვ პ უ შ კ ი ნ ი!

(დედაქალაქის ლიტერატორებმა, აფარებენ რა თავს ხელოვნების ადგილობრივ „პოდოტდელს“, კვლავ დამოუკიდებლად მიიღეს თვითნებური გადაწყვეტილება და კიდევ ერთხელ სცადეს საზოგადოების გარყვნა, რისთვისაც მას თავიანთი კერპი პუშკინი წარუდგინეს, თან საკუთარ თავს იმის ნებაც კი მისცეს, ეს კერპი ბაკენბარდებთან მემამულედ წარმოეჩინათ. თუმცა დაუშვავათ, იგი მართლაც იყო მეზატონე და ყმების მეპატრონე!.. და ა.შ. და ა.შ.)

ღმერთო ჩემო! ნუთუ არ შეიძლება, რომ ეს შფოთისთავი მიიცვალოს და გაქრეს? ირგვლივ ხომ ტიფის ეპიდემიაა და რა იქნება, ისიც რომ ავად გახდეს! ეს კრეტინი უთუოდ ციხის კარამდე მიმიყვანს!

აჰ, კიდევ ის გაპუდრული ჯოჯოხეთის მოციქული „იზო“? დამთავრდა, ყველაფერი დამთავრდა!.. მსგავსი საღამოები აკრძალეს!

...დგება აუტანელი შემოდგომა. დაუდგრომლად შხაპუნობს დამრეცი წვიმა. არ ვიცი რა გვეშველება, რა ვქნათ, რა ვილონოთ? რა უნდა ვჭამოთ? საჭმელი გვექნება?

X წვივისაწვივი და შავი თაგვი

სიბნელეში, გვიან ღამით ნუმპეებში მივაბიჯებ მშიერ-მწყურვალე. ფეხებზე მაცვია დახეული, პირდაფრენილი ფეხსაცმელები და წინდების ნაგლეჯები. ცა არ ჩანს, მის მაგივრად უშველებელი წვივისაწვივი ჰკიდა. არაფერი დამილევია, მაგრამ მაინც მთვრალივით მივბარბაცებ სასწარკვეთით, თან ჩემთვის ვზუტუტებ:

— ალექსანდრე პუშკინი, **Jumen coeli. Sankta rosa.**

ჭექა-ქუხილივით ჩამესმა მისი მუქარა.

შევიშალე თუ რა ამბავია ჩემს თავს? ამოდრავდა და თითქოს გარბის ფარნის ჩრდილი. ვიცი, ეს ჩემი ჩრდილია, ჩრდილს ცილინდრი ახურავს, მე კი — კეპკა; ცილინდრი ხომ შიმშილის გამო ბაზარზე გავყიდე, კეთილმა ადამიანებმა იყიდეს და მისგან „პარაშა“ გააკეთეს. გულსა და ტვინს ნამდვილად ვერ ნავილებ ბაზარში გასაყიდად, სულიც რომ გამძვრეს. კვლავ სასონარკვეთა მეუფლება, თავზე წვივისაწვივი დამფრიალებს, გულს კი შავი თავი მიღრღნის.

XI კნუტ ჰამსუნზე მოხარხაბულად ვიძიევი

(ვ შ ი მ შ ი ლ ო ბ)

.....

XII უნდა გავიძე, უნდა გავიძე!

— ასი ათასი მაქვს... ასი ათასი!..

ჩემი შრომით მოვიპოვე!

ყველაფერი კი ადგილობრივი ნაფიცი ვექილის თანაშემწემ მასწავლა. სტუმრად მოვიდა ჩემთან, დაინახა, რა გაოგნებული ვიჯექი, ხელებზე თავი ჩამოიღო და მომმართა:



მხატვარი თამარ მინაშვილი

— არც მე მაქვს ფული. არსებობს ერთადერთი გამოსავალი, პიესა უნდა დავენეროთ, რა თქმა უნდა, ეს იქნება ადგილობრივი მკვიდრთა ცხოვრებიდან; კარგი იქნება, რაიმე რევოლუციური თუ გამოვა. ჰოდა, მერე გავყიდოთ.

გამოთავყვანებული შევყურებდი მას და ბოლოს ვუპასუხე: — ადგილობრივების ცხოვრებიდან ვერაფერს დავენერ და საერთოდ, მე მგონი, არაფრის წერა აღარ ძალმიძს; დავილაღე და ლიტერატურისადმი მიდრეკილებაც თითქოს სადღაც გამიქრა. აი, რა მიპასუხა მან:

— სისულელეს ლაპარაკობთ. ეს ყველაფერი შიმშილის ბრალია. ვაჟკაცურად მოიკრიფეთ მხნეობა, ადგილობრივი მკვიდრთა ცხოვრება უმნიშვნელო რამაა. მშვენივრად ვიცნობ მათ ყოფას... ერთად დავენერთ, ფულს კი გავიყოფთ.

იმ დღიდან მოყოლებული გაბუდებით ვწერდით. ჩემს თანაავტორს პატარა მრგვალი ღუმელი ედგა. მისი ცოლი ოთახში გაბმულ თოკებზე ფენდა სარეცხს, ჩვენთვის ვინეგრეტს ამზადებდა და ამასთან ერთად სახარინიანი ჩაითაც გვიმასპინძლებოდა. შეხმატკბილებულნი ვმუშაობდით; ჩემი კოლეგა იქაურ წეს-ჩვეულებებს მიყვებოდა, ადამიანებს მისახელებდა, მე კი ფაბულას ვწერდი. ქალიც მოგვიჯდებოდა ხოლმე და რჩევას გვაძლევდა. სხვათა შორის, დავრწმუნდი, რომ ცოლ-ქმარს უფრო მეტი ნიჭი და უნარი აღმოაჩნდათ ლიტერატურისა, ვიდრე მე. მათ მიმართ სულაც არ მიგრძენია შური, რადგან მტკიცედ გადავწყვიტე, ეს იქნებოდა უკანასკნელი ნაშრომი ჩემს ლიტერატურულ ასპარეზზე.

აი, ასე ვწერდით!
ჩემი თანამოსაქმე ნებივრობდა და ღუმელთან განცხრომას ეძლეოდა.

— ძალიან მიყვარს შემოქმედებითი წვა! — იმეორებდა იგი დროდადრო.

მეც, რაც ძალი და ღონე მქონდა, კალამს ვანრიპინებდი. შვიდი დღის შემდეგ სამმოქმედებიანი პიესა მზად გვქონდა. როცა ღამით ჩემს გაყინულ ოთახში პიესა კიდევ ერთხელ გადავიკითხე, მინდა გამოგიტყდეთ და არც მრცხვენია იმის აღიარება, რომ ცხარე ცრემლით ავტირდი, რადგან ეს იყო უნიჭობისა და გონებაჩლუნგობის ნარმოუდგენელი და შემადრწუნებელი გამოვლინება. ამ კოლექტიური ნაშრომის ყოველი სტრიქონიდან საოცარი სიყვყეჩე და ალვირახსნილი კადნიერება იფრქვეოდა. საკუთარ თვალებს არ ვუჯერებდი. მე უგუნურს რისი იმედი უნდა მქონოდა, თუკი უკეთესად წერა არ შემეძლო? მუქი მწვანე ფერის კედლებიდან და საოცრად ჩაბნელებული ფანჯრებიდან თვით სირცხვილი შემომყურებდა და თვალებით მჭამდა.

გადავწყვიტე ხელნაწერი დამეხია, მაგრამ შევჩერდი, რადგან გამახსენდა იმათი მოსაზრება, ვინც ფიქრობს, რომ შეუძლებელია დაწერილის განადგურება და მოსპობა! შეიძლება დაწვა, დახიო, ხალხის თვალს მოაშორო, მაგრამ საკუთარ თავს ვერაფერს მოუხერხებ, ვერაფერს; დამთავრდა, მორჩა! ეს ყველაფერი ნარშულელ კვალს სტოვებს... ეს საოცრება შევექმენი მე, იგი ჩემი შრომის ნაყოფია!

ადგილობრივი „პოდოტდელში“ პიესამ ფურორი მოახდინა. იგი მაშინვე იყიდეს ორასი ათასად, ორი კვირის შემდეგ კი უკვე სცენაზე იდგებოდა. ათასობით მაყურებლის ერთად შეკრულ მზერას ნარმოუდგა მოელვარე ხმლები და სატყვრები, ანთებული თვალები, მასრები. მას შემდეგ, რაც მესამე მოქმედებაში მამაცი მხედრები შემოცვივდნენ, დაუნდობლად ეკვეთნენ ბოქაულსა და ჩაფრებს და ყველანი შეიპყრეს კიდევ, — ჩეჩნები, ყაბარდოელები და ინგუშები ერთად აყვირდნენ:

— ვაა! ეგ არამზადა და გათახსირებული! მაგის ღირსი იყო, მაგისი!

„პოდოტდელის“ ქალოპილებთან ერთად სცენაზე გაუთავებლად იხმობდნენ ავტორს, კულისებში კი მაღლობისა და კმაყოფილების გრძნობით აღსავსენი მოსვენებას არ გვაძლევდნენ, ხელს გვართმევდნენ და იმეორებდნენ:

— რა კაი რამეა, აჰ, რა კაი პიესაა! — ო, მათ აღფრთოვანებას საზღვარი არ ჰქონდა, თან მთელი სულითა და გულით აულში გვეპატიჟებოდნენ.

...უნდა გავიქცე, უნდა გავიქცე! სხვანაირად არ შემიძლია. გზისთვის ასი ათასი მეყოფა... წინ, მხოლოდ წინ — ზღვისკენ! იქ კი ზღვით — საფრანგეთში, ხმელეთზე, პარიზში!

...სახეში უმონყალოდ მცემდა ირიბი წვიმა.

ჩიხებითა და შესახვევებით უკანასკნელად გავზროდი სახლისაკენ... — მოგმართავთ თქვენ, ბელეტრისტებო, დრამატურგებო, პარიზში, ბერლინში! აბა სცადეთ, სცადეთ თავის შესაქცევად და გასართობად შეძლებთ განა რაიმე უარესის დაწერას? ისეთივე ნიჭიერები რომ იყოთ, როგორც კუპრინი, ბუნიინი ან გორკი — მაინც ვერ შეძლებთ ამის გაკეთებას. ეს შეეძელი მხოლოდ მე, კოლექტიურ შემოქმედებაში რეკორდი მოვხსენი... ჩვენ ხომ სამნი ვწერდით ერთად: მე, რწმუნებულის თანამშემენ და გაავებული შიმშილი; ეს იყო 21 წლის დასაწყისში...

XIII

გაქრა, დაიკარგა; აღარ არსებობს ქალაქი მთის ძირში. ღმერთმა დაგწყველოთ და შეგაჩვენოთ... ციხისძირი, მახინჯაური, მწვანე კონცხი! ყვაიან მაგნოლიები, იხელა თეთრი ყვავილები აქვთ, თეფშები გეგონებათ. ბანანი, პალმები! გვიციცებით, საკუთარი თვალთ ვიხილე, პალმაც მინიდან ამოზრდილიყო. ზღვა კი დაუსრულებლად შელიღინებს გრანიტის ლოდებს. წიგნებში არ იტყუებიან, მზე მართლაც იძირება ზღვაში. აჰ, ეს თვალნარმტაცი და მშვენიერი ზღვა, ეს თვალშეუღვამი ციქვემეთის სიმაღლეები, მცოცავი და ზვიარა მცენარეებით დაფარული ციცაბო კლდეები და ქარაფი. ჩაქვი, ციხისძირი, მწვანე კონცხი.

ნეტავი ვიცოდე, საით გამინევია, საით? სად მივემგზავრები? მაცვია ობლად დარჩენილი უკანასკნელი პერანგი. მანუეტებზე დაბრეცილი ასოები დამინერია, — გულში კი ურთულეს იეროგლიფებს დაუდიათ ბინა. იდუმალი ასო-ნიშნებიდან მხოლოდ ერთადერთის გაშიფვრა მოვახერხე. ეს ნიშნავს: ვაი ჩემს თავს! დანარჩენებს განმიმარტავს ნეტავ ვინმე?

უსულოსავით ვწევარ ზღვის მარილიანი წყლით შემოჩარხულ და მოვარაყებულ კენჭებზე. შიმშილისაგან მთლად დავესუსტდი. დილიდან მენყება თავის ტკივილი და მთელი დღე არ მეშვება, შუალამისასაც ზღვაზე ვარ, თუმცა ზღვას თითქოს ვერცა ვხედავ, მესმის მხოლოდ, როგორ გუგუნებს იგი, ხან აქეთ მოასკდება ნაპირს, ხან კი უწყალოდ მოწყდება და პირს უკან იქცევს. დაგვიანებით შობილი ტალღა კი შიშინებს და დუდუნებს. მოულოდნელად, ჩამუქებული კონცხის მიღმა სამწყობა შუქის ნათება იფრქვევა.

„პოლაკვი“ „ოქროს რქისაკენ“ მიილტვის.....

ცრემლებიც ისეთივე მარილიანია, როგორც ზღვის წყალი. უცნობი პოეტებიდან ერთ-ერთი მათგანი შემხვდა; იგი ნური-ბაზრობაზე დადიოდა, თავიდან მოეხადა ფარფლებიანი ქუდი და ყიდა. „კაცობი“ დასცინოდნენ და მასხრად იგდებდნენ.

პოეტი დარცხვენილი ილიმებოდა და ყველას უხსნიდა, რომ სულაც არ ხუმრობდა, ქუდს თურმე იმიტომ შეეღია, რომ მისთვის ფული მოუპარავთ. ამჯერად იგი იტყუებოდა, დიდი ხანია მას ფული არ გააჩნდა და რამდენიმე დღე შიმშილობდა კიდევ... მოგვიანებით, როცა ორივემ ერთი გირვანქა მჭადი ვიშოვეთ და მეგობრულად გავიყავით, პოეტი გამომიტყდა, რომ პენზიდან იალტაში მიდიოდა, კინალამ სიცილი ამიტყდა. მაგრამ უცებ საკუთარი თავი გამახსენდა: მე, მე რას ვაპირებმეთქი? ვფიქრობდი უიმედობით შეპყრობილი.

მოთმინების ფიალა აივსო. თორმეტ საათზე „ახალი გამგე“ მოგვევლინა. შემოვიდა თუ არა, მაშინვე გამოგვიცხადა:

— სხვა გზა უნდა ავირჩიოთ! აღარ გვჭირდება ეს პორნოგრაფიები: „ვაი ჭკუისაგან“ და „რევიზორი“. გოგოლი. მოგოლი. საკუთარ პიესებს დავწერთ.

თქვა ეს, ჩაჯდა მაშინვე მანქანაში და წავიდა. მისი სახე თავში ისე ჩამებეჭდა, მთელი სიცოცხლე არ მავინყდებოდა.

ერთი საათის შემდეგ ბაზარზე ჩემი მაზარა გაეყიდა. გემი სალამოს გადიოდა; არ ამიშვეს; თქვენ წარმოგიდგენიათ, გემზე არ მიშვებდნენ!

საკმარისია! დე, ანათოს „ოქროს რქამ“, მე იქამდე მაინც ვერ მივალნენ. მოთმინებასა და გამძლეობასაც თავისი საზღვარი აქვს. ძალა აღარ შემრჩა, მშიერ-მწყურვალ ვარ, მთლად მოვტყედი და დავუძღურდი, თითქოს ტვინიც კი დამეშრიტა და გონებაც აღარ მიმუშავებს. დავსუსტიდი და შიშმაც შემიპყრო; მაგრამ რაც უნდა იყოს, აქ აღარ დავრჩები. რადგან ასეა... ესე იგი... ესე იგი...

XIV
შინისაკნე

გბრუნდები შინ! მივემგზავრები ზღვით, შემდეგ კი თბილანათი. თუ ფული არ მეყოფა, ფეხით გავაგრძელებ გზას, მაგრამ გეზს შინისკენ არ შევიცვლი. სახლში მიმეჩქარება...

(მოსკოვისკენ, მოსკოვისკენ!!!)

...

მშვიდობით ციხისძირო, მშვიდობით მახინჯაურო, მწვანე კონცხო!!!

**წარწერები მანუქებზე
მოსკოვის თვალუნვდენელი უფსკრული;
დიუვლამი**

უკიდევანო წყვდიადი. ღრჭიალი, ჩხარუნი; კვლავ მიგორავენ და მიჰქრიან ბორბლები, მაგრამ თანდათან ანელებენ სვლას, სულ უფრო ნელა, სულ უფრო ნელა და გაჩერდნენ. როგორც ჩანს, ეს არის დასასრული, ყველაფრის ბოლო, დასასრულის დასასრული. წასასვლელი აღარსადაა. ეს მოსკოვია. მ-ო-ს-კ-ო-ვ-ი!

წამიერად ყურადღებას იპყრობს წყვდიადიდან ამოხეთქილი ხანგრძლივი და მძლავრი ხმა. საშინელი გრიალი და გრუხუნი გაუდის ჩემს თავს.

C'est la lu-u-tte fina-a-le!..

...L'internationa-a-a-le!!!

აქაც ასევე ხრინწიანად, ხმაჩახლეჩილად, საზარლად და შიშისმომგვრელად გაისმის: ინტერნაციონალთან ერთად!

უკუნ სიბნელეში მწკრივად ჩარიგებულან თბილანა ვაგონები, სტუდენტური ვაგონიც ჩანყნარებულა... როგორც იქნა გაგებდე და ჩავხტი ქვემოთ. ჩემთან ერთად კენესა-კენესით რალაც რბილი საგანი ჩამოცურდა, მე კი რელსს ჩამოვედე და სადღაც სიღრმეში ჩავიკარგე. ღმერთო ჩემო, ნუთუ ფეხქვეშ მართლა უფსკრულია-მეთქი, გავიფიქრე შეძრწუნებულმა...

ამოძრავდნენ, დაიძრნენ, მიდიან და მილოლავენ ზურგზე ვეებრთელა ტვირთაკიდებული რუხი ფერის მოძრავი არსებები.

ანაზად ქალის ხმა მომესმა:

— აჰ, აღარ შემიძლია!..

კუნაპეტ ჯანღში გავარჩიე კურსისტკა, სამედიცინოს სტუდენტი გოგონა. მან ხომ მოკუნტულმა და მობლუნძულმა სამი დღე და ღამე ჩემთან ერთად იმგზავრა.

— მომეცით, მოგეხმარებით!

მყისიერად მომეჩვენა, რომ მრუმე და კუნაპეტი უფსკრული შეინძრა და შეტორტმანდა, შემდეგ მთლად გამწვანდა; რა არაადამიანური სიმძიმეა, ნეტავ რა წონაა?

— სამი ფუთია, ვტენიდიოთ და ვტკეპნიდიოთ ფქვილს.

თვალებიდან ლამის ნაპერწკლები გადმომცვივდა, ძლივს მივბარბაცებდი, მაგრამ მაინც მივიწვედი სინათლისკენ.

სინათლეს შუქ-სხივები გამოეყო...

შუქ-სხივისკენ მიცოცავდა და მიიკლავებოდა წარმოუდგენელი რუხი ქვენარმავალიც. აი, შუშის გუმბათიც. ისმის ხანგრძლივი და დაუსრულებელი გუგუნი. შუქი და სინათლე დაუნდობლად სჭრის ადამიანს თვალს. ბილეთი. კუტიკარი. ერთად იქექა უამრავმა ხმამ რაც თავაშვებულ ლანძღვა-გინებად გადაიქცა. კვლავ წყვდიადი. მას კვლავ სინათლის სხივი ენაცვლება. სიბნელე. სინათლე. მოსკოვი! მოსკოვი!

ტვირთმიზიდავი ისე დაუტვირთავთ, ლამის ეკლესიის გუმბათს გაუტოლდეს, ეკლესიის გუმბათს კი არა, ხავერდოვან ცის თალსაც მისწვდება. გრიალით, ბათქითა და ზავით მიჰქროდა და მიგორავდა მზიდავი. რუხბალახონიანები არაადამიანური და დემონური ხმით თათხავდნენ მეეტლეს, ცხენებს რომ დასჭყიოდა და უწრუპუნებდა, ლანძღავდნენ და აგინებდნენ საზიდარსაც, ყველაფერს რომ ედებოდა და გზაში გამუდმებით იჩხირებოდა.

ტვირთმიზიდავს მთელი ჯგრო მისდევდა... ხან მარჯვნივ და ხან მარცხნივ თავს იჩენდა კურსისტკა გოგონას მოთეთრო და მოგრძო პალტო. როგორც იქნა გავალწიეთ არეულ-დაარეული და ჩახერგილი ბორბლებიდან, აღარ ჩანდნენ წვერებიანი სახეები. გზას შევეუდექით აყრილ-დაყრილ და ანგრეულ ქვაფენილზე. ირგვლივ კვლავ წყვდიადი და კუნაპეტი უკუნი! ნეტავ სადა ვართ? რა ადგილია? სულერთია, არა აქვს მნიშვნელობა, მთელი მოსკოვი ჩამუქებული და ჩაშავებულია. შენობები დუშან, გულცივად და გოროზად გამოიყურებიან.

ო-ჰო-ჰოო! აი, ეკლესიაც ამოლივლივდა, ნათლად და მკაფიოდ არც კი მოჩანს, თითქოს სიცხადე აკლიაო, თანაც მალე ისევე სიბნელეში ჩაინთქა.

შუალამის ორი საათია. ღამე სად გავათიო? უამრავი სახლია, რამდენიც გნებავთ! ამაზე ადვილი რა არის? ნებისმიერ სახლზე შეიძლება დააკაკუნო და ღამის გათევა სთხოვო. წარმომიდგენია, რა მოხდება!

მესმის კურსისტკა გოგონას ხმა:

— სად მიდიხარ?

— არ ვიცი!

— როგორ თუ არ იცით...

...ქვეყნად კეთილ ადამიანებს რა გამოლევს. აი, აქვე ახლოს მდგმურების ოთახია! ერთი მდგმური სოფლიდან ჯერ არ დაბრუნებულა, როგორმე ღამეს გაგვათევივნებენ!..

— ოო, თქვენი დიდი მადლობელი ვარ! ხვალ კი ნაცნობებს მოვძებნი!

ცოტა გავხალისდი, იმედიც ჩამესახა და საოცარი რამ მოხდა. როგორც კი გაირკვა, რომ ღამის თავშესაფარი მაქვს, მხოლოდ მაშინ ვიგრძენი, რომ სამი ღამის უძილო ვიყავი.

ხილზე ორი ფარნის შუქს წყვდიადი გაურღვევია. იმავე წყვდიადში ვილაცამ ტყაპანი მოადინა. ფარანმაც იმძლავრა, გავარჩიე რუხი ღობე, მასზე კი აფიშა უზარმაზარი კამკაშა ასობით რაღაც სიტყვა მოჩანს; ღმერთო ჩემო! ეს რა სიტყვაა! „დიუვლამი“. ნეტავ რას ნიშნავს? რას ნიშნავს, რას?

ვლადიმერ მაიაკოვსკის მეთორმეტე იუბილე.

საზიდარი გაჩერდა. ბარგი გადმოვიღეთ. პატარა სკამზე ჩამოვჯექი და მონუსხულივით მივჩერებოვარ იმ სიტყვას. აჰ, როგორც ჩანს კარგი რამაა ეს სიტყვა; მე კი უბადლო პროვინციელი ვარ. მე ხომ იქ, მთებში ვხითხითებდი და დავცინოდი განყოფილების გამგეს; თურმე რას მივედრები!..

მოსკოვი კი არც ისე საშიში ყოფილა, როგორც მას აღწერდნენ!..

მოსვენებას არ მძღვეს აკვიატებული სურვილი, სადმე ვნახო სრულიად სხვა იუბილარი; არასდროს მინახავს, მაგრამ ძალიან კარგად ვიცნობ, ვიცნობ!.. იგი ორმოცი წლისაა, პატარა ტანის, მელოტი, სათვალისანი, ძალზე მოძრავი და მოუსვენარი. აკეცილტოტებიანი მოკლე შარვალი აცვია; მსახურობს, არ ეწევა. აქვს ფარდებიანი დიდი ბინა, რომელშიც იგი

ცოტა შევიწროვებს, შეამჭიდროვებს და ნაფიცი ვეჭილი შეუ-სახლეს, თუმცა იგი ახლა ნაფიცი ვეჭილი კი აღარ არის, არამედ სახელმწიფო შენობის კომენდანტია. ბინის მეპატრონე ბუხრი-ან კაბინეტში ბინადრობს. ბუხარს კი არ ანთებს. უყვარს კარა-ქი, თავშესაქცევი და სასაცილო ლექსები და წესრიგი ოთახებ-ში. მისი საყვარელი მწერალია კონან დოილი, საყვარელი ოპე-რა — „ევგენი ონეგინი“. პრიმუსზე თვითონ იმზადებს კატლე-ტებს, ვერ იტანს ვეჭილ-კომენდანტს და ოცნებობს იმაზე, თუ როდის გაასახლებს მას საკუთარი ბინიდან. მერე კი დაქორ-წინდება და ხუთ ოთახში უდარდელად იცხოვრებს.

ტვირთშიდავი აჭრიალდა, შემდეგ შეირხა, ატოკდა, ცო-ტა გაიარა და ისევ შეჩერდა. ათასწილია ორომტრიალმა და პოლიტიკურმა ქართველიმა ვერაფერი დააკლეს შეუვალ და გაუტყვავ მოქალაქე ივან ივანოვიჩ ივანოვს.

საზიდარი გაჩერდა ერთ სახლთან. იქედან იმდენი რამ გადმოიტვირთა, რომ იგი შესამჩნევად დაპატარავდა. შიშისა-გან აღარ ვიცოდი რა მექნა, სახლიც კი ისეთი უზარმაზარი მომეჩვენა, ლამის თხუთმეტსართულიანი მეგონა. წყვილადსა და უკუნეთში თვალთან თითს ვერ მიიტანდი; ასეთ სიბნელე-ში სადარბაზოსთან პატარა არსება მოუსვენრად წრიალებდა, შფოთავდა და თან ჩურჩულებდა: „მამი, მამი კარაქი? მამი ღორის ქონი? მამი, თეთრი... მამი...“ მამა კი იდგა სიბნელეში და ბურტყუნებდა: „აჰა, მამ ღორი, ხომ, მამ კარაქი... თეთრი... შავი... აჰა... ჰოდა, ესე იგი...“

შემდეგ კი ანაზღეული ნათებით წყვილადს მამიკოს კოტი-ტა თითი გამოეყო, რომელიც მან საგულდაგულოდ დაინერ-წყვა და მეფორნეს 20 ცალი ქალაღდის ფული მიუთვალა.

აჰ, რა ქარიშხალი და გრიგალი გველის! დიდი ამბებია მო-სალოდნელი და ამ ყველაფერს ბევრი ვინმეც შეეწირება, თუმცა მამიკოს არაფერი ემოქრება, გადარჩება, გადარჩება!!!

ტვირთშიდავი უზარმაზარ ბაქანს დაემსგავსა, სადაც უგზო-უყვლოდ ჩაიკარგა ჩემი თანამგზავრი გოგონას ტომა-რა და ჩემი საკვოიაჟიც. ჩამოვჯექით, ფეხები ჩამოვაკონწია-ლეთ, მერე კი ჩვენც უკუნ წყვილდაში ჩავინთქით.

სახლი №4, მე-6 სადარბაზო, მე-3 სართული, ბინა 50, ოთახი 7

მართალი გითხრათ, არც ვიცი, რატომ გადავკვეთე მთელი მოსკოვი და რისთვის მოვაშურე ამ უზარმაზარ შენობას. ოფიციალური ქალაღდი, რომელიც მთავორიანი საუფლოდან დიდის ამბით წამოვიღე, შეიძლება ყველა ექვსსართულიან შენობას შეეხებოდა, ანდა უფრო სწორად სულაც არ ეხებოდა არც ერთ მათგანს.

მე-6 სადარბაზოში წყობიდან გამოსული ლიფტის ბადიან მილთან შევჩერდი და ცოტა სული მოვიტყვი. კარებს მივუახ-ლოვდი, დავინახე ორი ნარწერა. ერთი მათგანი იყო: „ბინა 50“, ხოლო მეორე იდუმალი და ჩემთვის გაუგებარი გამოდგა. ეს გახლდათ „ხუდა“.¹⁹ კვლავ სული მოვიტყვი. ისე კი წამდვი-ლად დასაფიქრებელია, ასე თუ ისე ადამიანის ბედი წყდება.

კარი არ ჩანდა ჩაკეტილი, ვკარი ხელი და შევედი. ნახევრად-ბნელ დერეფანში ქალაღდებით სავსე უზარმაზარი ყუთი იდგა. იქვე როიალის თავსახური შევნიშნე. მალე ოთახი კარგად მო-ვათვალიერე, იქ კვამლში ჩაფლული უამრავი ქალი იჯდა. უცებ საბეჭდი მანქანის ხშირი და მწყობრი კაკუნი გაისმა, მაგრამ მა-შინვე მიწყნარდა. ვილაც ბანმა წარმოთქვა: მიეერხოლდი.

— სად არის „ლიტო“? — ვიკითხე ხმამაღლა და თან ხის მოაჯირს დავეყრდენი.

იქვე, მოაჯირთან მოკალათებულმა ქალმა ჩემს კითხვაზე გაღიზიანებულად აიჩეჩა მხრები და უარით მიპასუხა. მეორე-მაც არაფერი იცოდა. განვაგრძე გზა ჩაბნელებულ-ჩაშავე-ბულ დერეფანში. ბუნდოვანად და გაურკვეველად, ალაღბედზე

მივდიოდი. ერთი კარი შევაღე, სააბაზანო აღმოჩნდა. მეორე კარზე ქალაღდის ნაგლეჯი იყო მიკრული, ჩანდა დაბრეცი-ლად მიეკრათ, თან ნაპირებიც აგრეხოდა. „ლი“, აა, მადლობა ღმერთს. ჰო, ჰო, „ლიტო“ — გულმა ბაგაბუგი დამინყო. კარს იქით კი ისმოდა: დუ-დუ-დუ...

თვალები დავხუჭე და წარმოვიდგინე, რა ხდებოდა კარს მიღმა: პირველ ოთახში უნდა ყოფილიყო მოზრდილი ხალიჩა, სანერი მაგიდა და წიგნის კარადები... ირგვლივ საზეიმო და ზენაეული სიჩუმე; აი, მაგიდასთან ზის მდივანი, ალბათ იგი ერთ-ერთი იმათგანი იქნება, რომელსაც შურნალებიდან კარ-გად ვიცნობ. მოშორებით კიდე ერთი კარია. იქ გამგის კაბი-ნეტია და უფრო ღრმა და შთამბეჭდავი სიჩუმეა, ვიდრე სხვა-გან. როგორ ფიქრობთ, ვინ ზის, სავარძელში? ვინ და „ლიტო“, „ლიტო“ მოსკოვში. დიას! დიას! გორკი მაქსიმე; „ფსკერზე“, „დედა“. აბა, სხვა ვინ შეიძლება იყოს? დუ-დუ-დუ... მესმის სა-უბარი, ერთიც ვნახოთ და ესენი ბრიუსოვი და ბელი არიან...

ჰოდა, საოცარი სიფრთხილით დავაკაკუნე. დუ-დუ-დუ შეწყდა. ვილაცამ ყრუდ წარმოთქვა: დიას! დიას! შემდეგ კი კვლავ გააგრძელეს: დუ-დუ-დუ! სახელურს შევებე და იგი ხელ-ში შემერჩა; გავშემდი, კარიერის შესანიშნავი დასაწყისია, — გა-საღები გავტყე! კვლავ დავაკაკუნე: დიას! დიას, შემოდით!

— ვერ შემოვიდვიარ! — წამოვიყვირე მე.
— სახელური გადაატრიალეთ ჯერ მარჯვნივ, შემდეგ კი მარცხნივ. თქვენ ხომ ჩავგვეტეთ!
მარჯვნივ, მარცხნივ. ...კარი მართლაც ადვილად გაიღო და...

ბორკის შემდეგ პირველი ადამიანი ვარ

როგორც ჩანს სხვაგან მოვხვდი. ეს „ლიტო“ არ არის? და-ვინახე მოწნული სააგარაკე სკამი, ცარიელი ხის მაგიდა, ღია კარადა, კუთხეში კი ზემოთ ფეხებამწვერილი კიდე ერთი პა-ტარა მაგიდა. ოთახში ორი ადამიანი მოჩანდა. ერთი მათგანი იყო პენსენიანი, ძალზე მალალი ახალგაზრდა კაცი. თვალში მომხვდა მისი თეთრი წვივსახვევები; მას ხელში ეკავა სიძვე-ლისგან მთლად დამსკდარი, აქერცლილი პორტფელი და ტო-მარა. იქვე იდგა მეორე ადამიანი, ქალარაშერთული მოხუცი, ცოცხალი და მომღიმარი თვალებით. მას თავზე ფაფახი ეხუ-რა და ტანზე ჯარისკაცის მაზარა ეცვა, რომელზეც ერთი ად-გილი არ იყო, რომ დახეული არ ყოფილიყო, თან მთლად ნაც-ვრეტებით იყო სავსე, ჯიბეები კი ნაგლეჯებით ეკიდა. სა-მეჯლისო, ბაფთებიან ლაქის ფეხსაცმელებთან ერთად მასაც წვივსახვევები ემოსა, თუმცა ყმანვილისგან განსხვავებით ისინი რუხი ფერის იყო. უსიცოცხლო მზერა შევაღე მათ სა-ხეებს, შემდეგ კედლებს და კარს დაფუნყე ძებნა. კარი ვერ და-ვინახე. განყვეტილსადენებიანი ოთახი უიმედოდ ჩაკეტილ სივრცეს მოგაგონებდათ. ენაბლუსავით ძლივს წარმოვთქვი:

— ეს... „ლიტო“?
— დიას!
— გამგის ნახვა შეიძლება?
მოხუცმა თავაზიანად და ალერსიანად მიპასუხა:
— მე გახლავართ.

მერე ხელში აიღო მოსკოვური გაზეთის უზაგრმაზარი ფურცელი, მეოთხედი მოახია, წეკო ჩაყარა, „თხის ფეხებით“ შეახვია და შემეკითხა:

— ასანთი ხომ არა გაქვთ?
ანგარიშმიუცემლად გავკარი ასანთს, თან მაშინვე ჯიბი-დან საწუკვარი ქალაღდი ამოვიღე. ამასობაში მოხუცებული ალერსიან და ცნობისმოყვარე მზერას არ მაცილებდა. მან ჩემს მიერ განვდილი დოკუმენტი ხელში აიღო და თვალთერე-ბა დაუწყო. მე კი შევეყურებდი მას და ვიტანჯებოდი, მინდოდა გამომეცნო, ვინ იყო იგი... ყველაზე მეტად წვერგაპარსულ ემილ ზოლას მაგონებდა.

ახალგაზრდა მისკენ გადაიხარა და მოხუცის მხარზე გადახრილი ისიც ყურადღებით კითხულობდა ჩემს ოფიციალურ საბუთს. როცა კითხვა დაამთავრეს, ორივემ გაკვირვებით და თან პატივისცემით დამინყო ცქერა.

— ესე იგი თქვენ?...
მე მაშინვე ვუპასუხე.

— „ლიტო“-ში მინდა მუშაობა!

ახალგაზრდამ აღფრთოვანებით წამოიძახა:

— ჩინებულია, ჩინებული! იცით რა...

მან მოხუცს ხელი ჩასჭიდა და ჩურჩულს მოჰყვა.

მოხუცი ქუსლებზე შემოტრიალდა, მაგიდიდან კალმისტაბრი აიღო და სასწრაფოდ სხაპასხუპით წარმოთქვა:

— განცხადება დანერეთ!

განცხადება მზად მქონდა, უბეში ვინახავდი, იგი მაშინვე გავუწოდე ორივეს.

მოხუცმა კალმისტარი მოიმარჯვა, ქალაღს აძგერა და თითქოს ააღრჭიალა კიდეც იგი, მაგრამ „ფხრინ“ და ქალაღი გაიფხრინა... კალამი მშრალი აღმოჩნდა, მისი სამელნეში ჩანობა კი უაზრობა იყო, რადგან იქაც სიმშრალეს დაესადგურებინა...

— იქნებ ფანქარი მოძებნოთ?

ფანქარიც მქონდა თან, გამგემ ირიბად მოჩხაპნა:

„გთხოვთ დანიშნოთ „ლიტო“-ს მდივნად“, ბოლოს ხელიც მოაწერა.

რამდენიმე წამს პირდაღებული მივჩერებოდი ფანქრის ერთი მოსმით ოსტატურად გამოჩარხულ ხელმონწერას.

ახალგაზრდამ სახელოზე მომქაჩა:

— სასწრაფოდ ადით ზემოთ, სანამ არ წასულან! ჩქარა, ჩქარა!

შურდულივით გავვარდი, ზემოთ გავეშურე, კარებს ვეცი, ქაღებით სავსე ოთახში ჩავიქროლე და კაბინეტში შევევარდი. კაბინეტში მყოფმა ჩემი განცხადება ხელში აიღო და ზედ წაანერა: „დაინიშნ. მდივ.“... ასოები მოაკაუჭა, ერთი გემრიელად დაამთქნარა და მომმართა:

— ქვემოთ ჩადით!

გონებბარეული კვლავ ქვემოთ დავეშვი. თვალი მოვეკარი საბეჭდ მანქანას. ამჯერად არა ბანმა, არამედ სოპრანოს მსგავსმა წერილა ხმამ მაუწყა: „მეიერხოლდი. „ოქტომბერი თეატრი“.

მოხუცის ირგვლივ ახალგაზრდა ტრიალებდა, იქაურობას იკლებდა, თან ხმამალა იცინოდა;

— დანიშნე ხომ? შესანიშნავია! ყველაფერს მოვავარებთ, ყველაფერს! აი, ნახავთ, რა წესრიგს დავამყარებთ!

მერე მეც მომწვდა, მხარზე ხელი დამარტყა და განაგრძო:

— არაფერი ინალვლო, გული არ გაიტეხო!

ბავშვობიდანვე ვერ ვიტანდი მოურიდებელ და ძმაბიჭურ მოპყრობას და თავიდანვე მაინც მუდამ ამის მსხვერპლი ვხდებოდი. ამჯერად კი ისე ვიყავი ამ მოვლენებით დათრგუნული, რომ გაოგნებულმა ძლივს წარმოვთქვი:

— ხომ საჭიროა მაგიდები... სკამები... ბოლოს და ბოლოს სამელნეც!

ახალგაზრდამ კვლავ დიდი შემართებით წამოიძახა:

— ყოჩაღ, ყოჩაღ! იქნება, ყველაფერი იქნება!

მაშინვე მოხუცს მიაშურა და ჩემზე თვალით ანიშნა:

— საქმიანი ყმანვლია. უცვბ როგორ მოიფიქრა მაგიდების შესახებ! ყველაფერს მშვენიერად მოავარებს, ყველაფერს!

დაინიშნ. მდივნ.! ღმერთო ჩემო! „ლიტო“ მოსკოვში.

მაქსიმ გორკი... „ფსკერზე“, „შეჭერე ზადა“, „დედა“!..

ახალგაზრდამ ტომარა გამოხერტყა, მაგიდაზე გაზეთი გაშალა და ზედ დაახლოებით 5 გირვანქა ბარდა გადმოყარა.

— ეს თქვენ! თქვენი ულუფის 1/4...

— ეს კი თქვენ...

„ლიტო“ უნდა ავამოქმედო...

ლიტერატურის ისტორიკოსს არ უნდა დაავიწყდეს, რომ 21 წლის დასასრულს რესპუბლიკაში ლიტერატურას მისდევდა სამი ლიტერატორი:

მოხუცი (შენიშვნა: იგი, რა თქმა უნდა, არ გამოდგა ემილ ზოლა, არამედ ჩემთვის სრულიად უცნობი ადამიანი აღმოჩნდა), ახალგაზრდა (იგი მოხუცის თანაშემწედ ითვლებოდა და წინათ არც მას ვიცნობდი, თურმე ლექსებს წერდა) და მე (მე კი არაფერს ვწერდი).

ისტორიკოსმა უნდა იცოდეს: „ლიტო“-ში არ იყო არც სკამები, არც მაგიდები, არც მელანი, არც ნათურები, არც წიგნები, არც მწერლები და არც მკითხველი. მოკლედ და კონკრეტულად: არაფერი იყო.

სიცარიელიდან ძველებური ნითელი ხის კონტორულა მაგინდა ამოვართიე, შიგ ვიპოვნე ძველი, გაყვითლებული ოქროსფერი მუყაო შემდეგი წარწერით: „ქალბატონები ნახევრადლია სამეფლისო კაბებში, სამხედროები სამხრებებიან სერთუკებში, სამოქალაქო საზოგადოება მუნდირებსა და ზონრებიან ფრაკებში, სტუდენტებიც აგრეთვე მუნდირებში... მოსკოვი, 1899 წ.“

იგრძნობოდა ნაზი, მოტკბო სუნი. როგორც ჩანს, იმ უჯრაში ოდესღაც ფრანგული სუნამოს ფლაკონი იდო. იმ ძველისძველ მაგიდას მოვაცილე სკამი, მელანი, ქალაღი და, წარმოიდგინეთ, ქალიშვილიც კი, ნაღვლიანი, წელი და აუჩქარებელი გოგონა. ჩემი შეგონებით მან მაგიდაზე გაშალა და დასტა-დასტად დაალაგა ყველაფერი ის, რაც კარადაში მოვიძიეთ: ბროშურები ვიღაც მავნებლების შესახებ, „პეტერბურგის გაზეთის“ 12 ნომერი, საგუბერნიო განყოფილებათა ყრილობებზე დასასწრები ნითელი და მწვანე მოსაწვევი ბარათების მთელი შეკვრა...

მაღე „ლიტო“ კანცელარიას დაემსგავსა. მოხუციც და ახალგაზრდაც აღფრთოვანებას ვერ მალავდნენ, ბეჭებზე ხელს ალერსიანად მიტყაპუნებდნენ, თუმცა ორივენი მაღე სადღაც გაქრნენ.

საათობით ვისხედით ერთად მე და ის სევდიანი ქალიშვილი. ის თავის მაგიდას უჯდა, მე კი ძველისძველ კონტორულას. ვკითხულობდი „სამ მუშკეტერს“. განუთმორებელი დიუმას ეს წიგნი საბაზანო ოთახში იატაკზე ვიპოვე. სევდიანი და სანდომიანი ქალიშვილი ჩუმად იჯდა და დროდადრო ღრმად ოხრავდა. ერთხელ შევეკითხე:

— რატომ ტირით?

პასუხად მას ქვითინი აუტყდა; ეტყობოდა, ძალზე აწუხებდა რაღაცა.

მართლაც, ცოტა ხნის შემდეგ თავისი ამბის მოყოლა დაიწყო:

— არ ვიცოდი და როცა გავთხოვდი, მაშინ გავიგე, რომ ჩემი ქმარი ყჩაღი და ავაზაკი ყოფილა.

მეც მეთქვა, ამ ორი წლის საოცარი თავგადასავლების შემდეგ თუ რაიმე გამაკვირვებდა, მაგრამ ამჯერად ჩემს გაოცებას საზღვარი არ ჰქონდა.

გამოთავყანებულივით შევეყურებდი გოგონას:

— ნუ ტირით, ნუ ტირით, რა არ ხდება! — ვუთხარი და ვთხოვე, ყველაფერი მოეყოლა. გოგონა ცრემლებს ინმენდდა და თან მიყვებოდა, თუ როგორ გაჰყვა ცოლად ვითომ სტუდენტს, როგორ გაადიდა მისი ფოტოსურათი და ჩამოკიდა ოთახში. შემდეგ კი მოსულა რწმუნებული, დაუნახავს კაცის ფოტო და უთქვამს, რომ იგი სულაც არ იყო კარასევი და თურმე უამრავ გვარს ატარებდა. იყო დოლსკი, გლუზმანი და აგრეთვე სენკა-მომენტი.

— მომენტი... — იმეორებდა საცოდავი ქალი, გაუთავებლად კრთოდა, თრთოდა და ცრემლად იღვრებოდა.

— გაიქცა? ჯანდაბამდე გზა ჰქონია, რას იზამთ!

გავიდა სამი დღე, მაგრამ არაფერი ღირსშესანიშნავი არ მომხდარა, არც არავინ მოსულა, არავითარ სიახლეს ადგილი არ ჰქონია.

მე და ის ქალიშვილი მარტო ვიყავით. დღეს კი უცებ თითქოს გონება გამინათდა და მივხვდი — „ლიტო“ ამქვეყნად არსად ირიცხებოდა; „ლიტო“ არ არსებობდა.

ჩვენს ზემოთ რაღაც სიცოცხლის ნიშანწყალი იგრძნობოდა, ადამიანები დადიოდნენ, ისმოდა ფეხების ბაკუნის, თითქოს კედლის იქითაც იგრძნობოდა ცხოვრება, ხან სიცილი გვესმოდა, ხან საბჭოედი მანქანა კაკუნობდა, მათთან გაპარსული ადამიანები მიდი-მოდიოდნენ. ამ შენობაში ძალზე პოპულარული გახლდათ მეიერსოლდი, თუმცა ერთხელაც არ გამოჩენილა.

ჩვენთან კი არაფერი ხდება, არც არაფერი გვაქვს, არც ქალაქი, არც სხვა რამ.

გადავწყვიტე „ლიტო“ ავამოქმედო!
კიბზეუ ქალს გაზეთების დასტა ამოჰქონდა. ზედა გაზეთზე ეწერა:

- „იზო“-ს.
- აბა, „ლიტო“-ს არაფერი?

ქალს ისე შეეშინდა, ვერც კი მიპასუხა. ავედი ზემოთ. მივედი გოგონასთან, რომელიც პლაკატს ადგენდა; მგონი, მდივანი გოგონა იყო. მან მომისმინა და შეცბუნებულმა მეორე ქალიშვილს გადახედა:

— მართლაცაა, „ლიტო“?! — წარმოთქვა პირველმა მათგანმა;

- მას მეორე გამოეპასუხა:
- ლიდოჩკა, მგონი მათთვის რაღაც დოკუმენტი.
- მერედა, რატომ არ გამოგვიგზავნეთ? — შევეკითხე შეუვალი ხმით.

გოგონებმა დაძაბულად შემომხედეს და მიპასუხეს:

- ჩვენ გვეგონა, იქ არავინ იყო!..
- „ლიტო“ ამოძრავდა, შრომის ფერხულში ჩაება. ზემოდან, სადაც ქალიშვილები მუშაობდნენ, მიმართვა მივიღეთ. დოკუმენტი თავსაფრიანმა ქალმა მოიტანა, თან დავთარში ხელი მომანერინა.

სამეურნეო განყოფილების სახელზე განცხადება დავწერე, საბჭოედი მანქანა გვჭირდება-მეთქი.

ორიოდე დღის შემდეგ ერთ-ერთი თანამშრომელი გამოგვეცხადა; მხრები აიჩჩია:

- ნუთუ საბჭოედი მანქანა გჭირდებათ?
- ვფიქრობ, ყველაზე მეტად გჭირდება ჩვენ, ვიდრე ვინმეს ამ შენობაში.

გამოჩნდა მოხუცი, ახალგაზრდაც გვეახლა. როცა მოხუცმა საბჭოედი მანქანა დაინახა, თქვა, რომ მასაც სჭირდებოდა რაღაც დოკუმენტის შედგენა, თან დაჟინებით დიდხანს მომჩერებოდა, შემდეგ კი, როგორც იქნა, ხმა ამოიღო და წარმოთქვა:

— თქვენში ნამდვილად არის რაღაც; აუცილებლად ეცადეთ, რომ სააკადემიო ულუფა დაგინიშნონ...

მე და ზანდელის ახალგაზრდა მეუღლემ სახელფასო უწყისებზე მოთხოვნის შედგენა დავიწყეთ. როგორც იქნა „ლიტო“-ში ფეხი მოიკიდა. ჩემმა ბიოგრაფმა უნდა იცოდეს — ეს გააკეთე მე!

პირველი მარცხეები

დღის 11 საათზე ახალგაზრდა პოეტი გვეწვია. ეტყობოდა მთლად გაყინულიყო; წყნარად წარმოთქვა: შტორნი.

- რით გემსახუროთ?
- „ლიტო“-ში მინდა მუშაობა.

გავშალე ფურცელი, რომელზეც ეწერა: „შტატები“. „ლიტო“-ში 18 ადამიანი იყო საჭირო. კარგა ხანია მოსვენებას არ მაძლევდა შტატების საკითხი და ვოცნებობდი მის შემდეგან ირ განაწილებაზე:

- პოეზიის სფეროს ინსტრუქტორები: ბრიუსოვი, ბელი... და ა.შ.
- პროზაიკოსები: გორკი, ვერესაევი, შმელიოვი, ზაიცევი, სერაფიმოვიჩი და ა.შ.

მაგრამ ზემოთ ჩამოთვლილთაგან ჩვენთან არავინ მოდიოდა. ამიტომაც შტორნის წერილობით თხოვნას მკვირცხლად მივანერე: გთხ. დანიშ. გამგ. ინსტრ. ბოლოში ასოები მარჯვედ მოვაკაუჭე.

— ადით ზემოთ, ვიდრე არ წასულან!

შემდეგ კი გვეწვია ხუჭუჭთმიანი, ლაულაჟა და ხალისიანი პოეტი სკარცევი.მასაც ისევე ვუთხარი, როგორც შტორნს:

— ადით ზემოთ, ვიდრე არ წასულან!

ციმბირიდანაც ჩამოვიდა დაახლოებით 25 წლის უჩვეულოდ პირქუში, სათვალისანი ახალგაზრდა, ისეთი ჩასკვნილი, თითქოს სპილენძისგან იყო ჩამოსხმული.

— ადით ზემოთ!.. — ვუთხარი მასაც.
მან კი მიპასუხა:

— არსადაც არ წავალ! — წარმოთქვა თუ არა ეს, მაშინვე დამტვრეულ და კორიკა სკამზე ჩამოვჯდა კუთხეში, ქალაქის ნაგლეჯი ამოიღო და მოკლე სტრიქონებით რაღაცის წერა დაიწყო. როგორც ჩანდა, გამოცდილი ადამიანი იყო...

ერთ დღეს კი კარი გაიღო და შემოვიდა ზღვის წავის ბენვის ქუდიანი და მშვენიერ თბილ პალტოში ჩაცმული მამაკაცი. პოეტი ყოფილა, სახელად საშა.

მოხუცმა მის განცხადებას მაგიური სიტყვები წააწერა. საშამ ოთახი ყურადღებით დაათვალიერა, ჩამოკონწიალებული განწყვეტილი სადენი მოსინჯა, რატომღაც კარადაშიც შეიხედა, ამოიხორა, მომიახლოვდა და საიდუმლოდ მკითხა:

— ფული გვექნება?..

ვაპითარებთ ენერჯიას

მაგიდებთან ყველა ადგილი დაკავებული იყო, წერდნენ ლოზუნგებს. მათთან ერთად ჩანდა კიდევ ერთი ახლადმოვლენილი ადამიანი, ხმაურიანი, მოუსვენარი, ოქროს სათვალისანი. იგი თავის თავს რეპორტიორების მეფეს უწოდებდა. მეფე მეორე დღით გვეწვია, როგორც კი ჩვენთან ავანსის გაცემა დაიწყო.

ცხრას თხუთმეტი წუთი აკლდა; შემოვიდა თუ არა, წარმოთქვა:

— მომისმინეთ, ამბობენ თქვენთან ფული დაურიგებიათ? გადაწყვიტა ჩვენთან ემუშავა.

ლოზუნგებს კი რაც შეეხება, აი რაში იყო საქმე. ზემოდან მივიღეთ განკარგულება:

„ლიტო“-ს ეძლევა წინადადება, ამა და ამ რიცხვში, დღის 12 საათზე სასწრაფოდ წარმოადგინოს მთელი რიგი ლოზუნგებისა.

ეს ყველაფერი თეორიულად შემდეგნაირად გამოიყურებოდა: ჩემი დახმარებითა და მონაწილეობით მოხუცს უნდა გამოეცა განკარგულება ან გავერცელებინა მონოდება იმ სივრცეში, სადაც სავარაუდოდ იყვნენ ანდა შეიძლებოდა ყოფილიყვნენ მწერლები. ლოზუნგები უნდა გამოგზავნილიყო ყველა მხრიდან და ყოველგვარი საშუალებებით: ტელეგრაფით, წერილებით, ზეპირად. შემდეგ კი ათასი ლოზუნგიდან კომისია აარჩევდა საუკეთესოებს და წარადგენდა ამა და ამ რიცხვის 12 საათისთვის. მე და ჩემს საუწყებო კანცელარიას (ე.ი. ყაჩაღის ნაღვლიან მეუღლეს) უნდა შეგვედგინა მოთხოვნის უწყისი, უნდა მიგველო ფული და გავვენაწილებინა ყველაზე უკეთესი ლოზუნგების ღირსეულ ავტორებს შორის.

მაგრამ ეს მხოლოდ თეორიული მხარე იყო.

რეალურად კი აი რა ხდებოდა:

1) მონოდების გავრცელება შეუძლებელი იყო, რადგან არავინ არსებობდა, რომ ეს მონოდება აეტაცებინა და შეესმინა. მაშინ ხომ თვალსაწიერზე თითებზე ჩამოსათვლელად იყვნენ ლიტერატორები: ზემოთჩამოთვლილთა პლუს — მეფე.

2) აქედან გამომდინარე, სულაც არ იყო მოსალოდნელი ლოზუნგების მოზღვაება;

3) ამა და ამ რიცხვში, 12 საათზე შეუძლებლად მიგვანჩნდა ლოზუნგების წარდგენა იმ მარტივი მიზეზით, რომ ქალაქი მიღებულ იქნა მხოლოდ ამ რიცხვში 1 საათსა და 26 წუთზე.

4) არ იყო საჭირო უწყისის შედგენა, რადგან არ არსებობდა გრაფა „ლოზუნგი“.

მოხუცს კი თურმე ფარული და გაუხმაურებელი თანხა ჰქონია, რომელიც სამსახურებრივი გადაადგილებისთვის ყოფილა გამიზნული.

ამიტომ: ა) ლოზუნგები სასწრაფოდ უნდა შეედგინა ყველას, ვინც სახეზე იყო.

ბ) ჩვენს ირგვლივ რეალურად არსებული ნევრებისგან უნდა შემდგარიყო ლოზუნგების განმხილველი კომისია, რომელიც იქნებოდა ობიექტური, სამართლიანი და მიუკერძოებელი.

გ) თითოეული ლოზუნგისთვის გადაუხდით 15 ათასს და, რა თქმა უნდა, შეირჩეოდა საუკეთესო.

დავინყეთ მუშაობა 1 ს. და 50 წუთზე, ხოლო 3 საათზე ლოზუნგები მზად იყო. თითოეულმა შეადგინა და შექმნა 5-6 ლოზუნგი; გამონაკლისი შეადგინა მეფემ, რომელმაც 19-მდე როგორც პოეტური და გართიმული, ასევე პროზაული ლოზუნგი წარმოგვიდგინა.

კომისია მართლაც რომ სამართლიანი, მკაცრი და მიუკერძოებელი გამოდგა.

მე — ლოზუნგების ავტორს — არაფერი მქონდა საერთო იმ ჩემს პიროვნულ მე-სთან, რომელიც განიხილავდა და კრიტიკის ქარცეცხლში ატარებდა წარდგენილ ლოზუნგებს.

ბოლოს და ბოლოს, მიღებულ იქნა:

მოხუცის — 3 ლოზუნგი

ახალგაზრდის — 3 ლოზუნგი

ჩემი — 3 ლოზუნგი

და ა.შ. და ა.შ.

ერთი სიტყვით, თითოეული მიიღებდა 45 ათასს.

უ-უ-უ, როგორ უბერავს... აი, დაიწყო აუტანელი სიცივეები, და უჩინლავს კიდევ. ღუმელის მიღზე ღვეზელი დევს, წვიმას მთლად დაუსველებია, მაგრამ ისეთი გემრიელია, ჭკუას დაკარგავ. სახარინის პატარა მილაკი და 2 გირვანქა თეთრი პურიც მაქვს.

შტორნი დავინახე, გზა მომიჭრა, ისიც რალაცას იღეჭებოდა.

მოულოდნელი კომპარი

...ფვიცავ, ეს რალაც საოცარი სიზმარია, ჯადოსნობაა თუ რა არის, ვერ გამიგია...

დღეს სამსახურში 2 საათი დავაგვიანე.

მივედი, გადავატრიალე სახელური, კარი გავაღე, შევედი და რა დავინახე: ოთახი ცარიელი იყო. გავშეშდი, აღარც მაგიდები, აღარც საბეჭდი მანქანა, არც ნაღვლიანი ახალგაზრდა ქალი. ასე გასინჯეთ, ელექტროგაყვანილობაც კი სადაღაც გამქრალიყო; მოკლედ, ირგვლივ აღარაფერი ჩანდა...

აჰა! ესე იგი, ეს ყველაფერი სიზმარი იყო? გასაგებია, გასაგებია!

კარგა ხანია მეჩვენება, რომ ირგვლივ მირაჟია, ბუნდოვანი და ამოუხსნელი მირაჟი. იქ, სადაც გუშინ... თუმცა ეშმაკმა უწყის, რატომ გუშინ? იქნებ ასი წლის წინ? იქნებ მარადისობაში?.. ან იქნებ ეს ყველაფერი არც კი იყო?.. შეიძლება არც ახლა? კანატრიკოვის აგარაკი...

ეს ნიშნავს, რომ კეთილი მოხუცი... ახალგაზრდა პოეტი... მოლუმული შტორნი... საბეჭდი მანქანა... ლოზუნგები... ეს ყველაფერი არ იყო?

იყო, იყო, გიჟი ხომ არა ვარ, ეშმაკმა დალახვროს!

აბა მამ სად გაქრა ყველა და ყველაფერი?..

მერყევი ნაბიჯით ნახევრადბნელ კორიდორში მივიკვლევ გზას... თვალეხს ვმალავ, ვცდილობ არაფერი შემეტყოს, რათა ხელი არ მტაცონ და არ გამაქანონ. საბოლოოდ დავრწმუნდი, ჩემს თავს რალაც საოცრება ტრიალებს. სიბნელეში კარები მოჩანს, რომლითაც გვერდით, განათებულ ოთახში შევდივარ. კარზე ცეცხლოვანი წარწერა აინთო, ზუსტად ისე, როგორც კინოშია.

1 8 3 6

მარტის 25 რიცხვში პეტერბურგში უცნაური და უჩვეულო შემთხვევა მოხდა. დალაქი ივან იაკოვლევიჩი...

კითხვა აღარ გავაგრძელე და შეძრწუნებული ჩემად გამოვიძირნე. მოაჯირთან შევჩერდი, თვალეხი რაც შეიძლება და დავხარე და ყრუდ ვიკითხე:

— მითხარით, ხომ არ იცით, სად გაქრა „ლიტო“?

შავ თმაში ალისფერზონარჩანულმა დაღვრემილმა ქალმა გაღიზიანებულად მიპასუხა:

— აჰ, რა „ლიტო“, რის „ლიტო“, არაფერი ვიცი...

თვალეხი დავხუჭე. მეორე ქალი კი გულისხმიერად და თანაგრძნობით შემეხმინა:

— მოითმინეთ, მოითმინეთ, ეს აქ სულაც არ არის! — თქვენ სხვაგან მოხვდით. ეს ვოლხონკაზეა!

თავიდან ფეხებამდე სიცივემ დამიარა... კიბეზე გამოვედი... შუბლიდან ოფლი მოვიწმინდე. გადავწყვიტე კვლავ უკან დავბრუნებულიყავი, მთელი მოსკოვი უნდა გადამესერა, რომ რაზუმიხინთან მოვხვედრილიყავი. ყველაფერი უნდა დავივიწყო. თუკი წყნარად ვიქნები და ხმას არ ამოვიღებ, რა თქმა უნდა, ვერაფერს მიხვდებიან; ალბათ რაზუმიხინთან ვიცხოვრებ, იატაკზე დავწვები ხოლმე, ნუთუ სულით ავადმყოფს გარეთ გამოაგდებს?!

გულში კი სუსტი იმედი მაინც მიღვიოდა. გადავწყვიტე წასვლა და წავედი. ეს ექვსსართულიანი შენობა ჯოჯოხეთი გეგონებოდათ. იქაურობა ჭიანჭველების ბუდესავით ათასნაირი გასასვლელებითა და ხერხელებით იყო სავსე. შიგნით იმდენი სასიარულო იყო, რომ ქუჩაში არც კი მოგიწევდათ გასვლა. მიუყვებოდნენ ჩაბნელებულ და უღიმღამო ხეულებსა და ზიგზაგებს. დროდადრო ხის ტიხარსა და მოაჯირს იქით ნიშას ვანყდებოდი. ზოგან არაკონომიური ნათურებიც კი ენთო. ვეჩხებოდი შენუხებულ და შეურვებულ ადამიანებს, რომლებიც სადღაც მიიჩქაროდნენ. ათობით მემანქანე ქალი იჯდა და ყველანი საბეჭდ მანქანებს არახრახებდნენ. გამუდმებით გაიღვებდნენ და ციალებდნენ წარწერები: „ფინგანი“²⁰, „ნაცმენი“²¹.

განათებული კიბიდან კვლავ წყვილადმი ვინთქმებოდი. რამდენიმე ხნის შემდეგ გამოვედი აივანზე. გამოთავყვანებულმა ირგვლივ მიმოვიხედე. იქ თითქოს სხვა სამყარო სუფევდა... რაც უფრო შორს მივდიოდი, სულ უფრო ნაკლები იმედი მქონდა იმისა, რომ ოდესმე ვიპოვიდი იმ ჯადოსნურ „ლიტოს“.

იმედი აღარაფრისა მქონდა! როგორც იქნა, ძირს ჩავაღწიე და ქუჩაში გავედი. მოვიხედე, თურმე 1-ელი სადარბაზო ყოფილა...

რა დაუნდობელი და ავი ქარია. ციდან გაუთავებლად ეშვება ცივი ნაკადი. თავზე საგულდაგულოდ ჩამოვიფხატე ზაფხულის ქუდი და, რაც ძალა და ღონე მქონდა, ფარაჯის საყელო ავიწიე. რამდენიმე წუთში ძირგამოგლეჯილი ჩექმები წყლით ამევსო. ცოტა სული მოვითქვი და გზა განვაგრძე. თავს სულაც არ ვიტყუებდი და არც ვინუგეშებდი, რომ არ დავსველდებოდი და სახლამდე მშრალად მივალნევი. მართალია, გზას საგრძნობლად ვიგრძელებდი, მაგრამ ქვიდან ქვაზე გადახტომა და ასკინკილით სიარული არც განმიზრახავს და პირდაპირ წუმბესა და გუბებში მივაბიჯებდი.

მე-2 სადარბაზო, 1-ლი სართული, ბინა 23, ოთახი 40

დავინახე ცეცხლოვანი წარწერა:

ჩვენს ირგვლივ საოცრებები ხდება, ხანდახან ბევრი რამ დამაჯერებლობასაც კი არის მოკლებული; ვილაც თავმოწმონე ყოყოჩა, რომელიც ადრე სახელმწიფო მრჩეველი იყო, დარბაისლურად დაიბლინებოდა და თან ქალაქში ათასი რამ ჩაიღინა, თითქოს არაფერი მომხდარაო, კვლავ თავის ძველ ადგილს დაბრუნებია.

მართალი უთქვამთ: „დილით უფრო ხარ ჭკუაზე“. ნამდვილად ასეა. როცა დილით სიცივემ გამაღვიძა და აბურძგულთმიანი დივანზე ჩამოვჯექი, მომეჩვენა, თითქოს გონება ცოცხად გამემინდინდა.

ლოგიკურად რომ ვიმსჯელოთ, არ იყო განა „ლიტო“? რა თქმა უნდა, იყო. რიცხვიც კარგად მახსოვს და ისიც ვიცი, რა მქვია. მაგრამ სად გაქრა ყველაფერი? ესე იგი, საჭიროა მოძებნა! აბა ის ქალები, ის ქალები ვოლხონკაზე? აჰ, რა სისულელეა... იმ ქალებს შეიძლება ცხვირწინ ისე ანაპნონ ყველაფერი, ვერაფერს მიხვდებიან. საერთოდ, ძალიან მაინტერესებს, იქ მათ რისთვის აჩერებენ? სატანჯველია და მეტი არაფერი!

ტანზე ჩავიცივი, წყალი დავლიე; ჭიქა წყალი გუშინ მოვიმარაგე; პატარა ნაჭერი პურიც შევჭამე და ერთადერთი კარტოფილი მივაყოლე... შემდეგ რაღაც გეგმაც კი შევიმუშავე:

შენობაში ხომ 6 სადარბაზოა და თითოში 6 სართულია, 36-ჯერ ორ-ორი ბინა=72, 72-ჯერ ექვს-ექვსი ოთახი=432. შეიძლება განა პოვნა? ალბათ შეიძლება. გუშინ არეულ-დარეულად და უწესრიგოდ 2-3 სადარბაზო ჰორიზონტალურად გავაკვკეეთ. დღეს კი გადავწყვიტე მთელი შენობა გადაიმჩხრიკა წესიერად და სისტემურად, როგორც ჰორიზონტალურად, ისე ვერტიკალურად. აუცილებლად ვიპოვნი, თუ რა თქმა უნდა ჩემი ძებნის საგანი სადღაც მეოთხე განზომილებაში არ ჩაიკარგა, თუ ასე მოხდა, მაშინ ეს დასასრულია, დასასრული.

მე-2 სადარბაზოსთან პირისპირ შევეჩხვებ შტორნს. გუშინ ჩემს მოსვლამდე ერთი საათით ადრე თურმე ადმინისტრაციული ნაწილის გამგეს ორი მუშა მიუყვანია და „ლიტო“ გადაუტანიათ მე-2 სადარბაზოს 1-ლ სართულზე, 23-ე ბინის მე-40 ოთახში. ჩვენს ადგილზე ბინას დაიდებს „მუზო“.

- ნეტავ რატომ?
- არ ვიცი. რატომ არ მოხვედით გუშინ? მოხუცი ძალზე დელავდა;
- მომიტევეთ, რას ბრძანებთ! საიდან უნდა მცოდნოდა, სად გადახვედით? კარებში ბარათი მაინც დაგეტოვებინათ.
- გვეგონა, გეტყოდნენ!..
- ლამის კბილების ღრჭიალი დამანყებინა.
- კარგად მოგვხსენებთ, იქ რომ ქალები სხედან, რა უმაქნისებიც არიან!
- მართალი ხართ, მართალი! — დამეთანხმა შტორნი მაშინვე.

სრული სვლით

...გამომიყვებს თუ არა ოთახი, ძალთა ისეთი მოზღვავება ვიგრძენი, თითქოს სრულიად ახალი ცხოვრება დავიწყე. „ლიტო“-ში ნათურაც კი ვაკაკეთეთ, საბეჭდი მანქანის ლენტიც ვიშოვე. მალე მეორე ქალიშვილი მოგვევლინა.

გთხ. დანიშ. საქმ. მწ. პროვინციებიდან ხელნაწერებმა იწყო დენა. ცოტა ხნის შემდეგ კიდევ ერთი მშვენიერი ქალიშვილი მოგვემატა, ჟურნალისტი, მხიარული ახალგაზრდა; შესანიშნავი მეგობარი გამოდგა. გთხ. დანიშ. მხატვ. ფელეტ. ბიურ. მდივ. ბოლოს კი სამხრეთიდან ყმანვილი კაცი გვეწვია, ისიც ჟურნალისტი; მისთვის ბოლო თხოვნა დაინერა: გთხ. მეტი ადგილი აღარ გვქონდა. „ლიტო“ შეივსო და მუშაობაც გაჩაღდა.

ფული! ფული!

სახარინის 12 ტაბლეტი მაქვს, მეტი აღარაფერი... — ზენარი სჯობს თუ პიჯაკი? ხელფასის შესახებ სიტყვა არავის დასცდენია, არაფერი ისმის.

...დღეს ზემოთ ავედი. ქალიშვილები ძალზე ცივად და თავშეკავებულად შემხვდნენ. რატომღაც ვერ იტანენ „ლიტოს“.

- თუ შეიძლება თქვენი უწყისის შემონახვა?
- რაში გჭირდებათ?
- მინდა გავარკვიო, ყველანი თუ არიან აღრიცხულნი.
- მიმართეთ madame კრიცკაიას!
- madame კრიცკაია ნამოდგა, შეჭალარავებული თმის ბუჩქი შეარხია და ფერნასულმა წარმოთქვა:
- დაიკარგა.
- სიჩუმე.
- რატომ არასდროს გითქვამთ?
- madame კრიცკაიამ ცრემლმორეულმა მიპასუხა:
- აჰ, ლამის თავრეტი დამესხას, რომ იცოდეთ აქ რა ხდება, აღარაფერი გამეგება. უწყისი შეიძვერ შევაგვ, უკან მიბრუნებდნენ, ცუდადაა შედგენილიო; თქვენ მაინც ვერ აიღებთ ხელფასს, რადგან სიაში ვილაცა არ არის ბრძანებით გატარებული...

ემპასკაც ნაული ყველა და ყველაფერი! ნეკრასოვიც და მკვდრეთით აღმდგარი ალკოჰოლიკები. გავქანდი საქმის გასარკვევად. კვლავ ბნელი დერეფნები, წყვილი, სინათლე, კვლავ წყვილი. მეიერხოლდი. პირადი შემადგენლობა. ნათურები დღევ უნთიათ. რუხი მაზარა. ქალი ჩამპალ-ჩასველებული თექის ჩექმებით. მაგიდები.

- ვინ არ არის ბრძანებით გატარებული?
- პასუხი:
- არც ერთი არ არის გატარებული.
- საინტერესო და საოცარია ის, რომ თვით „ლიტო“-ს დამარსებელი მოხუციც კი არ ყოფილა გატარებული! რა, რა? თვითონ მეც არ ვყოფილვარ შეტანილი? ეს რას ჰგავს?
- როგორც ჩანს, თქვენ არ შეგვიცხიათ ანკეტა!
- როგორ თუ არ შემეცხია. მე თქვენთან ოთხი ანკეტა შევაგვ და პირადად თქვენ გადმოგვცით. ხოლო რაც ადრე მაქვს შევსებული, მთლიანად 113 ანკეტა იქნება!
- ალბათ დაიკარგა, თავიდან დაწერეთ!

ასე გავიდა სამი დღე, სამი დღის შემდეგ ყველანი აღადგინეს თავიანთ უფლებებში. შედგა ახალი უწყისები.

მე სიკვდილით დასჯის სასტიკი წინააღმდეგი ვარ, მაგრამ თუ madame კრიცკაიას დასახვრეტად წაიყვანენ, დიდი სიამოვნებით დავესწრებოდი. ასევე შემიძლია ვთქვა ზღვის ნავის ბენვისქუდიან ქალიშვილზე და ლიდოჩკაზეც, საქმის მწარმოებლის თანაშემწეზე. ...ყველას გავყრიდი და გავცოცხავდი!..

madame კრიცკაიას ხელში შერჩა უწყისები. მე კი ყველას გასაგონად საყოველთაოდ ვაცხადებ, ხელს აღარაფერზე მოაკიდებენ. ვერ ამიხსნია, რისთვის მოხვდა აქ ეს ჯოჯოხეთური თმის ბლუჯა. ვინ ანდო მას ეს სამუშაო, ვინ? ეს განგების რაღაც ბოროტი ძალაა და მეტი არაფერი!!!

გავიდა ერთი კვირა. ვიყავი მე-4 სადარბაზოს მე-5 სართულზე. იქ ჩამირტყეს ბეჭედი. საჭიროა კიდევ ერთი ბეჭედი, მაგრამ ორი დღეა ვერსად ვპოულობ სატარიფო-შემფასებელი კომისიის თავმჯდომარეს. ზენარი გავყიდე.

ფული ორ კვირაზე ადრე არ იქნებაო!

ხმა გავრცელდა, ამ შენობაში მომუშავეებიდან თითოეულს ავანსი ერგება 500-ის ფარგლებში.

სიმართლე გამოდგა. ოთხი დღე ვისხედით და უწყისებს ვაცხებდით.

ავანსისთვის გავეშურე უწყისებით შეიარაღებული. ყველაფერი რიგზეა. ყველა ბეჭედი ჩარტყმულია. მე-2-დან მე-5 სართულზე მოსახვედრად ისე გავბოდი, რომ დერეფანში

კედლიდან გამოშვებული რკინის ჭანჭიკი გამოვგლიჯე... როგორც იქნა ჩავაბარე უწყისები. შემდეგ ისინი უნდა გადაიგზავნოს მოსკოვის დასალიერში, რომელიც სხვა შენობაში იქ კი იმედია დაამტკიცებენ. აი, მაშინ კი უთუოდ დაგვირიგებენ ფულს...

დღეს, როგორც იქნა, ავიღე ფული! ფული!
ვიდრე სალაროსკენ წავიდოდი, 10 წუთით ადრე მე-4 სართულზე მომუშავე ქალს საბოლოო ბეჭედი უნდა ჩაერთყა. მან ჩახედა უწყისს და წარმოთქვა:

— არასწორადაა შევსებული! უნდა შევაჩეროთ უწყისი!
კინალამ გონება დავეკარგე. ვერ გავიგე, რა მოხდა, თვალთ დამიბნელდა და რაღაც სულისშემძვრელი ამოვიყვირე:

— მასხრად მიგდებთ თუ რა არის?
ქალმა პირი დაალო:
— ააჰ, თქვენ ასე...

რალას ვიზამდი, ბედს შევურიგდი, გავჩერდი; ავუსხენი, რომ ძალზე ადრევე უნდა ვარ, ბოდიშიც მოვიხადე და ვუთხარი, რომ ჩემი სიტყვები უკან მიმქონდა. ისიც თავის მხრივ დათმობაზე წავიდა და დამთანხმდა, რომ წითელი მელნით შეასწორებდა. დაინერა: გაიცეს! — მოკაუჭდა ასოები.

სალაროში, სასწრაფოდ სალაროში!
აჰ, ეს გრძნეული სიტყვა: სალარო! მაშინაც ვერ დავიჯერე, როცა მოლარემ ფული გამომიწოდა.
ძლივს მოვედი გონს: ფ უ ლ ი!

უწყისის შევსების შემდეგ ფულის მიღებამდე გავიდა 22 დღე და 3 საათი. ჰო, სახლში აღარაფერი დამრჩა, აღარც ზენარი, აღარც წიგნები, აღარც ქურთუკი.

იმის შესახებ, თუ როგორ უნდა ჭამოს ადამიანი

გაუფრთხილებლობის გამო გავხდი ავად. დღეს ხორციანი წითელი ბორში გეახელით. თეფში პატარა ოქროს რგოლები დაცურავდნენ (ცხიმი იყო), სამი მათლაფა შევჭამე; მთელი დღის განმავლობაში სამ გირვანქა პურს ვჭამ. ამჯერად მუავე კიტრიც მივაცოლე, კარგად ვისადილე და ჩაიც დავაყენე. ოთხი ჭიქა შაქრიანი ჩაი დავლიე, მალე ძილიც მომერია, დივანზე წამოვწექი და ჩამძინებია...

დამესიზმრა, ვითომ ტოლსტოი ვიყავი და იასნაია პოლიანაში ვიმყოფებოდი, თანაც ჩემი ცოლი სოფია ანდრეევანა იყო. ვზივარ ჩემს კაბინეტში, საჭირია წერა, მაგრამ რა დავწერო არ ვიცი. გაუთავებლად მოდიან ადამიანები და მეუბნებიან: „წამოზრდნადი და სადღის მიირთვითო“.

ადგილიდან ფეხს არ ვიცივლი, რაღაცის მეშინია. მგონი რაღაც დიდი გაუგებრობაა, სისულელე ამეკვიატა, მე ხომ არ დამინერია „ომი და მშვიდობა“, აბა რატომ ვარ აქ? თვით სოფია ანდრეევანა ამოდის კიბეებზე და მეუბნება:

— ჭამის დროა, დღეს ვეგეტარიანული სადღის გვაქვს. უცებ სიბრაზემ შემპყრო, როგორ თუ ვეგეტარიანულიმეთქი. ახლავე გააგზავნეთ ხორცის მოსატანად, აუცილებლად გააკეთონ კატლეტი. სირჩა არაყიც არ დავგინწყდეთ!

ქალი ატირდა; ვხედავ, მორბის ვიღაც დუხობორი, ფართო და ხშირი წითურწვერიანი და საყვედურით მომმართავს:

— არაყიო? აი, აი, აი! რას ამბობთ, რას ამბობთ ლევ ივანოვიჩ!

— ლევ ივანოვიჩი კი არა, ნიკოლაევიჩი! აბა გაეთრიე ჩემი სახლიდან! ახლავე გაეთრიე, არც ერთი დუხობორი აქ არ დავინახო!

აუჰ, რა სკანდალი ატყდა!
ლონემიხდილსა და ძალაგამოცლილს გამომეღვიძა. ბინდი ჩამონოლილიყო. კედლის იქით ვიღაცა გარმონიკით იქცევიდა თავს.

სარკესთან მივედი; აჰ, ეს რა სახე მაქვს, სარკიდან ვინ შემომტკერის? ჟღალი წვერი, ფერმიხდილი ლანცები, შეშუპებული ქუთუთოები... ამას კიდევ რა უჭირს, მაგრამ აი, თვალეები? რაღაც მჭირს, თვალეები არ მომწონს. ჩემს თვალეებს რაღაც უცნაური ელვარება მისცემია.

ჩემი რჩევაა, გეშინოდეთ და ყურადღება მიაქციეთ თვალეების ელვარებას. როგორც კი ამას შეამჩნევთ, მაშინვე ბურჟუას ფულს დაესესხეთ (რა თქმა უნდა, არ გაუსტუმროთ), იყიდეთ სურსათი, რაც გენებოთ, და მიირთვით. მხოლოდ გაფრთხილებთ, ერთბაშად ბევრი არ მიირთვათ; პირველ დღეს ბულიონი და ცოტაოდენი თეთრი პური. შემდეგ ცოტ-ცოტა მიუმატეთ... ის სიზმარი ნამდვილად არ მომწონს, რა აუტანელი სიზმარი იყო. კვლავ ჩაი დავლიე, მაგრამ სახარინი აღარ მქონდა, გამითავდა. გასული კვირა გამახსენდა. ორშაბათს კარტოფილი ვჭამე ზეთით და 1/4 გირვანქა პური მივაცოლე. დავლიე 2 ჭიქა სახარინიანი ჩაი. სამშაბათს არაფერი მიჭამია, დავლიე 5 ჭიქა ჩაი. ოთხშაბათს ზეინკალს ორი გირვანქა პური დავესესხე. ხუთშაბათს კი არაჩვეულებრივად ვისადილე. აი, ეს როგორ მოხდა.

ორ საათზე ნაცნობებთან წავედი. კარი გამიღო თეთრწინ-საფრიანმა მოახლე ქალმა. უცნაური შეგრძნება მქონდა. მეხსიერებაში ამომტივტივდა ათი წლის წინანდელი ამბავი... სამ საათზე მესმის, როგორ აწყობს მოახლე ქალი მაგიდას სასადილო ოთახში. ვსხედვართ და ვსაუბრობთ (დილით საგულდაგულოდ გავიპარსე). ლანძღავენ ბოლშევიკებს და ჩივიან, თუ როგორ იტანჯებიან. ვგრძნობ, ელოდებიან, როდის წავალ. მე კი წაველას არც ვაპირებ.

ბოლოს დიასახლისი ამბობს:
— იქნებ ჩვენთან ერთად გესადილათ! არ გენებავთ?
— დიდი მადლობა! სიამოვნებით დაგთანხმდებით!
გეახელით მაკარონიანი წვნიანი თეთრი პურით, მეორეზე — კატლეტი და მუავე კიტრი, შემდეგ ბრინჯის ფაფა მურაბით და ჩაიც მურაბით.

უნდა გამოვტყდე, ბინძური აზრები დამეფულა; როცა შინ ვბრუნდებოდი, თვალწინ წარმომიდგა მათი ბინის ჩხრეკის სურათი. აი, შეიჭრნენ მათთან, ყველაფერი გადააქოთეს, კომოდში ქვედა საცვალში დამალული ოქროს მონეტები იპოვეს, საკუჭნაოში კი ფქვილი და შაშხი. ოჯახის პატრონს აპატიმრებენ.

რა სულმდაბლობაა ასეთი აზრები, მაგრამ რა ვქნა, ასე ვფიქრობდი!

ვინც სარდაფში მშვიერ-მწყურვალე ზის და წერს ფელეტონს, ნუ მიბაძავთ პინკია და გულაზიხ კნუტ ჰამსუნს. მიბრძანდით ისეთ ოჯახში, ვინც შვიდ ოთახში ცხოვრობს და ისადილეთ. ღმერთმა შეგარგოთ. პარასკევს სასადილოში წვნიანი და კატლეტი გეახელით, დღეს კი, შაბათს, ფული ავიღე, ზომაზე მეტი საჭმელი ვჭამე და ამის გამო ავადაც გავხდი.

თოვლი. ელჭაქი.

მგონი რაღაც საშიშროება გვემუქრება. ალღო ნამდვილად არ მლალატობს. „ლიტო“-ს თავს რაღაც ამბავია, მგონი საქმე ჩაგვეშლება და ჩაგვეფუშება.

დღეს მოხუცი მოვიდა და ლაპარაკი დავგინწყო, თან თითო ზემოთ, ჭერზე გვითითებდა; იქ ხომ ქალიშვილებს მოეყარათ თავი!

— მგონი, ჩემს წინააღმდეგ ხრიკებს აწყობენ! — გვითხრა მან.

როგორც კი ეს გავიგე, მაშინვე გამოვიანგარიშე რამდენი სახარინი მქონდა კიდევ მარაგში. აღმოჩნდა მხოლოდ 5-6 დღის სამყოფი.

გამხიარულებული მოხუცი ხმაურით შემოვიდა: — მორჩა, დამთარდა, ჩავშალე მათი ხრიკები. — ის-ის იყო მან ეს სიტყვები წარმოთქვა, რომ კარებში თავსაფრიანი ქალის თავი გაიჩხირა. ქალმა კარებიდანვე შეგვაგლო თვალი და ჩაიბურტყუნა:

— აბა, აქ ვინც ხართ, ხელი მოაწერეთ! ხელი მოვანერე დოკუმენტს, რომელიც იუნყებოდა, რომ ამა და ამ რიცხვიდან „ლიტო“ ლიკვიდაციას ექვემდებარებოდა.

ჩაძირული გემის კაპიტანივით ყველაზე ბოლოს დავტოვე იქაურობა. ვუბრძანე, აეკინძათ და ჩაებარებინათ ნეკრასოვისა და მკვდრებით აღმდგარი ალკოჰოლიკის საქმეები, ნაშინილარი კრებულები, ლექსები და „ლიტო“-ს სამაზრო განყოფილებებისთვის გამიზნული ინსტრუქციები. საკუთარი ხელით ჩავაქრე ნათურა და გარეთ გამოვედი. ბარაქიანი თოვა დაიწყო, მერე წვიმაში გადავიდა, შემდეგ კი ველარ გავიგე, თითქოს არც თოვლი იყო და არც წვიმა, თუმცა ყოველი მხრიდან მთელ სახეზე მცემდა და შეუბრალებლად მასველებდა.

რა საშინელია მოსკოვი ასეთი ამინდისა და შტატების შემცირების დროს. დიახ, ბატონებო! ეს შემცირება გახლდათ! ამ საზარელი შენობის სხვა ბინებიდანაც ბევრი ვინმე გამოასახლეს.

თუმცა, მაღამ კრიცკაია, ლიდოჩკა და ზღვის წავის ქუდიანი დარჩნენ, რადგან ისინი დატოვეს.

**რუსულიდან თარგმანა
ნანული ნოზაქე-ჯულაშვილმა**

- ¹ ქვეგანყოფილება.
- ² (ქვე-)
- ³ სახალხო განათლების განყოფილება.
- ⁴ საყოველთაო სახალხო განათლება.
- ⁵ სახალხო განათლება.
- ⁶ მაჩვ-ზღარბი.
- ⁷ ცუგრია, ეზოს ძაღლი.
- ⁸ აქ: სიტყვების თაბაში: მ. ბულგაკოვი ცხოვრობდა კიევში, სადაც თურმე იმხანად იყო ანრი ბარბიუსის სახელობის ქუჩა და მას უწოდებდნენ „ბარბიუსეს“.
- ⁹ საგამომცემლო განყოფილება.
- ¹⁰ ლიტერატურული განყოფილება.
- ¹¹ ფოტოგანყოფილება.
- ¹² თეატრალური განყოფილება.
- ¹³ ლიტერატურული განყოფილების გამგე.
- ¹⁴ ლიტერატურული გამომცემლობის განყოფილება.
- ¹⁵ თეატრალური გამომცემლობის განყოფილება.
- ¹⁶ ფოტოგამომცემლობის განყოფილება.
- ¹⁷ ხელოვნების ქვეგანყოფილების გამგე.
- ¹⁸ ლიტერატურული კოლეგია.
- ¹⁹ მხატვრული განყოფილება.
- ²⁰ საფინანსო განყოფილება.
- ²¹ ნაცუმცირესობა.
- ²² მუსიკალური განყოფილება.

30 სექტემბერს ქუთაისის ილია ჭავჭავაძის სახელობის სამეცნიერო ბიბლიოთეკაში გაიმართა შეხვედრა მწერალთან და გამომცემელთან ელგუჯა თავბერიძესთან. შეხვედრა შესავალი სიტყვით გახსნა და ელგუჯა თავბერიძეს „საბა“ ლიტერატურული პრემიის ლაურეატობა მიულოცა ბიბლიოთეკის დირექტორმა ნარგიზა ჩოგოვაძემ.

სიტყვით გამოვიდნენ: ნანული ცხვედიანი, გიზო თავაძე, გია ხოფერია, რიტა წაქაძე, მერაბ გვაზავა, ამირან ხვადაგიანი, რომლებმაც აღნიშნეს, რომ ელგუჯა თავბერიძის „კოლიმგრაფი“ მართლაც გამორჩეული ნივთია სიმართლისმოყვარე დიდ რუს მწერალზე — ვარლამ შალამოზე. ითქვა, რომ ამ მწერლის შემოქმედება უფრო მეტად უნდა იცოდეს ქართველობამ, რადგანაც ვარლამ შალამოვი, ბევრ რუსთაგან განსხვავებით, ქართველთა მოყვარეც გახლდათ, რაც მკაფიოდ დასტურდება მისი კოლიმური მოთხრობებიდან.

გამომსვლელებმა ყურადღება გაამახვილეს, აგრეთვე იმ ფაქტზე, რომ ლიტერატურული პრემია „საბა“ გასცდა დედაქალაქის ფარგლებს და აღნიშნეს, რომ იგი მიიღო არა ქუთაისელობით, არამედ მხატვრული სრულყოფილებით გამორჩეული ნიგნის ავტორმა ელგუჯა თავბერიძემ.

ელისო კალანდარიშვილი

**სანიეუშო —
ამ ყაიდის
გამოკვლევები**

ძველი ქართული ლიტერატურის მეცნიერულ კვლევას XIX საუკუნის მეორე ნახევრიდან ჩაეყარა საფუძველი. ეს ის დროა, როცა ძველი ხელნაწერებისა და წიგნების ისტორიულ-ლიტერატურული ღირებულება ჯერ კიდევ დაუდგენელია, არც მათი სისტემური აღწერა-კატალოგიზაცია მომხდარა. არსებითად ქართველობამ არც კი იცოდა, რა სიმდიდრის მფლობელი იყო. 60-იანი წლებიდან თერგდალეულთა თაობა და მის გარშემო შემოკრებილი ქართული საზოგადოების მოწინავე ნაწილი იწყებს ჩვენი ლიტერატურული მემკვიდრეობის თავმოყრას, სისტემატიზაციასა და მეცნიერულ დამუშავებას.

ჩვენი ისტორიის სწორედ ამ პერიოდს ეხება ლია კარიჭაშვილის მონოგრაფიული ნაშრომი „მსახურება ღვთისა და ერისა (დავით კარიჭაშვილის ღვანლი)“. მასში თვალნათლივანაა ასახული ის ლიტერატურული პროცესები, რომელიც XIX საუკუნის II ნახევრის საქართველოში მიმდინარეობდა. მკვლევარს მოუძიებია დიდძალი მასალა, თავი მოუყრია მნიშვნელოვანი ისტორიული და ლიტერატურული წყაროებისათვის, რაც დღემდე ყურადღებული არ ყოფილა. ამ მხრივ მისი ნაშრომი უნაკლოა. მკვლევრის მხედველობის მიღმა არ დარჩენილა მცირე საგაზეთო პუბლიკაციებიც კი, რასაც შეეძლო დახმარება გაენია მისთვის.

მონოგრაფიის მიზანია სრულყოფილად წარმოაჩინოს ქართველი მეცნიერისა და საზოგადო მოღვაწის, დავით კარიჭაშვილის შემოქმედებითი გზა, მისი ლიტერატურული საქმიანობა.

პირველ თავში მიმოხილულია დავით კარიჭაშვილის საზოგადოებრივი საქმიანობა, მისი დიდი ღვანლი ქართველთა შორის წერა-კითხვის გამავრცელებელი საზოგადოების, სახელმწიფო მუზეუმის დაარსებაში, ქართულ წიგნსაცავთა და ხელნაწერი ფონდების სისტემატიზაციაში, საისტორიო-საეთნოგრაფიო საზოგადოების დაფუძნებაში, საერთოდ საგანმანათლებლო სფეროში.

მეორე თავში განხილულია დავით კარიჭაშვილის გამოქვეყნებული ლიტერატურული ნაშრომები. ავტორი თვალნათლივ წარმოაჩენს, რომ ძველი ქართული ლიტერატურის ისტორიის საკითხთა კვლევისას დავით კარიჭაშვილი დიდი მეცნიერული გამბედაობითა და პირუთვნელობით გამოიჩინა. არ ერიდებოდა საყოველთაოდ გავრცელებული აზრებისა და ტრადიციულად დამკვიდრებულ შეხედულებათა კრიტიკას, მათ ახლებურად განხილვა-გაანალიზებდას. როგორც მკვლევარი მიუთითებს, მისი ვარაუდებისა და დასკვნების უმრავლესობამ შემდგომ ჰპოვა დადასტურება. ამის თვალსაჩინო მაგალითია

„კალმასობის“ ავტორის საკითხის დადგენა. დავით კარიჭაშვილის ვარაუდი, რომ ამ თხზულების ავტორი არ შეიძლება ყოფილიყო იონა ხელაშვილი, შემდგომ დაადასტურა მოგვიანებით აღმოჩენილმა წერილმა, სადაც იონა ხელაშვილი თვითონვე აღიარებს „კალმასობის“ მხოლოდ პერსონაჟი ვარ და არა ავტორი.

საინტერესოა დავით კარიჭაშვილის შეხედულებანი მოზიდან ეპისკოპოსის ვინაობის თაობაზე. მისი აზრით, „მოზიანი“ საკუთარი სახელი კი არ არის, არამედ საზოგადო და აღნიშნავს ცეცხლთაყვანისმცემელთა სასულიერო პირს. მკვლევარი მოზიდანის საერო თანამდებობის გარკვევასაც შეეცადა. მართალია, მისი მოსაზრებანი ბოლომდე არ იქნა გაზიარებული, მაგრამ კვლევისას ზოგი მონაცემი მართლაც გასათვალისწინებელია.

ავტორი საგანგებოდ მსჯელობს ნიკიფორე ირბახის ვინაობისა და მოღვაწეობის დავით კარიჭაშვილისეულ ინტერპრეტაციაზე. მიუთითებს იმ მსგავსება-განსხვავებაზე, რაც მისსა და სხვა ქართველ მკვლევართა მოსაზრებებში შეინიშნება. ასეთ საკითხთა რიგს მიეკუთვნება, აგრეთვე, სუმბატ დავითის ძის ვინაობა, წარმართული პანთეონის ღმერთების — აინინას და დანინას — გენეზისისა და წარმომავლობის პრობლემები.

ავტორი საგანგებოდ აღნიშნავს დავით კარიჭაშვილის განსაკუთრებულ მიმართებას ნიკო მარისა და მარი ბროსეს მოღვაწეობისადმი. მკვლევარს ალაფრთოვანებდა მათი ღრმა ერუდიცია და მეცნიერული კეთილსინდისიერება.

საინტერესოდ წარმოაჩენს დავით კარიჭაშვილს, როგორც რუსთველოლოგს, იგი პოემის ორი გამოცემის რედაქტორი იყო. „ვეფხისტყაოსნის“ ტექსტის დადგენის ურთულეს საქმეში დიდი წვლილი შეუტანია, გაუსწორებია შერყენილ-დამახინჯებული ადგილები, გაუმართავს ბევრი გაუგებარი სიტყვა თუ სტრიქონი, შემოუთავაზებია ახლებური ნაკითხვა, განსხვავებული ვარიანტები, რომელთა უმრავლესობა გაზიარებულია დღესაც.

დავით კარიჭაშვილი პირველი ყოფილა იმ რუსთველოლოგთა შორის, რომელთაც „ვეფხისტყაოსნის“ პროლოგში მოხსენიებული მეტაფორა „მეფე-მზის, თამარის ლომი“ დაუკავშირეს მისი ქმრის, დავით სოსლანის სახეს.

მართალია, დავით კარიჭაშვილი პროლოგის არარუსთველოლოგიის ვერსიას ემხრობოდა, მაგრამ, ავტორის დაკვირვებით, „პროლოგის ნაკითხვის მისეულმა მეთოდმა მიგვანიშნა იმაზე, რომ ამგვარ ნაკითხვას რიგ საკითხებთან დაკავშირებით ჩიხში შევყავართ და, მკვლევართა დიდი მონდომების მიუხედავად, ყველაფრის ახსნა და დალაგება ვერ ხერხდება“. მისი აზრით, ამას მოწმობს თუნდაც ის, რომ დავით კარიჭაშვილის მიერ შემჩნეული წინააღმდეგობანი პოემის ტექსტში ჯერ კიდევ ძალაშია და საფუძვლიან განმარტებას მოითხოვს.

მკვლევარის სასახლოდ უნდა ითქვას, რომ მას შეუსწავლია არა მხოლოდ გამოქვეყნებული შრომები დავით კარიჭაშვილისა, არამედ საარქივო მასალაც. ცხადი ხდება, რომ მასში თავმოყრილი შრომებიც იმ დროისათვის სრულიად ახლებურ შენიშვნებსა და მოსაზრებებს შეიცავდა. დავით კარიჭაშვილის მიერ წამოჭრილი საკითხები კვლევის გვიანდელ ეტაპზეც იჩენს თავს და საფუძველს უყრის ჭეშმარიტი, უტყუარი ვერსიების ჩამოყალიბებას. სწორედ ამგვარ მასალებს მიეკუთვნება გამოკვლევა „შუშანიკის ნამება“, წერილი „ჩემი შენიშვნები და მინაკვლევები“, ასევე არქივში დაცული ხელნაწერი, რომელშიც განხილულია XII-XVIII საუკუნეების



ქართული მწერლობის ზოგიერთი წარმომადგენლის შემოქმედება. ესენია: სარგის თმოგველი, შავთელი, ჩახრუხაძე, ძაგნაკორი, ფილოსოფიური მწერლობიდან — იონა პეტრინი, უფრო მოგვიანო ხანიდან: სულხან-საბა ორბელიანი, თეიმურაზ I, მარიამ-მაკრინა, ბესიკი, საიათნოვა. ავტორი ცხადყოფს, რომ დავით კარიჭაშვილის ზოგიერთი მოსაზრება დღემდე აქტუალური და გასაზიარებელია. აქვე მიუკერძოებლად შენიშნული, რომ ხელნაწერებში აღმოჩენილი ეს ნაშრომები უფრო ერთგვარი მონახაზია, ვიდრე დასრულებული გამოკვლევები, თუმცა ქართული მწერლობის ისტორიულ-ფილოლოგიური შეფასების მცდელობა აქაც შეინიშნება, ეს კი უდავოს ხდის მათ მნიშვნელოვნებას.

დავით კარიჭაშვილის — როგორც მრავალმხრივი მოღვაწის — წარმოსაჩენად, მკვლევარი მის ენათმეცნიერულ ძიებებსაც ყურადღებით მიმოიხილავს. ქართული ენის ყოველმხრივი, საფუძვლიანი კვლევის მიზნით 1908 წელს დავით კარიჭაშვილს დაუარსებია საისტორიო და საეთნოგრაფიო საზოგადოების ლინგვისტური განყოფილება, რომელსაც უპირველეს საქმიანობად მიუჩნევია ახალი ქართული ლექსიკონების შედგენა. დავით კარიჭაშვილის არქივში ინახება ქართული ენის განმარტებითი ლექსიკონი, ქართულ-რუსული და რუსულ-ქართული ლექსიკონები, სხვადასხვა ლექსიკოლოგიური ნარკვევები, რომელთა დაუბეჭდაობის მიზეზი უცნობია.

დავით კარიჭაშვილი ნათელს ჰჷფენს ენათმეცნიერების მრავალ ისეთ საკითხს, რომელნიც დღეს უდავოდ ითვლება, თუმცა კვლევის იმ ეტაპისთვის საკამათო ყოფილა, მაგალითად: არის თუ არა გრამატიკა მეცნიერება. დავით კარიჭაშვილს ეკუთვნის პოლემიკური წერილი, სადაც ის კრიტიკულად აფასებს მისი თანამედროვის, პავლე კვიციანიძის აშკარად მცდარ და უმართებულო დასკვნებს გრამატიკის სფეროში.

როგორც ჩანს, იგი იზიარებდა ნიკო მარის თვალსაზრისს ქართული ენის ენათა იაფეტურ შტოსთან ნათესაობის შესახებ. ამ მიზნით უთარგმნია მარის წერილი ამის თაობაზე.

1930 წელს გამოცემულა დავით კარიჭაშვილის „ქართული ენის გრამატიკა“, რომელიც თავისი დროისათვის უფრო თანმიმდევრული, სისტემური და მეცნიერულია, თუმცა დღეს მხოლოდ ისტორიული ღირებულება გააჩნია.

სრულყოფილადაა წარმოჩენილი დავით კარიჭაშვილის, როგორც რედაქტორ-გამომცემლის, ღვაწლი. მკვლევარს თეორიულადაც ჰქონია გააზრებული ის ძირითადი პირობები, რომელთაც წიგნის გამოცემა უნდა აკმაყოფილებდეს. იგულისხმება მისი წერილი „ჩვენს წიგნთა გამოცემლობაზე“. 1895 წელს ექვთიმე თაყაიშვილთან ერთად გამოუცია ნიკოლოზ ბარათაშვილის ლექსები და წერილები. მკვლევარი ამ გამოცემას აფასებს, როგორც უფრო სრულს თავის წინამორბედებთან შედარებით. 1910 და 1919 წლებში ბარათაშვილის კრებულები კვლავ გამოცემულა. ყოველი ახალი გამოცემა ახლებური გადაამუშავების კვალს ატარებს. განხილულია ასევე ალექსანდრე ყაზბეგის თხზულებათა დავით კარიჭაშვილისეული გამოცემა. ამ თავის დასასრულს აღნიშნულია, რომ „დავით კარიჭაშვილისთვის წიგნის გამოცემა დიდ სიფრთხილეს და პასუხისმგებლობას უკავშირდებოდა. მის მიერ განხორციელებულ თითოეულ გამოცემას წინ სერიოზული ტექსტოლოგიური სამუშაო უძღოდა“.

განსაკუთრებით საინტერესოა მონოგრაფიის მეხუთე თავი — „დავით კარიჭაშვილის საისტორიო პუბლიკაციები“. მასში განხილული ნაშრომები ძალზე მნიშვნელოვანია ისტო-

რიული მეცნიერების განვითარების თვალსაზრისით. მკვლევარი საგანგებოდ მსჯელობს მათი ავ-კარგის შესახებ. ცხადყოფს, რომ დავით კარიჭაშვილი ეკუთვნოდა მეცნიერთა იმ კატეგორიას, რომელნიც ქართულ საისტორიო წყაროებს ნდობით ეკიდებოდნენ და აღიარებდნენ მათ ისტორიულ ღირებულებას.

აღსანიშნავია, რომ მონოგრაფიის ავტორი აბსოლუტური სიზუსტით აფასებს დავით კარიჭაშვილის მოღვაწეობას. იგი არ ერიდება იმის წარმოჩენას, რომ ამ მეცნიერის წვლილი ქართული ისტორიის შესწავლის საქმეში მაინც მოკრძალებულია, თუმცა უაღრესად საჭირო. ეს არის ერთი საფეხური, ერთი ეტაპი, ურომლისოდაც არ აშენდება უფრო დიდი შენობა.

ნაშრომს ახლავს დავით კარიჭაშვილის გამოქვეყნებულ ნაშრომთა სრული ბიბლიოგრაფია, რაც დიდად ღირებულია ამ ტიპის გამოკვლევებისთვის.

ღია კარიჭაშვილის მონოგრაფია შესრულებულია მაქსიმალური პასუხისმგებლობით. წერის მანერა, სტილი დახვეწილი და ნათელია. ნაშრომი დაწერილია ლალი, ძალდაუტანებელი ენით, არ შეინიშნება არცერთი, თუნდაც მცირე, მექანიკური შეცდომა. „მასხურება ღვთისა და ერისა“ მაგალითია იმისა, თუ როგორ უნდა დაიწეროს ამ ყაიდის გამოკვლევები. მასში სრულყოფილადაა წარმოჩენილი არა მხოლოდ დავით კარიჭაშვილის ღვაწლი, არამედ მისი თანადროული ეპოქის სულისკვეთება, ისტორიული თუ ლიტერატურული პროცესები, რომელნიც საფუძვლად დაედო შემდგომი ხანის ქართულ ლიტერატურათმცოდნეობას.

გვაქვს რამდენიმე შენიშვნა:

საზოგადოდ ისეთი ტიპის გამოკვლევებში, რომელიც ამა თუ იმ მკვლევრის მოღვაწეობის ანალიზს ისახავს მიზნად, ძნელდება ორიგინალურ მიგნებათა, სიახლეთა, წმინდა ლიტერატურულ ძიებათა განხორციელება. ასეთი შრომა შემკრებლობითი ხასიათისაა და უფრო სხვათა ნაღვანის შეფასებისა და განსჯის სახეს ღებულობს. ამიტომაც ამ ყაიდის ნაშრომზე მუშაობისას მკვლევარს მართებს საკვლევი მასალისადმი უკიდურესად ანალიტიკური მიმართება, რათა წარმოჩნდეს მისი, როგორც ლიტერატურათმცოდნის უნარი.

ღია კარიჭაშვილის მონოგრაფიაში ბევრი ისეთი საკითხია წამოჭრილი და დასმული, რომელნიც გარკვეული გადაშეშვების შედეგად უფრო სრულყოფილ სახეს მიიღებდნენ და ნაშრომსაც მეტ ორიგინალობას შესძენდნენ.

როდესაც ავტორი მსჯელობს დავით კარიჭაშვილის მოსაზრებებსა და ვარაუდებზე ლიტერატურისა თუ ისტორიის სფეროში, რაც შემთხვევაში იმონებს სხვა მკვლევართა მოსაზრებებს, მათ არგუმენტებსა თუ კონტრარგუმენტებს და საკუთარ დასკვნასაც გვთავაზობს. ასეა, მაგალითად, „ვეფხისტყაოსნის“ პროლოგის პრობლემატიკაზე მსჯელობის დროს. მაგრამ ზოგან თავს არიდებს საკითხის ამომწურავ ანალიზს და მისი უბრალო კონსტატაციით კმაყოფილდება. მაგალითად, როდესაც განიხილავს დავით კარიჭაშვილის შეხედულებებს „შუშანიკის წამების“ შესახებ, უკმარისობის გრძობას ბადებს ავტორისეული კომენტარისა და დასკვნების სიმცირე. მითუმეტეს, რომ ეს გამოუქვეყნებელი შრომა და მის შესახებ არცერთი სხვა მეცნიერის მიერ მოსაზრებანი არ გამოთქმულა. დავით კარიჭაშვილის ეს ნაშრომი საინტერესო ვარაუდებს შეიცავს. მაგალითად, მკვლევარს არაბუნებრივად ეჩვენება, რომ თხზულების ტექსტში ჯერ კიდევ ცოცხალ შუშანიკს პერსონაჟები ისე მიმართავენ, როგორც ეს მიღებულია პარაკლისებში: „სძალო და მხევალო ქრისტესო“, „წმიდაო მონამეო და მარტვილო სანატრელო ქრისტეის ღმრთისაო“. ეს აფიქრებინებს, რომ ავტორი არის არა თანამედროვე დედოფლისა, არამედ გვიანდელი მწერალი, რომელიც ცდილობს თხზულება დედოფალ შუშანიკის თანამედროვე პირის, იაკობ ხუცესის ნამოღვაწეად წარ-

მოგვიდგინოს. რა თქმა უნდა, დავით კარიჭაშვილის დასკვნა არასწორია, რაც შემდგომი ხანის კვლევებმაც დაადასტურა, მაგრამ თვით დაკვირვება, რომელმაც მკვლევარი ამ დასკვნამდე მიიყვანა, არ უნდა იყოს უმართებულო. მართლაც, რამდენად ბუნებრივია, რომ ცოცხალ პერსონაჟთან დიალოგში ავტორ-პერსონაჟი, იაკობ ხუცესი, იყენებდეს ისეთ სახე-სიმბოლოებს, რომელთაც უმთავრესად ცად ამალღებულ, ნეტარ, სასუფეველში დაპყვირებულ წმინდანებთან მიმართებით გამოიყენება. გავისხენოთ თუნდაც „აბოს წამება“, სადაც მსგავსი მიმართვები მხოლოდ აბოს აღსასრულის შემდეგ, თხზულების IV თავში გვხვდება. თანაც, ეს სახე-სიმბოლოები აგიოგრაფიისა თუ ჰიმნოგრაფიის მოგვიანო ეტაპზე ყალიბდება. ამკარაა, რომ დიალოგები მაშინვე არაა დაწერილი, ისინი უშუალოდ საუბრის მომენტს არ ასახავენ, თუმცა ეს არ გვაძლევს საფუძველს, ვიფიქროთ, თითქოს ისინი სხვა ავტორის მიერაა შეთხზული და სხვა დროს. იაკობ ხუცესმა თხზულება რომ შუშანიკის შეიძლიანი ტანჯვა-წამების შემდეგ დაწერა და დიალოგებსაც შემდგომ შეთხზავდა, როცა დედოფალი უკვე წმინდანად იყო შერაცხული. არ უნდა დავივიწყოთ ისიც, რომ იაკობი იცნობს მონამეთა სახელზე არსებულ რაღაც სხვა ტექსტებსაც („წმიდანი იგი წიგნი მონამეთანი“), რაც შეიძლება მისთვის პირველწყარო ყოფილიყო ქრისტიანული სახე-სიმბოლოების ასათვისებლად. ავტორს მართებდა მსჯელობა ამ მიმართულებით გაეშალა და მოეხმო ამ ვარაუდის უარყოფელი ან დამადასტურებელი ვარაუდები.

ასევე უკომენტაროდ არის დატოვებული დავით კარიჭაშვილის ვარაუდი იმის შესახებ, რომ შუშანიკის სასწაულთმოქმედებანი და ხალხის მიერ მისი აღიარება გვიანდელი გამოწვევანია. მას ურთიერთგამომრიცხავად ეჩვენება ერთი გარემოება: როგორ განითქვა სახელი დედოფალმა, თუ ის ციხეში იყო გამოკეტილი და მასთან არავის უშვებდნენ. არ შევუდგებით ამ წინააღმდეგობათა ჩვენეულ ანალიზს, თუმცა აღვნიშნავთ, რომ ავტორს მართებდა ამ საკითხის ცხადყოფა.

სასურველი იყო აქვე ყურადღება გამახვილებულიყო დავით კარიჭაშვილის კიდევ ერთ ვარაუდზე. კერძოდ, ეს ეხება პურობის სცენის ანალიზს იმავე „შუშანიკის წამებიდან“. მეცნიერი მიიჩნევს, რომ შუშანიკის მიერ წარმოთქმული ფრაზა — „ოდეს ყოფილ არს აქამომდე, თუცა მამათა და დედათა ერთად ეჭამა პური“ არ შეიძლება V საუკუნით დათარიღებულ ძეგლში ამოგვეკითხა. ამის დასადასტურებლად აცხადებს, რომ იმ დროის საქართველოში არ არსებობდა წესი, რომელიც კრძალავდა ქალისა და მამაკაცის ერთად სადილობას. ავტორი საფუძვლიანს უწოდებს დავით კარიჭაშვილის განმარტებას იმის თაობაზე, რომ პურობა ამ სახით მართლაც უნებართვო თუ იქნებოდა, ამას შუშანიკი მაშინვე აღნიშნავდა, როცა სადილად მიიწვიეს, და არა მოგვიანებით, უკვე სუფრასთან მჯდომი. დავით კარიჭაშვილის აზრით, აღნიშნული წესი საქართველოში გვიან შემოვიდა, აქედან კი დაასკვნის, რომ მწერლის ცხოვრების დრო შუშანიკის ცხოვრების დროსთან საკმაოდ დაშორებულია.

ფიქრობთ, ამ მოსაზრებასაც აქვს როგორც ძლიერი, ისე სუსტი მხარეები. ავტორს მართებდა უფრო ღრმად გაეანალიზებინა ეს საკითხი, ან მოეხმო სხვა მკვლევართა მოსაზრებანი და ეჩვენებინა, რა არის მისაღები დავით კარიჭაშვილის ვარაუდში და რა — უკუსაგდები. მითუმეტეს, რომ ეს სცენა თხზულებაში ერთ-ერთი საკვანძოა. საერთოდ, მონოგრაფიის ეს თავი უფრო ზედაპირულ შთაბეჭდილებას ტოვებს სხვა მონაკვეთებთან შედარებით.

ფიქრობთ, ამ შენიშვნების მიუხედავად, ღია კარიჭაშვილის მონოგრაფია „მსახურება ღვთისა და ერისა (დავით კარიჭაშვილის ღვაწლი)“ უდავოდ ღირებული მეცნიერული გამოკვლევაა.

გივი გამრეკელი

მატჩი მსოფლიო პირველობაზე 5 ნოემბერს: ანანდი — კარლსენი

როგორც კი ოფიციალურად ცხადდება მატჩი მსოფლიო პირველობაზე, შეიძლება თამამად ითქვას, რომ მისთვის საგანგებოდ ემზადებიან არამარტო მონაწილეები და მწვრთნელები, არამედ მთელი საქართველო სამყაროც. ყველა ქვეყნის რადიოსადგურები და ტელევიზია არათუ დიდ ყურადღებას უთმობენ თითოეულ პარტიას (რომლის სვლებსაც დაუყოვნებლივ, პირდაპირ ელვის სისწრაფით გადასცემენ), არამედ საგანგებო კომენტატორებად ინვევენ ისეთ დიდოსტატებს, რომელთაც ცალკეულ შემთხვევებში თვით ხელენიფებათ... მსოფლიო პირველობაზე მატჩის თამაშიც! აი, უმაღლესი კვალიფიკაცია! სწორედ ამას ჰქვია! რაც შეეხება ანანდისა და კარლსენის მატჩს, რომელიც 5 ნოემბერს იწყება ინდოეთში, ქალაქ ჩინაოში, ის შეიძლება ითქვას, ყველანაირად განსაკუთრებულია.

ხომ არ შეიძლება იყოს მომხდარიყო, რომ ამჯერად ანანდს რომელიმე სხვა პრეტენდენტი შეხვედროდა, ვთქვათ, ტოპალოვი, კრამნიკი ან გელფანდი. ჯერ ერთი, ბოლო წლებში ინდოელმა სამივე უკვე დაამარცხა. მართალია, პრეტენზია აქამდე შემორჩათ, მაგრამ კარლსენის მიღწევები, თუნდაც ბოლო წლებში, იმდენად დამაჯერებელი იყო, რომ რომელიმე სხვა მატჩს მსოფლიო პირველობაზე საქართველო სამყარო არაბუნებრივად ჩათვლიდა.

მაშ ასე, მსოფლიო ჩემპიონი ბოლოსდაბოლოს, უნდა შეხვედროდა იმ მეტოქეს, რომელიც ამას, საყოველთაო აღიარებით, ყველაზე მეტად იმსახურებდა.

ახლანდელი მონინააღმდეგენი ერთმანეთს პირველად შეხვდნენ ჯერ კიდევ 2007 წელს ვეიკ-ან-ზეეში, მაშინ, როდესაც ნორვეგიელი სულ 15 წლისა იყო, ანანდს კი, ყველაფერს რომ თავი დავანებოთ, უკვე ჰქონდა ნათამაშევი მსოფლიო პირველობის მატჩი გარი კასპაროვთან, სადაც მან — ერთ მომენტში — უპირატესობაც კი მოიპოვა, თუმცა ბოლოს კასპაროვმა მაინც გასტეხა მისი წინააღმდეგობა.

ერთი სიტყვით, ანანდისა და კარლსენის მეტოქეობა უკვე 7 წელს ითვლის, დასაწყისში ისინი მხოლოდ „სრულმეტრაჟიან“ 6-7 საათიან პარტიებს თამაშობდნენ, შემდეგ ამას მოჰყვა მრავალი სწრაფი და ელვისებური შეხვედრაც. ყველა ეს პარტია კომენტატორებმა დეტალურად შეისწავლეს. ზოგი სპეციალისტი ამ წინასწარ შეხვედრებს გადამწყვეტ მნიშვნელობას არ ანიჭებს (ასეთი მაგალითიც მოჰყავთ, სპასკი-ფიშერის შეხვედრების ანგარიში მსოფლიო პირველობაზე მათი შეხვედრის წინ იყო 3:0 სპასკის სასარგებლოდ), მაგრამ ზოგიერთი დასკვნის საშუალებას ისინი მაინც იძლევიან.

მაშ ასე: დავიწყოთ 2007 წლით. ვეიკ-ან-ზეეში მათი შეხვედრა (ნორვეგიელი თეთრებით თამაშობდა) ყაიმით დასრულდა, ლინარესში კი ორ პარტიაში მსოფლიო ჩემპიონმა

მძიმედ დაატყო თავისი ხელი ყმანვილს — 2:0. პირველ შეხვედრაში ინდოელმა თეთრებით თავის საყვარელ ესპანურ პარტიას მიმართა, რომელიც მის ხელში მრისხანე იარაღია (ცნობილმა დიდოსტატმა ხალიფმანმა წიგნიც კი დაწერა „როცა ანანდი ესპანურს თამაშობს“), მეორეში კარლსენმა ლაზიერის გამბიტში ვერაფერს მიაღწია, შემდგომ ტაქტიკურ ბრძოლაში კი შავების „კლანჭებში“ მოხვდა.

2008 წელი როგორც ყოველთვის, ისევე ვეიკ-ან-ზეეში დაიწყო კარლსენმა თეთრებით კვლავ ნააგო, კიდევ ერთხელ გამოჩინა ტაქტიკური დარტყმა, რომელიც მას უაღრესად იშვიათად ემართება (ემართებოდა!). ანგარიში გახდა უკვე 3:0. ლინარესში ანანდმა (შავებით!) კვლავ მოიგო — ესეც 4:0. წლის დანარჩენი 5 პარტია უკვე სწრაფი კონტროლით მიმდინარეობდა: მაინცში ერთი ინდოელმა მოიგო (ანგარიში არ ვთვლით), მეორე ყაიმით დასრულდა. ამას დაუმატოთ ორი ყაიმი „დიდი სვლების ფინალში“.

დაბოლოს, ორი შეხვედრა კანში, სადაც დაფაზე დაუხედავად კვლავ ანანდმა მოიგო, სწრაფი პარტია კი კარლსენმა (როგორც იტყვიან, ჩხირი კედელს, მაგრამ იგი ხომ საერთო ჩათვლაში არ შედიოდა!).

როგორც ჩანს, 2009 წლიდან ჭაბუკმა თანდათან ალღო



ვიშვანათან ანანდი და მაგნუს კარლსენი

აულო თავის მრავალნაცად მეტოქეს. ჯერ ერთი, ლინარესში მან თეთრებით ბოლოსდაბოლოს მოიგო და, როგორც იტყვიან, ანგარიში დაასველა 1:4! მეორე პარტია ყაიმით დასრულდა, ისევე, როგორც ფრიად საინტერესო შეხვედრა ტალის მემორიალში. სწრაფ ჭადრაკში, მსოფლიოს პირველობაზე, რომელიც მოსკოვში ჩატარდა, კარლსენმა ორჯერ დაამარცხა ანანდი, ისევე, როგორც კანში დაფაზე დაუხედავად (დავიცვათ ჩვენი პირობა და არც ეს სამი მოგება ჩავთვალოთ, თუმცა მათ, რა თქმა უნდა, დიდი ფსიქოლოგიური მნიშვნელობა ჰქონდათ!).

ასე მოვედით 2010 წლამდე, როდესაც მეტოქეები უკვე ათჯერ შეხვდნენ ერთმანეთს. ვეიკ-ან-ზეეში სწრაფი ყაიმის შემდეგ, ანანდმა ლონდონში კიდევ ერთხელ მოიგო: ესეც 5:1. ყველა დანარჩენი შეხვედრა სწრაფი კონტროლით იყო (ერთი მოიგო ანანდმა, მეორე კარლსენმა, დანარჩენები ყაიმით დასრულდა).

2011 წელს კვლავ 10 პარტია გათამაშდა. ბოტვინიკის მემორიალში (სწრაფ ჭადრაკში) ჯერ ყაიმი აღინიშნა, შემდეგ კი ანანდმა მოიგო, ამავე წელს ტალის მემორიალში კვლავ ყაიმი აღინიშნა. ასეთივე შედეგით დასრულდა სწრაფი შეხვედრები 5 სხვადასხვა ასპარეზობაში. კანში სწრაფ პარტიაში ნორვეგიელმა გაიმარჯვა, დაფაზე დაუხედავად კი — ანანდმა.

გვრძნობთ, რომ მკითხველი გავაზებურეთ ამდენი სტატისტიკით, ამასთან, 2012 წლიდან ისიც გავითვალისწინოთ, რომ კარლსენი, რომელსაც კასპაროვი ეხმარებოდა, უკვე მსოფლიო ჩემპიონობის სახსრებით რეალური პრეტენდენტი

გახდა. მან ბილბაოში თეთრებით, ბრწყინვალე სტილით სძლია ჩემპიონს — 2:5. მოუგო დიდოსტატების ტურნირის ფინალშიც 3:5. ერთი სიტყვით, იმ საშინელი თავდაპირველი ანგარიშიდან თითქმის აღარაფერი დარჩა.

დავუმატოთ ამას 2013 წლის ორი ყაიმიც „ტა ტა სტილ-შიც“ (ყოფილი ვეიკ-ან-ზე), ერთი ცლონდონის „ზე დიდოსტატების“ ასპარეზობაში, ტალის წლევეანდელ მემორიალში კი ერთი კარლსენმა მოიგო 4:5!

გამოვაკლოთ ყველა სწრაფი თუ ელვისებური პარტია (ისედაც ხომ არ ვთვლიდით!) და გამოვა, რომ ანანდი მაინც ინარჩუნებს უპირატესობას. ტალის მემორიალის შემდეგ რახან დროც აღარ ჰქონდათ, მეტოქეებს არსად უთამაშოთ და ასე ხვდებიან თავიანთ მომავალ ასპარეზობას: ანანდი მაინც ერთგვარი კმაყოფილების გრძნობით, კარლსენი კი რევანშის აღების სურვილით!

უნდა აღინიშნოს ერთი გარემოებაც: ბოლო სამი წლის მანძილზე კარლსენი პირველ ადგილებს იკავებდა ყველა იმ შეჯიბრებაში, სადაც კი მონაწილეობდა. დიდ გამონაკლისად ჩაითვალა მისი მეორე ადგილი ტალის უკანასკნელ მემორიალზე, სადაც მას ერთი ნაბიჯით გაუსწრო სერგეი კარიაკინმა (და ამით ყველა გააოცა!). ამავ დროის განმავლობაში ანანდი ცოტას თამაშობდა, ძირითადად ბორის გელფანდთან მატჩისათვის მზადებით იყო დაკავებული, და ტურნირებში უფერული შედეგები ჰქონდა. მას შემდეგ, რაც გელფანდთან დაიცვა თავისი ნოდება, ჩემპიონი დარწმუნდა, რომ სათამაშო პრაქტიკა აშკარად აკლდა და შეეცადა ამ ნაკლის გამოსწორებას. 2013 წლის დასაწყისში მეტ-ნაკლები ნარმატებით ითამაშა ვეიკ-ან-ზეში (მესამე ადგილი კარლსენისა და არონიანის შემდეგ), პირველი ადგილი დაიკავა ბადენ-ბადენში ახალი ვარსკვლავის ფაბიანო კარუანას წინ, მესამეზე გამოვიდა ალიოხინის მემორიალზე არონიანისა და გელფანდის შემდეგ. ერთი სიტყვით, კარლსენისა და ანანდის ბოლო წლების სატურნირო შედეგების შედარება არც კი შეიძლება.

ეს ასეა, მაგრამ სულ მალე ანანდი და კარლსენი ტურნირებში კი არ უნდა შეეჯიბრონ ერთმანეთს, არამედ 12 პარტიისაგან შემდგარი მატჩი ითამაშონ. ეს კი სულ სხვა სფერო გახლავთ.

მრავალი კომენტატორი ანანდისა და კარლსენის ორთაბრძოლას არამარტო 2013 წლის, არამედ მთლიანად ახალი საუკუნის უმნიშვნელოვანეს საჭადრაკო მოვლენად მიიჩნევს. მან უნდა დაჩრდილოს ყველაფერი, რაც კი მას შემდეგ მოხდა, რაც ჭადრაკს გარი კასპაროვი გამოეთხოვა.

უამრავი სპეციალისტის პროგნოზებიდან, რომლებიც კარლსენს უტყუარ წარმატებას უწინასწარმეტყველებენ, ჩვენ გვიჩნდა გამოვეყნოთ ერთი, რომელიც ეკუთვნის ანანდის მრავალწლიან მწვრთნელს **ელიზბარ უბილაკას**. იგი კარლსენს უაღრესად მაღალ შეფასებას აძლევს. აი ზოგი ნაწყვეტი უბილაკას ინტერვიუდან, რომელიც მან სულ რამდენიმე ხნის წინათ მისცა:

— როდესაც 22 წლის ადამიანი ყველა წარმოდგენელ ჯებირს ამსხვრევს, შეუძლებელია არ ვაღიაროთ, რომ საქმე გვაქვს ერთ-ერთ უდიდეს ფიგურასთან მთლიანად ჭადრაკის ისტორიაში. მან რეიტინგის თვალსაზრისით შორს ჩამოიტოვა ყველა უძლიერესი თანამედროვე მოჭადრაკე. მხოლოდ გენიალურმა რობერტ ფიშერმა და ლეგენდად ქცეულმა გარი კასპაროვმა შეძლეს ასე გაესწროთ ყველა მდევრისათვის. კარლსენს სულ ცოტადა დარჩა, რომ დაძლიოს 2900-იანი რეიტინგი. ნორვეგიელის ახალგაზრდული ასაკის მიუხედავად, მე მას ფიშერსა და კასპაროვთან ერთად შევიყვანდი ჭადრაკის ისტორიის უდიდესი ფიგურების სამეულში. ფიშერისა და კასპაროვის სტატუსი არავის აეჭვებს, მათ ხომ ჭადრაკის განვითარებაში უზარმაზარი წვლილი შეიტანეს. რაც შეეხება კარლსენს, იგი ასეთივე მაღალი შეფასების ღირსია.

ერთი სიტყვით, აღდგომა და ხვალეო. თითქოს არავის ეპარება ეჭვი, რომ 22 წლის (მაშინ იგი უკვე 23 წლისა იქნება!) კარლსენი მსოფლიოს მეთექვსმეტე ჩემპიონი გახდება. მაგრამ ნურც ის დაგვაინყდება, რომ პროგნოზები ყოველთვის როდი მართლდება. ასე რომ, ცოტა უნდა მოვიცადოთ.

აი კიდევ რამდენიმე სხვა დიდოსტატის აზრიც:

ალექსანდრ ხალიფმანი (მსოფლიო ექს-ჩემპიონი ფიდეს ვერსიით, ანანდზე დაწერილი სპეციალური წიგნის ავტორი):

— ანანდი უკვე კარგა ხანია არადამაჯერებლად თამაშობს. უფრო ზუსტად, თუკი შესაძლებლობა აქვს, ბრძოლას თავიდან იცილებს. ეტყობა, რომ დაილაღა. ისე კი ასაკი ბევრს ნიშნავს. ამ მხრივ მას არ უნდა ვაკრიტიკებდე. რა თქმა უნდა, ანანდი შეეცდება მეტოქეს მედგრად დახვდეს. ამ მატჩს მისთვის მეტად დიდი მნიშვნელობა აქვს. იგი ხომ პირველად აღმოჩნდა ანტიფავორიტის როლში. ეს, ერთი მხრივ, ამოცანას ურთულებს, მეორე მხრივ კი — უმსუბუქებს.

ეტყობა, მომავალი მატჩი კარლსენზეც ძლიერ გავლენას ახდენს. შარშანდელ წელთან განსხვავებით, წლეულს ვეიკ-ან-ზეში გამარჯვების შემდეგ მან სტავინგერსა (ნორვეგია) და მოსკოვში, ტალის მემორიალზე მეორე ადგილები დაიკავა. უჩვეულოა, რომ ტალის მემორიალის სამ პარტიაში — გელფანდთან, კარუანასა და მამედიაროვთან — მძიმე შეცდომები მოუვიდა. ჩვენ კი უკვე მივეჩვიეთ, რომ საფირმო ნიშანი „კარლსენი“ სტაბილურობასა და შეუცდომლობასაც ნიშნავს.

ერთადერთი პარტია ტალის მემორიალიდან, რომელიც კარლსენმა ბრწყინვალედ წარმართა, არის ჩინებული გამარჯვება ანანდთან. ამ პარტიის შედეგის მიხედვით რაიმე პროგნოზის გაკეთება მაინც შეუძლებელია. რაღაც ფსიქოლოგიურ როლს იგი მაინც შეასრულებს. მომავალ მატჩში. კარლსენი — აშკარა ფავორიტია, მაგრამ არის ზოგიერთი რამ, რითაც ანანდმა შეიძლება ისარგებლოს.

ლონდონში პრეტენდენტთა ტურნირის დასასრულმა ცხადაცყო, რომ კარლსენი, როცა მასზე დიდი ზენოლაა, ზოგჯერ არადამაჯერებლად მოქმედებს. მატჩი ხომ თავისებური შეჯიბრებაა, სადაც ანანდს უზარმაზარი გამოცდილება აქვს. კარლსენზე ამას ვერ ვიტყვით, მატჩს იგი პირველად თამაშობს და გარკვეულ მღელვარებასაც თავიდან ვერ აიცილებს.

დიდოსტატი **დმიტრი ანდრეიკინი**, რომელმაც ტალის უკანასკნელ მემორიალში ანანდს მიუგო და კარლსენთან შეხვედრა ყაიმით დაამთავრა: ვფიქრობ, ტალის მემორიალზე, როგორც კარლსენი, ისე ანანდიც თავიანთ შესაძლებლობებზე უარესად თამაშობდნენ. ბოლო შეჯიბრებებმა კარლსენის თამაშის ზოგიერთი სუსტი მხარე გამოავლინა. თუკი ანანდი ირწმუნებს თავის ძალებს და სტაბილურად ითამაშებს, მისი შანსები 50 პროცენტით უნდა შევავსაოთ. მისი სამატჩო გამოცდილება და „საკუთარი მინდვრის“ ფაქტორიც უნდა გავითვალისწინოთ.

დიდოსტატი **იგორ ზაიცევი**: რა თქმა უნდა, წინასწარ შეუძლებელია რაიმეს თქმა მატჩის შედეგზე. შეიძლება ანანდი კაპაბლანკას შევადაროთ, როგორც ორი გენიალური პოზიციური მოთამაშე, ანდა კარლსენი ალიოხინს, როგორც ნამდვილი უნივერსალები.

ექსტრემულ სიტუაციებში კარლსენის ნერვული სისტემა ისეთ სიმყარეს როდი იჩენს, როგორც ამას ანანდთან ვხედავთ. ანანდს უდიდესი სამატჩო გამოცდილება კი აქვს, მაგრამ ენერჯის უკმარისობასაც მივაქციოთ ყურადღება — იგი ხომ 50 წელს უახლოვდება. თუმცა ისიც გავითვალისწინოთ, რომ იგი ვეგეტარიანელია და უმკაცრეს რეჟიმს იცავს. ასე რომ, იცის, როგორ აღიდგინოს ძალები და ჭადრაკშიც გამუდმებით მუშაობს.

* * *

ორჯან ფაშუქის რომანში „უმანკოების მუზეუმი“ მოთხრობილია, თუ რა რაღაც აღფრთოვანებით შეხვდნენ როგორც სტამბოლელი, ისე პროვინციელი კინომოყვარულები ფილმს „დამსხვრეული ცხოვრება“, და გაყიდვის თვალსაზრისით ყველა რეკორდს მოიხსნებოდა. ფაფათის უბედურ ცხოვრებას მიეძღვნებოდა ფილმის ბოლო ორი სიმღერა, რომელზეც, განსაკუთრებით პროვინციებში, ქალები ცრემლად იღვრებოდნენ. კინოთეატრების ნესტიანი და უჰაერო დარბაზებიდან თვალმდინარეები გამოდიოდნენ ახალგაზრდებიცა და მოხუცებიც.

მაცურებელზე ძალიან იმოქმედებდა ბოლოსწინა სცენა, სადაც ფაფათია, თხოვნა-ვედრების მიუხედავად, ჰკლავს მდიდარს, რომელმაც იგი, ლამის ბავშვი, გააუპატიურა.

ამ კაცის როლს ასრულებდა ექვრემ ბეი, ვინც უმთავრესად ბიზანტიელ მღვდლებსა და სომხური საზოგადოების წევრებს განასახიერებდა. ხალხი ისე აღშფოთდებოდა მისი როლით, რომ ექვრემ ბეი ერთხანს შინიდან ვეღარ გამოდიოდა, რადგანაც ქუჩაში რომ ხვდებოდნენ, აუცილებლად მისცვივდებოდნენ, ლანძღავდნენ და სცემდნენ კიდევ.

ცხადია, რომანში რეალისტური განწყობილებაა გადატანილი, თუ რა რაღაც განიცდის თურქი მაცურებელი ფილმში დატრიალებულ ამბებს და, მსახიობს კინოგმირთან რომ აიგივებს, არ პატიობს პერსონაჟის ცოდვა-დანაშაულს. ვინ იცის, რამდენი კინომსახიობი ემალებოდა მაცურებლის რისხვას, რადგანაც ყოვლად შეუძლებელი გახლდათ გაცოფებული თავდამსხმელებისათვის შეეგონებინათ, დამნაშავე პერსონაჟია, მე კი არა, ეს ნამდვილად იმსახურებს თქვენს რისხვას, მაგრამ მე რა შუაში ვარო?!

ეს განწყობილება რა, ჩვენთვის კი უჩვეულოა?

„ბრინკაო“, მისძახოდნენ ნოდარ მაგლობლიშვილს, დასცინოდნენ და ლანძღავდნენ თეიმურაზ ხევისთავის როლის ბრწყინვალედ შესრულებისათვის: ცოლი ჯაყოს როგორ დაუთმე, ასე როგორ გეძინა, რომ ვერ გაიგე, შენს გვერდით რა ხდებოდაო.

* * *

რონალდ რეიგანი კალიფორნიის გუბერნატორობისასაც და ამერიკის შეერთებული შტატების პრეზიდენტობისასაც ყოველთვის ცდილობდა გაეღო ოფიციალური ცინიზმი და მოლაპარაკების მაგიდას თვითონაც ჰუმანური სულისკვეთებით მისჯდომოდა და მოწინააღმდეგეც სამისოდ განეწყო.

სანიმუშოდ არაერთი პასაჟის მოხმობა შეიძლება მისი ავტობიოგრაფიული რომანიდან „ამერიკული ცხოვრება“, თუმც ამჯერად ეს იცოს:

ინაუგურაციიდან ერთი თუ ორი თვის თავზე თერ სახლში ერთ ყველაზე თავგამოდებულ ოპოზიციონერს თიფ ო'ნილს რომ მიიწვევდა ცოლთან და კიდევ რამდენიმე სტუმართან ერთად, ნენსის, პრეზიდენტის მეუღლეს, იქაურობის განახლება უკვე დაწყებული ჰქონდა და სტუმარი ამას ფეხის შედგმისთანავე იგრძნობდა და არც მადლიერების გამოთქმას დაინა-



არც ნანა ფაჩუაშვილს მოაკლდებოდა კილვა და გმობა მარგარიტა ხევისთავის განსახიერებისათვის, ხოლო თემურ ჩხეიძეს „ჯაყოს ხიზნების“ ტელევერსიის შექმნისათვის ლამის რომ გაუმეორდებოდა ის რისხვა, რაც ოდესღაც მიხილ ჯავახიშვილს დასტეხოდა თავს, ეს კიდევ სხვა.

ნივილ-კივილით მიესეოდნენ და გააქცევდნენ ქალები მშობლიურ ზუგდიდში ჩასულ ბორის ნიფურისა, და ეს — ფილმში „მიზანი“ შესრულებული როლისათვის: ამან ნუხელ ქალი შეურაცხყო და მერე ჭაობში ჩაახრჩო და ახლა რა უტიფრად დაიარება ქუჩაში, იმის ნაცვლად, ციხეში იჯდეს და განაჩენს ელოდესო.

„კიკუ, კიკუ“, ამ დახილსაგან მოსვენება აღარ ექნებოდა გიორგი ხარაბაძეს „დათა თუთაშხიაში“ შესრულებული ეპიზოდური როლისათვის, ვერ ეპატიებინათ ჭკუასუსტი გოგონას გაბახება, და ეს კი გიგა ლორთქიფანიძეს საყვედურობდა: რა დაგიშვე, ეს როლი რომ შეიმჩიე, ეტყობა, მთელი ცხოვრება ეს დახილი უნდა ვითმინო, როდესაც არ ახსენებენ, მაშინაც ყურში მიდგასო.

ეს ორიოდ ნიმუში — სახელდახლოდ რაც ნამომგონდა, თორემ მთელი კოლექციაც კი შეიძლება შეგროვდეს, პერსონაჟთან გაიგივებული მსახიობი მაცურებელთა სიძულვილსა თუ დაცინვას რომ მოიმიკიდა.

„უმანკოების მუზეუმი“ კოლექციის შეგროვებით გატაცებული გმირის თავგადასავალს გვიამბობს და რომანის ბოლო ნაწილი თავისებური ესთეტიკური ტრაქტატიც კი არის ერთიერთმანეთზე ორიგინალური კოლექციებისა და მათზე ამოზრდილი მუზეუმების თემაზე.

და თურმე ეს კოლექციაც შეიძლება მიემატოს — მსახიობთა წყება, გარეთ რომ ვეღარ გამოსულა მაცურებელთაგან გაბეზრებულნი თუ სულაც დაშინებულნი.

სანუგეგმოდ ესლა რჩებოდათ: ეტყობა, ურიგოდ არ გვითამაშია, მაცურებლის ალქმაში ასე რომ გავუიგივდით პერსონაჟსო.

როდესაც მიიჩქარი სადმე თავის შესაფარებლად, უკან კი კიჟინით მოგდევნე კინომოყვარულები, ეს ნუგეშიც გმატებს სირბილის ძალას!..



ნებდა: ოცდაშვიდი წელია აქ დავდივარ და აქაურობა ასეთი ლამაზი არ მახსოვსო.

ორივე გუშინდელი მოწინააღმდეგე თავს ჩინებულად იგრძნობდა ერთმანეთის საზოგადოებაში, გაიხსენებდნენ თავიანთ ირლანდიურ წარმოშობას და რას აღარ მოყვებოდნენ მამებისაგან გადმოცემული ირლანდიური ამბებიდან.

რეიგანს ისეთი გრძნობა დარჩებოდა, თითქოს მეგობარი შეეძინოს.

მაგრამ გავიდოდა რამდენიმე დღე, გადაშლიდა გაბუთს და... აღმოაჩენდა, რომ ო'ნილი ეკონომიკურ პროგრამასთან დაკავშირებით პირადად პრეზიდენტს ძალზე უხეშად აკრიტიკებდა.

ამგვარ ფორმას იწყენდა, თორემ კრიტიკული შენიშვნების გაზიარების დიდი მოსურნე და დამცველიც გახლდათ.

გაკვირვებითაც გაუკვირდებოდა, თორემ გული ხომ დაწყებოდა და დაწყებოდა.

მაშინვე დაურეკავდა:
 — თიფ, ახლახან ნავიკითხე, რაც გუშინ გითქვამს. მეგობრად დავმეგობრდით და კარგი ურთიერთობა დავამყარეთ...
 ოპოზიციონერი სულაც არ მიიჩნევდა, რომ რაიმე დაემუშავებინოს, ის კი არა შეგონებასაც გაუზიარებდა:
 — ძმაო, მეგობრობა ექვსი საათის მერე გამიგია, მანამდე კი ყველაფერი პოლიტიკაა.

* * *

ლუბა ელიაშვილი ტელეკომპანია „იბერიას“ საინფორმაციო გადაცემებს ხელმძღვანელობს.

უკვე საკმაო გამოცდილება აქვს ტელეჟურნალისტიკაში და მოწაფეებიც კი დაუფრთიანები.

ამჯერად კიდევ ახალი ასპარეზი გადაშლილა მისთვის და ჩვეული მუყაითობითა და ენერგიულობით გადაშვებულა საქმიანობაში, რათა ამ არხის საინფორმაციო სამსახური დროულად ამოქმედდეს და მიუყვებოდეს მისი მიზანდასახულებით დაამტკიცოს, თუ როგორი უნდა იყოს დამოუკიდებელი ტელეკომპანია, გარიდებული ყოველგვარ პარტიულ დიქტატს.

ახალგაზრდა ჟურნალისტებს გარს იკრებს და წვრთნის მნიშვნელოვან საქმეთათვის. რას წარმოიდგენს, რომ ვარდების რევოლუციად მონათლული სახელისუფლებო გადათამაშებით მოსული ახალთაობა უპირველესად „ომეგა ჯგუფს“ მიეჭრება შეიარაღებულ ნიღბოსანთა რაზმით და მათ შორის ტელეკომპანია „იბერიასაც“ დაიკავენ. ერთნაირი ბლოკირების შემდეგ „ომეგა ჯგუფი“ კი აღადგენს მუშაობას, მაგრამ „იბერიას“ ლიცენზია — სახელისუფლებო ძალადობით — საგანგებოდ შექმნილი ტელეკომპანიის ხელთ აღმოჩნდება.

* * *

კურიოზი ყველას შეიძლება შეემთხვეს ცხოვრებაში, თვით უაღრესად განათლებულ და ინტელექტუალურ ადამიანებსაც.

ერთი ასეთი ეპიზოდი ვახტანგ ჭელიძის ჩანაწერებშიც („ტკბილ-მწარე ამბები“) შეგვხვდება, როდესაც იგი გაიხსენებს, რომ ასპირანტურაში სწავლისას სადისერტაციო თემად აირჩიედა „დიკენსის ბავშვებს“ (ბავშვთა სახეები ჩარლზ დიკენსის შემოქმედებაში). ერეკლე ტატიშვილი მაშინვე დაყაბულდებოდა, მაგრამ თემა უნდა დაემტკიცებინა შალვა ნუცუბიძეს, ვინც სტუდენტობის დროს მსოფლიო ლიტერატურის ისტორიას უკითხავდა.

ესეც ეახლებოდა და მოახსენებდა: ამ თემას ვირჩევო.

და პასუხად:

— კი, ბატონო, თუკი პედაგოგიური განხრა გაინტერესებს, მე წინააღმდეგი არ ვიქნები.

ჩანაწერში თავშეკავებითაა გამოთქმული გაკვირვება: რა შუაში იყო აქ პედაგოგიკა!..

რეზო ჭეიშვილის მოთხრობაში „ცისფერი მთები“ ჟურნალის რედაქტორის მოადგილე ოთარი სოსო კენჭაძის თხზუ-

როგორც ჩანს, დიდად არა სჯეროდა იმგვარი თეორიისა, რომელიც ჩვენში ნიაზ დიასამიძეს ასე ჩამოეყალიბებინა: მეგობრობა მე „კრუგლოსუტოჩნი“ მეგონაო.

განბილბულიყო და ეს დაჩვილება ამისა გახლდათ — მეგონაო... თუმც თვით ამერიკის პრეზიდენტსაც რომ გაანბილბენ, შენ რილას იმედი უნდა გქონდეს!..



ასე რომ, „იბერიას“ მოღვაწეობა შეჩერდება.

მაგრამ აქამდე ჯერ შორია და ლუბა ელიაშვილისთვისაც და მის მოწაფეთა ახალი გუნდისთვისაც ყველაფერი გაზაფხულის სურნელით სუნთქავს, გარშემო სიხალისე და მხიარულება იფრქვევა.

ლუბა ნაცნობ-მეგობრებს სთხოვს: სადაც კი ერთად თავმოყრილი ხალხი დაინახოთ, მაშინვე მაცნობეთ, რათა სასწრაფოდ გავაგზავნო ჟურნალისტები.

ისინიც დაუზარებლად ამცნობენ.

ახალგაზრდებიც მიეშურებიან მითითებულ მისამართზე.

და იცინის ლუბა ელიაშვილი:

— ბავშვებს აღარ შეუძლიათ პანაშვიდებსა და გასვენებებზე სიარული!..

სადაც კი ერთად თავმოყრილი ხალხი

დაინახოთ...

ასეთ დროს იყრის თუ იყრის თავს ხალხი. არადა, მის ნაცნობ-მეგობრებსაც თავთავისი საქმე აქვთ და შორიდან რა არაკვიონ, რალაც ამბავია მომხდარი თუ კიდევ ერთი ადამიანი გამოთხოვებია სანუთროს.

ამის დაზუსტება დაე ახალბედა ჟურნალისტებს მიენდოთ... გამოცდილებას კი ყოველგვარ ვითარებაში შეიძენ, თუკი ამ საქმიანობისთვის ხარ დაბადებული.



მხატვარი ბემქენ გოლეითანი

ლების „ცისფერი მთები ანუ ტიან-შანი“ სათაურს რომ დახედავს, ავტორს განუცხადებს: ჩვენ მაინც ფიზკულტურის ინსტიტუტში უნდა ნავილოთ ოფიციალურადო.

— რატომ უნდა ნავილოთ? — უკვირს ავტორს.

— ისე მაინც, ყოველი შემთხვევისათვის... მთებია, მწვერვალები, შემდეგ არაფერი თქვან...

ამ დეტალითაც უნდა შეივსოს მოთხრობის აბსურდულ-გროტესკული რეალობა.

ყველას შეიძლება შეემთხვესო...

ეგაა, ის, რაც შალვა ნუცუბიძისათვის შემთხვევითობაა, რეზო ჭეიშვილის მოთხრობის პერსონაჟისათვის ჩვეულებრივი რამაა — მისი აზროვნების წესი და სტილი... და დამთრგუნველ შთაბეჭდილებასაც ამიტომ ახდენს ეს პასაჟიც, თორემ შალვა ნუცუბიძეს თავისი ის ნათქვამი თუ ნამოაგონდებოდა, იცინებდა და

რას იცინებდა: ეს როგორ დამემართა!.. ისე სახალისოდ ნამდვილად გამოდგებაო!..

ვახტანგ ჭელიძის ჩანაწერებშიც სწორედ ამ აზრით, სახალისოდაა გახსენებული.

შექსპირი ნიურნბერგის პროცესზე

მთელი დარბაზი ხმაგაყვანილი უსმენდა მონმედ გამოძახებული პოლონელი ქალის — სევერინა შმიგლევსკას ჩვენებას ოსვენციმის კონცლაგერის საშინელებათა შესახებ. მსმენელთა ცრემლი მოადგათ თვალებში, როდესაც ნატუსალარმა ქალმა დაიწყო იმის თხრობა, თუ დედებს როგორ ართმევდნენ შვილებს გავარვარებულ ღუმელებში დასანჯავად.

და მრისხანედ აულერდა მონმის საბოლოო სიტყვები: „ვეროპის ქალთა სახელით მე მინდა ვკითხო გერმანელ დედებს — სად არიან ჩვენი შვილები?“

შესვენებისას ადვოკატი ეკითხება ნიურნბერგის პროცესის ნომერ პირველ ბრალდებულს ჰერმან გერინგს (ნაცისტური გერმანიის „მეორე კაცად“ შერაცხულ პირს), ნუთუ არავინ არაფერი იცოდა? გერინგს პასუხად უთქვამს: „რასაკვირველია, არა. ბატალიონის მეთაურმაც კი არაფერი იცის იმის გარდა, რაც უშუალოდ მის ბატალიონს ეხება. რაც უფრო ზემოთ დგახარ, მით უფრო ნაკლები იცი იმის შესახებ, რაც ქვემოთ ხდება“.

მასადაამე, ამგვარი ლოგიკით ჰიტლერი ბაიბურშიც არ იქნებოდა, არსებობდა თუ არა ამქვეყნად, ვთქვათ, აუშვიცი (ასე ერქვა ოსვენციმს გერმანულად).

ყოველი ბრალდებული თავგამოდებით ლამობდა თავის დაძვრენას პასუხისმგებლობისგან. ენერგიულად ებლაუჭებოდნენ გადამრალეხას.

გესტაპოს შიფი ერნსტ კალტენბრუნერი პროცესის დანყებად ავად გახდა (მიკროინსულტი) და სასამართლოს პირველ სხდომებს არ ესწრებოდა. როცა გამოკეთდა, ცხადია, მიაბრძანეს ბრალდებულთა სკამზე. პრესა, ეტყობა, წინასწარ იყო გაფრთხილებული — კინოოპერატორები და ფოტოკორესპონდენტები საგულდაგულოდ მოემზადნენ, კალტენბრუნერის მობრძანება რომ გადაეღოთ. მთელი დარბაზი მიაჩერდა ბრალდებულთა კოჰორტას. კალტენბრუნერი თანამებრძოლებს გულთბილი უსტით მიესალმა, მაგრამ ბრალდებულთა მხრიდან ციმბირული სუსხი მიანყდა გესტაპოს შიფს. ყველამ პირი იბრუნა მისგან — ამ ჯალათთან ჩვენ რა გვესაქმებაო?! მისმა ადვოკატმაც კი იუარა სალამი და კალტენბრუნერს განვდილი ხელი გაუშეშა ჰაერში.

ყოველი ბრალდებულის უსიამოვნება იწყებოდა იმ მომენტიდან, როდესაც ბრალმდებელი დაკითხვას იწყებდა, ხოლო ადვოკატის ჯერი რომ დადგებოდა, ბრალდებული სულს ითქვამდა.

მაგრამ კალტენბრუნერს აქაც არ გაუშართლა. მისი ადვოკატი, გვარად კაუფმანი, ეკითხება, იცოდა თუ არა ოსვენციმის არსებობა; იცოდა თუ არა, რომ იქ უდანაშაულო ადამიანებს ულტენდნენ?

ადვოკატი მოითხოვდა ლაკონიურ პასუხს: ჰო ან არაო. კალტენბრუნერი უჩვეულო გასაჭირში ჩავარდა. ადვოკატის ცნობისმოყვარეობა უსაზღვრო იყო.

— როდის შეიტყვეთ, რომ ოსვენციმი იყო განადგურების ლაგერი? როგორი იყო თქვენი დამოკიდებულება ამის მიმართ? მიპასუხეთ ნათლად და მოკლედ.

გაოგნებული კალტენბრუნერი უმწიოდ ლულულედა რალაცას. ეშმაკმა დალაზვროს, თავისი ადვოკატი მოველინა კირკიტა პროკურორად!

— ჩვენ კიდევ არ ვიცით, რა გააკეთეთ თქვენ, როდესაც შეიტყვეთ ოსვენციმის შესახებ. უკანასკნელად გეკითხებით, რა მოიმოქმედეთ?

ჰ, ნეტა გესტაპოში მომხვედროდიო, — ალბათ ასე ფიქრობდა კალტენბრუნერი.

ადვოკატმა თავისი უცნაური ქცევა იმით გამოასწორა, რომ საბოლოო სიტყვაში ასეთი რამ დაახეთქა:

— დღეს კალტენბრუნერი ნატრობს, რომ ხელახლა დაბადებულიყო. მე მჯერა, რომ იგი სისხლის უკანასკნელ წვეთამდე დაიცავდა თავისუფლებას და დემოკრატისა.

ადვოკატ კაუფმანის რაღაც ანტიპოდად გამოდგებოდა ადვოკატი მარქსი (დაიხ, დაიხ, ასეთი გვარი ჰქონდა), რომელიც მონმედ გამოძახებულ ფრანგ ქალბატონს ჩააცვიდა:

— თუკი ოსვენციმი ასეთი ცუდი პირობები იყო, თქვენ როგორ გადარჩით? რატომ არ მოკვდით? საავადმყოფოში მანინც

რატომ არა ხართ? გაზეთი „ბერლინერ ცაიტუნგი“ ადვოკატ მარქსის რიტორიკას ასე გამოეხმაურა:

„რა თქმა უნდა, არ შეიძლება აუქრძალო ადამიანს თავისი სიმპათიების გამოხატვა. საკითხავი მხოლოდ ისაა, რა უნდა იფიქრო იმ სუბიექტზე, რომელიც საჭიროდ არ მიიჩნევს დუმის, როდესაც ისმენს ნაციზმის მსხვერპლთა გოდებას, და ექომაგება სადისტ-მკვლელებს. ასეთი პერსონა უნდა გაირიცხოს წესიერი საზოგადოებიდან“.

ციხის უფროსი, ინგლისელი პოლიკონი ენდრიუსი კი თავისი პრობლემებით იყო დაკავებული და აღშფოთებით ამბობდა:

— გესმით, ეს გასიებული გერინგი მართლაც უმადური ლორია. მე ხომ გადავჩვიე ამ საზიზღარ ჩვეულებას, მუჭობით რომ იყრიდა პირში ნარკოტიკულ აბებს. აქ რომ ჩამობრძანდა, ნარკოტიკებით გატენილი ჩემოდანი ჩამოიტანა და ნავართვი. ილანძღებოდა, მაგრამ ბოლოს შეეგუა. კაცად ვაქციე და ვისხენი სამარცხვინო სიკვდილისგან. მადლობას იმით მიხდის, რომ მლანძღავს და მიჩივის.

გერინგი ნაციტური გერმანიის დიდკაცთა შორის იმით გამოირჩეოდა, რომ ფერწერა უყვარდა და ენადა მოხვეჭა სურათების ისეთი კოლექციისა, რომელიც გააჯიბრებოდა ლუვრისა თუ პრადოს საგანძურებს. მისი საგანგებო რწმუნებულნი დაძრწოდნენ ოკუპირებული ევროპის ქალაქებში და უხვ მოსავალს იპოვნენ გერინგისათვის. როდესაც მონონებული სურათის კონფისკაცია ვერ ხერხდებოდა, მფლობელს გაცვლას სთავაზობდნენ. გერინგი გულუხვობას იჩენდა ანუ ერთში ათს იხდიდა. ვან დეიკის, ვერმერის, რუბენის შედეგებში — თანამედროვე გერმანული ფერწერის ნიმუშები (თქვენთვის რომ ეჩუქებინათ, არაფრით არ იჩუქებდით).

სპეციალური მატარებელი ფელდმარშალ გერინგისა შედგებოდა 25 ვაგონისგან და განუწყვეტილად ივსებოდა ფასდაუდებელი ტილოებით.

ნიურნბერგში მორცხვად აცხადებდა: „ერთადერთი ბნელი ლაქა ჩემს ბიოგრაფიაში — კოლექციონერის ვნებაა. მენადა ხელთ მეგდო ყველაფერი, რაც მშვენიერი იყო. მდარე ადამიანები ამას ვერ გაიგებენ“.

ბობოლა ბანკირი იალმარ შახტი, მთავარი დამფინანსებელი ჰიტლერისა, ასე აფასებდა თავის თანამებრძოლს: „გერინგი დაბადებულია დამნაშავედ. გული მერევა, რომ ვუყურებ. ქურდობა, გარკვეული აზრით, მკვლევრობაზე უარესიც კი არის. შეიძლება გავუყო ადამიანს, აფეტლისას მკვლელობა რომ ჩაუდენია, მაგრამ ქურდობა... ღმერთო ჩემო, ქურდები და ყაჩაღები მართავდნენ ჩვენს ბედკრულ ქვეყანას“.

ჰიტლერის პირადი არქიტექტორის ალბერტ შპეერის სიტყვით, ნაციტებმა, რომლებიც ცალ-ცალი კალოშით მოვიდნენ ხელისუფლებაში, მყისვე დაიწყეს ძარცვა მარჯვნივ და მარცხნივ. ამას ამბობდნენ ბრალდებულნი.

ბრალმდებელნი რალას ამბობდნენ?

ყველაზე ეფექტური შეიძლება ვუნოლოთ მთავარი ამერიკელი ბრალმდებლის რობერტ ჯექსონის გამოსვლას, ასისტენტად თვით უილიამ შექსპირი რომ მოიხმო:

„ისინი დგანან ამ სამსჯავროს წინაშე მსგავსად იმისა, როგორც იდგა სისხლში მოსვრილი ჰერცოგი გლოსტერი [მოშავალი რიჩარდ III] მის მიერ მოკლული მეფის ცხედართან და ვეფერებოდა ქვრივს, ისევე როგორც ესენი გვევდრებიან: „თქვი, რომ მე არ მომიკლავს“. და დედოფალი პასუხობდა: „მამინე შენა თქვი, რომ ისინი არ მოუკლავთ. მაგრამ ისინი მოკლულნი არიან შენი ხელით, სატანის მონაჲ!“ და თუკი ჩვენ ამ ბრალდებულთ უდანაშაულოებად მივიჩნევთ, იმავე საფუძველზე უნდა ვთქვათ, რომ არ ყოფილა ომი, არ ყოფილა მკვლელობანი, არავის ჩაუდენია დანაშაული!“

უმარტივესი სიმართლითა და გენიალური უბრალოებით შემოსილი ტექსტი შექსპირისა არაფრით ჩამოუვარდებოდა უტყუარ მტკიცებულებათა ოკეანეს.

მგლები და ძაღლები

დიდებულ უნგრელ პოეტს შანდორ პეტფის, რომელიც გრიგოლ აბაშიძემ საუცხოოდ აამეტყველა ქართულ ენაზე და ლამის ჩვენთანად აქცია, მოეპოვება ორი ლექსი, ერთიმეორის გვერდგვერდ რომ იბეჭდება ხოლმე პოეტის კრებულებში; ერთს ჰქვია „მგლების სიმღერა“, მეორეს — „ძაღლების სიმღერა“.

ორივე ლექსი ერთნაირად იწყება და ბუნების ჩვეულ ცელქობას გვამცნობს: „ცაში ტრიალებს ბუქი, ქარი გიჟივით დაჰქრის, მოდის თოვლი და წვიმა — ორი ტყუპი ძმა ზამთრის“.

ამას მოსდევს, ცხადია, განსხვავებანი და მერე როგორი! მგლებს უკაცრიელ სტეპში ბუჩქიც არსად ელანდებათ თავის შესაფარებლად, ფერდებს ულენავთ სასტიკი სუსხი და მუცლებს უნგრევთ შიშილი. ღმუიან და უძლებენ, თუმცა აგერ ჩნდება მესამე, ყველაზე დაუნდობელი მტერი — ადამიანი თოვით ხელში და თეთრ თოვლს ნითლად ლებავს მგლის სისხლი.

მაგრამ, მიუხედავად ზემოთქმულისა, ისინი ამაყად გვაუწყებენ: „გვცივა, გვშიან და ვუძლებთ, ერთიანი ვჯობივართ მრავალთ: ყმად არ ვეკუთვნით არვის, თავისუფალნი დავალთ“.

ძაღლები რაღას მღერაინ?

ძაღლებს არც ქარი აფიქრებთ, არც სარჩოს შოვნა ედარდებათ. ბატონის თბილ ბუხართან ნებივრობენ და ბატონის სუფრიდან მუდამ ერგებათ ნასუფრალი. მართალია ხანდახან მწვავე შოლტი ზურგს აუნვავთ, მაგრამ... „ბატონს გაუფლის რისხვა, მისვლას გვანიშნებს მშვიდად, ფეხებს ვულოკავთ ენით, ბედნიერი ვართ დიდადი!“

აი, ასე დაუხატავს უნგრელ პოეტს ორი, ერთმანეთისგან მკვეთრად განსხვავებული და ერთმანეთს გამიჯნული, სამყარო — მგლებისა და ძაღლებისა.

რა თქმა უნდა, ეს ორი ლექსი ზოოლოგიის სახელმძღვანელოდ არ გამოდგება და წმინდა წყლის ალეგორიას წარმოადგენს, მაგრამ ალეგორიაც ხომ თავისი ფესვებიდან საზრდოობს, ჭერიდან ხომ არ ჩამოფრენილი, და ცხოვრებისეული სინამდვილე ამ შემთხვევაში ეწინააღმდეგება პოეზიას.

მარტვიად რომ ვთქვათ, მგელი დაუმსახურებლად არის აღზევებულ-განდიდებული და ძალლი, ასევე დაუმსახურებლად, დაკინებული და გაათათხული.

აბა გლებისა თუ მეცხვარისათვის ეკითხა პეტეფის მგლისა და ძაღლის ამბავი, რა პასუხი მიიღებდა. რომელი მათგანი გაიზიარებდა პოეტის მიერ გამოთქმულ ხოტბას იმ მგლის მისამართით, მთელ ფარას რომ დაერევა ხოლმე ორიოდ ლუკმის შესაჭმელად და ტყუილ-უბრალოდ ყელს გამოუღადრავს ცხვრების ბატალიონს.

ესეც თქვენი თავისუფლება და თავისუფლების ტრფიალი მგელი! პოეზია, რომელსაც სჩვევია მოწყვეტა მინისგან და ლტოლვა ცისკენ, ერთს ამბობს, და ცხოვრება — მეორეს. ტომებია დაწერილი იმ სამსახურზე, ძაღლს რომ გაუწყევია ადამიანისათვის. შევიცარიაში ძველიც კი დაუდგეს სენ-ბერნარის ჯიშის ძაღლს, ალპებში ათასობით ადამიანის გადარჩენის გამო.

მაგრამ სანუკვარ თავისუფლებას დანატრებული პოეტი სიყვარულით შეპყრობებს მგლებს — თავისუფლების ბაირახტრებად რომ წარმოუდგენია.

თავისი მტრები კი ზოგს ესახება ძაღლებად, ზოგსაც — მგლებად. კაცია და გუნებაო, როგორც ბრძანებს ბრძნული ქართული ანდაზა.

...1966 წლის გაზაფხულზე საქართველოს მწერალთა კავშირში, მაჩაბლის ქუჩის ცამეტ ნომერში, სამდღიანი დისკუსია მიედგინა პავლე ინგოროყვას მონოგრაფიის („შოთა რუსთაველი“) განხილვას. ისტორიკოსები, ლიტერატორები, ფილოლოგები, ფილოსოფოსები, ფსიქოლოგები, ბიოლოგები, კარდიოლოგები და ა.შ. — ყველა თავისი სამრეკლოდან უტყვევდა. ღვანდომოსილი მკვლევარი კი მშვიდად უსმენდა ყველას და ფანქარს ამოძრავებდა ქალაღზე. სხდომის თავმჯდომარე ცნობისმოყვარეობამ შეიპყრო, ნეტავი რასა წერსო — ალბათ გამომსვლელთა თეზისებს იწერს, მერე ანგარიში რომ გაუსწოროსო. ვეღარ მოითმინა და ცალი თვალი გააპარა გვერდით მჯდომისკენ. თურმე ძაღლებს ხატავდა, ძაღლებად შეერაცხა თავდამსხმელნი.

ახლა მაჩაბლის ქუჩიდან გადავფრინდეთ პირდაპირ წითელ მთედანზე და თავი ამოვყოთ იმ ოხერ-ტიალ კრემლში!

1941 წლის შემოდგომაზე, როდესაც გერმანელებს ერთი ნაბიჯილა რჩებოდათ მოსკოვამდე, სტალინმა კრემლში მიიღო აშშ პრეზიდენტის ფრანკლინ დელანო რუზველტის პირადი წარმომადგენელი ავერელ ჰარიმანი, რომელიც თავის მემუარებში, სხვათა შორის, აღნიშნავს, რომ მასთან საუბრისას სტალინი ანგარიშმიუცემლად ქალაღზე ხატავდა მგლებს.

ალბათ იმავე ჰარიმანს უნდა ეკუთვნოდეს ანალოგიური დაკვირვება, რომელსაც გვამცნობს ინგლისელი მკვლევარი საიმონ მონტეფიორე თავის წიგნში „სტალინი“. 1943 წლის ნოემბერში „დიდი სამეულის“ შეხვედრაზე თეირანში სტალინი გამუდმებით ეწოდა თამბაქოს და თავის ბლოკნოტში წითელი ფანქრით მგლის თავებს ხატავდაო.

და კიდევ ერთი ამერიკელი დავიმონწიოთ. ჩარლზ ბოლენი, რომელიც 1947 წლის მარტში თარჯიმნობას უწევდა მოსკოვში ჩაბრძანებულ აშშ სახელმწიფო მდივანს ჯორჯ მარშალს, გვაუწყებს, რომ „სტალინი წითელი ფანქრით მაშინაღურად ხატავდა მგლის თავებს“.

როგორც ირკვევა, მგლების გამოსახვა სიკვდილამდე არ მოუშლია. ცნობილი ამერიკელი ჟურნალისტი ჰარისონ სოლზბერი თავის მემუარებში იმონებს ინდოეთის ელჩს მენონს, რომელსაც 1953 წლის თებერვალში შეხვედრა ჰქონია სტალინთან.

მენონის სიტყვით, საუბრისას სტალინი თავის ბლოკნოტში წითელი ფანქრით ხატავდა მგლებს (დახეთ, ისევე წითელი ფანქარი! ფანქრებზე სისხლისფერი უყვარდა!!!).

სტალინს მენონისთვის უთქვამს: რუსმა გლეხებმა მშვენივრად იცოდნენ, თუ როგორ უნდა მოექცე მგლებს, ისინი უნდა მოსპოო.

მენონს ეს სიტყვები თურმე ეუცნაურა, სოლზბერის — ძაან ეუცნაურა.

სახელგანთქმული სოვეტოლოგის აბდურაჰმან ავტორხანოვის მიხედვით, სტალინი მენონს ეუბნება: რუსი გლეხები ბრძნულად იქცევიან, როდესაც ცოფიან მგლებს სპობენო (ოდნავ განსხვავდება სოლზბერის ვერსიისგან).

ავტორხანოვის მოსაზრებით, სტალინი ამას რომ ამბობდა, თითქოსდა გულისხმობდა „ცოფიან მგლებს“ პოლიტიბიუროდან.

როგორც ბოლო ხანებში ამტკიცებენ, სწორედ პოლიტიბიუროს წევრთა ცნობილმა დაჯგუფებამ გამოასალმა წუთისოფელს კრემლის მბრძანებელი.

საქართველოს ფოლკლორის ეროვნულ ცენტრში გამომცემლობა „ინტელექტის“ თაოსნობით გაიმართა წარდგინება **ამირან არაბულის** ახალი წიგნისა „სულუქცევრად საკითხავნი“, რომელიც „ჩანაწერების“ პროექტით გამოვიდა.

„სულუქცევარი“ სულმოუთქმელის ხევსურული შესატყვისია და წიგნიც ამ ყაიდაზეა აგებული: მცირე ფორმის ესეისტური თუ მხატვრულ-დოკუმენტური ჩანახატები, სხარტ და ექსპრესიულ სადინარში მიშვებული ფიქრები და განსჯანი, გამოწვეული ცხოვრებისეული და ლიტერატურული დაკვირვებებით, ღრმა და მახვილგონივრული ანალიზი ყოველთვის ორიგინალური კუთხიდან რომ შეახედებს მკითხველს ამა თუ იმ მოვლენასა თუ პიროვნებას. განსაკუთრებით მაინც ხევსურეთის, საერთოდ, ჩვენი მთიანეთის ბედისწერის ერთი ნატეხია სულუქცევრად საკითხავთა ეს ციკლი.

ცნობილი ფოლკლორისტი და ლიტერატურის მკვლევარი ახლა ამ განსხვავებული მხრიდანაც წარმოდგა, როგორც მხატვრულ-დოკუმენტური პროზის ოსტატი.

სალამო შესავალი სიტყვით გახსნა და უძღვებოდა **როსტომ ჩხეიძე**, ვინც ეს წიგნი ამ შესანიშნავი სერიის სრულუფლებიან მონაწილედ შერაცხა.

კრებულის მხატვრულ ღირსებებზე, მის ენობრივ გამომსახველობაზე ისაუბრეს: ამ საგამომცემლო პროექტის ავტორმა **ზვიად კვარაცხელიამ**, წიგნის რედაქტორმა **იოსებ ჭუმბურიძემ**, მარიამ ნიკლაურმა, ნონა კუპრეიშვილმა, ოთარ ჯანელიძემ, მიხო მოსულიშვილმა, მზუგ გოგოჭურმა, მექა ხანგოშვილმა, ტრისტან მანაურმა, ზაზა აბზიანიძემ, რომელთაც დაადასტურეს, რომ ამირან არაბულის დებიუტი ამ ჟანრში საკმაოდ წარმატებულია და კვლავაც უნდა გააგრძელოს ეს ციკლი.

ფოლკლორულმა გუნდმა „ლაშარი“, გიორგი უშიკიშვილის ხელმძღვანელობით, შეასრულა ხალხური სიმღერა „წინწყარო“, ხოლო გუნდის ერთ-ერთმა წევრმა **თორნიკე სხიერელმა** საგანგებოდ შეაჩინა სიმღერა „ამირანის“ ციკლიდან — მისი რაჭული ვარიანტი.